

ქ ქაკთულნი ქ
საყვესვილთ
სიბუკასტუკის
ქ გიგლოთიქა ქ

თელთ კვნიკვილი

თხზულეგაწი

ან ჯგომარ

თბილისი 1972

† ქართული †
საყვანო ქართული
ლიტერატურის
† ბიბლიოთეკა †

თქმის საყვანო ქართული

გოთიკური

გოთიკური
II

«-საყვანო ქართული»

Г 1
899.962.1-93
რ 173

7-6-4

გამოსაცემად მოამზადა
ს ო ლ ო მ ო ნ ე ზ ბ ა ნ ე ი შ ვ ი ლ შ ა

ს ა რ ე დ ა ქ ტ ი ო კ ო ლ ე გ ი ა :

რეეაზ ინანიშვილი, ნიკო კეცხოველი,
დავით ლორთქიფანიძე, კონსტანტინე
ლორთქიფანიძე (მთავარი რედაქტო-
რი), მაყვალა მრეელიშვილი, არჩილ
ჩაჩიბაია, ვალენტინა ძიძიგური

ჩარგლის წმინდა გიორგის ეკლესიის 1869 წლის წიგნებში სწერია: მთავარდიაკონს პაულე რაზიკაშვილს და მის მეუღლე ბარბალეს (გულქანს) ეყოლათ ეჟი თევდორე, დაიბადა 1-ლ ნოემბერს და მოინათლა მ-საო, მაგრამ დედაჩემი იტყოდა: იმოდენა მოვანათლეთ, რომ საწყალმა შენმა ნათლია დეკანოზმა ემბაზში ვერ დაეყენა, ფესები ვერ მოგაკაკინა, რო წყალში ჩაეყენო, მკათათეეში მეყოლდე, მაგრამ მონათელაში სხვანაირად დაუწერინბარო.

კარგა მახსოვს, როცა ძუძუს ვწოდდი ისევე, უკვე მეხუთე წელში ვიყავი, ხბორებში მეზაენილენე, მაგრამ სანამ დედა ძუძუს არ მომაწოვებდა, არ წაგიდოდი ხოლმე. ძმის შემატება (ჩემზე უმცროსი ძმა ალექსანდრე 5 წლითაა ჩემზედ პატარა) მაშინ გავიგე, რომ ჩემს ძუძუს ხვედარავეთ ბიჭი მისჯდომოდა და მე ცარიელი გამოსტუმრეს, აბა შენ რო მოსწოეო, შენს ძმას რაღა ეშველებო — და შეეც ეს საბუთი საკმაოდ ჩავთვალე, რომ ძუძუ აღარ მომეკოთხა.

უკვე ექვსი წლისა ჩარგლის სკოლაში დაეიარებოდი, მაგრამ ვაკეთებდი რასმეს თუ არა, ეს იქიდან სჩანს, რომ ვერთხელ, როცა სტრელეკი სკოლების დირექტორად იყო, მოვიდა სკოლების დასათელიერებლად, შეგირდებს პატარ-პატარა წიგნები და სურათები დაურიგა სწავლის ვათაეების შემდეგ, მე როცა ვამომეღვიძა, თურმე პარტაზედ დამძინებოდა, წინ ტახტის მემკვიდრის სურათი მეღვა, მკონი ალექსანდრე III-სა თუ უფროსი ძმისა. სტრელეკის სახე აქნობამდე თვალწინ მიდგა. გრძელ რიჟა ვაკივით აცანცარებდა თავს, თითქო ბუზები დაჰსევიანო, ისე აქნევდა.

ქართული წერა-კითხვა ჩემმა ძმამ ნიკომ¹ მასწავლა. პირველად ძალიან შიშობდა. მერე-კი ძალიან კარგა ესწავლობდი, რადგან ორი კვირის ვაკეეთილებს წინდაწინვე ზეპირად ესწავლობდით მე და ჩემი ამხანაგი კარატიელი. მესამე განყოფილებაში გადამიყვანეს და დაიკეტა კიდევ ჩარგლის სკოლა. ჩემი მასწავლებელი ამ სკოლაში დათიკო როსტომაშვილი იყო, ესლა თელავის სამხედრო საკრებულოს საქმისმწარმოებლად არის. ამის გადაყვანის შემდეგ ილიკო მათიკაშვილი დანიშნეს. ესეც მალე წაეიდა, სულ რაღაც ერთი წლის განმავლობაში, და რუსი ანისიმოვი დანიშნეს. მაგრამ ამას შეგირდები თვალთაც არ უნახია. ქართულის უცოდნელ მასწავლებელს ხალხმა ბოიკოტი გამოუტყხა და, შეიღები აღარ გაგზავნეს სკოლაში. მოთავე, რასაკვირველია, მამაჩემი იყო. მთავრობა ადგა და დაკეტა სკოლა. არც იმდენი შეეძლო მამაჩემს, რო სადმე. გავეცხავე. ჯერ ნიკოც (ბაჩანა) მეონი შიო დაეიდოეთან იყო მაშინ. რაკი შეძლება არა გეკონდა, ნიკო ბიჭვიით ემსახურებოდა შიოს და სამაგიეროდ ნახევრად კუჭს უძღობდნენ და სკოლაში ატარებდნენ. მამაჩემი კი, რასაც შოულობდა და პოულობდა, სულ გიორგის უგზავნიდა, ჩემს უფროს ძმას, რომელიც პეტერბურგის უნივერსიტეტში შევიდა თავისუფალ მსმენელად და იქიდან ისეთს იმედებს იწერებოდა, რომ ჩამოსვლისას ტომრებით ჩამოუტანდა ბედნიერებას ყველას, ოღონდ ფული არ მოეკლო და დრო მიეცა სწავლისა.

მაშინ მამაჩემი ხევსურეთში იყო მღვდლად, სულ რაღაც 200—300 მანეთი ჰქონდა ჯამაგირი და სხვა შემოსავალი სამრევლოდან არც კაპიკი, ოუ ქერის ჯინჯილებს არ ჩავთვლით. ამ რგვალ აჭრელებულ ჯინჯილებს კი მოიტანდა ხოლმე ხანდახან.

მახსოვს, ერთხელ შუა ზამთარში წელზედ იდგა თოვლი, წყლები გაყინული იყო და ბუჭულა წისქვილები დამდგარი... მე და დედაჩემმა ზურგიო ბოწახს წავიღეთ დასაფქვევად ქერი. იქ ფშინანზე იყო წისქვილი ამუნებული, არა ჰყინადა. კაი ხნის მშვიერბი ეიყავით. მამაჩემი ხევსურეთში იყო. იქ იმ ბუჭულა წისქვილში ჩამოვფქვით ორიოდე ჯამის ტოლა ფქვილი და წამოვედით. შვიერი ეარ. მეორე დღეა არა მიჭამია რა. სამი-ოთხი ვერსი გვაქვს გასაქვლი. მივდივართ და დედა იმ იმედით მაეიწყებს სიმშვილს, აბა თოვლს და ყინვას ვილა ჩიოდა, მამაშენი მოვიდოდა და მოიტანდა კვერბსაო, ი ხევსურულ ჯინჯილებს. ძლივს მოველოდი, როდის გამოჩნდებოდა ჩენი სახლი, რო გავიგო მოვიდა მამაჩემი

¹ ნიკო — მწერლობაში ბაჩანას ფსევდონიმით არის ცნობილი..

თუ არა-შეთქი. ამას იმით გაეიგებდი, რომ სახლის სარკმელი გაღებული გამოჩნდებოდა მამაჩემის ოთახში. ეს, რაღა გაეავრძელო, ამ ხანებში საშინლად ღარიბად ვცხოვრობდით, ტანზედ ბევრი არა მეცაა რა, შარვალი სულ არა (ზაფხულში 8-9 წლამდე სულ ტიტველი კაჩებით დავდიოდი). ზამთარში კი შემოიკერავენ მსხვილი ჩითისას, აი სპარსული ჩითი ეხლაც იყიდება თათრის ბაზარში. იგეთვე დამატყლული ახალისი, ფეხებზედ ღაზლის წინდები, წინდებს ძირზედ ცხერის ან ხბოს ტყაყი აქონდა გამოკერებული იგრევე ბეწვით; აბა ქალამნებს კი ვინ მადირსებდა. ზაფხულში კი შიშველი ფეხით დავდიოდი ცხეარსა და ძროხებში, ცოტა ისა გუყვანდა და ცოტა ისა.

მახსოვს, ისე დამეყვებოდა ხოლმე ფეხის თითები, რომ ხანჯლით დაჭრილსა აკვანდა. მეჩუ რა ძნელი იყო ამისთანა ფეხებით რიყეებზედ, მაყელიან ნაკაფებში და ახალ ნამკლებში სიარული. რო შობაგონდება, ეხლაც ერუანტელი მიელის ხოლმე ტანში. ზამთარში ისე დამისქდებოდა ხოლმე ხელები, თითქო დანით დაუჭრიათო.

სანამ მკასა და თიბეას შევიძლებდი, საქონელში დავდიოდი, მეჩუ კი ყველა გლეხურ საქმეს [ეაყებდნი], თივის დროს კი სულ ტყესა და წყალში ვიჯექი.

ისე გავიზარდე, რომ წითელი კიტაიას ახალუსი მენატრებოდა და ვერ ვეღირსე. ჩუსტი ხო თავის დღეში არ გვიანახია. ერთხელ კი მამაჩემმა წითელ ყელიან ხარაზულა წულეები მოგვიტანა. ფეხი არ ჩამდიოდა, ძან პატარები იყო და ისე გულით მენატრებოდა იმათი ჩაცმა. როგორც იყო ჩაიცივი, მავრამ ისე მიჭერდნენ, რომ ქუსლები სულ ჩამაგლიჯეს და მთელ ერთ ზაფხულს სულა მტკიოდა.

ორი წელიწადი დავრჩი უსწავლელი, თითქმის გადამაეიწყდა, რაც ვისწავლე. ქართულს კი აბა რას დავეიწყებდი. ერთ ზამთარ საქართველოს ისტორია გადაეწერე. ეს წიგნი თვედორე მღვდელს ეკუთვნოდა, მამაჩემს ეთხოვნა და რადგან ძველი გამოცემა იყო, ტყაყის ყდა აქონდა, და ვასაყიდად არსად იპოვებოდა, მამაჩემმა შემოიკეთა გადაშიწერე, სხვა საქმეებიდან გამანთავისუფლა და ჩაუჯექ ამ წიგნს. ზამთრის სიცივეში ჩავდიოდი სკოლის ოთახში და იქა ვწერდი. მაშინ უკვე დაკეტილი იყო. მამაჩემმა დიდად ისიამოვნა, როცა მოერჩი და ეხლაც მახსოვს, უჩენებდა ხოლმე ვინც მოუვიდოდა იმისთანა ვინმე, ვისაც წერისა გაეგებოდა რამე, ეს ჩემმა თვედორემ გადასწერათ. პირველად მაშინ წაეკითხე საქართველოს ისტორია. სკოლაში კი აბა რას გვასწავლიდნენ, მართო წერა-კითხვა გვასწავლეს, ის იყო და ის, მორჩა და გათაუდა. მეჩუ სულ რუსულად გვასწავლიდნენ. სამლო წერილს და ლოცვებ-

საც კი არ გეასწავლიდნენ ქართულად და ბოლოს ხანობამდე სულაც არ ეიცოდი ქართული ლოცვები და მგონი ორ სამ ლოცვას გარდა არც ახლა ვიცი. ახლა რუსულადაც როგორ გეასწავლიდნენ, გაგვიკეთებდნენ აქედან აქამდე უნდა ისწავლოვო და მეც ვიცოდი ზებიარად. თუ როგორ გვიხსნიდნენ რუსულს, ერთს მაგალითს მოვიყვან. „როდნოე სლოვოშია“ ერთი მოთხრობა „უშიე აბაქდათ“, მასწავლებელმა ავეიხსნა: „მოთმინება კაი საქონელია“. ახლა მე ვფიქრობდი ხოლმე, „უშიე“ — მოთმინება იქნება და „აბაქდათ“ კაიო. ე საქონელი როგორღაა რუსულადაო. ვიმტერევედი თავსა. მასწავლებელს როგორა კვითხავედი, ეს კრიტიკა გამოვიდოდა და კარგად მივიტყვიებოდი.

ორი წლის მოცდენის შემდეგ ჩემმა ძმამ ლუკამ (ანუ ვაჟამ) წამიყვანა ტოლათ სოფელში, სადაც ის ახლად დანიშნეს მასწავლებლად. ეს მგონი 1882 წ. იყო.

აქ მოგვივიდა „ბუნების კარები“. ლუკა აქ ძალიანად გეასწავლიდა ქართულს. თვითონ მაშინ ლექსებს წერდა და მე მიკითხავდა ხოლმე. მე, რასაკვირველია, ძალიან მომწონდა ეს ლექსები, სულ ზებიარად ვიცოდი, გადაწერილიცა მქონდა. ეს ლექსები, როგორც მახსოვს, დიდი ღირსებისა არ იყო, მაგრამ ჩემი ძმის დაწერილები იყვნენ და როგორ არ მოვიწონებდი. მაშინ ჯერ ხალხურ კილოზედ არა სწერდა. ნიმუში მაშინდელი ლექსებისა „იმედშია“ დაბეჭდილი. ლ. რ-ზ-კ-შ-ლი. აწერია. მერე ხომ ნიკომაყ დაიწყო წერა ხალხურ კილოზედ 1884-5 წლებში, როცა ისევე სემინარიისში სწავლობდა. ამის შემდეგ კილო ვაჟამაც შეიცვალა.

ლუკასთან სულ ერთი წელიწადი დავყავე, რადგან მაისში დარსკი¹ სკოლის სარევიზიოდ და ლუკას გამოსასიებლად [მოვიდა]. იქაურს მღვდელს აღნუევს დაებეზლა, „ნილილისტი“ და „სოცილისტი“.

მახსოვს, ლუკამ კლასში არ შეუშვა ღირექტორი, სანამ იმ ქალღელს არ მიჩვენებთ, რა ბრალსაც მღებთო. ამას ის მოჰყვამ, რომ ლუკა ადვილიდან დაითხოვეს.

ეს წელიწადი ჩემთიან დიდი ნაყოფიერი იყო. უკვე მეცამეტე წელში ვიყავი. თბილად მეცეა, კარგადა ვვამდი, საქმე არა მქონდა რა. მთელი ღამეები წიგნების კითხვას ეუნდებოდი. წინათაც ბევრი მქონდა წაკითხული ქართული წიგნები, რადგან მამაჩემი გამოსულ წიგნს უეჭვილად იყიდდა, და დიდი დღესასწაულიც იყო იმისთვის ქართული წიგნის გამოსელა. ახირებული მოყვარული იყო სამშობლო

¹ დარსკი — სკოლების ინსპექტორი.

ქვეყნისა და მისი მწიგნობრობისა. ვინც იმის მიჯვებობას გაიგონებდა, იფიქრებდა, ყოველ მსრივ განათლებულ და ღრმად განსწავლულ მეცნიერთანა მაქვს საქმე და არა უბრალო სოფლის მღვდელთანა. აჲი არც არავინ ვისურვეთ სასულიერო წოდებაში დარჩენა

ჩემს ძმას¹ გაზეთებიც მოსდიოდა და ამან ხომ სულ გადამარია: როგორც მწყურვალე წყალს, ისე ვეწათეზოდი წიგნებს და გაზეთებს, არ გაიზიჟია მას აქეთ გადუწერაფი, სადაც რომ ლექსი დაბეჭდილა, ან პოემა ჩვენი პოეტებისა. ეს რვეულები ეხლაც ისევია მაქვს შენასული და თითქმის 1890 წლამდე უღწევს. ამჟამად ნიკოც სახემწიფოდ მიიღეს, ლ უ კ ა ზ ე და ც აღარა ეხარჯებოდა რა მამაჩემს და ჩვენი შინაური საქმეები ცოტა გამოკეთდა. მუცელი ვაგვიძლა.

ჩემივინაც მოიცილა მამაჩემმა. ამ წლის მარიაშობის თვეში გორში გამატანა ნიკოს. იქ ეგზამენი დაიჭირე სემინარიასთან არსებულ რუსების სკოლის უკანასკნელ განყოფილებაში. სახლის პატრონს თუმანს ვაძლეედი თვეში და ტანისამოსისათვის ფული აღარა მქონდა. მიიღი ზამთარი დაგლეჯილი ჩუსტებით და საზაფხულო ჩითის ბლუზით დაეიარებოდი. ასლა სახლის პატრონიც კვახე კომშით გვიმასპინძლობდა, ვეღარ ავიტანე, დამაწყებინა ციება და მთელი რვა თვე მაცია. წაშლის ფულიც არა მქონდა, ჩემი ძმა თავის სახელზედ არომეედა სემინარიის აფთიაქიდან წამლებს და იმას მასმეედა. ბოლოს როგორც იყო მოვიშორე, მაგრამ ძალიან დამაძაბუნა და მომაცდინა. მაინც სემინარიის უფროს მოსამზადებელ კლასში დაიჭირე ეგზამენი. ესლა იმედი იყო, რომ წინ წავიდოდი და სახელმწიფოდაც მიმიღებდნენ შემდეგ კლასებიდან, თუ კარგად ვისწავლიდი. იმ ზამთარისაც ბეერი სიცივე ეიგემე, სამაგიეროდ სახლის პატრონს თვეში 7 მინეთის მეტს აღარ ვაძლეედი. თან ჩემი ძმის ამხანაგმა კაჩარლინსკიმ (თათარმა) (ესლა იმავე სემინარიაში სამლოო წერილს და თათრულ ენას ასწავლის) ერთი სიძველით გაშწავანებული პალტო მანუქა. სწორედ ვაზაფხულზედ რომ მწვანე ვიყო ამოვა, ისეთი იყო და თან ფეხებამდე მეთრეოდა. უიჭველია თავიდან ფეხებამდე მწვანე პალტოს ძველში ვასეეული, სასაცილო რამ ვიქნებოდი, მაგრამ ამას ვინა ჩიოდა, თუ ზურგი თბილად მექნებოდა.

ჩემი ძმა ამ წელს ათაეებდა, ბედად იანვრის შემდეგ ნიკოს ახალი პალტო შეუყვრა სემინარიის მთავრობამ. მე, ძმაო, საზამთრო ბლუზითაც კარგად ვამოვალ იოლასაო, და თავისი ჯერ ჩაუტმეღია

¹ ჩემი ძმა — ივლინსებმა ვაჟა-ფშაველა.

პალტო მე გადმომიფეშქაშა. ამ კლასიდან უფროს მოსამზადებელში გადაველ და მიმიღეს კიდევ სახელმწიფო ზარჯუნად¹. ნიკოს მოცემული პალტო ახლა მე ჩემს ძმობილს შიოს (მ დ ე ი მ ე ლ ს) გადავულოცე. არც ის იყო ჩემზე კაი ღლეში. სემინარია გავათავე 1889 წელში. არსად კლასში არ დაემჩინაღვარ, უეცრამენოდ გადავდიოდი პირველ კლასის შემდეგ და გაათავებთაჲ პირველმა საუკეთესო მოწაფედ გავათავე.

ერთ წელიწადს უადგილოდ დაერჩი, რადგან დ ა რ ს კ ი მ, რო ვათავებდით, მაშინვე გამოიმცხადა, შეს ადგილს ვერ მოვცემი, აქვენი ისეთი გეარისა ხართო.

1890 წელს ქართველთა შორის წერა-კითხვის გამავრცელებელ საზოგადოებამ დამნიშნა ხელთუბნის სკოლის მასწავლებლად, სადაც დავეყე 1905 წლის 11 თიბათემდე. ამ რიცხვიდან მთავრობამ დაკეტა სკოლა და მეც დამითხოვეს.

ადმინისტრაციის განკარგულებით 12 ენკენისთვის დამიჭირეს და ოლონეკის გუბერნიაში სამუდამოდ გადასახლება ვადამიწყეიტეს და ვამაგზავრეს კიდევ, საიდანაც მანიუესტის შემდეგ დაებრუნდი. იანერის ოცდასამში ისევ მომიკითხეს, მაგრამ რაკი აღრევე თაჲ ვაჲარიდე, სახლ-კარი დამინგრეის ზარბაზნებით და მერე დაწვეს, ვითომ ამით ამოფხერეს ჩემში მთავრობისადმი მრავალი წლობით ვულში ჩამარხული მძულეარება და ზიზღი.

დედაჩემი მდიდარი ფანტაზიის პატრონი იყო. უბრალო რამე ამბავს ისეთი ამბით, ისეთი ფერადებით შეზავებულს გადმოგვცემდა, რომ ისიბლებოდა მსმენელი. ის რო დევებზედ ან ეშმაკებზედ, მოჯალაფეებზე დაიწყებდა ლაპარაკს, მე სადღაც მოჯადოებულს არა არსთა სამეფოში ვადამიტაცებდა ოცნება და ჩემი თავი თჲით მსანეელ გამგონედ მეჩენებოდა. იცოდა აუარებელი ლექსი და ზღაპარი. ცალკე კაცთა და ქალთა ცხოვრება, ლეგენდები და ამბები ჩვენს მეფეებზედ, უფრო თამარზედ და ერეკლეზედ. წაკითხულ-გაგონილსაც თავის ვემოენებაზე ვადაჲკეთებდა და თავისი დაბალი სასიამოვნო ხმით გვიზუზუნებდა. როცა ვეიამბობდა რამე სამწუხარო ამბავს, თანა ტირიოდა ზოლმეთჲითონ წერა-კითხვა არ იცოდა. იყო ბუნებით პოეტი, საშინელი მშვიდობის მოყვარე და უკიდურესობამდე გულკეთილი და უხვი; მოუღალავე მშრომელი და მოყვარული. იმისი ბიძა პარასკევა იყო განთქმული მოლექსე. ჯერ იმაზე მოლექსეს ფშაჲში არ იტყ-

¹ თედო გორის საოსტატო სემინარიაში მიიღეს 1885 წლის 28 აგვისტოდან.

ვიან. დედაჩემი არ მასხოვს, რომ ჩემს სიცოცხლეში გავგვჯავრობო-
დეს ვისმეს, თუმცა მამაჩემი კი გულუთისი და მრჯავდომი
იყო.

დიდი გავლენა ჰქონდა დედაჩემს ჩემზედ. მერე სულ იმასთან
ვიყავ 16-17 წლამდე. მიღებული გქონდა: ქალები და ბალები
ცალკე ოთახში იყვნენ ხოლმე და კაცები ცალკე. მე სულ დედა-
ჩემთან ვიყავ.

გავლენა ჰქონდა თვით ოჯახსაც. მამაჩემი დიდი თაყვანისმცე-
მელი იყო ჩვენი პოეტ-მწერლებისა, აღმერთებდა საქართველოს,
იმისი სამსახური ყველაზედ უდიდეს მოვალეობად მიაჩნდა. გვიამ-
ბობდა მთების პიროფლიანებზე, აგვიწერდა პოეტურად. იმით
ღვაწლს და გვანატრებდა სამშობლოსათვის თავდადებას. „ვეფხვის
ტყაოსანი“, გურამიშვილის ლექსები, ი. ჭავჭავაძის „ღიმიტრი თაე-
დადებული“ ზეპირად იცოდა. ზეპირად იცოდნენ ჩვენმა ბიძა-
შვილებმაც, რომლებიც მუდამ კვირა იყრიდნენ ჩვენსა თავს, კით-
ხულობდნენ და ზოგიც ფანდურზედ დაჰმღეროდა.

ეს ფანდურის ხმა ახიბლავს კაცს, აჯადოვებს და ატყვევებს,
აღვიძებს გულში გრძნობათა ცეცხლს, თუკი სულ გაპირუტყვებუ-
ლი არ არის კაცი. და როცა ისმენ დიდებული კაცის სიტყვებს,
ისეთი აღტაცებით და მოწიწებით ფანდურზედ დანამღერს, შენც
წაგძლეჯ ოცნება და იმ დიდებულთან სახელის ვანაწილებას გა-
ნატრებს.

მე სულაც არა ვუიქრობდი მწერლობას. მე ვამბობდი, პოე-
ტებად ჩემი ძმებიც კმარან, თუკი კარგს რასმე შესძლენიან სამშობ-
ლოს-მეთქი. მე ისეთს [კარგს] ვერაფერს დაეწერ, რომ მართლა
ღირდეს და დაწერილები კიდევ იმდენია სხვა ერების ენაზედ, რომ
ისინი გადმოვთარგმნოთ, იმაზე კარგს რას გავაკეთებთ-მეთქი. ავ-
რეთვე მიყვავ ხელი ჩალხური ნაწარმოების შეკრებას, შეეკრიბე
3 000-ზე მეტი ლექსი, 200-ზე მეტი ზღაპარი და ლექანდა, მრავა-
ლი ცრუმორწმუნოებანი და შელოცვანი, ანდაზები და ვამოცანე-
ბი. ეს ამოდენა შრომა ჯერაც ქ. წიგ. გამომ. ამხანაგობასთან ყრია
გამოუცემელი თითქმის 17 წ.

თუმცა არა ვფიქრობდი მწერლობას, მაგრამ ისე მწამდა მწერ-
ლობის ღვაწლი სამშობლოს წინაშე, რომ ოჯახის გავლენას დაე-
მატა მეტად სიმატიური გავლენა ჩვენი ქართული ენის მასწავლებ-
ლის ნ. ლ. მ. ო. უ. რ. ის. ა. ამასზედ მეტი საკეთილო გავლენა არა
მგონია კაცმა კაცზედ იქონიოს. ჩემი ევლური ბუნება ამისმა ღეთი-
ურმა მოქცევამ დააღბო და გააბატონა. სურვილი სამშობლო ლი-
ტერატურისათვის სამსახურისა იმან გამოიორკეცა. დღეს უკვე ვაჟ-
კაცი და ჭაღარაშერთული იმავე მოწიწებას ვგრძნობ ამ ჩემთვის
წმინდა კაცის მიმართ.

მოთხრობების წერა სწორედ ნ. ლომიურმა დამაწყებინა და ძალიანაც მახალისებდა და მაქებდა. პირველად დაეწერე ლექსი „მწყემსის სიმღერა“ 1886 წელსა. ამ წელშივე დაეწერე „ნიბლიაც“, დაიბეჭდა კაი ხნის შემდეგ. პირველად ჩემი ლექსი „გუთნის დედის სიმღერა“ „ჯეჯილში“ დაიბეჭდა 1890 წელსა. ჩემი ზღაპარი „როსტომი“, ნაწყვეტი, „სიტყვიერების თეორიაში“ ნიმუშად შეტანილი, 1887 წელს დაიბეჭდა „ივერიაში“.

საზოგადოდ „ივერია“ ლექსებს არ გვიბეჭდავდა მოწაფეებს. სწერდა მეთაურში: „ჯერ ისევ სწავლობთ და თქვენ სხვას რა უნდა ასწავლოთ“...

თედო რაზიკაშვილი

ხევსური შიშია განთქმულ მონადირედ ითვლებოდა. იმისი გაუვალი მთა აღარსად იყო. გუდამაყრის ჩონჩხები, ხევსურეთის მთების კუდები და თვით გერგეტიც მოვლილი ჰქონდა. იმისგან შეწირული ჯიბვისა და კლდის ვაცის ადლიანი რქები ხახმატისა¹ და გუდანის-ჯვრის¹ იფნებზე ეკიდა და სალუდეს ყორის კედლებზე იყო ჩამწყვრივებული. ეს ხატისათვის მირთმეული ძღვენი იყო მადლობის ნიშნად და ქრთამადაც შიშისაგან, რომ საკვლავოდაც მოემართა ხელი. ერთი „არწივისმალალი“² ჰქონდა გულში ჯავრად ჩაყოლილი. იმის წვერზე ჯერ კაცს ფეხი არ დაედგა. მხოლოდ შორიდან შესცქეროდნენ ხევსურები შურითა. იმის წვერზე აუარებელი იარაღი და ზინათი ეგულებოდათ, არწივებისგან მიზიდული. იქა ბუდობდნენ ეს მთის ამაყი შვილებიც და ბლარტებსაც იქა ზრდიდნენ გულმოსვენებულები, რომ კაცი იქ ვერ მიუდგებოდა. აქ იყო იმათი სასხდომი და სალხინო ადგილი. იქიდან დასცქეროდნენ მთელს ხევსურეთს და ხევგუდამაყარს ამაყი თვალით და ათვალეირებდნენ თავის საკბილო ლუქმასა.

თვითონ „არწივისმალალმა“ თოვლი არ იცოდა, რადგან ზედ იმდენი სწორე ადგილი არ მოიპოვებოდა, რომ თოვლი დაედო და დამ-

1. სოფლებია ხევსურეთში.

2 მიუღვამელი კლდის ჩონჩხია ხევსურეთში და მთის სახელიცაა.

დგარიყო. მთის ძლიერი ქარი ხელად გადაფხვკდა თოვლს და რაც დარჩებოდა, იმასაც მზის სხივები ჩამოადნობდნენ ხოლმე, ჯერ ლოლუებად დაეკიდებოდა და მერე კლდის ნაპრალებში იკარგებოდა. ქვებში ამომძვრალი ქუჩი აღარა კვდებოდა, ზღარბივით ეყუნტა კლდის ნახეთქებში. შავი ქვები არწივებისა და სვაეების სკინტლით იყო თეთრად ჩამოთხაპნული. ეს იყო ადამიანის ფეხისგან შეულახველი ადგილი და ბევრ ხეესურის ვაჟსაც ენატრებოდა იქ ასვლა. იცოდნენ, რომ იმისთანა ვაჟზე ხეესურის ქალებიც კი ლექსს გამოთქვამდნენ. იმისი ქების ხმა მთელ მთას შემოივლიდა და მერე შვილიშვილს გადაეცემოდა.

შიშისას ბევრჯერ ეჩვენებოდა სიზმარში „არწივისმალალი“, ოცნებობდა, როცა ის იქ ავიდოდა, როგორ აიშლებოდნენ არწივები და შეშინებულები თავზე დაუწყებდნენ ტრიალს და ყეფას. როგორ იპოვიდა იქ უპატრონოდ დახოცილ ვაჟკაცების იარაღსა და მარჯნებს ფრინველებისაგან ატანილსა. ქვემოთ კი „არწივისმალლის“ კალთები და ხევეები სავსე იყო თოვლით და მისდღემში გაუღნობელი ყინულით. კლდის ვაცი და ჯიხვიც აქაური იყო განთქმული.

• • •

მზე ამოსული იყო, როცა შიშია „არწივისმალლის“ კალთას შეუდგა. თოვლის ცქერით თვალები სტკიოდა და ცისარტყელასავით წითელ-ყვითელა ელანდებოდა.

ზვაეი მდნარიყო და რამდენიც ძირს დაეწია, იმდენი ჩამოეფხოქნა კლდეებიდან ისეც მცირე მიწა და სილა და ატალახებული თოვლზე ქუქყად იღო.

სადაც ხის ნაკოდალი (ნარიყი), ან ქვა, ან ზეავისაგან მოგლეჯილი ქუჩი დაცემულიყო ზეავზე, — თოვლში ჩაფლულიყო, თოვლი შემოეჭამა ირგვლივ, თითქო ცეცხლს მჩვარი ამოუწვავსო. ზოგან ჩახვრეტილიყო კიდევ და შიგ მღვრიე ქვიშიან-ტალახიანი აქაფებულის მდინარე ჩაქუხდა ბნელ ჭურღმულში, მზეთუნახავი.

სადაც მოესწრო დედამიწას თოვლისგან განთავისუფლება, თავყვითელა ყვავილს და დათვის ტერფას ამოეყოთ თავი. ბუერასაც გაეღვიძა და თავის მწვანე ქათიბს მზეს უცხუნებდა. ზაფხულის მზე

სიციოცხლეს უხვად აძლევდა, საღამოთი ცარიელი მოტვლებილი ადგილი მეორე დღეს საამურად ჰყვავდა.

შიშია ზევას მოერიდა, გაღმა გავიდა. საშიში იყო ზევეი ზაფხულში. გარედან მზისგან შექმული და შიგნიდან წყლისგან ადვილად ჩაიმზღვლეოდა და კაცსაც თან ჩაიტანდა სამუდამოდ. ზევანზე ჯიხვების ნავალი მრავლად იყო. ეტყობოდა, წყლის დასალევად აქ ევლოთ ზევიდან. ზაფხულისგან შეშინებულებს ზევით აეწიათ, რაკი ზევებში შრებოდა, ნაზევერებში ნოყლა ბალახი ჩნდებოდა და არც ცხელოდა.

კაი დიდი ფარა ჩანდა. ნავალზე ეტყობოდა, რომ ციკნებიც ბლომად ერია ფარაში და ხარჯიხვებიც. შიშია გულიანად ათვლიერებდა ამ ნაფხურებს. ერთი ნაფხური იყო ყველაზე დიდი. სწორედ მოზვრისტოლა ფეხი იქნებოდა. ყველას ნავალს ჰყვებოდა, ეტყობოდა, უკან მისდევდა ფარას, რადგან ან ფარას ჰპატრონობდა, ან სიმძიმით სიარული უჭირდა.

შიშიას გულმა ფრთხილი დაუწყო. შურით ჩასცქეროდა ჯიხვების ნავალს. გული უსკდებოდა, რომ ამდენი ნადირი აქ თავისუფლად დაიარებოდა, შიშია კი იმათი მძებნელი, ზევანზე ქერის ჯინჯილასა და არაქანმობილ ძროხის რძისაგან ამოწურულ კურსა (ყველს) ხრავდა. ათასიც რო ყოფილიყო, თუკი როგორმე შესძლებდა, სულ ერთიან გასწყვეტდა, გინდ ერთი ჯიხვის ტყავიც ძლივს წაედო სახლში. საშინლად შურდა იმათი ასე უშიშრად სიარული. შურდა იმათი ლალი ცხოვრება, იმათი თავისუფალი სიციოცხლე. თავის დაბეჩავებულ და დამონებულ ცხოვრებასთან იმათი ლალი სიციოცხლე გულში სანატრელად მიაჩნდა. რადგან თვითონ ვერსად წაუვიდოდა ამ ცხოვრების სიღუბსიერეს, არც იმათი უნდოდა, რომ ცოცხლები ყოფილიყვნენ და თავისუფლები.

ვინ არ მისტანებიხართ დასაქერად ოთახში შემოფრენილ ჩიტს, რომელიც თავგადაკლული ეძებს გასასვლელ გზას და ხან ერთი სარკმლის მინას დაეტაკება თავით, ხან მეორისას, მანამ უგონოდ ძირს, სარკმლის ფიცარზე არ ჩამოეარდება თავგატეხილი. საწყალი კვნესის, სულს ჰლევს და თან კიდევ შიშით თრთის. შენ ხელში იყვან საჩქაროდ და ერთ წამს მაინც სიამოვნებასა გრძნობ, რომ ამ თავისუფალმა ფრინველმაც იგემა მონობას სიმწარე.

თავისუფლების შემფრთხინავნი იმავე თავისუფლების დაუძინებელი მტრები ვართ...

შიშიამ შექამა ხელისტოლა პური, თოფს ფალია უნახა, დანარჩენი საგძალი ისევ შოლტაში¹ ჩააწყო და მგელივით ჭიხვების კვალს გაჰყვა.

ზვაგი გამოილია და ქვიშიან ფერდას შეუდგა. წერილი და შავი სიფრიფანა ბრკევიალა სიპების ნამტკრევეებისაგან შემდგარი ქვიშა ფეხქვეშ არა დგებოდა, ელდასავით აქეთ-იქით ძვრებოდა. ფეხი შიგ ღრმად ეფლებოდა და ძალიან გამოცდილი მოსიარულე უნდა ყოფილიყო, რომ ისე მოესწრო ფეხის გადადგმა, სანამ ქვიშა გაშლას მოასწრობდა. შიშიაც სწორედ ასეთი იყო! ისე ოდნავ ადგამდა ფეხს, რომ ქვიშა მხოლოდ მაშინ დაიძვრებოდა, როცა იმას ფეხი კიდევ ჰქონდა გადადგმული და თოფის წამალივით იწყობდა ქვემოთკენ ზვაგით ღენას წკრიალით.

ძირში წმინდა სილა იყო მოქცეული, ზემოდან უფრო მომხსოვენები და სიფრიფანა სიპები მისლიკინებდნენ. ყველანი ერთად გზეზე გიშერივით საამურად ბრკევიანდნენ. ხანდასან ჭიხვისაგან დაგორებული ქვაც გაახშიანებდა არემარეს. ამ დროს შიშიას დიდი სიფრთხილე ემართა, რომ ქვას არ გაეტანა. უნდა წამოხურულ ლოდებს ამოჰკროდა ქვემოდან, ან სხვა მხარეს გაქცეულიყო.

მიდიოდა შიშია. ის საამურად მბრკევიანავი სილა, ის კლდეები, ის მკვდარი ბუმბერაზები, ის საბლოტი კინკუხები, ბალახულახით მორთული, იმას სულ თავის მტრებად მიაჩნდა. ქვიშა იმიტომ მისცურავდა უფსკრულისაგან, რომ შიშიაც თან ჩაეტანა. ლოდები იმიტომ იყო გადმოკიდებულები, შიშია რომ ხელს მოჰხვევდა, მოგლეჯილიყვნენ და შიშიაც დაეტანათ. მიდიოდა შიშია, როგორც ფრთხილი ვეფხი, როგორც კატა ფრინველს ეპარება ხოლმე; დიდი სიფრთხილით მიცოცავდა სულ მალლა და მალლა. კლდის თავზე ერთგან პატარა ბუნსო იყო, იქ დაჯდა. სული მოითქვა. ერთი ვიწრო ხევი ჰქონდა კიდევ გასასვლელი და მერე „არწივისმალლის“ ჩონჩხი იყო აყაყული უზარმაზარ მატურივით.

აგერ ჭიხვების ფარაც, კლდეებში მოღებული! ციკნებიც კი გარ-

¹ ბალანგაცილი გულა.

კვევით ჩანდა, რომ ეკრობოდნენ დედებს და მუცელქვეშ უძვრებოდნენ. სხვები ზოგი კიდაობდნენ, ზოგი კლდიდან-კლდეზე ხტოდნენ. კინჭუხის თაეზე შემხტარი პატარა ვაცუნა, ცერისტოლა რქიანი, დაცივით ჩასცქეროდა თავის ძირსღამრჩალ ამხანაგებს, რომელთაც სწრაფად ვერ მოესწოთ ამხანაგთან ერთად მალა შეხტომა და თვითონაც ისევე ძირს აპირობდა გადაშვებას. სხვას კიდევე ძუძუ უნდოდა, დედას დასდევდა, დედაც ხან გაუქცევოდა, ხან მოუბრუნდებოდა, სჩხვერავედა და იქით აგდებდა. შვილი მაინც თავისას არ იშლიდა, უკანა ლაჭებიდან უყოფდა ცხვირსა. სხვა ჩიხვები ზოგი იწვა, ზოგი იქექებოდა, ზოგაც ქვებში ამომძვრალს გერმასავით რბილ ბალახს სწიწკნიდა.

იყო არხენად ამ მთის შვილების ფარა, მამლარი, მხიარული, თავისუფალი. არც უბინაობისა ეშინოდათ და არც ზამთარში გამოკვეების გულისათვის ვისმე ბოსელში სურდათ თავის დაბმა. ზაფხულში შურთხისგან¹ ბუდებ შეტანილი ბალახი ზამთარში ჩიხვს კაი სამსახურს უწევდა.

შიშია თვალით ზომავდა მანძილს, მიაწევდა ჩიხვებამდე ამისი ხირიმის ტყვია, თუ ვერა. კანკალმა აიტანა. თოფს, რაც ძალი და ღონე ჰქონდა, ორი ხელით ბლუჯავდა, თითქოს ეშინიან, ხელიდან არ გამოეარდესო.

«თოელი სთოვს, ჩიხვი ფეხს უცემს, —
გულს გიგლის მონადირეო!
— ვერ დაგკარ თოფი, ტიალო.
სისხლი ვერ გაგადინეო:
ვერ გადმოგაგდე კლდეზედა.
ჩქებზედ ვერ დაგაბჭინეო!»

მოაგონდა ეს ფმავლების ლექსი შიშიას. ცხადად წარმოიდგინა მონადირის სულისკვეთება, როცა ერთმანეთისაგან მანძილით დაშორებული მონადირე და ჩიხვი ერთმანეთს გასცქერიან. ჩიხვი თითქოს უსაყვედურებს: — რას მერჩი, რას გიჟამ, რას გტაცებ? რისთვის მდევნი? შენც გეყოფა მზის შუქი და მეც, შენს გამოსადეგს მინდვრებს და ველებს ხომ არ გეცილები? ვენახებს არ გიკენეტ, ყანას არ

¹ მთის ინდაურია.

გიძოვ, ნათესს არ გითელავ და ნახნავს ფეხით არ გიზერქნი! ჩემმა წინაპრებმაც კარგად იცოდნენ, რომ შენ, კაცო, რაც კი შენი გამოსადეგი და ხელსაყრელი იყო, სხვას არ დაანებებდი და არც არავის ჩაიზიარებდი. იმიტომაც აკი გაგშორდნენ და ისეთს მთას და კლდეს შეეხიზნენ, სადაც შენ შიშით ფეხსაც ვერ მისდგამ, თორემ გუთანსა და ბარს კი ვერ მიიტან. რას მერჩი? დამანებე თავი! ვიცოცხლო მეც ამ მწირს და ვაგლახ მთაში!

მონადირეს კი ჭიხვის სიშორე და მიუღდომელ ადგილას ყოფნა გულს უგლიდა, გაბოროტებულს შური ახრჩობდა. შიშისადაც შური, თუ იმაზე უარესი სისხლით გაუძღომელი გრძნობა, სქამდა. რამდენჯერმე წაუღო ქვაზე თავისი ვერცხლის საღებებით შაზიკული, მზეზე თეთრად მბრჭყვიანივი ხირიმი და ისევ უკან გადმოიღო. სევდით და მწუხარებით დასცქეროდა ამ თავის გალაპლაპებულს ყელქრელ ხირიმს; არ ეგონა, თუ იქამდე მიიტანდა ტყვიას. თუნდა მიეღწია კიდევ, ჭიხვს ვერ დაიმორჩილებდა. ტირილი მოსდიოდა, რომ შამფუარივით გაშავებული რუსების „ბერდენკა“ არა ჰქონდა. ის რო ჰქონოდა, ერთსაც აღარ გაუტევედა ცოცხალსა. რუსებზედაც და „ბერდენკაზედაც“ ჯავრი მოსდიოდა, რომ ამისი თორმეტ ძროხიანი¹ ხირიმი იმ შავმა ღუღუხამ ასე დაამცრო და დააჩაღავა...

ამ დრომდე დაწოლილი ჭიხეებიც აიშალნენ და აღმართს შეუდგნენ. ის დიდი ჭიხეიც უკან იყო და დინჯად მიაბიჯებდა. შიშია ანთებული თვალებით გასცქეროდა ხარ-ჭიხვის გზას. ელოდა, როდის გასწორდებოდა თოფის სასროლად. აი, შეხტნენ ერთს ბექურზე ჭიხეები და მეორე მხრისკენ იწყეს დენა და მოფარება. ბოლოს შეებლოტა ხარ-ჭიხეიც და გაბრტყელებული ეყუდა შიშის პირდაპირ მოზერის ტოლა. სულგაწყვეტილი შიშია თოფს დაჰკეროდა, თითქო ამისი სიკვდილ-სიცოცხლე ამ წუთზე არის დამოკიდებულიო. ერთ წამია ხანს გაჰხვილა ხირიმმაც. გაღმიდან, თითქო შეყვარებულთ ერთმანეთს დამალულებმა აკოცესო, ტკაცანი მოისმა. გაღმა-გამოღმა მთებმა თოფის ხმას კვნესით ბანი მისცეს. თოფის ქუხილი მთაკლდეთ საკუთარი შეიქნა და ცოტა ხნის შემდეგ შორს, შორს ჩაბნელებულმა არაგვის ხეობამ როდის, სადღაც მოსცა პასუხი და ხვივი-

¹ ძროხად ითვლება ფული. ერთი ძროხა — ერთი თუშინია.

ლით ხელმეორედ შემოიარა ისევ მთებისა და ხევების კუდები და სადღაც მთებს იქით გადაიკარგა.

„თოფის ხმა ჰიუხებშია
ვაეკაცსა იამებო!“

ტყუილად არ უთქვამთ ფშაველებს.

ჩიხვებსაც იამათ?! საწყლებს ცის დაქცევა და „არწივისმალის“ ჩამონგრევა ერჩივნათ ამ ხმის გაგონებას! გაქცევა ველარ მოახერხეს და ერთ წამს ღონემიხდილნი, დაჩაგრულნი. თავზარდაცემულნი გაშეშებულები იღგნენ. აღარ იცოდნენ, რა ექნათ. საით გაქცეულიყვნენ. მაგრამ მალე ისევ გონს მოვიდნენ, ამოდენა ფარა დაიძრა და მოედო კლდეებს აღმა და დაღმა. ისმოდა ქვიშის ხრიალი და ქვების ჩახაჩუხი. რომელმაც საითაც მოასწრო, იქით გაიქცა. დედა-შვილები კი ერთმანეთს არა შორდებოდნენ: ან შვილი მისდევდა დედას, ან გულგახეთქილი დედა — შვილსა.

შიშის ხარ-ჩიხვის დარდი ჰქონდა, სხვები სადაც უნდა წარსულიყვნენ. ჩიხვს წინა ფეხები ჰქონდა მალა შედგმული. როცა თოფი გავარდა. დატორტმანდა. უნდა უკანვე გადმოვარდნილიყო. მაგრამ თავი შეიმაგრა და ისევ გაშეშდა. შიშიამ შეატყო, რომ ჩიხვი დაიჭრა. სანამ ეს თოფს ხელმეორედ გასტენდა, ჩიხვი კლდეზე ავიდა და მარდად გაუსვა მალა ფრიალოებისკენ. სხვა ჩიხვები აღარსად სჩანდნენ, იმან კი „არწივისმალის“ საფრებს მიჰმართა. ტყვია ველარ მიუწვდებოდა და სანამ შიშია ხევს გახდებოდა, ის თავს უშველიდა. აბა, თავსა დაანებებდა შიშია ჩიხვსა?

ჩიხვს სისხლი თქრიალით გასდიოდა. ეტყობოდა, მუცელში ჰქონდა ტყვია მორტყმული და ფაშვსა და ტყავს შუა იყო გავლილი. მრავლად განადენი სისხლი იმედს აძლევდა შიშიას, რომ ჩიხვს მალე მოჰქრიდა მუხლს და ხელიდან ველარ წაუვიდოდა. „ტყავსა და რქებსაც ძლივ წავიღებო“, ფიქრობდა შიშია. — თუ ცოტა რამე სამწვადეც გავატანე, კარგი იქნებოა“. მთელი ჩიხვის წაღება კი აზრადაც არ იყო მოსასვლელი, გინდა მარტო რბილი ხორცი გამოეჭრა და ძვლები იქ დაეყარა. წარმოიდგინა შიშიამ, რა გაკვირვებით დაუწყებდნენ ხევსურთ ვაჟები და ქალები ჩიხვის რქებს სინჯვას. „ა ბეჩავ, შიშიავ, შენს მეტიც იმას ვერაყინ მოჰკლავდა, გუდანისჯვრის

მადლმანო!“ ტყავისა ხომ საკუთრად ერთი ტყავი გამოუვიდოდა, ხოლო სახელოებს მოუნდებოდა თხის ტყავის მოკერება.

გაპყვა შიშია მგელივით სისხლის კვალს. თუმცა სისხლი ისე აღარ გასდიოდა, მაგრამ კიდევ ალაგ-ალაგ ცვრები სცივოდა და ზოგანაც-სადაც კლდეზე ახოხებულყო, სისხლიანი ბეწვისაგან ქვები იყო მოსვრილი. ჯიხვზე კარგად ვის ეცოდინებოდა „არწივისმალლაზე“ ასასვლელი გზა. ალბათ წინადაც ბევრჯერ შეხიზნულა რქიანი ვაცი იქა და ახლაც დაპრილი იქით მიიბრძვოდა. იქ დაწვებოდა მოსვენებით, ვერც კაცი შეაწუხებდა, ვერც ნადირი და ვერც ბუზი, სანამ ნატყვიარი მოურჩებოდა. სჯეროდა, რომ იქ ადვილად ვერავინ ავიდოდა და არც არავინ გაიწირავდა თავს იქ ასელისათვის. მაგრამ შიშია ამისთანა ბიჭი არ იყო, რომ უკან დაეწია.

სად ქუჩის ეჭიდებოდა, სად ქვებს და კენჭებს ებლაუჭებოდა, ოღონდ ხელის მოსაკიდებელი ყოფილიყო. ბევრჯერ ცალი ხელით დაეკიდებოდა ხოლმე, სანამ ფეხს რამეზე მოიკიდებდა. მიცოცავდა მალლა და ქვეშ რა უფსკრული ეზრდებოდა, იმაზე სულაც არ ფიქრობდა, ძირს არ იხედებოდა და არც დარდი ჰქონდა. წინ დაპრილი ხარ-ჯიხვი ეგულებოდა და განა ახლა უკან დაბრუნებაზე იფიქრებდა?! ხელის ფრჩხილები სულ გადააცივითეს ქვეშა და მუხლისთავები გადაეყვლითა. ბევრჯერ თვალითაც დაინახა ჯიხვი, მაგრამ თოფის სროლა არ შეიძლებოდა, ხელებს ვერ გაუშვებდა, კლდიდან რო ჩავარდნილიყო, სულით და ხორციით დაიკარგებოდა სამუდამოდ.

ძირს ხეობა და შორს სოფლები თანდათან მერცხლის ბუდეებითლა მოსჩანდა. დაიღალა კიდევ, ღონეც ელეოდა. „არწივისმალლის“ წვერიც კი შორს აღარ იყო. ცოტა კიდევ და ჯიხვი და შიშია თითქმის ერთ ღროს აებლოტნენ „არწივისმალლის“ კონცხოზე. იმას იქით ველარსად ჯიხვი წავედოდა და ველარსად შიშია, თუ უფსკრულში არ უნდოდათ დალუპვა.

რამდენადაც შიშია გახარებული იყო, რომ ჯიხვი ველარსად წავაო, იმდენად ჯიხვი შეშინებული და თავზარდაცემული ჩამოსცქეროდა შიშიას. არ ეგონა, თუ აქაც, ამ არწივების საბუდარში კაცი ფეხს დასდგამდა. ელდაცემული, გაშტერებული იღვა და შემოსცქეროდა მონადირეს. ასე ახლო ამის მეტად არ ენახა კაცი — ეს ამათი სიკვდილი. ახლა ჰხედავდა პირველად და ელდაცემული მთელი ტა-

ნით თრთოდა. გასაქცევი აღარსად ჰქონდა და დასამალი. თავის სი-
ცოცხლეში მგელიც ბევრი ენახა, კლდის ვეფხიც, ზვავიც ბევრჯერ
მოჰხეთქია და წაუღია, მაგრამ კაცზე საზარელი არა ეგულებოდა რა.
ადგილი სულ ერთი ფარდაგის გაშლა იქნებოდა. ერთმანეთის სუ-
ლისქცევა ესმოდათ. ჭიხვი მუდამ წამს მოელოდა, რომ კაცი ეცემო-
და და ჩაჰყლაპავდა. შიშობაც ერთბაშად შეერთა. მოაგონდა, რომ გან-
თქმულმა აფშინამ ასე შერეკა საფარში ჭიხვები და თვითონ გზაში
ჩაუდგა. უნდოდა ხანჭლით დაეჭოა ყელები, მაგრამ გაცოფებულმა
ჭიხვებმა, რაკი გასავალი აღარსადა ჰქონდათ, ერთბაშად დაჰკრეს და
გადაუძახეს უფსკრულში თავმომწონე მონადირე. ამაზე იყო ლექსი:

„ჭიხვებს ნუ ჩასდევ, აუშინავ,
ჭიხვთა ბანდუხის კლდისათა,
თორ კლდეზედ გადაგაგდებუნ,
ჩარს შავიურიან რქისასა.“

მოაგონდა არა ნაკლებ გათქმული მონადირე ჯარჯი და ჭიხვი რო ერთ-
თად გადაცვივდნენ კლდეზე.

მაგრამ ჭიხვი სრულიადაც არა ფიქრობდა ბრძოლას. რო ფარაში
ყოფილიყო, გამგელებული შეიძლება სცემოდა მონადირეს. მაგრამ
აქ არც უმწეო ციკნები იყვნენ სადმე, არც დედალი შუენები, რო-
მითთვის პატრონობა გაეწია. რაკი ჭიხვი შეშინებული ნახა, —
ტყეია-წამალი რალად დაეხარჯოვო, — იფიქრა მონადირემ და ხან-
ჯალამოდებული გადაუხტა ჭიხვსა. ჭიხვი ადგილიდან არ იძროდა.
დაშტერებით შემოსცქეროდა იმისკენ მიმავალ კაცს. ვინ იცის. ფიქ-
რობდა: „რას შერები, შე უბედურო, შენ ჩემზე უარეს დღეში ხარ
ჩავარდნილი, რო გესმოდესო“. მაგრამ შიშობას ჭიხვის მეტი არა ადარ-
დებდა რა. ჭიხვიც მიბრუნდა და ერთ თვალის დაფახვაში უფსკრულ-
ში გადაეშეა.

— ვაიმე, დავკარგე ჭიხვიო! — დაიყვირა შიშობამ და გაიქცა და-
სანახად, თუ სად დაეცემოდა ჭიხვი. მაგრამ ჭიხვი უფსკრულმა ჩანთ-
ქა. სად დაეცემოდა, როცა ძირს თვალჩაუწვდენელი ფრიალოს მეტი
არა ჩანდა რა. ახლალა იგრძნო შიშობამ, რა საფრთხეც მოელოდა და
თმა ყალყზე დაუდგა.

დიდხანს, დიდხანს უხმობდა ხეობები და მთები, როცა ძირს და-

ცემული ჭიხვის სიმძიმის მოგლეჯილო ლოდი ხეობაში საშინელი ჰე-
ქა-ქუხილით ჩაიჭრა და იმისგან შეშინებული ფრინველები წივილით
გამოიშალნენ ჰაერში.

მიიხედ-მოიხედა შიშამ, ეძებდა თავის დამხმარე ვისმეს, მაგრამ
ირგვლივ მარტო ფრინველებისაგან დახრული ძელები ეყარა, აქეთ-
იქით ფრიალო და თვალჩაუწდომელი უფსკრული იყო, ასევე შეიძ-
ლებოდა, მაგრამ ჩამოსვლა შეუძლებელი იყო.

იტყვიან, შეიძი დღე კიდევ ისმოდა „არწივისმადლიდან“ შიშის
თოფის ხმა. მერე კი მისწყდა, ვერაფერ ვეღარ უშველა, რო ჩამოეყ-
ვანათ. ტყუილად არ უთქვამს ხალხს:

„ჭიხების განავალი კლდე
რო ნახო, გაგიკვირდება,
იმათ განავალ გზაზედა
თოვლი არ შეუკიდება,
იმათ მიმყოლსა ვაეკაცსა.
რა კარგი წაეკიდება!“

[1900 წ.];

ენკენისთვე მიწურული იყო, ფარცხვა გახურებული, მაგრამ ჯერ ერთი კვალიც არ მოგვეჩუო არაეისა.

ჩვენებიანთ გიგუცა აღარ მომეშვა, უნდა წავიდეთ, ხელთუბნელებს ლიახვიდან წყალი გამოჰყავთ და მოვპოროთო.

— არა-მეთქი, — ვუთხარ, — ერთი კვირაა, შიგ იხოცებიან, ჯერ სოფლამდე ვერ მიუყვანიათ და ისიც ჩვენ დაუხეოთ, ღმერთი აღარა გვაქვს? ერთიც ვნახოთ, მოგვასწრეს, გაბრაზებულები ხო იცი, მოსაკლავად აღარ დაგვინდობენ, სული აქვთ გამწარებული.

იმან თავისი არ დაიშალა, აღარ მომეშვა. „თითო დღისაც რო მოვრწყათ, ჩვენთვის კარგია, ახლანდელი მორწყული ვითომ ორმოში გიყრია, მოვა და მოვა, წინ არა უდგია რაო.“ კაცი გული ხარბია, მერე ჩვენ, გლეხი კაცი, მიწის მონები ვართ, მორწყავ თავის დროზე და მოუვლი -- მოგივა, მაძლარი იქნები, არადა მოკვდი შიმშილით. მართალია, რო მოვიპოოთ წყალს, ხო სხვას უნდა დარჩეს მოსარწყავი იმისი სამაგიერო ორი დღისა, რასაც ჩვენ მოვრწყავთ, მაგრამ ის სხვა ხო უეკველად ჩვენსავით იოხსული არ იქნება. ჩვენ იქნება იმ ორ-სამი დღის ხნულის ამარას დავრჩეთ, მაგრამ მდიდარი კი ორმოცი დღისასაც მორწყავს. იმან სულ დოღზე უნდა დარწყოს და ჩვენ კი ორი-სამი დღის ხნული გვაქვს და ისიც, როცა მდიდარს აღარ უნდა წყალი და ვადაც გადასულა, მაშინ უნდა მოვრწყოთ, კაი საქმეა,

მოვიდეს და არ მოსცდეს. მაშ, რა ჯანდაბადა ვართ საწყალი ხალხი ღარიბები. ჩვენი ყანები რო მომცდარია და მდიდრებისა კი ადღე- ვებული, განა მართლა ღმერთს უყვარს ისინი და იმიტომ აძლევს, ჩვენ ვძულვართ და გვიცდენს?! არა. ისა, ჩემო ძმაო. რჩეულ მიწასა ხნავს, ვადაზე ფარცხავს, რწყავს. მკის და ჩვენ ნაწვერლები უნდა მოვხნათ, ისიც ნაოშად და ღმერთს კი ვაბრალებთ, არ გვაძლევსო.

აბა, რაღა გავაგრძელო, გამაბრიყვა იმ ოჯახქორმა. ველარაფერი ვუთხარ, გავყევ, გულში კი ფახანი მაქვს, ქურდი ხომ მოგეხსენებათ, მშიშარაა.

— უცებ დავახეთო, — მითხრა, — და სანამ ისინი მოგვასწრებენ, ჩვენ თავს ვუშველითო.

ბნელი ღამეა. ახალი ფარაჯები გვაცვია. ამ ერთ კვირაში ვიყი- დეთ, ოთხ-ოთხი მანეთი მივეციო. რუ ისეთია. გაქედილი მოდის. ჭერ დავათვალიერეთ იქაურობა, დავზვერეთ. ხელთუბნელები ძა- ლიან გაეშმაკებული ხალხია, ეკვი გვაქვს, ვაი თუ. სახევებელასთან ვინმე იყოს დამალული. აგრე იციან: ზოგი რო რუს დაჰყვება, სხე- ბი დასახევებელ ადგილებს დარაჯობენ, რო წყალი არავინ დაუხეოს. თუ ღმერთი გაგიწყრა და მოგასწრეს, რიგიანად დაგამეყვებენ, მუ- ცელს გამოგითქეფენ და მერე თითივით ტიტველს გაგზაენიან შინ. იქ არავინ იყო.

შემოდგომის ღამეა. სუსხი აქვს. მოწმენდილი ცაა და რთვილის გაგდებასაც აპირობს. მე ვუთხარ: „ეს ფარაჯები გავიხადოთ, წინდა- ქალამანსაც ნუ დავისველებთ-მეთქი, თორემ ამ ღამეს ხო უყურებ, სიცივე დაგვაფიჩხებს-მეთქი“.

ეს წინდა-ქალამნები ფარაჯებში შევახეიე და სახევებელას მოშო- რებით, რუს პირზე, კორძი ყამირი იყო და ზედ ნარცეცხლა იყო აყ- რილი, იმ ნარცეცხლაში ჩავდე. შიში მქონდა. რო მოესწროთ ე ფა- რაჯები მაინც გადაგვირჩებოდა, ნარცეცხლაში ვინ დაუწყებდა ძებ- ნასა. დავაყარეთ რუს ბარები. ვადაღის ბელტი-ბელტზედ. ცოტა ხანს შემდეგ წყალმა ხმა ამოიღო და მალლიდან ძირს დაიწყო ჩქაფა- ჩქუფი.

გამოგვალულ-გამოფიტულმა დედამიწამ, თითქო სული ჩაიდგაო, ხმა ამოიღო, წხიოდა და შიშინი გაქმონდა. დახეთქილი რუ ხარბად ჰყლაპავდა პირველად იერიშის მიმტანს ტალღებს. წყალიც თითქო

ურთხანად შედრკა, მაგრამ უკან ხო ვეღარ გაბრუნდებოდა, ერთი ნაკადულის ადგილს მეორე იჭერდა, მეორეს მესამე აწევებოდა, მესამეს მეოთხე, მეხუთე და ისე განუწყვეტლად. ყველანი კი წინ მიისწრაფოდნენ და თუმცა დახეთქილ და დაფატრულ მიწაში მრავალი ზვირთი იკარგებოდა და იღუპებოდა, მაინც ბრძოლის ველი მოვარდნილ ნაკადულს რჩებოდა. ხოლო ძირდასველებული ბალახები და პატარა წნორ-მურყნები, რომელნიც ამ რუს პირზე მრავლად იყვნენ ამოსულნი და ჭერ საქონელს იმათი მოკვნიეტა ვერ მოესწრო, სიამოვნებით იზმორებოდნენ და იჭროლებოდნენ ტანში.

თქვენ რა იცით, რა არის გლეხკაცისათვის წყალი? ზაფხულში, როცა ჩვენი ვაზი და სიმინდი გვალვისაგან შეწუხებული თავს დააკიდებს და ფოთოლი ჭკნობას დაუწყებს, ჩვენი გულიც იმათთან ჭკნება, და როცა იმათ ფოთოლს ცის ნამი დაასველებს და ფესვს წყალი დაალობს, ვითომ ჩემთვის, მომაკვდავისთვის, უკვდავების წყარო მოგიწოდებია.

ისე ვიყავით ამ საქმეში გართულები, რომ სრულებით ვერ შევნიშნეთ, ერთი ხელთუბნელი, რომელსაც სახელად ჭილავარდს ეძახდნენ, თავზე როგორ წამოგვადგა.

— არიქათ, ბიჭებო, მიშველეთო, — დაიღრიალა გულგახეთქილმა. ერთი ისეთი შევხტი, ბარი იქვე ხელიდან გამვარდა. ჩემი ამხანაგი მაშინვე ნაწვერლებისკენ ეცა და მე კი რუ-რუ დავეშვი. რაკი ამხანაგების ხმა მოესმა, ჭილავარდსაც გული მიეცა და გამოგვეკიდა. ჩემს ამხანაგს თავი დაანება და მე მომდევს, თანა ყვირის: მიშველეთო. მე ისეთი ვარ, სული კოჭებში გამეპარა. ან ახლა დამცხებს ბარსა-მეთქი ან ახლა. კარგა ბნელა. ახლა თვალგატეხილი ვიყავ კიდეც, თორემ რას დავინახავდი, როგორ გზაზე მივრბოდი. ეს იყო რო რუ-რუ გავრბოდი. ვერ შევნიშნე. დამისხლტა ერთ გადასახტომში ფეხი და ერთი ჩახრიალიდან მორევეში კი ჩავგორდი. ჭილავარდის ფეხის ხმა შესწყდა. მე მარტო წყლის ჩქრიალი და ჩახ ჩახილა მესმოდა. გუბე კარგა ღრმა იყო, მაგრამ დახრჩობის კი შიში არა მქონდა. წამოვიწიე წყლიდან და ცის ტატანზე ჩემს ზემოთ ბექის თავზე ჭილავარდი დგას და ილანძღება.

— რა ჰქენ, კაცო, ვერ დაიჭირე ეგ ოჯახდაქეულები? — უყვირის ამხანაგი. ჭილავარდი კი გაშეშებული დგას. პირჯვარს იწერს

და შიშით ხმას ველარ იღებს. — ნამდვილად წყეული იყოვო! — წაიტუტუნა.—აი, დასწყევლოს სამასსამოცდა სამმა წმინდა გიორგიმ, რაზე ჩამიტყუილებდა მორევში და სულს საეშმაკოდ გამიხდიდა!

მერე გაბრუნდა და თან პირჭეარს იწერდა. მართლაც და ბევრით არც მე ვიყავ ეშმაკზე ნაკლები. იხვივით წყალში ვიბანავე; გაწუწული, გაზუნზლული, რის ვაი-ვაგლახით ამოვფოფხდი წყლიდან და ბექის ძირში ამოვჯექი. თუმცა ნახევარზე ისევ წყალში ვიჯექი. მაგრამ ზედ მაინც აღარ დამდიოდა წყალი.

ეტყობოდა ჯილავარდიც მივიდა ამხანაგებთან, რადგან ჩოჩქოლი შეუდგათ. ჯილავარდი არწმუნებდა: „კისერში ხელი ვტაცე, უნდა დამეპირა, გარეჯერელ სოსანს სახით მეჩვენაო; მაგრამ იმ წყეულმა გამიქნია და ნაფოტივით გადამისროლაო. კიდევ კარგი მორევში არ ჩამითრია, თორემ ნამდვილად დამახრჩობდაო“. ზოგსა სჯეროდა და მალ-მალე ღმერთსა და ხატს ახსენებდნენ, რო მავნე ველარ მისდგომოდა. ზოგმა კი გაუტრიზა და დაცინვა დაუწყეს: „შეშინებულხარ, აქ არ მიმბუსკნონო, შვილო, და იმიტომ ვერ მიჰბედე, თორემ სად უნდა წავსვლოდნენ, ან ახლა აქ წყეულს რა უნდაო!“

ისინი იქა ლაზლანდარობენ და მე კი აღარ მკითხავენ! ასეთი ვარ, კბილს-კბილზე მაცემინებს, საცოდავად ვთახთახებ, ლამის გული ამომვარდეს. ვამბობ, ან ახლა წავლენ, ან ახლა-მეთქი. გაგრძელდა ე ოხერი შემოდგომის ლამე! შემცივდა. აბა, რალა ვთქვა: ლამის გამაშეშოს. აბა, ხელთუბნელები ამაზე მეტს რას მიზამდნენ, მაგრამ კაცის ხელით სიკვდილი სხვაა. არც დამზოგავდნენ, ისე იყვნენ გაბრაზებულები. რალა გავაკიანურო, ბოლოს ღმერთმა მომხედა და წასვლა დააპირეს. ზოგმა თქვა სუყველანი დავყვეთო, ახლა წყალს აღარავინ დაახევებსო.

— არა, ზოგი აქ დავწვეთ, ზოგი წყალს დავყვეთ, — თქვენს სხვებმა.

— აი, პაპაჩემთან წადით და მოუსაველეთის ქვეყანაში-მეთქი! — ვამბობ მე ჩემს გულში. მართლაც ორი ბიჭი სახევებელაზე გაუშვეს და სხვები რუს დაჰყვნენ. ჩემს თავზე გადაივლიდნენ და მეტი ღონე არ იყო, ისევ წყალში უნდა ჩავცურებულიყავ, რომ არ დავენახე. თავი კი ვიჩინე, რო არ დამხვრჩალიყავ, კარგა ხანს ისმოდა იმათი ფრატაფრუტი და ყაყანი. ძლივ ღმერთმა მიშველა. ასეთი ვარ, ესე

მგონია მშრალად ლოგინში ვწევარ-მეთქი, ისე გამიხარდა იმათი წასვლა. სიცივე და სისველე სულ დამავიწყდა.

წყლიდან როგორც იყო ამოვფოფხდი, ასეთი ვარ, წურწურით წყალი ჩამომდის, სველი ძალღის კუდსლა ვგევარ. ამოველ მშრალზე, მაგრამ კიდევ სიფრთხილე მინდოდა. მე ფარაჯების გაპარება მინდოდა, თორემ ფეხდაფეხ კი ისინი მე ვერ დამეწეოდნენ. უფარაჯოდ დარჩომა და ჩემი სიცივით გაფიჩხება ერთი იქნებოდა. მესმოდა სახევებელაზე სადარაჯოდ დარჩენილი ბიჭები რო დაწვნენ, როგორ მოიკუნტნენ ფარაჯებში და კვნესოდნენ, ალბათ დაღალულები იყვნენ და ციოდათ.

ჩვენი ფარაჯები სწორედ იმათ ჩამოსწვრივ, ასე ერთი გუთნისგამლაზე, იყო დამალული ნარტეცხლაში. მეტი ღონე არ იყო, დავწექ მუცელზე და დავიწყე ცოცვა ამ ნარტეცხლაში. ნაგვალი ბალახი და დედამიწაა და ისეთია ეს ნარის ეკალი, როგორც ცეცხლი. ზოგი სახეში მეტაკება, ზოგი მუხლებსა, მუცელსა და ხელებში მერკობა. ლამის დავიყვირო, ისე მეწვის, მაგრამ ვძელ-ვძელ როგორც იყო, სანამ ფარაჯებთან მივიდოდი. ჩავიცვი წინდა-ქალამანი, ჩავიცვი ფარაჯაც. ერთიც მხარზე გადავიკიდე, ასეთი მოუსვი, რომ ბედაურებზედაც რო შემსხდარიყვნენ, ვეღარ მომეწეოდნენ. იმ ღამეს ისეთი რთვილი გააგდო, როგორც თოელი, მეორე დილით ისევ იდო. შევხედო, ფეხშიშველა გიგუცა თხასავით მოკაკულა და მოაბიჯებს ამ რთვილიან ნაწვერალეებზე, თან ისეთი იღრიჭებოდა, რო შემეცოდა.

— ოხრამთაც კი დარჩენილა სახნავიც და სარწყავიცო! — იფურთხებოდა და იგინებოდა, — მე ჩემი დამემართა და ვილასთვის რაღად მინდა, თუკი მეც აღარ ვიქნებო.

აღარც წამოსულა სარწყავში. გორს წავიდა, ღუქანში დადგა და დღეს ერთ ლუკმა პურსა ჭამს...

მძულს დახვესებული ცხოვრება, ხავსისგან შექმული და გაბეჩავე-
ბული. მართალია, მიყვარს ის უზარმაზარი დახვესებული ლოდი,
ზვევისგან მალა მთაში მოგლეჯილი და ძირს ხეობაში ჩამოტანილი,
იქ უძრავად საუკუნოებით მდებარე, დაღრეჯილი და გაშავებული,
მაგრამ, განა იმიტომ მიყვარს, რომ თვით ხავსი მეფასება? ან უძრავად
რომ წევს და განისვენებს?

არა! მე მიყვარს ბუნება და იმისი ნამოქმედარი. თვით ხავსი და
იმ ლოდის უმოძრაობა გულს მიღრღნის, სულს მიწუხებს. ახლა ის
ერთმანეთზე მიყრილი და აყორილი ღორღი, ნიაღვარს რო დაუძრავს
და წამოულია, როგორ გაუწმენდია, გაუსუფთავებია, თითქოს ქური-
დან ამ საათში გადმოუყრიათო.

ან განა, ის ნიაღვარი ნაკლებად მიყვარს! ხევი რომ ერთმანეთში
არეული ტალახითა, ხე და ქვით გაიქვედება, ისმის გრგვინვა და ქუ-
ხილი. წინ ქარიშხალი მოუძღვის და არე-მარეს აკენსებს. ზამთარში
ქარი რომ ტიტველა ხეების წვერებში სტვენს, მშიერ მგელივით
ყმუის და ზარს ამბობს, მუდამ იმ ნიაღვრის ხმას მოგაგონებს, ჩვენს
პირდაპირ ახუნის ხევზე რო მოვარდა ერთხელ.

მთელი დღე კოკისპირულად წვიმდა. გზები და რუები ხევებად
იქცა. ჯერ შუალაშე არ იქნებოდა, რომ ერთი ლაწა-მტვრევა და
გრიალი მოისპა. ჰაერი თიხა-ტალახის მძიმე სუნით გაიჟლინთა. არა-

ფერი არა სჩანდა, მხოლოდ საშინელი გუგუნი, ქვების ბრახა-ბრუნი და ხეების ლაწალუწი ისმოდა. წყლის შხივილი და ქოთობა თანდათან ახლოვდებოდა. ეტყობოდა, მთიდან მოხეტიალი ნიაღვარი ქვეით ქალისკენ მოისწრაფოდა, რომ იქაც თავისი კვალი დაეჩნია. ტყეს ეღვიძა, როგორც დღე ღვიძავს ხოლმე. ათასნაირი ხმა და ძახილი მოისმოდა შეშინებული ფრინველებისა. ეტყობოდა, თავქუდა-აგლეჯილები სხვა მხარისკენ მიეშურებოდნენ, რადგან იმათი ჭყივილი თანდათან ჰქრებოდა და ზოგისა სულაც მიწყდა. ესენი მიფრინავდნენ უღრან ტყიან ხეებში, სადაც ცულს ჯერ ხმა არ ამოელო და მუშა მეშემის სიმღერა ჯერ არ გაგონილიყო.

მხოლოდ უღმერთო მონადირემ იცოდა ამ ტყის კუნძულსაფრები. გამფრთხალი და შეშინებული ნადირი გარბოდა, რომ დაჰმალვოდა ამ სისხლისმსმელს და თავი როგორმე გადაერჩინა ტყეისაგან, მაგრამ ის მაინც მისდევდა, სანამ თვალით ჰხედავდა ან კვალს პოულობდა.

მთელ ღამეს ჩვენცა ვკანკალებდით. ნიაღვრის ღრიალს ღამის სიბნელის საშინელებაც ზედ ერთოდა და აორკეცებდა ჩვენს შიშს.

მართლა და როგორ მეშინიან ესლაც სიბნელისა! ვერაფერსა ჰხედავ, არ იცი, რომელი მხრიდან რა მოგელის. ირგვლივ სულ რაღაც უხილავი არსებანი ფუთფუთებენ და მზირს გიდგანან. შენც არ იცი, რა ფერისანი არიან, ან რა სახისა: უმწეოდ გრძნობ შენს თავს. რასაც დღე მზეში და სინათლეში ყურადღების ღირსად არ ჩასთვლიდი, ესლა კანკალსა გვერის და თმა ტკივილს გიწყობს. მერე თუ ჩაუგონებიათ კიდევ შენთვის ყმაწვილობიდანვე, რომ სიბნელე ავი სულეებისათვის არის გაჩენილიო.

ახუნის ხევზე ერთი კლდე აყო დახვესებულ-დაძაბუნებული, ძირიდან წვერამდე სულ ფილაქანი ქვისა იყო აყოლებული, თითქო განგებ დაუთლიათ და ისე დაულაგებიათო: კუთხიანები, გრძელები, სწორე გვერდებით. ჩადუნასათვის რო წამოვიდოდი ამ ხევზე გვიან გაზაფხულზე, ჯერ ამ კლდესთან ვეძებდი და ვკრეფდი. ძალიან უხვედრი და გაუვალი იყო. საქონლის ფეხი მისდღეში არ მოხვდებოდა და მშვენიერი ჩადუნაც იცოდა.

მიყვარს ის ტიალი! თავშეხვეული რო ამოძვრება ხოლმე დახვესებულ და გახვევებულ ანსლოვანი ძირიდან! თვითონ ძირს ზამთარში

კულიც რო სცემო, ვერ შეატყობ, თუ იმას რაიმე სინედლე ან სინხინტე ეტყობა, ისე უსიცოცხლო და გამოფიტული გგონია.

მაგრამ აშრება თოვლი, ყინვის მაგივრად სითბოს სუნი ჩამოვარდება; ნადნობი თოვლის წყალი მიწაში ჩაძვრება, და ბალახის ფესვები, როგორც ფუტკარი თაფლს, შესუტვენ და თან შიგ ჩამდნარ სიცოცხლეს ჩაატანენ, ჩადუნასაც სული ედგმის, იღვიძებს. ამ მკვდარ ბელტიდან ამოჰყოფს ქორფა ჩადუნები დაგორგლებულ, დახვეულ თავებს. ეს ჩამპალი და ხმაჩაკმენდილი ფერდობი სიცოცხლით ივსება. ჭერ პატარა, თითის სიგრძე ჩადუნა თანდათან იწლება, როგორც დახვეული თასმის გორგალი, სწორდება წელში და ცისაკენ, სითბო-სინათლისკენ, მიესწრაფება.

ოჰ! სინათლე და სულ სინათლე! შენა ხარ, შე დალოცვილო, სიცოცხლის სათავე, დასაწყისი და განმაგრძელებელი!

ის მალალი წიფლები და იმაში საცოდავი არყი საიდანღაც ჩარეულა. როგორ გაწოწლოკინაებულა და გაგრძელებულა! რა აქვს ამ წიფლებთან საჭიბრო და საჭილდაო? ეს ხომ იმათთან სიმაღლით ვერ მოვა, მაგრამ ეხლა კი იმათ არ ჩამოურჩება. ვინ იტყვის, თუ ის არყია, ისე მალლა წასულა და წიფლების თანაბრად გამხდარა. ეს სულ შენი ბრალია, შე კურთხეულო სინათლე! შენკენ ისწრაფოდა ისიც; უკან დარჩომა და სიკვდილი იმისთვის ერთი იქნებოდა...

აეფოფხდებოდი ხოლმე ამ კლდეზე და ვეწეოდი გამოშვერილ ფილაქნებს, ვნატრობდი იმათ შინ შიტანას. ვაძრობდი ხავსს, ეს ხავსი ქერქივით აეყრებოდა ხოლმე, ჟამთა სიგრძელის გამო. ერთი პირობა მინდებოდა ამ ხავსის ჩამოცლა, თორემ როგორ გაიმეტებოდა, როცა ახლადამოსული მწვანე მალალ ხაოიან ორხაოს მოგავგონებდა, წვრილი თეთრი და ცისფერი თვალებით მოწინწყლული. ეს თეთრი და ცისფერი წინწყლები ხავსის ყვავილები იყო. ხოლო იყო მეორენაირი ხავსიც, კორფლივით ქვებზე დაკრობილი. უმეცარს მართლა ქვის კორფლი ეგონებოდა და არა ქვაზე ამოსული მცენარე. ესენი ხმებოდნენ და ძირს ფერფლად ცვიოდნენ. იქა რჩებოდა იმათი თესლი სხვა ჭურის ხავსის ყვავილისგან დანაყოფებული და გადაჭიწებული.

რამდენიც დრო გადიოდა, იმდენად ხავსი ფეხს იკიდებდა და ეხლა მე რბილად ვიჭექ ამ ფაფუკ ხალზე... ქვა უძრავად ეგდო. თუ მე

არ დაეძრავდი, სჭამდა ხავსი და ვერც არასა გრძნობდა. მაგრამ მოვარდებოდა ნიაღვარი, აწვებოდა კლდეს, ჰგლიდა, სცვეთდა, ლოკავდა; თან უზარმაზარ ლოდებს და ფესვიანად მოგლეჯილ ხეებს ახეთქებდა, შენძრეული კლდიდან წყალში ცვიოდნენ ეს ხავსიანი ფილაქნები, თუმცა ნელ-ნელა, მაგრამ შეუფერხებლად, მოგორავდნენ ქვევით ქალისაკენ აგორებულ თიხა-ტალახში შეხვეულნი.

სადღა იყო ხავსი! განა იტყოდა ვინმე, რომ ამ განახლებულ ხეობაში, სადაც ერთი კენჭიც არ მოიპოვებოდა გაულესავე-გაუქლეშაეი, კიდევ იქნებოდა ხავსის თესლი, და ან ეს განახლება თან ხავსის თესლსაც ატარებდა? მაგრამ გავიდოდა რამდენიმე კვირა და თვით იმ კენჭებსაც კი, რომელსაც ჩვენი მდიანარე თავის ძირზე სცვეთდა და სჭამდა, ხავსი ეკიდებოდა და ინისფერი ედებოდა.

ასე მიდიოდა ქვეყნად ცხოვრება, და როცა ჰხედავდი ახალგაზრდობას ქვეყნის სამსახურისთვის ცეცხლმოკიდებულთ, ფიქრობდი: ნუთუ ამ კაცობრიობის ვარამზე ცეცხლმოდებულთაც ოდესმე ხავსი შესჭამს და დააძაბუნებსო!

— ჰე, რო იცოდეთ, საიდან მოვდივარ, რამდენი რამ გადამხედია თავს, რამდენი რამ გამომიციდია და მინახავს წუთისოფელში, მაშინ ეგრე აბუჩად აღარ ამიგდებდით და უფრო მეტის პატივისცემით მომეკიდებოდით!

— მე ვიცი, ცხრა მთა გადმოგივლია! — შეუჯავრდა კურდღელი და თან წყაროს წყლით გრძელ უღვეაშს ისველებდა. — რამდენჯერ ვყოფილვარ შენს სათავესთან, აქა-იქ ქვიშიდან რომ ძლივს გიჩანს პირი და კლდეში ძლივა სწვეთავ. აქვე არ არის, ამ მთაში?! წყალს ვერც კი დაეღევ ხოლმე, თუ პატარა ქვემოთ არ ჩამოვციდი! ბაყაყსაც კი ვერ უსველებ ზურგს, ზამთარში რომ შემოგეხიზნება ხოლმე და, თბილად ქვის ქვეშ მჯდომი წარამარა ყიყინით ყურებს გვიქედავს!

— დიაღაც, კურდღელი მართალს ბრძანებს! — წრუწუნებდა თავი.

— ერიპაა! — ჩხრიალებდა ნაკადული, — მოსულხართ მართლა და გადამთიელნი, მსვამთ, მამღვრევთ, შიგ იბანებით და ისევ მე კი დამცინით! ერთი თან გამომყე, ნახავ, თუ ფეხს ვერ დაგისველებ, შე ყურგრძელო, ყურბტყელო კურდღელო, ან კიდეც შე წრუწუნა კუდგძელო!

იქნება დიდი მფოთი მოხდენოდათ, რომ ამ დროს საიდანღაც კვერნა არ გამომძვრალიყო. გულგახეთქილმა თავგმა იქვე სოროში ჩაიტანა ბლლამა, კურდღელი კი აღმართს ეცა.

— აჰ! რა ლუკმები წამივიდნენ ხელიდან! — ნანობდა კვერნა, — წყალსაც დაეღვედი, საუზმესაც გიახლებოდი. — დაეწათა ნაკადულს, დაუწყო კატასავით ცქლაფვა.

მომუადღევედა. მზემ აიწია, თავს დაადგა ნაკადულს და მიგ მკერდ-წი ჩააცქერდა, თავისი ნაშობი შვილი იყო; ძალიან ეჯავრებოდა, როცა ნაკადულში წყალი აიძვრებოდა; მუდამ იმის ცდაში იყო, დაეწმინდა, გაეანკარავებინა, როგორც თვითონ მზის შუქი იყო წმინდა და ანკარა.

ნაკადულსაც უყვარდა მზე. თუმცა ქვეყანა იძახდა, მზე ახმობს ნაკადულსაო, მაგრამ სულაც არა: ის უფროც იღვწოდა ნაკადული-სათვის, ზღვიდან წყალი მიჰქონდა, თოვლსა და ყინულს აღნობდა და ნაკადულს სათავეს უსველებდა.

— თუმცა პატარა ვარ, — ამბობდა ნაკადული, — მაგრამ ხნით კი მეც ქვეყნის ტოლა ვარ. ვინ იცის, რა დროს გაეჩნდი ქვეყანაზე, რამდენი ვაი-ვაგლახი და ცვლილება გამოვიარე. მიწის გულში ვიყავ ჩამძვრალი და დაკარგული, გამოვყავ სინათლეზედ თავი, მერე მზისგან მოტაცებული რამდენ ხანს დავქროდი თვალგაღუწრომელ ცის სივრცეში, სანამ ისევ დედამიწაზე დავეცემოდი. რამდენი რამ გადამხდა, სანამ ამ ნაკადულად ვიქცეოდი და დიდ ოკეანესკენ გავწევდი. რამდენ ხანს ვიყავ ოკეანეს მლაშე წყალში შთანთქმული, სანამ ისევ მზე ამიტაცებდა ჰაერში და მალალ მთაზე თოვლად დამდებდა. ზამთარ-ზაფხულ დათოვლილი მთა სათავედ დამიდო და ამ კლდეებს ჩამომქონა კვლავ განწმენდილ-განსპეტაკებული. სიცოცხლე მომანიჭა, რომ ეს სიცოცხლე უკვდავი გამეხადა ცხოველთა და მცენარეთა წყურვილის მოკვლით. მე არ მოვკვდები, არც მოკვდება სიცოცხლე. ან სად არის ქვეყნად სიკვდილი? ავდარში წყლით გავსილი გუბე რომ მერე დარმა ამოახმოს, განა ეს სიკვდილია?! იმ წყალს, ორთქლად ქცეულს, შესრუტავს ფოთლით ბალახი, გადაღანდება, გაცოცხლდება. ბალახს ცხვარი მოსძოვს ან სხვა ცხოველი და რძედ აქცევს. რძეს ბატკანი მოსწოვს, ნუკრი ან ჩვილი ბავშვი და ასე დაუსრულებლად ხდება ჩვენი სიცოცხლე და ერთმანეთზე დამოკიდებულება. ეს მახარებს და მასულდგმულებს, რომ ქვეყნის სიცოცხლეს მეც ვეხმარები და იმის განგრძობის თანაზიარი ვხდები.

ამასავე მღეროდა ყვავილების უთვლელი ლაშქარი, ნაკადულის ორსავე ნაპირას ჩამწკრივებული, კლდეებში, ქვებზე, ბეჭებში ამომ-

ძვრალი. ზოგს თავი ძირს ჩაელუნა, მორცხვად მზისთვის პირი მოე-
რიდებინა, ზოგს თავი მაღლა აეღო, ყელი მოედერებინა და აქეთ-
იქით თავს უკრავდა ნაცნობ-ნათესავეებს. ზოგი მიწის პირს არც კი
ასცდენოდა და ზედ ღილებივით მოსჩანდა. ყველანი კი სიცოცხლით
სავსენი და გახარებულნი იყვნენ. ჩაშხუოდა დაკუმშილი ნაკადი
კლდიდან-კლდეზე, ქვიდან-ქვაზე, გუბიდან-გუბეში, მორევიდან-მო-
რევეში და თან ტკბილი ხმით ამცნებდა ყველა სულდგმულთ და მცე-
ნარეთ თავის მოსვლას, თან ჩქაფა-ჩქუფით ცეარს ესროდა ნაპირზე
მოლხინე ქალებივით მორთულ-მოკაზმულ ყვაეილებს და ისინიც
იმის ღუღუნს სიმღერით მოსძახდნენ თავის ალტაცებას:

ჩვენ ყვაეილები ყველანი,
სიცოცხლით გაუძლომელნი,
ვართ უკვდავების ნატრულნი,
მისივე მახარობელნი!
ჩვენ არა გვჭერა სიკვდილი,
თვალი გვიპირავს მზისკენა
და სასოებით აღვისილთა
მის წმინდა სინათლისკენა!
ღალადით, ალტაცებითა
მზეს ეუგალობებთ პიშნებსა,
დედამიწასა გულჩეილსა,
ჩვენს აღმზრდელს, მაცხოვრებელსა
და უკვდავების წყაროსა,
ნაკადულს მადლით სავსესა.
როგორც იაზმას ვისხურებთ,
მიეუშვიერო მკერდსა და გულსა,
და ჩვენი გულის ნადებსა
გადაეცემთ მას კურთხეულსა.
წავა და დაღმა დაჰყვება
შეერთვის სხვა მთის წყაროსა;
ჩასჩურჩულებენ ამბავსა
გუნების გასახარელსა.
სად თესლს გარიყვენ, სად ძირსა,
სად გადასაგველ ღეროსა...
წაილებს დაღონებული,
დარგავს, დაიდგამს თაროსა.
ეგების ყვაეილთ ჰერეტამა
ნალეელი გაუქაროსა!

ყველეების თანაგრძნობით გაშხნევებული ნაკადული უფრო ხმამაღ-
ლა ჩუხჩუხებდა და მიძინებულ ტყისკენ სიცოცხლე მიჰქონდა.
უზარმაზარ წიფელას, ამაყ მუხას, ახალ ნორჩ შიმელას და პატარა
ბუჩქებს, ყველას ნაკადულისაკენ გაეწია ფესვები, მაგრამ ალაგ-
ალაგ მიწა ჩაწავებულიყო, მცენარეთა ფესვები გაეშიშვლებინა და
მზისგან გამხმარ-გამოფიტულნი უღონოდ დაეკიდნა ბექზე. ტყის
მცხოვრები ფრთოსნები გუნდ-გუნდად მიეშურებოდნენ ნაკადული-
საკენ, ცივის წყლით წყურვილს იკლავდნენ და სიცხისგან შეწუხე-
ბულნი შიგ იბანებოდნენ. ის კი, გზაკურთხეული, შორს, ძალიან
შორს, გაიქვირებოდა, სოფლებით და ვენახ-ყანებით დაფენილ ვე-
ლისკენ.

ასე ეძახდა ქალი თამარი ჩვენს ბატარას. ზაფხულში რომ სხვაგვარად მოგვართვა, ჩვენ, ბავშვებს, ისე გაგვეხარადა, რომ სულ ერთმანეთს ვტაცებდით ხელიდან, ზოგი ცხვირზე ვკოცნიდით, ზოგი შუბლზე და ზურგზე.

მეტად პატარა რამ იყო. ეტყობოდა, ობლად, უდღოდ იყო გაზრდილი, რადგან სიგამხდრით ღუმის მაგივრად პატარა ჩლუტე ხუჭუჭი მატყლით დაფარული კაკლისტოლა კუდუსუნი ჩამოჰკიდოდა. ხელიდან საქმელს გულად გვართმევდა და ბაკაბუკით დარბოდა ფიცრის აივანზე. ეტყობოდა, ფიცრებზე რაკა-რუკი ართობდა, რადგან თვითონვე ყურს უგდებდა ხოლმე თავის ფეხის ხმას და როცა გაჩერდებოდა, ბაკიბუკი მოსწყინდებოდა, ის გაკვირვებული იდგა და აქეთ-იქით იცქირებოდა, თითქო კითხულობს, სად წავიდა ის ვილაც რომ აბაკუნებდაო. დღე სულ ჩვენთანა გვეყვანდა და ვააზიზებდით. პატარა გუგული ლენტებს ახვევდა ყელზე, რქებს უსინჯავდა და კბილებში თითს უყოფდა. ხან ცხენივით დაუპირებდა ხოლმე შეჯღომას, ბატარანი გაურბოდა და გუგული იატაკზე ეცემოდა ცხვირით.

— დასავალცქნია, დედილო, დავალცქნი, — ეხვეწებოდა ხოლმე ჩემი პატარა დაია გუგული დედას. თან სავარცხელს მოარბენინებდა და ზურგზე უსვამდა. ბატარასაც ეტყობოდა იამებოდა, ტვინდებოდა და სიამოვნებით იზმორებოდა.

ძალიან შეგვეჩვია ბალებს. სულ თან დაგვდედა და რასაც ჩვენ ვიკრებოდით, ისიც მადიანად მიირთმევდა.

მეტად გაწუწკდა, სახლში და აივანზე ცურცლადა. მამა ჯერობდა, რომ ბატკანი იატაკებს ასველებდა და ყვავილებს კორტნიდა. ბოლოს რის ვაი-ვაგლახით მოგვაშორეს და ინდაურებთან დაუწყეს დამწყვდევა. პირველ ღამეს სწორედ შეგეცოდებოდათ, ისე ბლაოდა და კედლებსა და კარებს ებლოტებოდა გამოსასვლელად. სახლში გუგული იკაჭებოდა.

— ლათ შეაგდეთ ჩემი ცაწკალი კაჭუმელი ცაქათმეცი, ლო მელია მოვიდეს და წაიკვანოც, ლაგა ვქნა მაციანა? — ამ მელიისა გუგულს ძალიან ფახადი ჰქონდა, რაკი დაემუქრებოდნენ ხოლმე, მელიას მიგცემთ, თუ კიდევ იგიყებო.

— ყვითელთმიანი ქალები უყვარს მელიასო, — ეტყოდა ხოლმე ძია მიხა. — რამდენჯერმე შემხვედრია გორის გზაზე მელია, უკითხნია: გუგულს ხო ისევ ყვითელი თმა აქვს, ხომ არ უშავდებაო.

— მამა, — ეკითხებოდა შეფიქრიანებული გუგული მამას, — თმა გამიცავდა, ალა? ახლა ალალ წამიყვანს, ალა, მამა? — მამაც არწმუნებდა. რომ ჩემი შიშით აქ მელია ვერ მოვაო. გუგული ხტოდა და მღეროდა:

სელზე მოგოგავს მელია,
იძაქის თალუნანოცა!
ლომელი ბიწი იქნება,
ცემ გუგულს ხელი აქლოცა.

მაგრამ ბაციკა ბატკნის საქათმეში დამწყვდევა ვერ ესიამოვნებოდა.

— დაიცო, მამილო, ცემი ბატკანი ლო ცაქათმეცი გააგდე, განა ლა დაგიცავა იცეთი! — თან ღრიალებდა და ხუშურ-ხუშურ ცრემლებს აბნევდა.

* * *

ბოლოს ბაციკა ბატკანიც შეეჩვია თავის ახალ ბინას, ახალ ძმობილ ინდაურებს და იმათ „კამპანიაში“ ატარებდა ღროს. იმათ საკენეს ზკამდა და ბალახსაც იმათთან ძოვდა. ინდაურებს ცოტა ეშინოდათ

იმისი და როცა ის იმათკენ მივბოდა, გულგახეთქილი ინდაურები აქეთ-იქით იფანტებოდნენ. ბატკანიც უკან მისდევდა დაფეთებული. ალბათ ფიქრობდა, მტერი ნახეს და გარბიანო. თვითონაც ცდილობდა თავი გადაერჩინა. ინდაურებსაც ეგონა შესაქმელად დაგვდევსო. კივივი-ნმაურობით ზოგი ღობეზე ხტებოდა, ზოგი ბანზე, ზოგი საბძელზე და ძირს დამრჩალი ბატკანი გაკვირვებით შესცქეროდა დამფრთხალ ინდაურებს, რად გამექცნენ, რა ნახეს საშიშო, იღვა გაბენტერებული და ბლაოდა.

ძალიან გაონავარდა: ბაღა სულ გამოვა, პატარა ხეხილებს და ვარდებს ფოთლები სულ გაუკორტნა. ინდაურებს და ქათმებს ხომ აღარ აცლიდა საკენკის ალებას, უტევდა, სჩხვერავდა, რქენდა, იშორებდა და სიმინდისა და ქერის მარცვლებს გაჩქარებული აქნატუნებდა. საკუქნაოს დაინახავდა თუ არა ღიას, მაშინვე შიგ ეცემოდა, კომბოსტოს სწიწკნიდა, კარხალს ხრავდა და კარტოფილსა და ხახვს კი მაზასავით ახრამუნებდა.

ჩვენს თამარს ძალიან უყვარდა, სულ ეალერსებოდა და ეკუქკუკებოდა: „ჩემი ბაციკა, ჩემი ღუმიანი, სადა ყოფილა? რა მოიპარე? აბა მშიერი ხომ არ დამრჩიო?“ და ამისთანები.

ბაციკაც მივიდოდა, დასუნავდა, ხელებს და კალთას უნახავდა, საჩემო აქვს რამე თუ არაო. თუ ჰქონდა რამე საქმელი და უთავაზებდა, მერე ჯოხითაც რომ ეცემნა, ვეღარ მოიშორებდა, სულ ხელებში შესცქეროდა და კაბაში თავს უყოფდა. თამარსაც ძალიან პირის პატივში ჰყვანდა თავისი მეგობარი, ოღონდ უფროსები ნუ დაინახავდნენ და ბაციკა ბატკანს რაც უნდა ეპარნა და ეჭამნა. სტაფილოები და კარხლები სულ დაღრღნა თავვივით.

მახსოვს, ერთხელ დედაჩემი როგორ გულგახეთქილი ამოვარდა საკუქნაოდან: დიდი თავვი გაჩენილა საკუქნაოში და კარხალი და სტაფილოები სულ დაუხრავსო. დიდი ფაციფუცი შეუდგათ, დიდ დარღებში იყვნენ, ახლა სულ ყველაფერს გაგვიფუჭებს და რა უწამლოთო. ხილი იქა ჰქონდათ შენახული და სხვა სალეველი. მახეც დაუუგეს, კატაც დაამწყვდიეს, მაგრამ მაინც არა ეშველა რა, თავვი ისევა ხრავდა, რაც ძირს ეყარა. გოგრებს გვერდები გამოულრუტნა, კარტოფილსა და მსხვილ ხახვს გვერდები გამოქამა. ყველაზე მეტად ხახვის ჰამა გვიკვირდა. ვინ თავვი და ვინ ხახვის ჰამა, რომ არ გაგონილიყო!

ბოლოს როგორც იყო მართალი გამოირკვა: დედაჩემი ჩასული-
ყო და თურმე დგას ჩვენი ბაცია ბატკანი და ხრავს წითელ ქარხ-
ლებს, ისეთი ცხვირი აქვს, როგორც სისხლი. რასაკვირველია, ბაცი-
კას გვერდები რიგიანად დაუზილეს და ქარხლისა და სტაფილო-
გოგრების ქამა ამოაშხამეს. ამის შემდეგ ძალიან ფრთხილობდა ბა-
ცია საკუქნაოში ჩასელის დროს. თუ ვისმეს ხედავდა ახლომახლო,
შიგაც არ შეიხედავდა, სანამ თვალს არ აიცილენდა.

ამით არ გათავებულა იმისი მსუნაგობა!

აივანზე ყვავილები და სხვა ოთახის მცენარეები გვედგა. ამოგვე-
პარებოდა ხოლმე და გვიკორტნიდა ყვავილებს. მაგრამ ერთხელ კი
ჩამწარდა მოლხენა.

იქვე გვედგა ერთი ბუერა მცენარე, მგონი არომას ეძახიან, მშვე-
ნიერი განიერი ფოთლები იცის, ნამდვილი მთის ხეობის ბუერა გე-
გონება. მეტად ლამაზი რამ არის! მაგრამ ისეთი საზარელი მწარე
გემო აქვს, კაცსა ჰგონია ცეცხლი მიკიღია პირშიო; თუ ერთი ბეწო
გაღეკა, მთელი დღე პირიდან არ გამოელევა იმისი სიმწარე.

ერთხელ აპარულიყო ბაცია აივანზე, ალბათ, თუ მოეწონა გა-
ნივრად გაშლილი მწვანედ მონახსასე ფოთლები არომისა. ერთი
ფოთლისათვის ხარბად ამოეგლიჯა ნახევარზედ მეტი გვერდი, მაგ-
რამ გაღეკვაც აღარ დასცალდა. უცებ ბლავილი და ბრაზა ბრუხი შე-
ღოგვესმა. გაცვივდით, ვნახოთ ჩვენი ბაცია ბნედიანივით იატაკზე
გორაობს, ფეხებს ფშეკს, პირიდან დორბლი გადმოსდის, ცხვირს
იატაკს უსვამს და თავს აქეთ-იქით ახლის.

ბალებს საშინლად შეგვეშინდა. თამარი ტიროდა, ბაცია კვდე-
ბაო. გუგულიც ბაციკაზე ნაკლებ არა ბლაოდა. ვერავენ ვერ გაიგო,
თუ რა იყო ბატკნის ვაგიყების მიზეზი, ზოგი რას იძახდა და ზოგი
რასა: გაცოფდა, მოველათო. არა, — სხვები ამბობდნენ, — რეტიანი
ყოფილა და რეტმა მოუარაო (საქონლის ბნედას რეტს ეძახიან).

შეატყობინეს მამას. მამაც შეშინებული გამოქცეულიყო. იმ ზაფ-
ხულს მეზობლებს ბევრს გაუცოფდა ძალები და იმათგან დაკბენი-
ლი ღორები, ცხვრები და ძროხები. „ალბათ გაცოფდაო“: — ეფიქრა
მამას და ძალიან აღელვებული იყო, მაგრამ ჩვენდა საბედნიეროდ
მალე თვალი შეასწრო არომას ჩამოფხრეწილ ფოთოლს და მიზეზი
ბაციკას ვაგიყებისა თავისთავად გამოირკვა.

ამას შემდეგ ბაციკა რამდენსამე დღე ნაადრ ძერასავითლა და-
დიოდა და თამაშობისა და ქურდობის გუნებაზე სრულიად არ იყო.
აივანს ხომ სრულიად აღარ მიჰკარებია და არომს რომ თვალს მოჰკ-
რავდა, ისე გარბოდა გულგახეთქილი, თითქო მგელი დაინახაო.

• • •

ახლა სათონე გაიხადა სანადიროდ. იქ ტომრებით სიმინდი და ქერი
იღვა ცხენებისა და წვრილფეხისთვის. რამდენჯერ მინახავს სათონი-
დან გამოვარდნილი ფქვილიანი ტუჩებით და ცხვირით, ან სიმინდი
და ქერი უკნატუნებია. სიმინდს ხო პირდაპირ ინდაურებივით მთელ-
მთელსა ჰყლაპავდა. ჩვენები ზაფხულში სათონეს სამზარეულოდ
ზმარობდნენ ხოლმე და მუდამდღე იქა ტრიალებდნენ, გამოსვლაზე
კარებს ბევრჯერ გამოუხურავს უშვებდნენ. რაკი ბაციკას გარყვნა
იცოდნენ, უფროსები გვიშლიდნენ, ბაციკა სათონეში არ შეგვეშო,
რომ იქაურობა არ აეოხრებინა.

ჩადგან ინდაურები კარებზე ტრიალებდნენ, ბატკანიც იქვე იყო
ხოლმე და თუ სათონის კარებს ღიას დაინახავდა, ხელად შიგ ეცე-
მოდა. დაადგებოდა, რასაც მოასწრებდა და ჰყლაპავდა.

ერთხელ თამარს თავისი ბაციკა ბატკანი სიმინდიან თაბახზე დაე-
ყენებინა. იმდენი ეყლაპა, სანამ ყელში ამოედინებოდა. ვინა ჰყვანდა
დამშლელი, დიდები შინ არ იყვნენ და თამარი იმისი დიდი ერთგუ-
ლი და მეგობარი იყო. იმ დღეს ძალიან დახტოდა, მუცელი გამაძღა-
რი ჰქონდა და მაძღარმა მუცელმა ხომ მსიარულობა იცის.

— გაძღა ჩემი დუმინანი ბიჭიო? — ეალერსებოდა, — კარგია ქურ-
დობა, არა? ვერც არავინ გაიგებს და შეგარჩება ეგ ერთი ქეიფი, ჩე-
მო კარგო.

საღამოთი წყურვილი აუტყდა ბაციკას და ხევზე წამდაუწუმ გარ-
ბოდა. მეორე დღეს მუცელი ცოტა თითქო შემოებერა და როგორ-
ღაც ყურებჩამოყრით იყო, აღარც ისე დახტოდა და სიმინდს ხომ სულ
აღარ ეტანებოდა. ახლა ხან თივაზე არბოდა, ხან კომბოსტოს თავებს
სწიწკნიდა, მაგრამ ეტყობოდა, რომ გუნებაზე ვერ ბრძანდებოდა.

საღამოთი მამასთან ბიჭი შემოვიდა, „ბატკანი ავად არის და რას

ბრძანებთ, დაეკლა თუ რა ვუყო, უსულადოდ არ მოკვდეს, აფსუსია, მაგრე ძალიან გახლავთ გასუქებულიო“. მამა გაჯავრდა, „დაეკლა როგორ შეიძლება, ავადმყოფის ხორცი რა საკმელიაო“.

გადავედით ბოსელში ავადმყოფის სანახავად. ცხენთან იწვა, თავი ზღვევებზე დაედო და კენესოდა.

ჩვენ მივედით, დავუწყეთ ალერსი და ლაპარაკი, მაგრამ იმან სრულებითაც არ მოგვაქცია ყურადღება. „ეჰ, რა თქვენი დარდი მაქვს, მე საქმე მიჭირსო“. ჩვენ ხან თავი ავუღეთ, ხან ავაყენეთ, მაგრამ კინწიცი მოსწყვეტოდა და ველარც ფეხზე დგებოდა. ბიჭმა თქვა: „თივა დავუყარე, მაგრამ გემოთ აღარ ნახაო“. მამაჩემმა ბრძანა: „იყოს და როცა მოკვდეს, მოკვდესო“.

ჩვენ არ ვიცოდით, რა სტკიოდა და, აბა, რა წამალს დავალეინებდით.

გუგული ღრიალებდა: „არ დაკლათ ცემი ბაციკა ბატკალი, ცემი ცაცოდავი კაწუმელიო“. ყველა რამე მიზეზს ასახელებდა ბაციკას ავადმყოფობისას. ზოგი ამბობდა ყვეაილი იქნებაო, სხვები ამტკიცებდნენ, ამ ზაფხულს დასიცხავდა და ახლა სიცივეზე გამოაჩნდაო. მხოლოდ ქალი თამარი იჯდა ჩიჩვირდაკიდებულნი. იმან იცოდა, რომ ბაციკა ბატკანი ძალზე სიმინდით გააძლო და ახლა სიმსუნაგემ გადაოტანა თანა. მაგრამ რას გაამხელდა!

რას ვუშველიდით. მეორე დღემდე კიდევ იცოცხლა. ყველას უნდოდა გაეგო, თუ რამ მოჰკლა, გასჭრეს და ფაშვი დამპალი სიმინდით ჰქონდა საესე. ველარ ამოეცოხნა. საწყალს ღორმუცელობამ და ქურდობამ მოუღო ბოლო.

დიდხანსა ჰქროდა ცივი ზენა ქარი, ხელები და სახე სულ აგვიტრუსა. მართალია, სახეში თოვლს არ გვაყრიდა, მაგრამ ჩვენ თოვლი გვერჩივნა ამ ხმელ ქარსა.

— რით ვერ მოიღალა ეს ოხერი! — ვიძახდით ყველანი.

— კი აღარ ამოგვიქაქანა და! ჰქრის და ჰქრის!

მინდვრად თოვლი აღარ იღო. კვერნაკის ჩრდილოეთი კალთები კი ისევ ვეფხვივით იყო აქრელებული, მთებიც ისევ თოვლქვეშ ხვნიშოდნენ.

თებერვალი მიიპარებოდა.

ვენახში და მინდორში საქმე ბევრი გვექონდა, მაგრამ სიცივით არა კეთდებოდა რა. ბიძაჩემი დაღვრემილი ჩიბუხს აბოლებდა.

ღრო მიდიოდა, საქმე უკან რჩებოდა.

მაგრამ რაკი ბიძაჩემი ყველაფერს ღვთის განგებას აწერდა, არა ღრტვინავდა გამჩენის წინააღმდეგ, — უღვთოდ ხეს ფურცელი არ გაპვარდებოა, — იძახდა.

ფრინველებსა და ცხოველებს მოუსვენრობა ეტყობოდათ. ინდაურები იფხორებოდნენ. ბოლოებს ჯარასავით შლიდნენ, მხრების წვერებს მიწაზე აფხაკუნებდნენ დაშნასავით და ხმამალა ყვიტყვიტებდნენ. ბატები ერთად იკრიბებოდნენ, საღამოობით მინდვრიდან ყიყინით ბრუნდებოდა იმათი თეთრი ფარა. იხვებიც ხევეს აღარა შორდებოდნენ.

— გაზაფხულის ნიშანია! — ამბობდა თვალის ჩაკიევით ბიძაჩემი. — მართალია, ზამთარივით ცივა, მაგრამ ყველაფერს თავისი ვადა და უამი აქვს. აბა, ამ ქილყვავეებს უყურე, როგორ სინჯავენ ხეებს წვერიდან ძირამდე, ბუხრებში ცალი თვალით იპყიტებიან. კოშკებსა და ნანგრევებში ხერელებს ეძებენ, ბუდისთვის თავდარიგს იპყერენ. ეტყობა, გაზაფხული შორს აღარ არის.

• • •

სადამოთი ბიძაჩემი გარედან შემოვიდა, ხენეშით სკამზე დაჯდა. — მადლობა ღმერთს! ძლივს არ ეღირსა ამ სატილზე ქარს ჩადგომა! ახლა კი გაგვიზაფხულდება!

მართლაც, ჰაერი და ცა დამშვიდებულად მეჩვენა. სითბოს სუნნი ტრიალებდა. ფრინველებს ერთი ყრიაბული და განგაში ედგათ.

ძაღვები თავის ხრუწუნებიდან გამომძვრალიყვნენ, ეზოში და ეზოს გარეთ წელგაშლით დასეირნობდნენ.

ციოთგან ღრუბლები ქურდებივით მიიპარებოდნენ და მთას იქით აფარებდნენ თავსა. მეორე დღისათვის კაი დარს ელოდა ხალხი.

— ბიჭებო, ხვალისათვის ბარები და წაღლები ნახეთ! — გაჰძახოდა მამა შეილებსა.

გუთნისდელა გუთანს ჩაჰლირლიტებდა, გაცვივულ სოლებს ამაგრებდა, ან ახლებს უთლიდა.

— გაზაფხულდა, დროა, გუთნები შეევაბათ!

• • •

ჩვენს ახლოს ხევი იყო, ხევის პირას ნანგრევი ქვითკირი. ამ ქვითკირის ქვეშ წყარო გამოდიოდა, ზაფხულობით ცივი, ხოლო ზამთრობით თბილი. ვიცოდი, რომ იმ წყაროში ზამთრობით კედლისქვეშ ბაყაყები ბუდობდნენ. სულ პირველ გაზაფხულს შემატყობინებდნენ ხოლმე. ჯერ ყრულ მოისმოდა მათი ხმა, მერე რამდენიც გაზაფხული ახლოვდებოდა, იმდენად ისინიც ხმას უმატებდნენ და ღამღამე ჰაერში გაისმოდა იმათი კრიალი.

ძალიან დიდი თოვლიც რო ყოფილიყო, რაკი იმათი კრიალა ხმა შემომემსმოდა, გული მოუსვენრად მიწყებდა ტოკვას, გაზაფხულის მოსვლით ეტკებებოდი და თავს ვინუგეწებდი. ეხლაც ყურს ვუგდებდი. როცა საქონლისა და ფრინველების ხმა მისწყდა, გარკვევით მომესმა იმათი კრიალი. „ახლა კი ახლოა გაზაფხული!“ წამოვიყვირე გახარებულმა.

გაზაფხულის ნიშნები ერთი მეორეს მოსდევდნენ. მეორე დღეს ჩვენ სახლის წინ მდგომ კაკალზე წყვილი შოშია შარშანდელ ბუდეს დასტრიალებდა და ჩემთვის გაუგებარს ენაზე ერთმანეთს რაღასაც ჩაპლუკლუკებდნენ. აბა, რა ძალა შეაყენებდა ამათ და ამათ ამხანაგებს, რომ გაზაფხულს თან არ მოჰყოლოდნენ!

ბაღებს მინდვრიდან ერთი მუჰა წითელ-ყვითელი ენძელა მოეტანათ და მაგიდაზე გაეშალათ. დედა ჯავრობდა: ენძელის სახლში მოტანა არ ვარგა, ვინც პირველად ჰნახავს, უნდა ფეხზემდგომი ნახოს და არა მოგლეჯილიო... ენძელა სიცოცხლისა და სიხარულის ნიშანია და ამ პირველ გაზაფხულზე სიკვდილი რა მოსაგონიაო? მე დავცქეროდი ამ ნორჩ სიცოცხლეს, უსულო მიწიდან ამოსულს.

— ეჰ, ენძელავ, ენძელავ! შენი დანახვა, რაც უნდა ჯავრიანი ვიყო და სიკვდილი მენატრებოდეს სასოწარკვეთილს, გულს მივსებს უსაზღვრო სიხარულით! როგორ გამოვთქვამ იმ სიამოვნებას, რასაც შენი დანახვა მაგრძნობინებს ხოლმე უსულო და უსიცოცხლო მინდორზე, სადაც თოვლი ჯერ რიგიანად არც კი ამშრალა და ნიადაგი თოვლის ნაღობ წყლის გუბეებით არის დაფარული! გზის პირზე მახრობლებივით ამომძვრალხართ, ალბათ ძალიან და ძალიან სასიხარულო ამბავი მოგაქვთ რამე, რომ საუკეთესო და ძვირფასი სამოსლით შემოსილხართ და ფერადი სამკაულებით მორთულხართ?!. ნეტა, რას მეტყვით, რის მახარობლები ხართ?! იქნება გაზაფხულისა?! და თუ მართლა გაზაფხულის წინამორბედნი ხართ, მოგესალმებით, მშვენიერებო!

მშვიდობა თქვენ მოსვლასა! საწყლებო, თქვენ ხომ ვერც სრულს გაზაფხულს მოესწრობით და ვერც ზაფხულს!

აქამდე მხოლოდ შავი ღრუბლებით გადაქედილი და საზარლად მო-
ზუზუნე ცა სრულებით სხვა კილოზე ახმაურდა. გაივსო მომთაბარე
ფრინველთა უივილ-ქყივილით. მხარგრძელნი ფრთოსანნი, დედამი-
წითგან დაშორებულნი, ნელ-ნელა მიცურავენ თვალუწვდომელ ცის
სივრცეში ჩრდილოეთისაკენ. ყურს ოდნავ ხვდება მათი ყვირილი.
ხოლო წერილნი ფრთოსანნი შრიალით გადაურბენენ ხოლმე სოფ-
ლებს საყდრებისა და კოშკების წვერებზედ.

გიხაროდეთ, ჩრდილოეთის მცხოვრებნო! მოგესალმებათ ცხელი
სამხრეთი! გიგზავნით გაზაფხულს. ვისაც ზამთრის სისასტიკემ გუ-
ლი გაგიტეხათ და სასოება დაგიკარგათ, გამხნევდით ისევ. იმედს ნუ
ჰკარგავთ, — არ შეგეშინდეთ, თუ გაზაფხულის უამს უცებ ტაროსი
შეიცვალოს, ზამთარმა იგდოს ხელთ ბატონობა და თავზე ჯადოქარი-
ვით დაგაცხრესთ! არ შედრკეთ და გაზაფხულს შეუჟრაცხება არ მია-
ყენოთ თქვენი ორქოფობით. გულში ექვი არ გაიტაროთ გაზაფხუ-
ლის მძლეთამძლეობაზე! მეორე-მესამე დღეს კვლავ გამობრწყინდე-
ბა დიდებულად მზე და ზამთრის სახსენებელი ამოიფხვრება.

თითქო ყურის ძირში ზარბაზანი დაუცალესო, უცებ საშინელი
გრიალი მოესმა მთიულ ფოცხვერას, რომელიც უნაგირის ტახტასა
სთლიდა.

— ზევი გამოსკდა, ლაშარის ჯვრის მადლმა! — წამოიყვირა გა-
ხარებულმა და თითქო დიდი ხანია, რაც აქა ზის და ამ მოვლენას მო-
ელოდინებაო, შეითანივით კარზე გაიქრა, ბანზე ავარდა და იქიდან
ხარბი თვალით დაუწყო მთიდან დაქანებულს ზევეს ცქერა.

— ა ბეჩავ, ბიჭო! აბა შეგაყენონ, თუ კაი ბიჭებია, თავის თოფ-
ზარბაზნებითა! ხატის მადლმა, შენ უკან ველარავინ დაგაბრუნოს!
შენ შენსას არ დაიშლი, სანამ მინდვრად არ ჩაიქედები! იქაც არ
შესწყვეტ მოძრაობას, სანამ სწორე დაცემული ჰალა არ შეგაფერ-
ხებს, სადაც მშვიდობიანი ხალხი შრომის უღელს ეწევა. შენ ხო ცო-
ფიანივით შიში არ იცი. რაკი ყელთაექვე დაეკიდები და მთას მოსწყ-
დები, დაექანები ქარიშხალივით და ზღაპრულ გველეშაპივით კლაკ-
ვნას იწყობ, როცა დაქრილი მტრისკენ მიჰქრის სასიკვდილოდ თავ-
გადადებული! ახლა კი ახლოა გაზაფხული! — სთქვა ცოტა გულმოს-

ვენებულმა ფოცხვერამ, რაკი ზეაჲმა თოვლის კორიანტელსა და ბუქ-
ში გახვეულმა ტიტველი მთა ჩამოიბრინა უთვალავ ცხენოსან ლაშ-
ქარივით, როცა თავდადებულს, თავის სიმრავლით გათამამებულს
თავგამეტებით მტერზე საზარელი იერიში მიაქვს!

შეკუმშული თოვლი შავ მუხის ტყეში თეთრი ღრუბლებივითა
ჩანს. ნაკუწ-ნაკუწად აქცევს მას საზარელი გრიგალი და ბუმბული-
ვით აიტაცებს თვალშეუწვდენელ ცის სივრცეში, რომ მერე ისევ
ერთად მოაგროვოს და მთებზე წისლით ჩამოუშვას.

თვალს ვერ აშორებდა ფოცხვერა ამ დიდებულ მოკლენას. განა
არ იცოდა, რომ ზეაჲი, რაკი ერთი დაიძვროდა, სანამ ქალაში არ გა-
ივლევებდა, აღარ შედგებოდა და ვერც არა ტყე შეაყენებდა, ვერც
კლდე. ათასწლოვან მუხას ძირიანად ჰგლეჯდა და ხეობაში კენწერა-
სავით ისროდა. მაგრამ გულში ცოტა რამე ეჭვის ქარი ეპარებოდა.
ისე იყო ზამთრისგან გულმოკლული, რომ ზამთრის წასვლა სწამდა
კიდევ და არცა სჯეროდა.

როგორც მოსულები ამბობდნენ, არაგვზე უკვე ჩირთი შემოსუ-
ლა, მურყანი და თხილი იშლებოა, ბარად კი რამდენი ხანია გაზაფ-
ხულიაო. მთაშიაც თხილის მქადას! მქადის ფქვილივით ყვითელი
მტვერი გასდიოდა. დგნალს კატის კნუტებივით ფაფუკი ციციუნა²
ეკიდა.

მაშ გაუმარჯოს გაზაფხულს! გაუმარჯოს ზაფხულის მოსვლას!

[1006 წ.]

¹ ყვავილი თხილასა.

² მქადა.

ჩხიკვი სულაც არ მოელოდა, თუ იმისი სტუმრობა ასეთ თავზარს დასცემდა ბედნიანძის ეზოში გაშლილ ქათმებს.

დილა იყო. ახლადამოსულ მზეზე მცირე რამ საგანიც საშინლად დიდ ჩრდილს ისროდა. ალბათ ჩხიკვის ჩრდილიც დიდ რამე მტაცებლად ეჩვენა ქათმების უფროსს, დიდ წითელ მამალს, რომელმაც საზარელი ხმით დაიკვივლა:

— ეეე! ეიი! აბა თავს უშველეთ, ვისაც როგორ შეგიძლიანთო.— სწრაფად ღობის ძირს ეცა და გულგახეთქილი თავის მოფარებას ცდილობდა. სადაც სამართალი იყო, თვითონ არ უნდა გაქცეულიყო, წვრილი ცოლშვილისთვის უნდა ეპატრონა და თავი დაედო იმათთვის. მაგრამ, მოგეხსენებათ ქართული ანდაზა, სული ტკბილიაო. შეშინებულ მამალს წვრილი ცოლ-შვილიც დააეიწყა და სამამაცო ზნენიც.

დედლებიც ზოგი საქათმეს ეცა, ზოგი ღობის ქვეშ შეძვრა. ზოგი მამალს მიეკრა გვერდში, ზოგი ბუჩქებსა, ქვებსა და ხეებს ამოეფარა. ვინც როგორ მოასწრო, ისეთი საფარი გაიკეთა და იქ მოელოდა მტრისაგან იერიშის მოტანას. თუმცა სულქვეშ რომ ვსთქვა, ერთიც არ ფიქრობდა მტრის მოგერიებას. წიწილები ზოგი ერთად შეგროვილიყვნენ და ისე განაბულიყვნენ, ზოგიც, სადაც საზარელ ამბავს მოესწრო, იქვე პირქვე გატყლაპულიყო მიწაზე. ყველა გულისკანკალით მოელოდა ქვეყნის აღსასრულს.

მხოლოდ კრუხს დაეიწყებოდა თავიც, სიკვდილის შიშით. ჰყრი-
ალით აქეთ-იქით აცეცებდა თვალებს, საბრძოლად გამზადებული და
თვით ფრინველთ მეფეც რო ყოფილიყო, არ დახედავდა და გაათრე-
ბული ეცემოდა.

ჩხიკემაც სამჯობინოდ დაინახა, ლობის მაღალ მარგილზე დამჯდა-
რიყო, სანამ ეს პირველი შიშის ქარი გადაუვლიდა საქათმეთსა და
გონს მოვიდოდა.

კრუხი კი ხან ჯარასავით ტრიალებდა და წიწილებს ეძებდა, ხან
ჩხიკეს შესტკეროდა და თვითონაც ემზადებოდა, შეატყობდა თუ არა
სამტროდ რაიმე მზადებას და მოძრაობას, მაშინვე ცდილობდა, თვი-
თონ პირველს მიეტანა იერიში და შეილებისათვის თავი დაედო.
ჩხიკევი არ მოელოდა, თუ ქათმები ასე მალე და ასე საშინლად შეშინ-
დებოდნენ, თავგზას დაჰკარგავდნენ, არ ეგონა, თუ ისე დამონებულ-
დაჩაგრულ-დაბეჩაგებული, ყოველივე ღირსებადაკარგული, ცხოვ-
რობდა ქათამთა ნათესავი. შეეცოდა და შერცხვა თავის თავისაც,
რომ ასე უამკარი აურია საწყალ საქათმესა.

უნდოდა ეთქვა რამე, დაემშვიდებინა გაბოროტებული კრუხი,
რამდენჯერმე დაიჩხავლა კიდევ დამამშვიდებელ კილოზე, მაგრამ
არა: კრუხი თავისას არ იშლიდა, წიოკობდა, საომარი ხმით ჰყიოდა.
თან რამდენჯერმე სცადა ჩხიკვისკენ შეხტომა და იერიშის მიტანა,
მაგრამ ფრთებმა უღალატეს და მიწაზე თავდაყირა ჩამოვარდა.

მამალი, ეს ბატონ-პატრონი საქათმისა, ლობის ძირიდგან ცალი
თვალთ გამოიციქირებოდა, ვნახოთ, როგორ გათავდება საქმეო. თან
თახთახი და კანკალი გაჰქონდა.

ჩხიკევი კი, თითქო დაბოლოვდაო, ხან აქეთ აქნედა თავს, თან
ბოლო ცისკენ აჰქონდა, ხან იქით, თითქო თავს ვისმეს უკრავსო,
თან ნელი ხმით ჩხაოდა. უნდოდა დაემშვიდებინა შიშისგან თავზარ-
დაცემული საქათმეთი.

— აბა, რო სჯავრობ და ომს მიცხადებ, ჩემო დედი, რას გიშა-
ვებ? მე ჩემთვის ვზივარ მარგილზე. მე სამოკეთოდ მოველ და არა
სამტროდ, მინდა ერთი ქართული მოგახსენო — თავაზიანად გამოე-
ლაპარაკა კრუხს ჩხიკევი. — მოითმინე, მე სრულიადაც არა ვარ მტა-
ცებელი, არც კლანჭი შემწევეს და არც ნისკარტი. ღეთისა წინაშე
არც მოდგმა გვაქვს. ჩვენ ტყეში ვცხოვრობთ, ჩირგვებისა და ხეების

ნაყოფით ვსაზრდობთ, ან ფულურო ხისქვენ ნამპალ მიწასა ვქე-
ქავთ და მატლს ვეძებთ. შენა ძამალო! თავი რო ლობეში შეგიყვია
და დეზები და ბოლო კარში დაგრჩენია, გამოძეერ, მინდა გითხრა
რამე. თქვენცა დედლებო, კვერცხის მდებლებო! მობრძანდით ახ-
ლო! — უქყვიროდა მხიარულად ჩხიკვი.

კრუხი ცოტა არ იყოს მოლბა, შიშმა გადაუარა, მიწას ნისკარ-
ტით თხრა დაუწყო და წიწილებს დაუძახა: — კე-კე-კე-კე! მოდით,
მოდით! კრუხ! კრუხ! კრუხ! უჰ!—უჰ! რამდენი სარჩო და საზრდო-
ვიპოვეო.

წიწილები ენდნენ დედლის ხმას და ზოგი არხეინად, ზოგიც
ისევ შეწინებული და გულგახეთქილი წივილით მობრბოდნენ დე-
დასთან.

— ყოჩაღ კრუხო! ძაან შვილები დაგხვევია! განა წელიწადში
რამდენ ბუდესა სჩეკავ? ჩვენ მხოლოდ ერთხელ გამოვჩეკავთ ხოლ-
მე და მაშინაც ან სამს ან ოთხს, ეგ არის და ეგ. მაინც, რას უშერბი-
მაგდენ შვილებსა? შენც ჩვენსავეით ზრდი და მერე თავისუფლად
ტყეში აფრენ, თუ აქა რჩებიან?

— ნეტა, ჩხიკვო, მოგცლია და ლაპარაკობ! რო დავაფრინო შვი-
ლები, სად უნდა წავიდნენ? მელიისა და ქორის შესაქმელად?! მე
ვჩეკავ, პატრონი გვასმევს და გვაქმევს, მტერს არ მოგვაკარებს, მა-
შინვე თოფს ესერის და მოჰკლავს. დამე საქათმეში ყუევართ უშიშ-
რად, დღე და დამე ყურს გვიგდებს და გედარაჯობს ჩვენი კარგი პატ-
რონი, ასე, რომ გარედან არაფერი საფრთხე არ მოგველის.

ეს კია, როცა ძალიან გავმრავლდებით, საქათმეში აღარ ვეტყვით,
ერთმანეთს ვავიწროებთ და ახლადმოჩრიხული მამლაყინწები პატ-
რონს ძილს უფრთხობენ აღრე ყივილით, მაშინ შეგვათხელებს ხოლ-
მე: ზოგს დაჰკლავს, ზოგს გაჰყიდის, მაგრამ ეგ არაფერია, მაშ რით
გადაუუხადოთ ამოდენი ამაგი და სიკეთე. ქორისა და მტაცებლები-
სგან გვიფარავს, შვილებს აღარავინ გვიწიოკებს.

— განა, ეგრე გჩაგრავთ ი რაღაც ქორია? ან რამდენ ქათამს იტა-
ცებს დღეში? ნუთუ ეგრე საშიშია? — ჰკითხავდა ჩხიკვი, თან და-
ცინვით ილიმებოდა.

— იქნება წელიწადში ერთიც ვერ წაიღოს. ჩვენი პატრონისა
ეშინიან, ვერც მაგრე ადვილად მოჰბედავს.

ამ ლაპარაკის დროს მამლისთვის შიშს გადაეგლო, გამომძვრალი-
ყო, აქეთ-იქით მიიხედ-მოიხედა და რაკი საშიშო ველარ ნახა რა, მხა-
რი მხარს შემოჰკრა და ამაყად დაიყვილა: მე ვარ და სხვა აღარავი-
ნაო! აბა, რომელი ხართ ჩემისთანა ბიჭი ახლომანლო ეზოებშიო?!

და რადგან კრუხს შიშისა ვერა შეეტყო რა და ირგვლივაც საში-
ში არა ჩანდა რა, თამამად გასწია ჩხიკვისკენ...

— ქორი წელიწადში ერთ შვილსაც ვერა გტაცებს, პატრონი კი
წელიწადში ორმოც შვილს გიკლავს და გიჭამს... მაშ, შენი ფიქრით
ქორი მტერია და პატრონი კი მოკეთე, ჰა? ვაი, შენი ჭკუის ბრალი!
პირველი შენი მტერი შენი პატრონია. თუ ქორს არ გატაცებინებდს,
ეგ იმიტომ, რომ თავისთვის გიფრთხილდებათ, რომ თვითონ შეგჭა-
მოსთ. რად ექმევი? — ელაპარაკებოდა გაცხარებული ჩხიკვი.

მამალმა ყური მოჰკრა ამ ლაპარაკს, ჭკუაში არ მოუვიდა
ჩხიკვისაგან პატრონზე ნალაპარაკევი და გაბრაზებით შეხედა ორა-
ტორს.

— არა შვილო! დაიკარგე აქედან, ვილაც მოთრეულხარ! მე გატ-
ყობ, შენ კაი სული არ უნდა იყო. რა გინდა აქა, რისთვის მოსულ-
ხარ? გინდა ჩემი ცოლ-შვილი არიო, ჰა? პატრონი გვივლის, გეასმევს,
გვაჭმევს, მტერს გვაშორებს, შენ კი მოსულხარ და ყბედობ: „შენი
პატრონი გჭამთ, გაეცალენითო“. შენ რო კაი კაცი იყო, სხვისა სახლ-
ში მაგეებს არ დაიწყებდი. მისამარას აქედან დაიკარგე, თორემ მგო-
ნი გაჩენის დღე გაწყვედინოთ, — ემუქრებოდა მამალი.

— რათა ჭავრობ, ჩემო მამალო, მე თქვენთვის გეუბნებით, თო-
რემ მე ისეც თავისუფალი ვარ, არც პატრონი მინდა, არც ბატონი
და არც მაგისთანა გულშემატკიეარი; დაფრინავ ტყეებში ჩემს ნე-
ბაზე. მნებავეს, რცხილზე შეეჯდები, მნებავეს მუხაზე, ჩემი დამშლელი
არავინ არის. არც მგელს ვექმევი და არც მტერს დაუუვარდები. ჩე-
მი თავის მოვლა მე თვითონ ვიცი.

შე ცარიელო კვანო! პატარა ჩიტიც კი უნდა თავისუფალი იყოს
და შენ მაგოდენა ლეშის პატრონი მონობაში იძრობდე სულსა! შვი-
ლებს შენს თვალწინ გიკლავენ, გიჭამენ, გიყიდიან, შენ კი იმდენი
ბრმა და ყრუ ხარ, რომ თვალი ვერ გაგიხელია, ავი კარგისაგან ვერ
გაგირჩევია. მაშ ეგ არის, ვინც კაცთან არ ცხოვრობს, სულ შიმში-
ლით იხოტებიან, უმისოდ სიცოცხლე აღარ არის განა?

გაბედეთ, წამოდით, ისეთ ჯაგიან ფერდობს გასწავლით საცხოვრებლად, რომ თქვენს თავს თქვენვე დანატროდეთ. საკმელი — რამდენიც გნებავთ, თავშესაფარიც უკეთესი აღარ იქნება. პირველხნობით, მართალია, გენამუშებათ, სიფრთხილაც მეტი დაგპირდებათ, მაგრამ ხომ გაგიგონიათ ანდაზა: „ვარდი უეკლოდ არავის მოუკრეფიაო“. ბოლოს ისე შეეჩვევით, რომ თქვენს თავს თქვენვე შენატროდეთ. ქორი და მელია იქ ვერას გიზამთ, ისეთი გაბმული ჯაგიანბარდანი, რომ მელია ქურქდაუფხრეწელად იქ ვერ შემოძვრება. ქორი ხო სრულიად ვერ მოგეკარებათ. აი, ჩვენც დაგეხმარებით, რითაც იქნება, მტერს არ გავახარებთ თქვენზედა. დეე მიხედეს ის თქვენი ბატონ-პატრონი, რომ ქათამსაც შეუძლიან თავის თავის მოვლა და პატრონობა, თუკი ეცდება.

მამალი გაჩქარებით ყიოდა, ეგება ამ თავხედის სიტყვები ქათმებმა არ გაიგონონო. მამალს თავისი ოჯახობისა და უფროსობის მოშლის დარდი ჰქონდა. კრუხი კი გულდასმით უგდებდა ყურს ჩხიკვის ლაპარაკს, თან სიამოვნებით თავის წიწილებს სთვლიდა: ეპ, მართლა რა ბედნიერი დედა ვიქნები, რომ ეს შვილები ყველანი შემრჩნენო.

— თქვენ გენაცვალოსთ დედა, შვილებო. თქვენს დედას თქვენ დაიტირებთ, თქვენი დედა აღარ გიტირებსთ თქვენა! განა ვიფიქრებდი, ან სიზმრად ენახავდი, რომ ამ ბედნიერ დეეს მოვესწრებოდითო, ჩხიკვო, თუ ყველა მართალია და მართლა ამიცხადდება, რასაც შენი ბედნიერი ენა მეუბნება და მიქადის!

ჩხიკვი გაფრინდა, კიდევ გნახავთო, მოაძახა. მხიარული ჩხიკვით ტყეს მიჰმართა, იქ ერთ რცხილაზედ შეჩადა, დიდ ტოტს ამოეფარა და მორთო კრუხივით ჩანჩხარი და კრუშ-კრუში. თან ვითომ წიწილებს ეძახდა. მერე კატასავით მორთო კნაველი. ხან ძერას აჯავრებდა, ხან შაშვივით გალობას და სტვენას ცდილობდა და გამგონი ექვეში შეპყავდა: მართლა შაშვია, თუ სხვა ვინმე კუდიანიო. ხან ვითომ „გოგოო!“ იძახდა და სოფლელ დიასახლისს აჯავრებდა.

— აი, გაგიწყდა ხმა! — სთქვა თეთრუა ქალმა ჩხიკვზე გაჯავრებულმა და გაბრაზებით მიაბრაზუნა კარები, თითქო ამით ჩხიკვის ჯავრს ამოიყრიდა. ჩხიკვმა ხითხითი ასტეხა, აფრინდა და ფერდას მიჰმართა.

• • •

დიდხანს ფიქრობდა კრუხი ჩხიკვის ნაამბობზე. მგონი ყველას სათითაოდ ათჯერ მაინც უამბო და გაუმეორა იმის ნალაპარაკევი, როგორც თვითონ მოსწონდა, ისე უამბობდა და აზავებდა, აფერადებდა. თან ყველას უცხადებდა, რომ გადავწყვიტე, უეჭველად ბედო ვცადოო. მართლა და ამაზე უარეს ყოფაში ხომ აღარ ჩავვარდებიო, უმატებდა იმედიანად კრუხი.

„ურჩი მიუშვი ნებასა, იქ შეეყრება ვნებასაო“, იძახდნენ მხალღი მეზობლები, ქათმები და კიკვივა ინდაურები.

— განა უპატრონოდ ცხოვრება შეიძლება?! ერთ წუთსაც ვერ გაძლებდით, შიშით სული ამოგვძვრებოდა, — ჩიფჩიფებდნენ ძალზე ჩასუქებული ბიბილოგაყვითლებული ყვერულები.

— უპატრონოდ ვინ გაგვასუქებდა ასე, იქნება ეხლა ზურგზე ჯაგარგაღეჩილებს გვერბინა ქვეყრილით ქუჩებზე, — ტრუხუნებდნენ ნასუქი ღორები.

— აი, თუმცა მე დღე და ღამ პატრონის სარჩო-საბადებელს ვდარაჯობ თვალმოუხუჭავად, ვყეფ, დავრბივარ, სიმშილს ვითმენ, თუმცა პატრონიც და იმისი ცოლ-შვილიც ბევრჯერ ჯოხითა მცემენ, ხან წკებლით, ხან მაფურთხებენ, მაგრამ მე მაინც ისევ ხელსა და ფეხს ვულოკავ, ვეფერები, რადგან ვიცი, თვითონ რომ ხორცი მიირთვას, მე ძვლებს გადმომიყრის. მე მეტი არც ბეჯნიერება მინდა და არც თავისუფლება, — წკმუტუნებდა ძაღლი.

— რაც მე თივასა და ქერსა ვქამ, რაც მე თავლაში ვაბივარ, ბევრად ბევრ გლეხს თავის საკმელადა და სადგომადაც ენატრება. აბა ჩემზე რომ ჩემი პატრონი არა ზრუნავდეს, მე ასე რა გამისქელებდა. გავასა, — ჭიხვინებდა ბედაური ცხენი.

თუ ყველა მსუქანი და მუქთახორა ცხოველი და ფრინველი წინააღმდეგი იყო თავისუფლებისა, სამაგიეროდ ყველა გამხდარი, მშვიერი მშრომელი და ოფლის მღვრელი მას შესტრფოდა და შეჰხაროდა.

— წადი, ღმერთმა ხელი მოგიმართოს, მაგაზე უარეს ადგილს ხომ აღარ მიხვალ, შენი თავის პატრონი ხომ შენ იქნები! ჩემი ნათესავობა თურმე ამერიკის მინდვრებზე თამამად და თავისუფლად ღაიარე-

მა. მე კი აქ უღელში მაქვს ჩაკრული თავი და მალლა ვერ ამიხედ-
ნია. — ზმუოდა დაღალული ხარი.

— იმიტომ გვეძახიან ვირებს, რომ კაცი თავის ქეიფზედ გვათ-
რებს და წელსა გვწყვეტს. ჩვენც ჩამოგვიყრია ყურები და ასე გვგო-
ნია, პატრონს იქით ცხოვრება აღარ შეიძლებოდეს. ვიცით, რომ თა-
ვისუფლება კარგია, კრუსსაც ვუწუნებთ გაბედულებას, ჩვენ კი იმ-
დენი თაოსნობა ვერ გამოგვიჩენია, იმდენი ვერ გავგიბედნია, რომ
პატრონს ვუთხრათ: გვეყო, რაც ზურგი გადაგვატყავე! ახლა უნდა
წავიდეთ, შენგან წამხდაჩი ზურგი მოვიჩინოთ. მადლობის მეტი რა
გეთქმის, რომ მოთმინებიდან გამოყვანილებმა წიხლით კბილები არ
ჩაგიმტვრიეთ! — ასე ყროყინებდა ვირი.

ხოლო კრუსი გაძლოლოდა წინ თავის წიწილებს, ჩამორჩენილები
ზურგზე შეესხა და აღფრთოვანებული მიესწრაფებოდა აღთქმულ
ქვეყნისკენ.

გაეგოთ მთის მცხოვრებ ფრთოსანთ: კაკბებს, შურთხებს, როჭო-
ებს, შაშვებს, ჩხართებს, კოდალებს და ჩხიკვის წინამძღოლობით
ერთი ამბით და სიხარულით ეგებებოდნენ ახლადშემოერთებულს
კრუსს. ირგვლივ ერთობისა და თავისუფლების ყვირილი ისმოდა,
ლხენისა და სიხარულის კიეინა.

• • •

რამდენიმე წლის შემდეგ იმათმა მნახველმა მელიამ გაკვირვებით
თვალეზი დააჭყიტა, რადგან ადამიანთან ყოფნის დროს ფეხითმოსი-
არულე ფრთაბოლოდაგლეჯილი ქათმები ეხლა ყელმოღერებული
ისხდნენ მალლა ხეებზე. კაცის მიახლოებაზე ქარივით მიჰქროდნენ
ლიქიანებისკენ თავისი ღონიერი მხრებით და მოსისხლე კაცის გულს
შურიტ და ბრაზით ავსებდნენ.

მამლებს მშვენივრად ასკრელებოდათ ბოლოები და თავზე ბიბი-
ლოს მაგივრად კობტა ქოჩრები ჰქონდათ. ამათ ქათმებს როგორღა
დაეუძახებთ, ესენი ხომ ხონებდად გადაქეულანო, — სთქვა მელიამ
და მშვიერი მუცლით ხევის პირას ჩაჰყვა.

ბელურაებისათვის სრულიადაც არ იყო საჭირო მეფე. უმისოდაც კარგად მიჰყვანდათ თავისი საქმე. რო ეკითხათ, არც ინდომებდნენ, მაგრამ იმათ ნდომაზე არ იყო საქმე.

ერთმა თავდიდმა ბუმ იმათი მეფობა დაიჩემა და თავისი თავი ბელურაების ხელმწიფედ გამოაცხადა. სატახტო ქალაქად ციხის ერთი დიდი დარანი აირჩია, იქ დაბინავდა და ბელურეთის მართვას შეუდგა. თავისუფლებას დაჩვეული ბელურაები ძალიან ტოკავდნენ, შეთქმულებას შეთქმულებაზე ახდენდნენ ბუს ბატონობის მოსაშორებლად, მაგრამ ყოველი შეთქმულების შემდეგ ბუს საბჭანებელი უფრო და უფრო ფართოვდებოდა. დარანში ბელურაების ბუმბულისასკველი დორები იკერებოდა, რადგან მუამბოხე ბელურაების მეთაურებს ბუ აჭერინებდა და ციხისა და ციმბირის უქონლობის გამო თავის მუცელში ჰგზავნიდა დასასჯელად.

— მე ხომ თქვენ არაფერს გერჩით, — ეუბნებოდა ბელურაებისგან გამოგზავნილ კაცებს ბუ. — აი, მე მხოლოდ ავაზაკ „ბუნტორიკებს“ ვაჭერინებ: ხელს გიშლიან, საქმეს გაცდენენ, გაღელვებენ, მეც საქმეს მიხლართავენ, მშვიდობიან მართვა-გამგეობას ხელს უშლიან.

თქვენ მე არაფერს დაგიშავებთ, არც დამიშავებია. ხარჯს არა გთხოვთ და გადასახადს. აი, თუ თქვენ ნებით ცოტა რამე კვერცხებს

მომართმევთ ძღვნად, ეგ თქვენი ნებაა. მე ძალას არ გატანთ, თორემ მე უთქვენოლად ბევრი საზრდო მაქვს: კურდღლის ბაქიები, თაგვები, ლამურაები — ჩემთვის ღმერთს უხვად მოუცია ყველაფერი.

მონხვალთ, მომიტანთ რასმეს, მეც ჩემს მოწყალებას არ მოგაკლებთ. თქვენს მტერს მეჩიტია — ალალს სისხლს გამოვუშრობ. აბა სცადოს, დაგიჭიროსთ ვინმე, მაწინ ნახოს, სიცოცხლე როგორ გაეუმწარო! მაშ რიდას მეფე ვარ, თუ თქვენ სხვას დაგაჩაგვრინებთ.

თქვენში ბევრი მოუსვენარი ბელურა ურევია. ცდილობენ, ჩემზე ცუდი ჩაგაგონონ, გაბრიყვებენ: ბუ ჩვენი ხორციტა და სისხლით ძღებაო. ჩვენ ბარტყებსა და კვერცხებსა სქამსო და ამისთანები. ვეცადოთ, მოვიშოროთ თავიდან მისი ბატონბაო.

აბა, დაფიქრდით, მე რომ თქვენი ხელმწიფე არ ვიყო, ერთი წლის განმავლობაში ბელურეთი სულ ამოვარდებოდა. დარჩება დრო მტაცებელ მიმინოებს, ალალს, ზორას და მრავალს სხვა თქვენს მტერსა. დაგინგრევენ ბუდეებს, კვერცხებსა და ბარტყებს შეგიჭამენ; თქვენც ეგრე თავისუფლად ვეღარ იფრენთ დახორბლილ ყანებში და მწიფე ბღებზე. თქვენი მოვალეობაა, ვინც ჩემზე ცუდი თქვას რამე, დაიჭიროთ და ჩემთან მოიყვანოთ.

მართლაც, ბუს შიშით ალალი სადღაც გაჯაიკარგა, მელიას კრიჭა შეეკრა, ბალღები ბუდეებს ვეღარ უშლიდნენ.

— ქეშმარიტად მშვიდობიანობა ჩამოვარდა ჩვენს ქვეყანაში, — ამბობდნენ მოხუცებული ქივჭავეები. ვისაც ადრინდელი მეჩიტას თავნებობა ახსოვდა და იმისი კლანჭი თავის თავზე ეცადნა.

— გაუმარჯოს ჩვენს დიდებულს ხელმწიფეს — ბუს! გაუძლიეროს ტახტი! მოკეთე გაუძლიეროს, მტერი დაუმარცხოს. — იძახდნენ სასოებით მოხუცებულები და „ურას“ ყვირილით ცაში ქუდებს ისროდნენ.

ბუ იქდა დარანწი, მუშტისტოლ ყვითელ თვალებს სიამოვნებით ახამხამებდა და თან იქექებოდა.

— ჩვენი ხელმწიფე ბუ ბეცი ყოფილა, — ჩურჩულობდნენ გამოუცდელი ქივჭავეები. ისეთი ოქროს სათვალეები გაუკეთებია, რომ სულ ცეცხლივით ელავსო. თან იმის ახოვნებას აქებდნენ და ჰკვირობდნენ.

— ვინ მოერევა ბუს? ვინ გაუბედავს იმას შებმას, ვისაც თავი მოსძულებია, ის გაარისხებს ბატონ ბუსა.

მართლაც, ძალიან უპრიდა კლანკი ბუსა. იმ ახლომახლო არე-მარეში მტაცებელს აღარ გაუქაჰანია: ზოგი გაგლიჯა, ზოგი დაამარცხა-დაიმონავა, ყველა შეაშინა, დააფორიაქა.

ამის შემდეგ ძალიან იმატა ქივქავეებისაგან მორთმეულმა ძღვენმა. მოჰქონდათ კვერცხები ნისკარტით, ჭიბით, უბით და ხანაც მთელი ბუდით. უეკველია, თავის კვერცხებსა და ბუდეს თვითონ არავინ გაიმეტებდა. უფრო ერთმანეთსა ჰპარავდნენ და ისე სძღვნობდნენ მეფე-ბატონსა. ბუსთვის სულ ერთი იყო, მოიპარავდნენ თუ თვითონ დასდებდნენ, ამას კი ნუ მოაკლებდნენ და რა ენალვებოდა! ამიტომ იყო, რომ ქურდობა და აეკაცობა ძალიან განშირდა, ყურს კი არავინ უგდებდა. იჭდა ბუ არხეინად და ქივქავეების კვერცხებს აკნატუნებდა. თან კვერცხების გული და ცილა გულზე ჩამოსდიოდა.

მოგვხსენებათ სიმდიდრე და ღიდება კაცს აზარმაცებს, სიზარმაცე კი კაცს აღუნებს, ენერგიას უკარგავს. ბუც, რაც ხანი გადიოდა, იშვიათად გამოჰყოფდა ხოლმე თავს კარში. დღე ხომ სულ ერთავად ეძინა და ღამეც ათასში ერთხელ არ გაფრინდებოდა მინდორსა და ტყეში. სასმელი არ აკლდა და საკმელი, — ყველაფერი უხვად მოსდიოდა. მხოლოდ დღის სინათლეს ძან ემტერებოდა, რადგან მზე თვალებს სწევავდა, სინათლეს ვერ უძლებდა. რო შეძლებოდა როგორმე, მზეს ძირს ჩამოავდებდა და სულ ნაკუწ-ნაკუწად აქცევდა.

— მაგისმა შუქმა დამაბრმავა, თვალი ვერ გამიხელია, კარში ვერ გამომიხედნია.— ბუზღუნებდა ბუ.— სულ ღამე უნდა იყოს, კარგი მაშინ იქნება. ეს ამოდენა უსაქმური ხალხი აღარ მომაბეზრებდა განგაშით და ჟრიაშულით.

— მართალსა ბრძანებ, თქვენო უღიდებულესობავ! სინათლე რა გასაჩენი იყო. ღმერთს რო სიბნელე არ გაეჩინა, ჩვენი მოდგმა სიმშლით ამოსწყდებოდა. რა ღიდი და ღონიერი კლანკი შე მაქვს, რა სწრაფი ფრენა მე ვიცი, რომ ჩემი ოფლით, ჩემი სიყოჩაღით თავი დავირჩინო. სიბნელე რო არ გაეჩინა ღმერთს, ჩვენზე საცოდავი ფრინველი ქვეყანაზე არ მოიძებნებოდა. ეხლა კი მივეპარები მძინარე ჩიტს, დავაცხრები და ავბოკავ. რას დამინახავს ბნელაში, ან რას გაიგებს ტკბილ სიზმრებში გართული. ან უცებ დავაფრთხობ, ბუდი-

დან ამოეფრენ და მე კი კვერცხებსა და ბარტყებს მიეუკვლეე. გაეძღები, ვინავარდებ და ბერე მაძლარი გაეწეე მხიარულად შინისკენ. დმერთმა აღღეგრძელოს ჩვენი მეფე-ბატონი, — მგონი ტყუილს არ ვამბობ, — ჭყაოდა ჭოტი.

— სიბნელე კარგია, ჭოტო, თქვენთვის, — გამოეპასუხა მოურავი ჩიხოლა. მაგრამ სულ რო დამე იყოს, საწყალი ჭივჭივები ბნელაში პურისა და ბალახის თესლს ვეღარ იპოვიან, სიმშლით დაიხოცებიან და ჩვენ ბატონ-პატრონს მეფე ბუს ქვეშევრდომები აღარ ეყოლებია. ან მე სადღა ვიმოურავებ, ბელურაები რო არ იყვნენ—ეს ბატონი ჩიხოლა მეფის სახელით აგროვებდა ძღვენებს და თავისთვის უფრო მეტს ინახავდა.

— ემანდ ჩხუბი არ მოგივიდეთ, — ბრძანა ბოხი ხმით მეფემ, — დეე, იცოცხლონ ბელურაებმაც, მაშ როგორ იქნება!

• • •
რამდენი დრო გადიოდა, მეფე ბუ უფრო და უფრო მძიმდებოდა. დღე ხომ ეძინა და ეძინა, ახლა აღარც დამე ეხალისებოდა კარში გამოსვლა, — საშინლად დაზანტდა და დაზარმაცდა. გართობას კი კითხულობდა.

— აბა, ჩემო სასახლის მოურავო, — უბრძანებდა ჯაფარას, — გასწი! მეფემ მოგიწყინათ: მომიყვანე ძერა, ქორი, სეავი, ორბი, არწივი და ბორა. მოახსენე, რომ დიდი და დიდებული ჭივჭავთ ხელმწიფე — მისი უდიდებულესობა ბატონი ბუ გიწყევსთ თავისთან სანადიმოდ. მობრძანდით, ჩემო კარგო მეზობლებო, ჩემო თვალის ჩინებო! თქვენც ისიამოვნებთ, მეც გამართეთ. აბა, არავინ დადგეთ, თორემ ძალიან მეწყინება-თქო.

აბა, შენც, ჩამო ჩიხოლი, წამოუარე შენს სამოურავოს და რაც შეიძლება მეტი კვერცხი და ბარტყები მიაგროვე, თორემ ხო იცი, ჩემს სტუმრებს ცოტა არაფერს გაუხდება.

ამრიგად, როცა კი ბუ ნადირობასა და სადილობას გამართავდა, ბელურეთში ტირილი და თავში ცემა იდგა. რამდენი კვერცხითა და ბარტყებით სავსე ბუდე ცარიელდებოდა და ოხრდებოდა! ვინ შეიღს

ეძებდა, ვინ ძმას, ვინ დას, ვინ დედასა და მამას ჩიოდა. რამდენიც დრო გადიოდა, იმდენად უფრო და უფრო უმწარდებოდათ სული ჭიკჭიკებს. ან როგორ არ გამწარდებოდნენ, როცა მთელ ჭიკჭიკავთ ქვეყანას მარტო ასოცი კასრი კვერცხი უნდა ეხადა ყოველ წლივ ხარკად ბუსთვის. ახლა რასაც მეფის მოურავები სამოურაოში ძალით მეტად აიღებდნენ!

გაჭირდა ცხოვრება! მეტად სასოწარკვეთილი იყო ხალხი. აღარ ეგონათ, თუ იმათ გაჭირვებას ბოლო მოეღებოდა როდისმე. ვის უნდა ერჩინა ამდენი მოურავები და გზირები? უთვალავი მუჭთახორა მხლებლები და მოხელეები? — სულ საწყალ პატარა ბეჩავ ბელუ-რასს!

• • •

მეფე ბუს ბატონ-არწივისგან კაცი ეახლა; სწერდა: „დიდებულო ძმაო, ბატონო ჭიკჭიკავთ ხელმწიფევე! ვინაიდგან შენი პურ-მარილი ჩემზე მრავალია და კვლავცა მრავალს მოველი და შენთან შენს სუფრაზე გატარებული დრო დაუვიწყარადა მაქვს გულში ჩარჩენილი და უკეთესიც არ მინახავს რა, გთხოვ, უმდაბლესად, გამაბედნიერო და მეც გამახარო შენი მობრძანებით, რო მეც შემთხვევა მომეცეს, მცირედ მაინც გასიამოვნო რითიმე და შენი პატივისცემა ცოტა მაინც გადავიხადო. მობრძანდები საძერია მთაზედ, დიდი მუხა როსდგას შიგ კლდეში. იქითგან სულ სჩანს მთელი ქვეყანა, შენი და ჩემი საბძანებელი. ერთი კარგად ვინადიროთ, მერე კაი ღზინი და დარბაზობა გადავიხადოთ. ენახოთ ჩემი საბძანებელიც. იქნება მეც კაცი ვარ და ხალხში ვურევივარ. უეჭველად გელი მოუთმენლად. — გწერს შენი უდიდებულესობის დღეგრძელობის მონატრე ფრინველთა მეფე არწივი“.

ეს წერილი მოართვა ლეგა მიმინომ, ლაღმა და თავისუფალმა. ეტყობოდა, ბუსი დიდი მოკეთე არა სჩანდა, მაგრამ არწივს უარს როგორ ეტყოდა, მითუმეტეს, რომ ელჩი მის დღეში ხელუხლებელი არის და ყოფილა. ეტყობოდა კი, რომ მოუსვენრად იჯდა, ჩიტების დანახვაზე ტოკავდა, თვალებს აბრიალებდა, აქეთ-იქით აცეცებდა-ვერც არას ჩიტები ენდობოდნენ იმის ელჩობა-სტუმრობას და აქა-

იქ კედლებსა და ნახკრეტებში შეაფარეს თავი, იქიდან ცალი თვალით გამოსცქეროდნენ ამ თავის სულთამხუთავსა. უბრძანა ბუმ თავის მხლებლებს: მზად იყავით, უნდა ეეწვიოთ ჩემს ძმა არწივისაო. ვნახოთ იმისი ხელქვეითნი და საბრძანებელი. ვცადოთ იმისი ბიჭობა და გულოვნობა, იარალის ხმარება, სისწრაფე სიკისკისეო.

რადგან მზე თვალებში სწყყენდა, ამიტომ წასვლა ღამისთვის გადადეს, მანამდე კი ელჩს მიმინოს ბელურაების ხორციით გაუმასპინძლდა.

საღამოსთვის მზად იყო ბრწყინვალე ამაღლა: ტახტის მემკვიდრე, ცხრა ბუქანპოტი, ერთი ბრუციანი ძეგრა, რომელიც ვეზირად ანლდა მუდამ ბატონ ბუს. ერთი ბორა, რომელიც ფრინველთ გამოეძევათ გაუტანლობისათვის და ორპირობისათვის და იქ აღარ ედგომებოდა. მაგრამ რაკი ბუს ამაღლაში მოექცა, ხელმწიფის კაცს ვინღა გასცემდა ხმასა.

თვითონ ბატონმა ბუმ იმ ღამეს აგურზე ილესა ნისკარტი, ბრკყალები გაიკლმასა. იახლა ასოცი ჰივქავი, რომლებიც უფრო ჰყვირილა მგალობლები იყვნენ და გამოცდილებით გათქმულნი.

როცა კარგად დაბნელდა, შესხდნენ და გასწიეს ზარითა და ზეითა.

დიდად გაიხარა არწივმა ჰივქავთ ხელმწიფის მოსვლით. შორსავე გამოეგება წინ და დიდი ამბით მიიწვია დარბაზში. იმ ღამეს ძალიან დრო გაატარეს. რა გინდა სულო და გულო, რომ იმათ სუფრაზე არ მოეტანოთ, დიდი სიტყვებისა და შესხმა-ქების ხმა გაისმოდა ხოლო რაც უფრო საინტერესო იყო, ის ხვალისათვის იყო გადადებული.

მეორე დღეს აყვირეს საყვირი, რაიც იმის ნიშანი იყო, რომ ფრინველთ მეფე სანადიროდ ემზადებოდა. ხმა გავრცელდა, რომ არწივის ჰივქავთ მეფე სწვევიაო.

— აბა, ეხლა უშველეთ თავს, ვინც მალი ფრენა იცით და მოხერხებით იცით დამალვა! თორემ, ვაი იმის ბრალი, ვინც ამ ორ სისხლის მსმელს კლანჭებში ჩაუყარდებოა.

მიფრინავდნენ და მიბრბოდნენ შეშინებული ფრინველები: ზოგი ტყეში, ზოგი კლდეში, ბალახებსა და ბარდო ეკლებში ძვრებოდნენ, იმალებოდნენ. მაგრამ ტყუილად ეშინოდათ წერილ ფრთოსნებს.

როგორც დიდებული იყო მეფე არწივი და დიდებული სტუმარიც ჰყვანდა, ისე დიდებულ ნადირობას უმზადებდა: ჯერ წეროებზე ინადირებდნენ და მერე, თუ შეხვდებოდნენ, წველზედაც.

დიდებული სანახავი იყო ფრინველთა მეფე, როცა შესცურდა ლაქვარდ ცაში და განიერი წრეები შემოიარა ჰაერში. თანდათან ძირსა რჩებოდა მშვენიერი ქვეყანა და იმისი მცხოვრებნი. ხოლო არწივი, რაც უფრო მალა აღიოდა, მით უფრო მეტად გრძნობდა თავისუფლების სიტკბოებას და გული სიამით ევსებოდა.

ეჰ, რა კარგია თავისუფალი ცხოვრება!

ცოცხალი იყო და შენი სიცოცხლე შენად არ გეგულებოდეს, ისევე არა სჯობია არ იყო, თუ შენი სიცოცხლე სხვის ნებაზე დამოკიდებული.

ვინ იცის, რას ფიქრობდა ამ დროს არწივი, ქვეყანაზე ღრუბლებზევით ასული? რამდენს ალერსს გაუგზავნიდა მაღლიდან ძირს დამარჩალს, მონობაში სულწეხუთულს, მაგრამ მაინც საყვარელს სამშობლო მთებს და კლდეებს.

ბუ კი იჯდა ერთს მაღალ მთის მწვერვალზე და თავის მხლებლებით გარს შემორტყმული თვალს ადევნებდა არწივის ნავარდს.

ცოტა მზე უპკრეტდა თვალეებში და რიგიანად ვერა გრძნობდა თავსა. მაინც უღურს არ იტეხდა, არ უნდოდა გაეგო ვისმე იმისი სიბეცე.

ხოლო არწივს არ მოუხდა დიდხანს ლოდინი, შორიდან მოისმა წეროების ყრუნტყრუნტი და ცაში გამოიძაბა იმათი ორტოტი გუთანი. ყველაზე წინ მოფრინავდა ერთი დიდი წერო, ბელადად წოდებული. თავის ღონიერი მხრებით ის მარდად და ღონოვრად სჭრიდა ჰაერს და დანარჩენი წეროებიც გაკვალულ გზაზე უკან მისდევდნენ. გაორტოტებული გუთანი თამამად და უშიშრად მიიწევდა ჩრდილოეთისაკენ იმ იმედით, რომ ჩვენზე მალა სხვა ფრინველი ვერ აფრინდება და უვნებელნი ვართო.

არწივმა შენიშნა წეროების ლაშქარი, მაგრამ მაინც თავისი გზა განაგრძო, რადგან იმათი გუთანი პირდაპირ არწივისაკენ მიცურავდა.

არწივი სულ მალა-მალა მიიწევდა. წეროები კარგა ძირს დარჩნენ. აგერ შენიშნეს წეროებმა არწივი და მაშინვე გზა შეცვალეს,

დასაველეთისკენ მიბრუნდნენ. არწივიც მობრუნდა და კვალდაკვალ დაედევნა. შეშინებულმა წეროებმა ყვირილი ასტეხეს. უფრო მშიშარმა წეროებმა წრიდან გამოსვლა იწყეს და ორტოტს შუა მოექცნენ.

არწივმა უყელა და თავგზა არეული წეროები წინ გაირეკა. მანამდე ატრიალა, ვიდრე იმ მთას დაუსწორდა სწორა, სადაც ბუბრძანდებოდა.

აგერ შეკუმშა მხრები არწივმა, გაიწურა, გაგრძელდა ისარივით და ქარიშხალზე უფრო სწრაფად წეროებისაკენ დაეშვა.

ჰაერში ლითონისებური ზრიალი გაისმა, თითქო სპალენძის თხელი ფურცლები იხვეაო. ჰაერი შეინძრა, შხივილი და ზუზუნით იწყო. მოისმა საშინელი ქუხილი, თითქო კლდე გასკდაო და ელვასავით სწრაფად მხრებგაშლილი, გაფარჩხული კლანჭებით დაეცა წეროებს არწივი. ასტყდა საშინელი ყვირილი. და ვაი-ვაგლახი. წეროები ერთმანეთში აირივნენ, გულგახეთქილები ცაში აქეთ-იქით მიიფანტ-მოიფანტნენ. ერთი წერო კი თოფნაკრავივით ლატორტმანდა, ხმა ყელში გაუწყდა და ხის ფოთოლივით წამოვიდა ძირს ტრიალით.

არწივს არც კი შეუფერხნია, იმავე წამში ჰაერში ავარდა, წეროებს ზემოდან მოექცა და არხეინად, ვითომ და აქ არაფერიაო, დაიწყო ღრუბლებ ზემოდან ამაყად ცურვა.

წეროები კი ნოტო და ნოტო ზოგი აღმოსაველეთისკენ მიბრუნდა, ზოგი უკან და ზოგი ძირს დაეწვა.

არწივი იმათ ყურს აღარ უგდებდა. საზოგადოდ შენიშნულია, რომ არწივი არ არის ისეთი მოსისხლე, როგორც, მაგალითად, მგელი: ერთს მოჰკლავს ლომივით და დანარჩენებს ხელსაც არ ახლებს. თვალს ადევნებდა ფრინველთა მეფე, დაეცემა წერო ბუსთან თუ არაო. მართლაც ცოტა ხნის უკან ბუს ბანაკიდან კიჟინი და ქრიამული გაისმა, წერო პირდაპირ ბუს წინ დედამიწაზე დაეცა უსულო, სისხლში მოსვრილი.

— გაუმარჯოს ჩვენ მეფე ბუს! — დაიდრიალა რაც ძალი და ღონე ჰქონდა გაკვირებულმა ბორამ.

ეს კაი ნიშანია, თქვენო უდიდებულესობავ! როგორც ეს სისხლში გაბანილი უსულო წეროა თქვენს ფერხთა წინაშე გაფართხული,

ისე თქვენი მტერი და ორგული, თქვენგან დამარცხებული, შერცხ-
ვნილი და გაწილებული თქვენს წინ გაერთხმის!

— გაუმარჯოს ჩვენს უძლეველ მეფეს! ურაა! ურაა! ურაა! —
ღრიალებდა გაშმაგებით ალტაცებაში მოსული ბორა და სხვებმაც
ბანი მისცეს.

ბუს ცოტა არ იყოს, შექმურდა არწივის სიმარჯვე, თავის ღლეში
თვითონ წერო არსად არ დაეჭირა. აბა კი რას შეიმჩნევდა და ვითომ
აქ არაფერიყო, ბრძანა:

— ეჰ, რას ღრიალებ, ბორავ, სადა მყავს მტერი, მე ვინ გამიბე-
დავს წინააღმდეგობას. ჩემი სიტყვა ყველა ჩემი მეზობლებისათვის
გადაულახავი კანონია. დიდება და ქება ეკუთვნის ჩემს მასპინძელს,
ჩემს ძმა არწივს და გამარჯვებაც იმას უნდა მივულოცოთ.

— აბა გაუმარჯოს ჩემს მეგობარს და მოკავშირე არწივს, მათა
ბატონს! — ურაა! ურაა! — და გრილით გაისმა ათასი ხმის შემოძა-
ხილი მთებსა და ხეებში. მით უფრო გაშმაგებით ღრიალებდნენ
მხლებლები, რომ ბატონმა ასეთი დიდსულოვნობა გამოიჩინა და
წეროზე გამარჯვება თვითონ არ მიითვისა.

ბუ, თითქო დიდი კაცის სისქო საყვირს აყვირებენ, ან ჭურღმუ-
ლიდან ამოიძახიანო, ისე ეღრინავდა. დიდი სიხარული და კიჟინა
სუფევდა. გულგახეთქილი ბელურაები კი ამ ღროს კანკალით და
ცახცახით ფეხზე ძლივსლა იდგნენ.

ოჰ, რა საზარელი ჩანდა ამ ღროს ბატონი ბუ! — თითო მტკა-
ველი კლანჭები, რკინის კავევით ნისკარტი, გოგრასავით თავი, მუშ-
ტისტოლა ყვითელი ბრიალა თვალებით და შაქსლამდგარი ყურებით,
სწორედ საშინელი რამ იყო.

განა გაუბედავდა ვინმე ბრძოლას ამისთანა გოლოათს? განა ქვე-
ყანაზე იქნებოდა ვინმე ისეთი თავხედი, რომ ბუს ნებაზე არ გაეე-
ლო? საბრალო კივჭავებო! თქვენა და თქვენი ცოლ-შვილის სიცოცხ-
ლე მაგის ხელშია, ვერავითარი სასწაული ვერ დაგიხსნით მაგის
კლანჭებისაგან!

თითქო ბუს გაემარჯვოს და არა არწივსაო, ბუენაპოტები, პატარა
ბუები და ბუიოტები ისე აქებდნენ და აღიდებდნენ ამ თავის მოღგ-
მის დამამშვენებელს ზარნაშოს — კივჭავეთა ხელმწიფე ბუსა.

• • •

არწივისაგან შეშინებული წეროები სულ დაბლა და დაბლა ეშვებოდნენ, ეტყობოდათ, ჩალიან-ლელიანებში აპირობდნენ თავის შეფარებას, ძირს რომ მოსჩანდა ტრიალს, ქვაბის ძირივით გულჩაყარდნილ, მინდორზე. ბოლოს დასცდნენ მთას და იგრძნეს რა დედამიწის სუნი, ყვირილი შესწყვიტეს.

არწივი დაეშვა ბუსთან და გამარჯვება მიულოცა. შეუდგათ კიდევ ურიაშული და განგაში.

— აბა, ძმაო, ეხლა შენი რიგია, შენ ინადირე, წეროები ბევრია, ძირს ჩამოვრეკე, ნუ გაუშვებთ. ზევიდან ჩემი ბიჭები დარაჯობენ და სანამ ჩალებში ჩაეშვებოდნენ, კიდევ მოვასწრებთ ნადირობას. — წახალისებულმა ბუმ ხელად დაიწყო სანადიროდ მზადება, გაგზავნეს შავარდნები და მიმინოები, რომ წეროებისათვის თვალი ედევნებინათ.

არწივი კი დაჯდა კლდეზე დასასვენებლად. ხოლო ბუმ შემოჰკრა მხარი-მხარს და შეერთო ღრუბლებში. თან წეროებისკენ ეპირა თვალი.

მიფრინავდა თამამად ბუ. მზე კი თვალეში უქყებდა და უქყებდა, მერე ადრე იყო და წეროებიც აღმოსაელეთისაკენ მიფრინავდნენ.

— დასწყევლა ღმერთმა, — ბურტყუნებდა ბუ, — რას მიშერება ეს მზე. ლამის თვალეში ამომწვას. დღეს ჩემს ჯიბრზე აშუქებს ასე, თორემ როდის ყოფილა კვლავ ასე გაბრწყინებული! — მზე კი თითქოს დასცინის ამ ბნელეთის შეილსაო, შიგ დიდრონ თვალეში ჩასცქეროდა და ალს ატრიალებდა.

მაგრამ აი, წეროებიც სულ ახლო მოსულან. ახლა ველარსად წაუვლენ.

— ვნახოთ, როგორ გავანადგურებთ ამ წეროებს. მგონი, არწივი სულ დაავიწყდეთ.

აგერ გამოერჩია ერთი წერო და ჩალიანებისაკენ დაეშვა.

— ვერ წამიხვალ, ჩემი ხარ, — ამბობს თავის გულში ამაყი ბუ. — ემ საათში შენს ლურჯ ბუმბულს ქარს წავაღებინებ, შე კანკაძელო

წერომ თითქო საფრთხე იგრძნოვო, ფრენას უმატა. მისდევს. ბუც გამალებული. აი, საცაა დაეწევა და აბოქავს. ბუ უკვე წინდაწინვე დღესასწაულობს გამარჯვებას. არწივივით ძირს კი არ ჩააგდებს, გაკაეებულს არწივთან მიიყვანს. მაგრამ, აი, ხათაბალა. ეს დასაბნელებელი მზე შიგ თვალებში ჩაჰყეცია.

ბუს თვალები უქრელდება. წეროს ორადლა ჰხედავს. თვალებზე ლიბრი ეკვრის. ველარ ჰხედავს რიგიანად. მაინც ულურს არ იტეხს. აი, ეცა წეროს, მაგრამ წერო შემოტრიალდა, ბუ აისხლიტა, ხოლო გაქანებული კიეკავთ ხელმწიფე გაფარჩხული მხრებით და გაშლილი კლანკებით წეროს დაქერის მაგივრად ერთ ღრმა კაობში ჩაიქრა და ყელამდე ტალახში ჩაიფლა.

ნადირობისგან გამოწვეული გატაცება და თავბრულამხვევი მედიდურობის ცეცხლი კაობის წყალმა გაუნელა. მიიხედ-მოიხედა, ირგვლივ გაუვალი აზელილი კაობი ყარდა. შორითგან წეროების ჰყვირილი და ბაყაყების ყიყინი მოისმოდა. იფიქრა, ისე უნდა ამოვიდე, რომ არაეინ დამინახოს, თორემ საბოლოოდ შევრცხვებო. იწყო წევა და ფორთხვა, მაგრამ რამდენიც გაინძრეოდა, იმდენი ტალახი და წუმპო ზედ ეშხაპუნებოდა, მხრები მთლად მოესვარა, ამოიგანგლა, ჩურჩხელასავით ვახდა, მხოლოდ თავილა ჰქონდა მშრალი. იწედა, რაც ძალი და ღონე ჰქონდა, ატყაპუნებდა მხრებს, მაგრამ უფრო და უფრო ეფლობოდა და ბოლოს ისე ჩაიქედა ტალახში, რომ ველარც კი იძეროდა.

გაეგოთ დედამთვრალებს (წივილა), რომ იმათ საბუდრის ახლოს კაობში რალაც საზარელი ფრინველია ჩაფლულიო. საშინელი ყვირილით იკრიფებოდნენ, ბუს თავზე დასტრიალებდნენ და გულის გამაწვრილებლად წიოდნენ. შეეტყოთ გნოლებს, შონიებს, ღალლებს, წუებს, ტოროლაებს, იხვებს, მწყარებს, წყანწყარებს და ათას სხვა ჯურის ფრინველს. მოფრინაედა იმათი ბონი, და ბონი, დასცინოდნენ და რომელსაც უფრო ჯავრი სქირდა, ნიშნს უგებდნენ.

კურდღელიც მოსულიყო, კაობის პირზე უკანაზე წამოსკუბებულყო და წინა თათს უქნეედა, გახსოვს, რამდენ ბაქიას გამომასალმეო? მელიაც გაბრაზებით კაობს უტრიალებდა, რალაც სისხლს ეძებდა, ერთი გამიშვით ი ცოდვით სავსე კისერი მოვადრუნაო.

ხოლო იმისი ყმა ჭიკვავები ძალზე კანკალებდნენ. ასე ეგონათ, ჩვენი ბრალია, ჩვენ ველარ გავაძლეთ, ასე შორს იმიტომ წამოვიდა და აქ ასეთი უბედურება შეემთხვა, როცა ამოვა, სულ მუსრს გავავალებსო. შეუდგათ ჩოჩქოლი და თავში ცემა. როგორ? რა ვქნათ? რა ვუშველოთ? ბოლოს როგორც იყო მოიტანეს ერთი გრძელი ბაწარი. მოიშველეს ყველა ბელურა, სადაც კი ხმა მიუწვდებოდათ, ჩაიბეს მხრებში და დაუწყეს წევა. ბევრი მოკვდა, ბევრმა წელი მოიწყვიტა, ბევრი გაისრისა ხალხის ფეხით, ბევრი ტალახში ჩარჩა. გაჭირვებულებმა სთხოვეს შველა სხვა ფრინველებს, მაგრამ იმათ ზიზლით შეხედეს საბრალო ბელურაების გაჭირვებას, ზედ მიაფურთხეს მეფისთვის თავდადებულებს და თავის გზას გაუდგნენ. ბევრი წვალების შემდეგ, როგორც იყო ამოათრეეს კაობიდან თავისი ბატონი ბუ, თუმცა ძალიან და ძალიან ძვირად კი დაუჯდათ ეს ბელურათსა.

საცინელი იყო ამ დროს ბუ: ამოგანგლულს, გაწუწულს, გაბეჩავებულს თავიდან ფეხებამდე ტალახის წუნწკლი გასდიოდა. მაღლიდან მზე უჭყეტდა და დაცინვით ენას უყოფდა, წეროები კი ორი ხელით ქოქოლას აყრიდნენ თავზედა!

• • •

დაუწყეს ბანა და გასუფთავება ჩიტებმა თავის ბატონსა. ჯერ ზურგი და მხრები მოჰბანეს, მერე მკერდი და მუცელი. ხოლო ახლა ფეხები ჰქონოდა ჩამოსაბანი. რადგან ტალახი იყო, უნდა აეწიათ და სათითაოდ ისე დაებანათ ფეხები. დაეჭიდნენ ბელურაები ფეხის ასაწევად, რაც ძალი და ღონე ჰქონდათ. აუწიეს კიდევ, მაგრამ ამ დროს ისეთი რამ მოხდა, რამაც მთელი საჩიტეთი შესძრა და შეარყია.

ცალი ფეხი რომ აუწიეს, ბატონ ბუმ ცალ ფეხზე ველარ შეიმავრა თავი და ყირამალა გადავარდა ტალახში, შეშინებული ჭიკვავები აქეთ-იქით მიიმაღ-მოიმაღნენ, რადას მიეკარებოდნენ შიშით, ხელმწიფე ტალახში წაეაქციეთ და ძალიან ამოიყრის ჩვენს ჯავრსაო, ვაი დადუპულო ოჯახოვო!

ბუ კი ფორთხავდა ტალახში და თან სიბრაზით იბრჩობოდა!

• • •

თოფის ხმასავით შოედო სანუგეშო ხმა ბელურეთს: აბა დრო ეხლა ჯვაქეს, ბუს მონობა თავიდან მოვიწოროთო, ისეთი უღონო ყოფილა, ჩვენ რო უძლეველი გვეგონა, რომ ერთი ფეხის აწევით დაუციათ ძირს ბელურაებსაო. დიდი ჩოჩქოლი და მიხლა-მოხლა იყო.

გადაწყვეტილი იყო, უნდა თავს დასცემოდნენ ბუს და წინანდელი ჯაერი სულ ეხლა ამოეყარათ. ყველა ემზადებოდა, ყველა გულში მუშტს იცემდა, იმუქრებოდა...

• • •

შეორე დღეს წინ შემხვდა ბელურაების ლაშქარი, ბრძოლიდან დაბრუნებული, აქ იყო მოხუცი, ახალგაზრდა, დიდი, პატარა, ქალი და დედაკაცი. ყველას ნისკარტით თითო ბუმბული ან ფრთა მოჰქონდა ნიშნად ბუზე გამარჯვებისა. ამით აჩვენებდნენ თავის შვილებს, რომ ბუს ბატონობას ბოლო მოედო და ბელურეთი თავისუფალი იქნებოდა ამას იქით!..

მინდორში ბალღებს ენახათ გაწიწნილი ბუ. გამოსდგომოდნენ კომბლებით მოსაკლავად, მაგრამ ერთი ბებერი წნორის ღრუში შესძრომოდათ და ველარ გამოეყვანათ.

იყო და არა იყო რა, ღვთის უკეთესი რა იქნებოდა, იყო ორი ძმა—
კაცი, ერთად შეზრდილი და შეთვისებული. ყველა სიკეთესთან ის
ზნეცა სჭირდათ, რომ ორივე მეტისმეტი ზარმაცი და მცონარა იყ-
ვნენ. თუ რითა ცხოვრობდნენ, ეწმაკმა იცოდა იმათი თავი და ტანი.
ყველას მაყარი და ამფსონი კი ისინი იყვნენ.

— რათ მინდა ხენა და თესვა. იძახდა ერთი. — მოხვნას საქონე-
ლი უნდა, საქონელს—მოვლა, გამოკვება. საკვებავეს გათიბვა და
მოგროვება. მერე თიბვა გულის ზაფხულშია, ადვილად დასიცხავს
კაცს, დასცდის, ციებ-ცხელებას დააწყებინებს, ჩაუარდება ლოგინათ,
შესაძლებელია — დაჭლექდეს კიდევ.

არც ბზეა ადვილი საშოვარი. იმასაც მომკა უნდა. სანამ მომკი,
უნდა მოხნა, დათესო, დაფარცხო, მორწყო. მერე ვინ იცის მინდორში
გაშვებულ თესლს რა ხიფათი ხედეს. ან ფრინველმა აკენკოს, — მე-
რე ამოდენა მტრედი, შოშია და კილყვაეი იცის ჩვენში ხნულებში,
ან თავგემა გაზიდოს, ან სიცივემ გაალაყოს და მოაზროს. ზაფხულში
გვალვამ ამოწვას, ან დასეტყოს, ან კალიამ მოძოვოს. ვინ იცის, ახ-
ლა რამდენი მტერი ჰყავს კაცს: შერეკავს ვინმე ოხერი მშვიერს გუთ-
ნეულს და მშვიდობით ამაგო!

— არა, ამ ხელობას ყველა ხელობა სჯობია: ყველაფრისა მე უნ-
და მეშინოდეს, სიცხესიც და სიცივესიც, ცისაც და დედამიწისაც.
ყველა ჩემს ოფლს იტაცებდეს და ემტერებოდეს.

— მე და ჩემმა ღმერთმა, მართლა ჭკვიანი ჰყოფილხარ, ბიჭო, აქამდე არა მჭეროდა, თუ მაგისთანა გოგრა იყავ. აბა მიწის მუშაობა რა ხელსაყრელია. ჩვენ გლახობა იმიტომ ვართ ღარიბები, რომ მიწას ჩვეცქერივართ. აბა უყურე, ყველაზე ღარიბი, გაჭირვებული, მშიერ-ტიტველი მიწის მუშა გლახია.

ვინც მდიდარია, — კაი ცხენზედ ზის, ან ეტლით დაბრძანდება, კარგი აცვია, უკეთეს სვამს და სჭამს, მორთულ სასახლეში სდგას. მტვერს წკიბურტით იბერტყს, იმას მიწის მტვერი არ უყლაპვია, მუშაობით არ მოღალულა, შუბლიდან ოფლი არ მოუწურია, არ იცის, რა არის შრომით მოღალვა, რა არის შიმშილ-წყურვილი, საწყალი ხალხის გაჭირვება. სხედან, ყველაფერი მზამზარეულად მოსდით, ბრძანების მეტი არა ეხარჯება რა, ყველა იმისთვის მუშაობს ფუტკარივით, ყველა იმის საკუქნაოში, ბელელ-მარანში მიეზიდება თავის ნაწვავ-ნადაგსა.

— ბატონობა ადვილი იქნება, არა? — სთქვა ერთმა.

— არც დიდკაცობა იქნება ძნელი, — სთქვა მეორემ.

— რა ძნელი უნდა იყოს, თუ უსწავლელი გლეხის შვილი პირუტყვის ფარებს უვლის, არც ჰკარგავს, არც მგელსა და ნადირს ატაცებინებს, ხალხს რა დიდი მოვლა უნდა; სად გაიქცევიან, ნუთუ პირუტყვებს აღარა სჯობიან?! დიდკაცობა ის არის, დიდი ჰქუა გქონდეს, რაც შეიძლება, ისე მოიქცე, იმდენი მოახერხო, მეტი გამოსცინცლო ხალხს, სადაც სხვა ყველაფერს იბოვნის, შენ იქ ძალით მათხრეინო და მათანინო. აი ეს არის დიდკაცობა.

— ნეტა ჩვენც ბატონები გაეხდეთ! — ინატრა ერთმა.

— რა გიკვირს, არ მომიხდებოდა ბატონობა, თუ?

არც ბატონობაა ძნელი. წამოწექ, კარგი სვი, კარგი ჰამე, საუკეთესო ჩაიცვი და დაიხურე, ბიჭებსა და გოგოებს უბრძანე: „ეი, შეთხის თავო, მოიტანე. ისა, წაიღე ესა! მოგვართვი, ბიჭო! ე, შე დათო, წადი ბიჭები ნახე, არ დაიძინონ, არ იცუღლუტონ; საქმე ბეჭითად აკეთონ! ე გლეხებზე ზარმაცი და უქნარა ღმერთს სხვა არ გაუჩენიაო“ და ამისთანები.

აღმოჩნდა, რომ ქვეყანაზედ ბატონობაზედ და დიდკაცობაზედ ადვილი და სასიამოვნო არაფერია. არც არაფერს აკეთებ, არც თავს იტკენ, ყველაფერი კი უხვად და თავისთავად მოგდის და მოგ-

დის. რა გინდა სულს და გულო! იმათთვის სხვები მუშაობენ, იმათ მოჰყავთ პურიც, ღვინოც. საქონელსაც ისინი უზრდიან, ფულიც იმათ მოაქვთ. ფული ხომ ისეთი რამეა, რომ ოღონდ ფული გქონდეს, თორემ დანარჩენი ყველაფერი ფულს მოჰყვება. ოღონდ ფული გქონდეს, აღარც მუშაობაა საჭირო, ყველაფერი მოგივა, რასაც მოისურვებ.

— მაშ ფული მაინც ვიშოვნოთ როგორმე, ბატონობაზედ და დიდკაცობაზედ არც ეგ ყოფილა ნაკლები, — სთქვა ერთმა.

— ჰოო, ძალიან კარგი იქნება, ადვილი შესანახი და სასიამოვნო მოსახმარი. — დაეთანხმა მეორე.

სათქმელად ადვილი იყო, მაგრამ შოვნა ძნელი იყო.

— აბა როგორ ვიშოვოთ? — სთქვეს ერთად.

— მოვიპაროთ? გავვიგონ, ციმბირში გვიკარავენ თავსა.

— გავცარცოთ ვინმე? საღრჩობელაზედ ჩამოგვაკონწიალებენ, თუ დაგვიმტკიცდა.

არც ეს გამოდგა. ისეთი ვერაფერი მოიგონეს, რასაც შრომა არ სჭირდებოდა, მაგრამ შრომით გაძდიდრებული ამათ არავინ ენახა ჯერ. მაგალითი თვალწინ ჰქონდა: გლეხებზედ მეტს არავინ მუშაობდა, მაგრამ იმათზე ღარიბი კი არავინ იყო.

აბა, ფულს უიმისოდ ვერავინ იშოვიდა, თუ სხვას ისე არ დასცინდლიდა, რომ ვერავის რა გაეგო.

ასეთ ხელობათ ვაჭრობა დასახეს.

სთქვეს: წავიდეთ, საწვრილმანო ვიყიდოთ, კაპეიკიანი შაურად გავყიდოთ. შაურიანი აბაზათ და როგორც სხვა ვაჭრები, ჩვენც გავმდიდრდებით. ეგ ხომ სირცხვილი არ არის. არც დიდი ჯაფა უნდა, ოღონდ ტყუილის უნარი გქონდეს.

ძალიან მოიწონეს.

აწონ-დაწონეს, მცირე თანხით ცოტა ხანში დიდი ფული მოიგეს თავის ფიქრით.

ბატონობაზედ ნაკლები არც ეს ხელობაა, სთქვეს, აქ თუმცა შენ არ უბრძანებ, გააკეთო, მაგრამ ხალხი თავისთავათ აკეთებს შენთვის, შენ მხოლოდ ეცადე, რაც შეიძლო მეტი დასტყუო.

მაგრამ მეწვრილმანობა ისე სახიერო ვერ გამოდგა.

საწვრილმანო შეიძლება ადვილად დაიმტკერეს, დაიკყლიტოს, დასველდეს, დაიპნეს, დაიკარგოს.

მეწვრილმანეობას ისევ მიკიტნობა არჩიეს. ეს იმისთანა ხელობაა, რომ თუ კი ყოჩაღად მოიქცევი, შეგიძლიან შაურით მანეთი გააკეთო. კაცი დაითრო, რალა ახსოვს, ერთს დანახარჯს რამდენჯერმე გადაახდინებს, დასალევი ღვინოც უკან დარჩება. ეს კია, თუ არ ხალღზედ, ნისია არავეის ანდონ. წავა, ნისიას წაიღებს, მერე აღარც, ხისიას შოიტანს, აღარც თვითონ მოვა. ჯანი გავარდეს, ნისიას ვინღა ჩივის, თუ შერე მინც მოვა სავაჭროდა. ხეირს გაჩვენებს, ნისიას აღარც კი გამოეკიდები. ნისიად გამყიდავი თანხას ვერ შეკრავსო.

იყიდეს ერთი პატარა ბოჭკა არაყი, დაუდევს ხელის ურემზედ-შეებნენ შიგ და გასწიეს სოფელ-სოფელ გასაყიდად.

ასე ამჯობინეს, რადგან სახლის ქირა და სხვა ხარჯები არ მოუვიდოდათ რა, რაც მოგება დარჩება, სულ ჯიბეში ჩარჩებაო.

სოფლამდე დიდი გზა ჰქონდათ გასავლელი. აღმართ-აღმართი გზა იყო. გვარიანად შოილაღნენ, მოშივდათ კიდევ და გადასწყვიტეს დასვენება.

გადააყენეს გზის იქით მწვანეზედ, ამოიღეს საგძაღო, დასხდნენ, დაიწყეს შენაყრება. ხმელა პურის ჭამა გაძნელდა, მშრალი ლუკმა-ყელმა აღარ ჩაუშვა, ბოჩკა აქვე დგა არაყით, მაგრამ ძნელი ის არის, რომ თუ არ ნაღღზე, არ შეიძლება ისე დალევა, სიტყვას ხომ ვერ გადავლენ?

— რა კარგი იქნებოდა თითო არაყი დაგველია, არაა? — სთქვა ერთმა.

— ძალიან დავიღალე, ცარიელს პურს რა შესჭამს.

— ფულის საქმე არ არის? შენ ფული მოიტა, ჩემი საქონელი: ჩემზედ უფრო უპრიანი არ არის! — სთქვა მეორემ, — ნისიად კი არ დაგალევიანებ, ნუ გეწყინება, ჩემო ძმაო.

მოიქექა ჯიბე პირველმა ამხანაგმა. ბედად ჯიბის კუნჭულში შაურ-რიანი არ ჩაპრჩენოდა!

— იფ, იფ! აბა დაასხი, აჰა, შაური, — სთქვა ტუჩების ლოკით პირველმა. თან ხელებს იფშენეტდა და სიამოვნებით შესცქეროდა, პილატეს ცრემლი როგორ მწვანედ ჩამოდიოდა კიქაში.

— გაგიმარჯოს, ამხანაგო, ხელი მოგიმართოს, ხეირზედ გატაროს, აბა ჰა პირველი სიფთაა!

ყლურწ!

— გამოს!

— მადლობელი ვარ! შენც გაგიმარჯოს!

— ოჰო — სთქვა მეორემ, — ე ფული მეც ვიშოვე, შემძლიან ნაღებზე დავლიო.

— აბა, გენაცვალე, აჰა შაურიანი, ერთი მეც დამისხი, ჩავცეცხლო! — ამანაც გაისველა ყელი.

ასე მიაყოლეს, ორივე ნაღებზე სვამდა. შაურიანი ხელიდან ხელში გადადიოდა. გოგრებიც შეუხურდათ.

სხვაზედ გაყიდვას, აზირ ერთმანეთშივე გაესალათ, ის არ სჯობდა? გაუთავებელი ღმერთს არა უბრძანებია რა. ბოჩკაშიაც გამოილია, რაც იყო, არაყი.

ახლა დასხდნენ მოგებისა და თავნის საანგარიშოდ და სულ ერთი შაური აღმოაჩნდათ ნავაქრი.

როგორ მოხდა ეს, ვითომ სულ ნაღებზედ ქყიდდნენ?

აქამდე შარა გზაზე დაფრინავდა, დაბნეულ მარცვლებს კენკავდა, თან თვალს ადევნებდა აშლინარ-ჩამლინარ ხალხსა. ესმოდა მათი კვენესა და ოხერა. ხედავდა, მძიმე რკინის ტაბიკიან უღელქვეშ საქონელი როგორ ხენეშოდა. თან მუდარებით შესტკეროდა ამვლელ-ჩამვლელს, აეხსნათ უღელი, მაგრამ თითქო ვერავინ შენიშნაო, ყველა არხეინად უქცევდა გზას, ან სახრეს და მათრახს სცემდა. „იქით მიდექ, შე ოხეროვო!“ თვითონ კი იფნის სახრისა და რკინის ტაბიკების მონა-მორჩილი გამხდარიყო. ან ეტლში შებმულ ცხენს ოფლი როგორ წყალივით გასლიოდა და მხედარი მაინც სცემდა...

ესმოდა მეურმის მწარე ღილინი, როგორ გულიდან ამოჰკვენესოდა ეს ბედისგან დაჩაგრულ-განადგურებული; ეს საქონელზე უფრო გაქელილი და გაპირუტყვებული, მის ღლეში მალლა თავაუღებელი, შიწის ჩამატკერალი, ცისაგან და ამა ქვეყნის ძლიერთაგან მხოლოდ რისხვისა და განადგურების მომლოდინე, ხალხში გაურეველი, ხმა-ამოუღებელი, მასხარადაგდებული და გათახსირებული. თავის ნაღვლისა მხოლოდ გზისა და მინდვრის გამზიარებულ ურმის კოფოდან მამა-პაპათა მწუხარე ლექსით:

გლუხიკაცი დაიბადა,
დაიწვა და დაიდაგა,
ხელში ჰქონდა იფნის სახრე.
მტკაველი არ გაიზარდა.

ან თავის კირ-ვარამში ძმისა და ამხანაგის, — თავის კამეჩის გამამხნეებელი:

კამეჩი ღონიერია,
ულელსა ზიდავს ხისასა,
გაუკირდება, წაიღებს
თავისასა და სხეისასა.

კამეჩიც ხენეშოდა და თითქო პატრონს გულისწუხილს მიუხედაო, თავს არა ჰზოგავდა და კუდისქნევეით მძლავრად აწევებოდა ულელს.

თუმცა ბეჩავი ცასწავალა ზამთარში თვითონაც სიცივითა ფიჩხდებოდა, მაინც დაგლეჯილ ფარაჯანი გახვეული გლეხი თავისზედ მეტად ებრალებოდა. გაყინული ცდილობდა მომძრალი ხელები უბეში ჩაეყო მოსათბობად, მაგრამ თბილი მეკერდის მაგივრად გაყინული ხორცი ეკრა ძვლებზედ, ჰხედავდა მიწისმუშას, როგორ სოფლიდან სოფელში ზურგით მიჰქონდა წისქვილში საფქვეავი და რამდენი გამაძლარი ბლენძით მიაჰქენებდა ეტლსა.

— ბატონო, — ეხვეწებოდა მუშა ღიპადმოგდებულს ეტლში მჯდომს, ხალხის სისხლით გაბერილ წურბელას, თოვლისგან კოკებგაწითლებული, — ღმერთი გადღეგრძელებს, ეს პარკი მეეტლემ სოფლამდე მიმიტანოს. თოვლია, ვერ ვატარებ, ვაი, თუ გზაზედ დაშლამდეს, ნადირმა გამაფუქოს.

— რას მიჰქარავ, შე ვირო? — უყვირის ზიზლით ბატონი, — ვისა ჰხედავ შენს ტოლსა? რა ყურს უგდებ მაგ ოხერს, გარეკე ბიქო! ამის შეძლეგაც კიდევ კარგა ხანს ილანძლებოდა და შფოთავდა ბატონი და „დროების გაფუჭებაზე“ და უფროს-უმცროსობის დაკარგვაზედ ფილოსოფოსობდა.

ჰხედავდა ზაფხულში პიროფლიან ბიჭებს, ხვითქადადენილებს, ესმოდა მათი „პოპუნა“ და ნამგლების სასიამოვნო წკრიალი გამხმარ ყანაში, მიყრილ-მოყრილი ძნა და დაფორიაქებული მწყურებისა და ყანის მდგმური პატარა ფრთოსნების ფრთხიალი. ესმოდა მუშის მოთქმა თავის წარსულ-აწმყოზედ.

გლახს როდის გაუთენდება,
ან როდის გასთენებია,
როდის ყოფილა მოლხებით,
გული არ დაქლონებია.

თავისუფლება ძილშიც კი
ბეჩავს არ მოსიწვენიბია.
თავის საკუთარ კერაზე
შვილი არ დაპბერებიო,
არც ვაჟი კაცად ჰქცევია,
არც ქალი გასთხოვებია!
პურით არავეინ გამძღარა,
ღვინით არ ზიარებულა,
ვინც იმის სისხლი არა სკვა,
აბა ვინ აშენებულა?!

მუდამ გაჭირვება და წუთისოფლით გაუხარლობა!

ჰხედავდა თავის ამხანაგ და მეზობელ ჩიტებს და მრავალს სხვა წვრილ ფრთოსანთ მონადირისა, მელიისა, კვერნისა და კიდევ თავისივე მოდგმის ალალ-შავარდნების მსხვერპლს და იმათ ლუკმას. ჰხედავდა მუდამღღე ამათ ქლეტას და დაფორიაქებას; იმათ უმწეობა-ულონობას, უპატრონობას და გაწყვეტას. არავეინ ქვეყანაზედ მათ არ ინდობდა, ყველა სდევნიდა, ხოცდა, იჭერდა, ბუდეებს უნგრევდა, კვერცხებს უმტვრევდა, ბარტყებს უხოცდა და ერთი არავეინ იყო, რომ ამ დაბეჩავებული სულდგმულებისათვის სხვა უკეთესი ცხოვრება დაეხატნა, დახსნის გზა ეჩვენებინა, სული ჩაედგა ბრძოლა-წინააღმდეგობისა.

ჰხედავდა ყველა ამას ცასწავალა და გულში მოუთავსებელი გრძნობა ებადებოდა. ეს გრძნობა თანდათან იზრდებოდა, დიდდებოდა და თან მთლად იმის არსებას ბატონ-ბრძანებლად უხდებოდა. ამ გრძნობასთან ის სრულიად აღარა ჩანდა, სურვილად იყო ქცეული. ეს სურვილი კი უსაზღვრო და შეუსრულებელი იყო, უფრო ფანტაზიას ჰგავდა, ვიდრე სინამდვილეს. ეს ფანტაზია იყო იმისი სიცოცხლე, იმის სულისჩამდგმელი მაცოცხლებელი მზის შუქი. თვითონაც არ ჰქონდა კარგად გამორკვეული ამ სურვილის საზღვარი, თუმცა გრძნობდა კი, რომ ასეთი ცხოვრება აღარ შეიძლებოდა, რომ რითაც იქნებოდა ხალხს უნდა გაეღვიძნა და ახალს სიცოცხლეს მოჰბლაუქებოდა მხსნელ ფიცარივით, ძველი ყოფაცხოვრებისათვის მძლავრად ჩაეცხო წიხლი.

და, აი, იწყო გალობა და გალობა. გალობდა თავის ერთნაირ ამოხმებთან შეუზავებელ ხმით, გალობდა მდაბიო მოუხეშავ სიმღერას

ძალა ასული; ეს სიმღერა იმით იყო კარგი, რომ ყველას ესმოდა, შიგ დაფარულ-დამალული არა იყო რა, თავის გულის ვარამს, თავის სათქმელს, თავის საწადელს მალა ჰაერში ამბობდა, რომ ქარს ოთხივეუთხივ გაეფანტა. ამ დაჩაგრულ ფრთოსანთ იმისი გამბედაობა ჰხიბლავდა, გულადობა აკვირებდა. ჰხიბლავდა კაცთა ნათესავთაც ეს უშწიკლო, უანგარო ხმა პატარა მგალობლისა; თავი მალა აიღეს და გულდასმით დაუგდეს ყური.

— თქვენ ხომ მიწას ვერ მოჰშორებინართ და შიშით მალა ვერ აგიხედნიათ, — უსაყვედურებდა თავის მოდგმის წერილფრთოსნებს ცასწავალა, — აბა, მე მიცქირეთ, ეს პატარა როგორ აფრინდები ცაში, რომ ძაღლებმა ველარ დამიჭირონ და ბალებმა კომბლები ველარ მესროლონ.

და დაიწყებდა თავის წკრიალა „ცას წავალ, ცას წავალას“¹ და მისი ვერცხლივით წკრიალა ხმა გაზაფხულის სითბოსავით მოედებოდა არეშარეს. და პატარა მხრებგამლილი ტრიალით მიისწრაფოდა ცის სივრცეში, კიჩკიტები და კვირონები რომ დასცურავდნენ, იმათ მალა აღიოდა და აღიოდა სულ ზევით და ზევით, ღრუბლებისა და არწივების საბრძანებელში, სადაც მერცხლების ჭიკჭიკი და ყორნის ყრანტალი სრულიად არ ისმოდა. თვითონ მიმინოც კი შურით სკდებოდა, რომ ის ერთი წიწვნა მგალობელი ასე მალა აფრინდა და სხვებსაც იქ იწვევდა.

— ვერ უყურებთ ამ მასხარას! — იძახდა მიმინო, — ჩვენზედ მალა აფრენა სურს.

— შეაშინე მაინც, თუ არავისი გრცხვენთან. ყველამ რომ აქ მოიწადიხოს ამოსვლა, მსუქანმა მწყრებმა, რომლებიც თავის დღეში ხეზედაც არ შემსხდარან; მამლებმა, ნაგვებს რო ჰქეპენ; ინდაურებმა, ბანიდამაც რომ ვერ ჩამოფრენილან; წიწილების დედაკრუხმა, კაქკაქი რომ ვერ მოუშორებია და საბძელ-ბოსელების განუშორებელმა ჭივჭივებმა, ან თუნდა მსუნაგმა ყვავმა და ათასმა უთელელურიცხვმა ჩიტებმაც, რომლებმაც ჭია-ლუების ჭამის მეტი არაფერი იციან, რა იქნება მაშინ?! არწივი სადლა წავიდეს? ჩვენ რილათი ვიცხოვროთ?

¹ ხალხი ამბობს: ტორლა იძახის, როცა მალა აღის, „ცას წავალ, ღმერთს ვეცხვიო! შერე როცა დაეშვება: „ვბუუი, ვბუუი, ვბუუიო“!

წეროებიც კი გაკვირვებულნი შედგნენ, ცასწავალას გრძნობით აღსავსე გალობა რომ მოესმათ ამ მზის სხივების სამფლობელოში.

— ვინ არის? ნუთუ სმენამ მოგვატყუა? — არა სჯეროდათ, თუ აქამდე სუსტი ტოროლა ამოფრინდებოდა, ალბათ ეშმაკური რამე იქნება, ჩვენს გასაბრიყვებლად მოვლენილიო.

ხოლო არწივი მძიმე ფიქრს მიეცა. იმას კი, იმ თამამ ცასწავალას, არც არწივი ახსოვდა, არც წეროების გაბმული გუთანი, არც მიმინოს მუქარა. ის მიიწვედა სულ მალლა და მალლა, სადაც ბამბასავით თეთრად გაპნტილი ღრუბლების ნაგლეჯები გარს ეხვეოდნენ ამ პატარა მგალობელსა.

ეთერი ცისა, გაუღენთილი ცასწავალას იმედიანი გალობით, გაკვირვებული უსმენდა და შესცქეროდა ამ ერთ ბეწო ფრთოსანს, რომელიც არ მოერიდა არც არწივზედ მალლა აფრენას და არც ღრუბლებთან ბაასს. თვით ვარსკვლავები თვალების ფშენეტით ათვლიერებდნენ ამ ცის სტუმარსა.

— ჰე! — ამბობდნენ მდინარის პირზედ მსხდომი ჰია-ლუების მქამელი ჩიტები, ჰალებში და ყანებში მოდებული წერილ-ფეხობა, — აბა, რა პატარაა ე ცასწავალა, ხომ ვიცით, ჩვენთან გაიზარდა მინდორში. მაგისი დედ-მამა ჩვენს მინდორს არ გასცილებია და ზამთარში სიცივით ჩვენთან კვდებოდა ბეჭებსა და ბელტებქვეშ ამომჯდარი. თუ ის აფრინდება ეგრე მალლა, ჩვენ რალა ვართ? თუ ის შესძლო, რომ მაგრე მალლა აფრინდა, განა მაგისი სხვა სიტყვა მაგრევე შართალი არ იქნება?! მაშ ჩვენც შეგვძლება ჩვენს თავს ვუპატრონოთ, აღარავის დავეჩავკრინოთ და შევეკმითო. ჩვენც შეგვძლება თავისუფალ და ბედნიერ ცხოვრებაზედ ოცნება.

• • •

იმამდე ბულბულიცა გალობდა, მაგრამ ვინ უგდებდა ყურს შეყვარებულებისა, მგოსნებისა და ცხოვრებისგან გალალბულთა მეტი?! მოსწონდათ, სიამოვნებისა და ალტაცების ცრემლებიც მრავლად დაუღვრიათ.

— ბულბულზე უდიდესი მგალობელი ქვეყანაზე არავინ იქნე-

ბაო, — იძახდნენ. ბულბულსაც თავისი გალობით ძალიან თავი მოჰქონდა. ჰქონდა კიდევ თავი მოსაწონი. ვისგანაც კი ცხოვრებას ამ დროს ფასი ედო, აქებდნენ ბულბულს და ცამდის აპყავდათ. მაშ, არ მოიწონებდა თავსა?

მაგრამ განა მარტო შეყვარებულნი, მგოსნები და ცხოვრებისაგან გალალეებულნი იყვნენ ქვეყანაზედ? სხვანიც იყვნენ, სხვანი... ღაძე, როცა ბულბული გალობდა, ისინი მოლაღულნი მკედრებივით ეყარნენ და ეძინათ ჭაფისგან წელმოწყვეტილებს.

დილით, როცა ბულბული განთიადს ქებათა-ქებას შეასხამდა, მუშა მკლავზე ხამგალგადებული სამკალში გარბოდა, ნამგლისა და ცელის წკრიალი ბულბულის ხმას ჰფარავდა და აყრუებდა. რა ბულბულისა სცხელოდა დაკუზულს, ოფლშიმოხარშულს, ყელგამშრალს მუშას, ხრინწიანი ხმით, რაღაც სიტყვებს რომ ბუტბუტებდა. ხალხს ეძღუროდა, ბედს თუ თავის მასაზრდოებელ მიწას, რომ ასე ძუნწობდა და სულ ნაკლებსა და ნაკლებს მოსაეაღს აძლევდა?

არა! რა ჰქონდა დედამიწასთან დასამღურებელი? არც გულს შეიცვლიდა ადვილად, თუკი იმის ხელში იქნებოდა. მაგრამ ვაი, რომ შორიდან შესცქეროდა ამ თავის მშობელ დედას, სხვისა ხელში დედინაცვლად გამხდარს, ძეძუგამხმარს, მეტისმეტი წიწვა-გლეჯით გამოფიტულს, ძალაგამოღეულს!

— რა გიყო, ჩემო ძმაო, — უპასუხებდა დედამიწა, — შენც ხომ თითქმის დაჰბერდი და ისევ მე შემომცქერიხარ, შენი მამა-პაპა და პაპის-პაპანიც მე შემომცქეროდნენ, დრო არ არის, მეც მოვიღალო და ვეღარ გავძლო? მაინც გულს ნუ გაიტეხ, ისევ დედად დავჩრები, წენ ეცადე მიხსნა. შენს ხელში ისევ დედა ვიქნები — მიწა ეუბნებოდა, თუ მიწის მაგივრად თვითონ ბურტყუნებდა, ეს თვითონაც არ ესმოდა.



თუმცა ბულბული უდიდესი მგალობელი იყო, მაგრამ ამ დროისთვის იმისი ტკბილი ხმები აღარ ვარგოდნენ. ბულბულის ტკბილი გალობა აღარ აკმაყოფილებდა ტანჯულთა ხროვას. ვინ იცის, ბულბულსაც

რომ გაეხედნა და ცხოვრების მოთხოვნილებასთან შეეთანხმებია თავისი დიდებული ჰანგი, ის უფრო სახელოვანიც შექმნილიყო და ცასწავალა ველარც კი შეენიშნათ.

ამ ტვირთძიმეთაც უყვარდათ ტკბილი ხმები, ესენიც გრძნობდნენ ბუნების სიდიადეს და მშვენიერებას, როცა ლუკმისათვის ზრუნვა დღეს ღამედ არ აქცევიანებდა.

[1008 წ.]

მეტად კარგი და მოყვარული დედა ჰყვანდა პატარა მეძროხე მიხოს. ან როგორ არ ეყვარებოდა, თავისი ახალგაზრდობა მიხოს შესწირა: ოცი წლისა იყო, როცა ქმარი მოუკვდა და მიხოც ძუძუთა დაპრჩა. რამდენი მთხოვნელი მოსდიოდა, რამდენი უჭირებდა საქმეს, მომთხოვდიო. ზოგი საქვრივო ფულს უმტკიცებდა—ვექსილს აძლევდა; „მიხოსაც თან წავიყვანთო, — ეუბნებოდნენ, — საკუთარ შვილივით გავზრდითო“, მაგრამ მიხოს დედას ვერავენ გადაათქმევინა თავისი ადტქმა, რომ ჩემს დღეში არ გაეთხოვდები და ორჯერ არ დავაობლებ ჩემს მიხოსაო.

— უწინამც დღე დამლევია, რომ მიხოს ძუძუ სხვას არ მოაწოვოს დედაშენმა, ჩემო დამმარხველო! შენ გენაცვალოს დედის ორივე ძუძუები, ჩემო დიდო ვაჟკაცო! — მალ-მალე ჰკოცნიდა და ჰირსა ჰპარავდა დედა მიხოსა.

ეს „ვაჟკაცი“ კი სულ რვა წლისა იყო და მიწას ძლივს ასცილებოდა. მაგრამ „ვაჟკაცსაც“ ისე ეჭირა თავი, თითქოს მართლა უკვე კაცი იყო და საშინაო საქმეს მოზრდილივით კითხულობდა.

ჯერ ექვსი წლისა ძლივს იყო მიხო, რომ ხბორებში დადიოდა. დილით ჯერ დედის ძუძუებს მიეალერსებოდა და მერე საგძლით გამართული გასწევდა ხბორებით ეკლესიისკენ, სადაც სასაფლაოზე კარგი ბალახი იყო. იქ საფლავის ქვებს ქვეშ ჩიტის ბუდეებს ეძებდა,

ან ტიტასა სთხრიდა, ხუხულებს აწენებდა სიპი ქვებისას, ან პატარა წყაროზე დგნალის ქერქის ღარებს უდებდა, ვითომ წისქვილის დასაბრუნებლად. ან ხიდსა სდებდა, წყალს აგუბებდა; მერე, როცა საკმაო წყალი დაგუბდებოდა, უშვებდა, და რაკი წყალი ხიდს მოიტაცებდა, იცინოდა და ტაშს უკრავდა. თუ ამხანაგები ჰყვანდა, მაშინ ხომ, ვინ იცის, რას არ იგონებდნენ და არა თამაშობდნენ. ბევრს არას დაგიდევდათ, სძოვდნენ ხბორები რასმე, თუ არა, ოლონდ ჰკვიანად ყოფილიყვნენ, რომ არსად გაქცეულიყვნენ.

შვიდი წლისა რომ გახდა, მაშინ კი ინდაურებიც გაურია ხბორებში და ისე დაუდიოდა ნამკალ-ნათიბებში. ხბორები მწვანე ბალახს არჩევდნენ ნამჯიდან, ინდაურები კალიებს დასდევდნენ და კუკებს იტენიდნენ მსუქანი ლუკმით, მერე ყანის კალიები ცარიელი ქონი იყო! ამიტომ იყო, რომ მთელს სოფელში მიხოსთანა ჰუკიები არავისა ჰყვანდა.

— ულოცავ, მართავ, თუ იცი რამე, რომ შენი ჰუკიები ვერე მალე იზრდებიან! თორემ, ღმერთმანი, არც ჩვენ ვაკლებთ ჰამას, სულ დოთი და ხაქოთი ვუროვეთ საქმელს, მაგრამ აბა შენებსაც შეჰხედოს კაცმა და ჩვენს ჰუკიებსაც. თითქო წვიმას დაუზიზიო, ისეთები დადიან.

რვა წლის მიხომ უკვე ძროხებშიაც დაიწყო სიარული. საცინელი იყო, სანამ დედა თავის შესაფერს გუდას უყიდდა, ჩვეულებრივი გუდა წვივებამდის სცემდა.

— ახლა კაცი ვარ, — იძახდა მიხო, — ბალლი ხომ აღარა ვარ, რომ აბგით ვატარო პურიო! მაგრამ როცა დედამ თავისი შესაფერისი გუდა უყიდა, უნდა. გენახათ მიხო, როგორ ჰკოცნიდა თავის პატარა შოლტასა და გულში იხუტებდა.

— შენ გენაცვალე, ჩემო კარგო გუდავ, ჩემო ამხანაგო! აბა, დღეს საითკენ წავასხათ ძროხები? დაეურითთ ვისმე, თუ ცალკე ვაძროვოთ? რას მეტყვი, გენაცვალე? — და გუდაც იტყოდა: „დღეს ღრუბლიანი დღეა, ჰალაზე წავასხათ, იქნება კალმახებიც დავიჭიროთ“. მერე როგორ ეხალისებოდა თევზების ჰერა! შარშან ზაფხულს დაიჭირა პირველად ნემსკავით კალმახი და ახლა სულ იმ გუბესთან მიდიოდა და იქ უთრევდა თავისს კაკლისტოლა ტყვიან ნემსკავს, მაგრამ ის ოხრები აღარ ებზოდნენ.

— ეჰ, წმინდა წყალა, მხედავენ და რას მოებშიანო, — გაიკეთებდა ხოლმე გულს მიხო. შემდეგ კი, როცა ბიძამ ინგლისური ნემსკაეი მოუტანა და კარგადაც გაუმართა, მიხოს ნემსკაეებს მობმა დაუწყეს კალმახებმა.

— შარშან ცხრა კალმახი დავიკირე, — კვებულობდა მიხო, — წლეულსაც ოთხი ერთხელ დავიკირე, ხუთი ერთხელ და შვიდი ერთხელაო.

ერთი სიტყვით, სულ ახსოვდა, როდის რამდენი კალმახი დაეკირა. აღრე გაზაფხულზედ კი, როცა ქალაზედ ჯერ ჩირთი¹ არ იყო შემოსული და არც ბალახი ამოყოფინებულთ, მიხოს მზეარეებში დაუდიოდა თავისი ძროხები, სულ ზევით, მთის ძირას, სადაც ძველი ბალახი თოვლისგან მიწაზედ იყო დაწოლილი და საქონელი ზაფხულივით იძლობდა მუცელს.

თვითონაც ფულურო ხეებს უკიდებდა ცეცხლს, სიამოვნებდა ცეცხლის ქაქა-ქუქით, შიგ ქეას ახურებდა, ზედ ნაპოვნ თოვლს სდებდა, წინ შოლტას უგებდა, რომ ზედ დაგუბებულიყო თოვლის წყალი და დაელია, თორემ პირმზითებში წყაროები იშვიათად მოიპოვებოდა.

მეოლობას და მაყვლობას კი ჩრდილებს აღარ ეშვებოდა. მიხო თვითონაც გიანლებოდათ და დედისთვისაც მოჰქონდა პატარა ყურჩიან ხოკერათი. იმის მეტიც რომ არა ყოფილიყო, ჯერ დედისთვის გააესებდა პატარა ხოკერას და, თუ კიდევ იპოვიდა, მერეღა სჭამდა. ისიც, რომელიც უფრო წვრილი და კეტრიანი მარცვლები იყო, იმას თვითონ სჭამდა, დედისთვის კი საუკეთესო მსხვილს და კარგად მწიფე მარცვლებს ინახავდა. დედამ იცოდა ეს და როცა შვილი მეოლითსავეს ხოკერას მოუტანდა, წამოჰყარდა ჯამებზედ, უფრო მომეტებულს შვილს დაუდგამდა და ნაკლებს თვითონ. აბა, აქ გიანლებოდათ ხოლმე სიამოვნებით მიხო, რაკი თავისი დედა გვერდით ეჯდა და ჭირსა ჰპარავდა.

არც მარწყვობას აკლებდა თავის წილს დედას. ამაზედ აღრე ვერავინ მოიტანდა ხოლმე ბალახის წბილეებზედ ასხმულს, მარჯანივით წითელს ტყის მარწყვსა. მერე რა სიფრთხილით მოჰქონდა.

¹ ახლად აშლილი ფოთოლი.

ხოლმე ეს მარწყვის ღვრადელები და მოუხაროდა, თითქოს დიდი სარჩო უშოვიო.

სამაგიეროდ დედაც გაახარებდა ხოლმე კრელი წინდებით, ახალ თასშიან ქალამნებით და წითელი ახალუხით. ისეთი ღილებიანი ქამარი ჰქონდა, თითქოს ვარსკვლავები მიუკრავთო. დახეულსა და ჭუჭყიანს თავის დღეში არ გაატარებდა.

— ეგ ერთი სანთელი მინთია, — იტყოდა ხოლმე მართა, — და მაგასაც რომ გული სრული არა ჰქონდეს, რიდასთვის რა მინდაო. — მუდამ ალაღებდა და ათამამებდა.

არც საგზლის ჩადებას აკლებდა თავისი დედა. როცა პურს აცხობდა, მიხოსთვის უქვევლად ქადის კვერს გამოაცხობდა, ან ხაჭორბოიან წიწვანს¹ ჩაუდგამდა გუდაში, ან ხაფიწის უკეთებდა, ერბოს და კარაქს უკრავდა პურზე. მიხოც თავის საგძალს მუდამ ტოლებს უწილებდა ხოლმე. იშვიათად თუ შესკამდა მარტოცა, ისიც როცა ამხანაგებთან არა ჰყვანდა საქონელი დარეული, მაშინაც ზოგს ჩიტებს უწილებდა, ზოგს კალიებს უღესავდა კარაქით პირსა.

ქალაზედა ჰყავს საქონელი მიხოს. მზეა ცხრათვალა. ლხინია კალია-პეპელებისა; ბუზების ბზუილი და ფუტკრების ბზუეკუნი ყურებს უქედავს გამვლელ-გამომვლელსა. ჩიტების ჟივილ-ხივილი ტყეშინდორს აცოცხლებს. წყლის პირები და ხევ-ხუეი სავსეა ბალახით. საქონელი გამაძლარი და გალაღებული ბედნიერებაშია. მიხოსაც აქა ჰყავს თავისი ძროხები. ხელს არ აყენებს, კალიას დასდევს, უნდა თავის ინდაურებს საუზმე მოუგროვოს და სახლში წაუღოს. აგერ დაუქერიო მწვანე მხედარი კალია და კარაქს აკმევს, სურს თავის ინდაურებისათვის გაასუქოს. წბილა ბალახით პირში კარაქსა სტენს. მწვანე კალიაც ჰყლაპავს და ჰყლაპავს.

— მიირთვი, ჩემო კალია, გასუქდი, — ეუბნება მიხო, — ბოლოს გამოდგები. — კვამს მწვანე კალიაც. ყელს ეზიდება, ლამის დაიხრჩოს. მერე ტუჩებს ილოკს, უღვაშებს ისწორებს. — მიირთვი, რა პირს უქერ, მე ვიცი, მინდორშიც გექნება კარაქი.

აი, გაძლა მწვანე მხედარი კალია, დაითრო და მოიხვენა. თავი ძირს, შიწისკენ, ჩაქინდრა, თვალეები დახუჭა, მაგრამ რას დახუჭავდა

¹ პატარა ხის ქამი, ბაღია.

უკილოო თვალებს. უღვაშები დაკეცა, გვერდზედ მოიწყო. მხრები უკან გაიშვირა, ფეხები ორჩოფუნასავეთ აქეთ-იქით მიიდგა. დაითრო და დაიძინა. სძინავს მხედარ კალიას და ძალიან სიზმრებშია. აგერ მოუტანიათ კარაქი კოდებით, ჩაუწყვიათ შიგ დიდი სპილენძის ქაფქირები, იჭერენ საწყალს კალიებსა და სულ ქაფქირით სტენენ ყელში. ამასაც ძალა დაატანეს და სულ ძალით ჩასტენეს პირში. ისეთი გაუხდა მუცელი, ტომარასავეთ გაებერა. სულს ძლივსლა იქცევს. ოო, ღმერთო! ეს რა საშინელებაა!

აგერ გამოჩნდა შავი რაღაცა ფრინველი, თეთრხალებიანი. შაშვის ტოლსა, მაგრამ არც შაშვია. მოდის, რა მოდის, მოაქვენებს მწვანე კალიასაკენ თან გზა-გზა წვრილს კალიებსა და კრიკინებს იჭერს და ყელში ჰგზავნის, ზოგსა პირიდან ფეხები და უღვაშებილა მოსჩანს. დაყვირებასაც კი ველარ ასწრებენ, ისე უცებ ჰყლაპავს. აგერ ახლოვდება ღმერთო გამჩენო, რამოტოლსა! რამოტოლა ნისკარტი აქვს! ერთი რომ ჩასცხოს, კალიის წელი მეტსაც ვერ აიტანს, შუაზედ გაგლეჯავს. უნდა გაიქცეს მწვანე მხედარი კალია, ან გაფრინდეს, ან დაიყვიროს, მაგრამ საშინლად დამძიმებულია, ველარც კი ინძრევა ადგილიდან. ყელიც კარაქით სავსე აქვს, ხმას ველარ იღებს, ყელიდან აღარ ამოსდის. ოჰ, მზეო, დამბადებელო, რაღა ჰქნას, სად წავიდღეს?!

— ეი, გაიღვიძე, ძამიავ! — მოესმა უცებ მიხოს ხმა, — ჯერ ძილი აღრეა, ამაღამაც გეყოფა მოსვენება. აბა უყურე რა დღეა! ცხრა-თვალი მზე დაგვცქერის, მინდორი ღეთის შადლით სავსეა. ხომ ხედავ ყველა მოძრაობს, ირჯება, სიცოცხლეს ეშურება.

მწვანე მხედარმა თვალები დააქვიტა, გაიზმორა, შიშით აქეთ-იქით შიხხედ-მოიხხედა, ი შავი მტერი რა იქნაო. რაკი გაიგო, რომ სიზმარი იყო, ცოტა გულზედ ეფონა, ისევ ძილს მისცა თავი. მეტად დამძიმებული ჰქონდა კარაქისაგან.

— თავი დამანებე, მეძინება, შენმა კარაქმა დამათრო!

— მაშ კარგი და როცა გაიღვიძო, ჩემთან უნდა წამოხვიდე!

— სად?

— სოფელში.

— რათა?

— იქა სჯობიან. აქ ტყესა და მინდორში რა გინდა, მგელი შეგჭამს.

— მე მგელი ვერ შემკვამს.

— რატომ?

— იმიტომ.

— ჩვენს ცხვრებს კი შესკვამს ხოლმე მგელი, კარში რომ დაგვრჩება. მეც კი მეშინიან, როცა დამე საქონელს დავეძებ, ციციანთელა მგლის თვალები მგონია. კბილები კაწკაწს მიწყობენ.

— მე კი მწვანე ფოთოლზედ ვზივარ და უშიწრად მძინავს. როცა გამელვიძება, სიმღერასაც შემოვძახებ ხოლმე.

— არა, კალიავ, მაინც სოფელში სჯობიან, იქ ბევრი ბალღებია და კარაქსაც ბევრს გაკმევენ.

— იქ ქათამ-ინდაურებიც ბევრია, სოფლის გახროკილ კალო-ბანებზე რა უნდა ვიპოვნო, თქვენს ქათმებსაც ენატრება მწვანე ბალახი, ჩემთვის რას გაუშვებენ.

— მაშ, არ მოდიხარ? — ჰკითხა მიხომ.

— არ გიახლები, ხელი გამიშვი ფეხებზედ ნუ მიჭერ, კანკი არ მომტეხო.

მიხომ კანკებიდან ხელი გაუშვა, მუცელზედ მოსკიდა. კალია როგორღაც უგუნებოდ შეიქმნა. ალბათ ძალიან თუ მოუჭირა მიხომ ხელი. საწყალს პირიდან გამდნარი კარაქი წამოუვიდა.

— ნუ გამკვლიტე, შე უღმერთო, ხომ ხელავ, ლამის გვერდები დაქემტვრეს. მუცელზედ ნუ მაწვები, ყელში ამომედინა შენი კარაქი. — თან პირს აცმაცუნებდა, უნდოდა ეკბინა მიხოსთვის, რომ როგორმე ხელი გაეშვებინა; გაზივით პირს ალებდა, კისერს აქეთ-იქით იღრეცდა.

— კალიავ, ნუ ჩხუბობ, ხომ არ მინდოდა, უნებურად მომივიდა. შენ რომ რბილი მუცელი გქონდეს და სიხარბით ყელამდე აივსო საკმელ-სასმელით, რა ჩემი ბრალაია. — კალია მაინც თავისას არ იშლიდა, კისერს იღრეცდა, გაზივით ყბებს ხან გაშლიდა, ხან მოკკუმავედა. ბოლოს როგორც იყო პირი მოავლო მიხოს ხელზედა და ერთი მაღიანად უკბინა. მიხომ სიმწვავეთ დაიკყვირა, ვინ იცის, რა ეგონა.

— შენ მიკბინე, კალიავ? რად მიკბინე? მე შენთვის სიკეთე მინდოდა, შენ სიავით მიხდი?

კალია გაბრაზებით თვალებს აბრიალებდა, იწევდა, რაც ძალი და.

ლონე ჰქონდა, უნდოდა ხელიდან გასხლტომოდა. ისე იწვედა, რომ ფეხები კინალამ მიხოს დარჩა ხელში.

— მაშ არ გინდა ნებით წამოხვიდე? — ჰკითხა მიხომ მწვანე კალიას. კალია ხმას არ იღებდა, გაბრაზებული იყო...

უცებ მწვანე კალია თავდაყირა რალაც ბნელეთში ჩაეშვა, მხრების გაშლაც კი ველარ მოასწრო.

ირგვლივ საშინლად ბნელოდა, არსაიდან ნამცეცი შუქი არ ჩაშოლიოდა, დაჩეხით კი არ დაჩეხილა, რბილად რალაზედაც დაეცა. უნდოდა აქეთ-იქით მიეხედ-მოეხედა. გაეგო სად იყო, მაგრამ თვალებს ვერ ახელდა, თავზედ რალაცა აწვებოდა. ვინ იცის, ამ მდგომარეობამ რამდენ ხანს. გასტანა. შიშით ველარაფერი გაეგო, სად იყო, რას უშვრებოდნენ, ან რა მოელოდა. თავს დალუპულადა სთვლიდა. ზნის იმედი დაჰკარგა. სასოწარკვეთილებას მიეცა. მოაგონდა კალიას თავისი მწვანე მინდორი, ყანითა და ბალახით სავსე, მოაგონდა ბუნებისაგან ასე უხვად გაშლილი სუფრა სულდგმულთათვის. სიცოცხლე დაენანა, უფრო კი ეს წუთისოფელი არ ეთმობოდა. არ ეთმობოდა ფოთლიანი ტყეები, წვიმაში რომ კარავადა ჰქონდა. ერთი ზაფხულის სიცოცხლე ჰქონდა და ისიც ასე ადრე ესპობოდა. უყვარდა სიცოცხლე. გაუქირვებლად სცხოვრობდა, არა ენატრებოდა რა, ასე იყო კაი ხანს კალია, მუდამ ჟამს სიკვდილის მომლოდინე.

უცებ ზემოდან საიდგანლაც შუქი ჩამოდგა და ცოცხალი რალაცა ზურგზედ დაეცა. მძიმე არ იყო, მაგრამ ჩუჩუნებდა კი. მწვანე კალიამ სული განაბა, გაიტვრინა. ვინ იცის, რა ნადირი იქნებოდა, ან შესქამდა, ან უკბენდა, შიშით აღარ იცოდა რა ექნა. უბედურებას უბედურება დაერთო. მაგრამ, აი, ახლადჩამოვარდნილი იქითკენ გადაფოფხდა, ზურგი გაუთავისუფლა, მწვანე მხედარმა კალიამ თავისუფლად ამოისუნთქა, თუმცა წინანდებურად ისევ ბნელოდა.

მოძრაობაზედ ეტყობოდა, რომ ახლადჩამოვარდნილიც ძან ფოშიძანში იყო. რალასაც ფაცურებდა, თავის დაღწევას ცდილობდა. თან ორივენი ირწეოდნენ, ეტყობოდა, სადღაც მიდიოდა ამათი საპყრობილე.

მაგრამ აი, ცოტა ხნის შემდეგ, კიდევ მიემატა მწვანე მხედარს თანამგზავრი. ეს უკვე დიდი კუტი კალია აღმოჩნდა. ახლადჩამოვარ-

დნილმა, შეშინებულმა და გულგახეთქილმა, ძალაუნებურად მწვანე კალიას ფეხზე უჩქმიტა.

— ჰე, რას იჩქმიტები, ვილაცა ხარ? არ გეყო, რო ზურგზე დამაჯექ? — გამოეხმაურა მწვანე კალია.

პასუხმა გული დაუმშვიდა მწვანე კალიას, რადგან თავისი სისხლი და ხორცი აღმოჩნდა, ღიპიანი ლეგა კალია, განთქმული მჭრელი და მკერვალი უპატრონოდ დარჩენილ ჩოხა-ახალუხებისა ნამკლებში.

მესამე მექიანურე კალია აღმოჩნდა, საკალიეთის გამართობი, მუქთად დამკერელი სიცხე-პაპანაქებაში.

სამივენი ერთმანეთს გამოეხმაურნენ, სალამი მისცეს და ბოლოს თავის მდგომარეობაზედ შეუდგათ სჯა-ბაასი.

ახლად მოსულებისგან გაიგო მწვანე მხედარმა კალიამ, რომ სამივენი ტყვედ ისხდნენ მიხოს ჯიბეში, რომ ხსნა არსაიდგან იყო და სად შიძყავდა ეს სამივე მსუქანი კალია მიხოს, ვერ გაეგოთ. ალბათ სოფელში კარაქის ან შაქრის საწუწნავად!

— რალაც ინდაურებს ახსენებდა, რომ დაგვიჭირა, — სთქვა ღიპიანმა.

— ძალიან მსუქანი ხარ, შენ სულ სხვისი ოფლით ხარ გასუქებულიო. ჩვენს ყანებს შენა სკამ და ახლა მე შენ ჩემს ინდაურებს შეგაქმევეო. როგორ იამებათო, იძახდა. თან ჯიბეში მსვამდა. მინდოდა დავძრომოდი ხელიდგან, გავიწიე, მაგრამ კანკი მოვიტეხე და ბედს დავემორჩილე, — სთქვა ამოოხვრით თეთრმა კალიამ.

ინდაურების ხსენებაზედ მწვანე მხედარს ფერი ეცვალა, ტანი აეკინკრა.

— ცუდად არის ჩვენი საქმე, ამხანაგებო! — დაიწყო მწვანე კალიამ, — ჩვენი ბედი წინდაწინვე გარდაწყვეტილია. ჩვენ აღარაივნე მოგვისძენს, არც სამართალს მოგვეცემს. აბა ინდაური კალიას რა სამართალს მისცემს იმის მეტს, რომ ნისკარტს ჩასცხებს და მუცელში ჩაუძახებს. იყვირე, რამდენიც გინდა, მუცლიდგან ველარავის გააგონებ შენს გაჭირვებას. ასეთია ქვეყნის სამართალი. სადაც ძალა მივა, სამართალი ბანიდგან გაიპარება. აბა, ამხანაგებო! თავს მოვუაროთ, შოვიფიქროთ რამე, როგორ ვუშველოთ ჩვენს გაჭირვებასა. იფიქრეთ ყველამ. იქნება ღმერთმა რა ფიქრი მოგცესთ, რომ გამოგვადგეს. ჩვენი ხსნა ჩვენს ხელთ არის, სხვისა იმედი ნუ გექნებათ. აბა

ვიფიქროთ! და დაიწყეს ყველამ ფიქრი. თუმცა მიხოს ჯიბე აქეთ-
იქით ექანებოდა, კალიებს ერთმანეთს ახეთქებდა და ფიქრს უშ-
ლიდა.

ფიქრობდა მწვანე კალიაც. თავი ძირს დაეხარა, თვალები დაე-
ლულა, ფიქრობდა და შუბლიდგან მწვანე ოფლი ჩამოსდიოდა. ფიქ-
რობდა და ვერ მოეფიქრებინა, როგორ დაეღწია ტყვეობისათვის
თავი.

— იცით, ძმებო, რა მოვიგონე, — დაიწყო მექიანურემ, — აი, ეს
გაბერილი თერძი კაი მკრელია. ერთხელ ჩვენი და მაგან ერთი მომკ-
ლის ახალუხი სულ ჩავკემსეთ. ეს ჩვენი საპყრობილევ რბილი ჩი-
თისაა, დავადგეთ და დავკრათ, მერე სადაც გავძვრებით, ეგ იქ ვი-
კითხოთ.

ეს აზრი ყველამ მოიწონა, თუმცა მწვანე მხედარს, ცოტა არ
იყოს, შეჭშურდა, რატომ მე არ მომაგონდაო, მაგრამ რაკი საერთოდ
გამოსადეგი თათბირი იყო, არად მიიჩნია ეს შური და სიამოვნებით
გამოუცხადა თანხმობა.

— აბა, ღმერთო და ბელო! დაიწყეთ, ბიჭებო! ერთი პირი ვისაც
ექნება, მუდამ გაამარჯვებს.

რას მოიფიქრებდა ჩვენი ყაირათიანი მიხო, თუ ინდაურების-
თვის გამზადებული კალიები იმის ჯიბეს აფხავებდნენ და აცხავებ-
დნენ!

პირველად რომ შუქი დაინახეს, ისეთი სიხარული შეუღდათ, რომ
მექიანურემ ჭიანურიც კი ჩაარაკრაკა.

— ძაან მხიარულად არიან ეს ყანაქრიები! — სთქვა მიხომ. —
ვნახოთ ახლა, ინდაურები როგორ გაიხარებენ!

მაგრამ, შენს მტერს, ნუ რა კარგი ჭუჭრუტანა უკვე იმოდენა
იყო, რომ მექიანურე თავისუფლად გაძვრებოდა, მაგრამ ამხანაგების
თავის დანებება და მარტოკა თავისი გაათვისუფლება ფიქრალაც კი
საზიზღრად ეჩვენა.

— ერთობაა, ერთობა უნდა იყოს, სადაც ჩემი ამხანაგები, მეც
იქ, — ფიქრობდა თავისთვის.

— აბა ერთი მომეცალეთ, ერთი ჩემებურად დავაწყაპუნო მაკ-
რატელი — სთქვა ლიპიანმა თერძმა. ხენეშით სინათლესთან მივიდა
და ჩასკიდა თავისი გალესილი ყბები ჯიბის ნახვრეტს. ჩითის ნაფხ-

რეწებს აქეთ-იქით ისროდა, ჯიბეს ფხრაწა-ფხრუწი გაუდიოდა. ცოტა ხნის შემდეგ სამივენი გამოკმულ ჯიბის ნახვრეტთან იდგნენ გადასახტომად გამზადებულნი.

როცა მიხომ ბალახიან გორაკს მიატანა, საიდგანაც აუარებელი კალიებისა და კრიკინების კრიალი ისმოდა. „გაუმარჯოს თავისუფლებასო!“ — დაიყვირეს და სამივემ ერთად ბალახებში ამოპყვეს თავი. ღიპიანმა ყირამალა გადაიარა, რადგან კანკი ჰქონდა მოტეხილი, მაგრამ ძმებისა და მეგობრების ყვირილმა სულ დაავიწყეს ტკივილიც და წვაცა. კაი ხანს ისმოდა ჟრიაშული კალიებისა, რომლებიც „გაუმარჯოს თავისუფლებას, გაუმარჯოსო!“ ყვიროდნენ და სიხარულით ხტოდნენ და ცეკვავდნენ.

[1000 წ.]

ფერ სანათი არ იყო მოგონილი. აქამდე სულ ბნელოდა. სოფელიც 'სიბნელეს იყო შეჩვეული და ასე ეგონა, სულ ასე უნდა იყოსო, ღეთისგან ასეა გაჩენილი და ნაბრძანებო. ვერ წარმოედგინათ, რომ ამ სიბნელის წამალი იქნებოდა საღმე, ან მოიგონებდა ვინმე და ლაშის სიბნელეს გააშუქებდა. თვით სიბნელე, ავაზაკსა და ავკაცს გარდა, ყველას დიდ უბედურებად მიაჩნდა, ყველა ნატრობდა დღეს და ღამეს კი სწყევლიდა.

ავი კაცი კი ისე გრძნობდა თავს ბნელაში, როგორც თევზი წყალში. ხალხიც ბნელის შიშით კარშია ევრ გამოდიოდა, თორემ საქმეს აბა ვინ გააკეთებდა, — იწუნენ და ეძინათ. იმდენი წოლით გვერდები გადალღეტილი და დაწყულულებული ჰქონდათ.

ამ ძილით და ხალხის კარში გამოუსვლელობით სარგებლობდა ქურდი, — სხვისა ოფლის მიმთვისებელი, სხვისა ნაშრომ-ნაამაგი უშრომლად თავისთვის მიჰქონდა, თავის საკუქნაოს, ბელელ-კიდობნებს ავსებდა, მშრომელისა კი ცარიელი რჩებოდა.

ყველგან სიბნელე მეფობდა.

— გაუმარჯოს სიბნელეს, გაუმარჯოს ბნელეთის სამეფოს! — იძახდნენ მტაცებელნი და მპარაენი.

— გაუმარჯოს ბნელეთს, ბნელეთის ბატონს!

— ჩვენს უფალს ტარტაროზს! — მოსძახდნენ ბანს კულგაბზეკილი რქიანი ეშმაკები.

— სინათლე, სინათლე! გამოუშვიტე შუქი! — იხვეწებოდნენ სიბნელისა და მტაცებლისაგან შეწუხებულნი, გაძარცულნი, მშვიერნი, ტიტველნი.

— გვიშველეთ! გვიშველეთ!

ხოლო ბნელეთის ეშმაკი ძალიან დიდგულად და არხეინად ბრძანდებოდა. თავისი სამეფო დაუსრულებელი და საუკუნო ეგონა.

— ვინა კითხულობს სინათლეს?! — კითხულობდა ზიზლით და მუქარით ტარტაროზი, — არ გეყოთ, რომ მზის შუქი მუქთად გეძლევათ და დილიდან საღამომდე ნება გაქვთ ისე მოიხმართ, როგორც გნებაეთ? გინდათ ღამეც გაანათოთ? ეგ ხომ ჩემი შეურაცხყოფა და შერცხვენა იქნება. თქვენ გინდათ, რომ მეც აღარ ვიყო?! გეშინოდათ სიბნელისა და ახლა გსურთ ბნელიც სინათლეზე შესცვალოთ?! ვერ მოგართვით!

• • •

ღამე, როცა სიბნელეს მთელი ქვეყანა მოეცვა, ხალხი სახლებში შეყუთულიყო და ნამცეცი შუქი არსადა სჩანდა, რომ მგზავრს, გზადაკარგულს, გზა გაეგნო და ნადირებისა და ავი სულელების წერა არ გამხდარიყო. კაცები ერთად ვერ მიდიოდნენ, სიბნელის შიშით ერთმანეთს არ იცნობდნენ, მტერს მოყვრისგან ვერ არჩევდნენ.

ბელზებელი და იმისი ხელქვეითნი კი ცდილობდნენ უფრო დაეხმებინათ ისეც შავბნელი ღამე. ფიქრობდნენ, როგორმე მოესპოთ დღეც და კაცთათვის მზის შუქი გამოუყენებელი გაეხადათ; რომ კაცთ აღარ შესძლებოდათ ნათელი მზის ხილვა; რომ უკუნითი უკუხისამდე სიბნელეს ემეფნა, ტარტაროზის გასახარელს; რომ ბელზებელისგან გამოგზავნილი მაქლაქუნას ეღრჩო უმწეო ხალხი, ბაღლებისთვის სისხლი ეწოვნა, ეპარნა პატარა ბავშვები და დევების ხაემშაკარზე შეეცვალა; რომ მგელკაცას ყმაწვილები ეპარნა, კაცები ექამა და მკვდრები სამარიდან ელო; რომ საამურ ბულბულის გალობის მაგიერად მხოლოდ მესაფლავე ბუქნაოტის მოზარე კივილი სმენოდა კაცთა მოღალულ ყურს.

მოულოდნელად სასწაული მოხდა.

ამ თვალგაუჩხვერავ სიბნელეში, შიგ შუა სოფელში, უცებ შუქი გამოჩნდა. ერთ თმა-წვეერგათეთრებულს კაცს, რომელსაც თავისი სიცოცხლე სულ სინათლეზე ეფიქრა და ემტვრია თავი, ხელში ძაღალ ტარზე ანთებული სანთელი ეჭირა, მოდიოდა სოფელში წელგაშლით, ამაყი, თამაში, თავმომწონე.

შუქბარაქიანი სანთელი უხვად აბნევდა სინათლეს გარეშემო და არემარეს დღესავით ანათებდა. განათდა გზა, განათდა კუნკულკუთხე, შეაღწია შუქმა ღარიბთა ქოხებში, უღიტინა ბრმას ამოშრეტილ თვალში და სინათლის ძალა აგემა, ჩაიხედა ღრმა ხევებში, მთის ნაპარალებში, ტყის ჩაბნელებულ გულში. გაწუქდა სახე ადამიანისა, გაიჩა პირუტყვი და ადამიანი, ხე და ქვა, სულიანი და უსული.

როგორც ფარვანის ლაშქარი, ისე შემოჰხვეოდა გარს ხალხი: მოხუცი, რომელიც ათი და ოცი წლის განმავლობაში კარში არ გამოსულა, ეხლა ამ საარაკო შუქის დანახვაზე ყმაწვილური აღტაცებით გამოქანებულიყო და, როგორც სასწაულს ღეთისაგან მოვლენილს, სასობით შექნაროდა და შექლალადებდა. ბავშვიანი დედაკაცები გზებზევე იჩოქებდნენ, ბავშვებს სანთლისკენ იშვერდნენ და შუქზე უთითებდნენ. აღტაცებული ბავშვებიც მისკენ თავის პაწია ხელებს იშვერდნენ და წებფოფინებდნენ. იმედშემოსილი დედები, რომ ეს ახალი მზე ამათ პატარა ჩვილებს სულ სხვა კაცად აქცევდა, სასობით ბერიკაცის გასავლელ გზაზე იჩოქებდნენ და მიწას ეამბორებოდნენ. ბალები, გოგოები და ბიჭები, ერთმანეთში არეულნი, აღტაცებულ სიმღერას უმღერდნენ და აქვე ხელდახელ ქებადიდებას სთხზავდნენ სინათლის შესამკობელსა. ავადმყოფნი, ბრმები, დავრდომილნი მოხოხაყენ სანთლის დასანახად, თვლებს იფხვებდნენ და პირკვარს იწერდნენ. ისმოდა ხმა ღალადებისა, აღტაცებული, დიდებული, მხიარული, სიცოცხლით სავსე, იმედიანი.

ხოლო სანათი შორს აბნევდა თავის მაღლიან სხივებს. ანათებდა აქამდე სახიფათო გზას, ქვითა და რიყით მოფენილს, ეკლითა და ნადირით სავსეს, ავაზაკებისა და ყაჩაღების საფარ ბინას. ანათებდა

მუშა, მშრომელ ხალხს, იმათ ჭუჭყიან და ოფლიან პერანგებს, იმათ დაღვრემილ სახეს, ეხლა კი სინარულით გაშუქებულ-განათებულს.

— გაუმარჯოს სინათლეს! გაუმარჯოს ბნელეთში სინათლის შემტანს! — იძახდა ალტაცებული ხალხი.

— ძირს სიბნელე! ძირს ბნელეთის მოტრფიალენი და ბნელეთის ღმერთი! ძირს ბელზებელი ეშმაკი! — გრიალებდა მწყობრი ხმა ქალ-ვაჟებისა და იქვე სინარულის ფერხულს აბამდნენ და წკრიალა ხმით სიმღერას აგუგუნებდნენ.

გაპლვიძებოდათ ფრინველთაც. ახალ სახილავის დანახვაზე გონს ვერ მოსულიყვნენ და, დარწმუნებულნი, რომ ეს პატარა მზე დიდი ძხის შეილი იყო, საწყალი ხალხისთვის გზის გასანათებლად და გასართობად ჩამოსული, თავის წვრილხმიან საკრავში ჰბერავენ და ტკბილ საგალობელს არაკრავებდნენ.

ბელზებელი ეშმაკი კი ახალი სინათლისაგან შეძრწუნებული და ბალახაშლილი, ტახტიდან ჩამობრძანებულიყო. და ცოფიანივით დორბლებს ჰყრიდა.

— იპოვნეთ სანათის მომგონი და მომიყვანეთ აქ! — ბრძანა ღრიალით ტარტაროზმა, — მინდა იმის ტანზე ჩემი კბილების სიბასრე ვცადო. ვასწავლო ჭკუა, რომ კვლავ აღარ გაბრიყვდეს და ჩემს საბრძანებელს ხელი აღარ შეახოს, ბნელის გაშუქება აღარ გაბედოს! მომიყვანეთ ამ წუთში ის უბედური, დაეინახო თვალით, რა სულიერია, რა ძალა აქვს! — ყვიროდა ტარტაროზი და სიბრაზით დორბლებს ჰყრიდა.

შეშინებული ეშმაკები და ჰინკები ხარის ტყავივით მიწაზე გართხმულიყვნენ.

— აი, მბრძანებლო ბნელეთისაო და ჯოჯოხეთის მთავარო! შენი ფეხთა მტვერი ვართ, ბნელეთის დასაწყისო და სულის ჩამბერავო! გაგვსრისე, დაგვხოცე, გოგირდის ცეცხლში ჩაგვეყარე! ჩვენ შენი მონები ვართ. უშენოდ ჩვენი სიცოცხლე და ცხოვრება რა იქნებოდა, ბურჯო ჯოჯოხეთისაო! გვიბრძანე და სინათლეს სიბნელედ ვაქცევთ, — სინარულს — მწუხარებად, დღეს — ღამედ, წყალს — სისხლად, სიცოცხლეს — სიკვდილად, ახალგაზრდობას — დახვეწებულ შონუცებულობად, რიყეს — კაცის ძვლებად, აყვავებულ სოფელ-ქალაქებს — კაცთა სასაფლაოებად, რომ მხოლოდ ძაღლებიღა

იგონებდნენ დახოცილ პატრონებს! გვიბრძანე და ჰაერის მაგივრად ფრინველთ და ნადირთ თოფისა და ზარბაზნის ბოლს ვასუნთქებთ, მშიერ პირუტყვთ ბალახისა და თივის მაგივრად, ვაჟკაცთა თმას მოვაძოვინებთ. გვიბრძანე და ყოველივე ნამუსს და სვინდისს მოვსპობთ ქვეყანაზე, ტაძრებს წაგებლწავთ და ქალებს ნამუსს ავხდით, აკენის ბალლიდან დაწყებული დახავესებულ მოხუცამდე. გვიბრძანე და სიცოცხლეს თესლშივე მოვკლავთ, ხემ და ბალახმა ღოღო ველარ გაიტანოს და სიცოცხლე სათავეითვე მოისპოს!

იამა ჯოჯოხეთის მთავარს ხელქვეითებს ასეთი ერთგულობა და ერთსულობა. დართო ყოველივე ნათხოვნის ნება, დალოცა და გაისტუმრა ქვეყანაზე.

და გაიფანტნენ უთვალავნი ეშმაკნი; ქაჭნი და ავი სულნი ხმელეთზე და წყალზე სიკვდილისა და სიბნელის გასაფრცელებლად.

* * *

ხოლო არც სანათის გამომგონს ეძინა. მოედო მთელ ქვეყანას სანთელ-ფარნები, აუნთეს სინათლის ღმერთსაც სანთელი, ვინაილგან იმასაც შეაწუხებდა ღამის სიბნელე, რადგან ამაზე დიდებული და წმინდა მსხვერპლი სხვა აღარ ეგულებოდათ მის წინაშე შესაწირავად. გაინათეს სამყოფი და სადგომები, სახლები, ეზოები და ქუჩები. განათდა ყველა ქოხი და სახლი, ყველა ალტაცებით შესცქეროდა თავის ცოლ-შვილის გამუქებულ სახეს, იმათი ცქერით ტკებობდა.

გადაიქცა ღამე დღედ, ამოისუნთქა ხალხმაც თავისუფლად. ყველა ბნელეთის შვილები უფსკრულში ჩაინთქნენ და ქვესკნელში ჩაძვრნენ. მოისვენა ხალხმა, თავის ნაოფლარს — ნაამაგარს სიყვარულით და სიხარულით შეხედა.

სად იყვნენ მტაცებელნი და მპარავნი, სხვისა ოფლში ხელებს რო აფათურებდნენ? რა იქნა ამოდენა უთვალავი, უანგარიშო მუქთახორა სისხლის მწოვლები?

სინათლის შუქზე დაფრთხნენ და ბნელი მოძებნეს. გარბოდნენ გულგახეთქილები, აფარებდნენ თავს კლდეს და ხერელს, იმაღავდნენ თავს კაცთა ნათესავეთაგან, მაგრამ ბნელი მათ ველარ ჰფარავდა,

ხალხი ჰხედავდა ვინც იყო იმისი ოფლის მტაცებელი, იმისი მტერი — სულთამხუთავი, ძრწოდა ბნელეთი და ბნელეთის ძალნი, ირ-
ღვეოდნენ მისი ზღუდენი და სიმაგრენი.

• • •
არც ტარტაროზს ეძინა. მისგან გაგზავნილი ეშმაკები კაცის სახით
ქოედნენ ქვეყანას, იჩენდნენ მისდამი გულმტკიცენეულობას, ამოუ-
დგნენ გვერდში, გაუწიეს ჰირში და ლხინში ერთობა და ძმობა. გა-
დუშალეს სული და ვული, რომ მათი გულისპასუხიც გაეგოთ, გაუხ-
დნენ ვითომ და მეხვაშიადედ, ჰირისუფლად. უჩვენეს თავი ერთგუ-
ლად, თავდადებულად. არწმუნებდნენ და ეფიცებოდნენ, რომ ისინი
იყვნენ ხალხისთვის ჭეშმარიტი მომხრე და კეთილის მდომელნი,
რომ სხვა ყველა მტერი და დამღუპავი იყო.

ერთმა წვერიანმა ეშმაკმა მიიღო უმანკო ანგელოზის სახე და,
როცა მთავარი ქურუმი წმიდა-წმიდათაში სანთელს უნთებდა სინათ-
ლის ღმერთს, გამოეცხადა.

— ქურუმიო! — უთხრა ეშმაკმა ანგელოზის ტკბილი წკრიალა
ზმით, — გაარისხე შენ ღმერთი სინათლისა, იმის გულის წყრომას
საზღვარი არა აქვს შენი ქცევით. რად აანთე სანთელი მის წმიდა-
წმიდათაში? რად გაანათე მისი ტაძარი? რათა ჰყავ ცხად მისი კუნ-
ჭულ-კუთხე, მისნი წმინდა საიდუმლონი? რათ გახადე სახილგოლი,
რაც აქამდე უხილავი და საიდუმლო იყო? მოვლენ მპარავნი, ქურ-
დნი და ავაზაკნი, დაათვალიერებენ შუქზე ყველაფერს, დაჰვეერენ,
დაიგულებენ და მერე, როცა შენ წახვალ, მოვლენ, აანთებენ ჩვენ-
განვე წმინდად აღიარებულ სანთელს და გაზიდვენ ყველაფერს. დარ-
ჩება ტაძარი გაძარცული და ოხერ, წარიტაცებენ ძვირფას სამკაულთ
და სამოსელთ, შანდალთ და ხატთა მოქედულობით. ეცადე, მოსპო
ყველგან სანთელი, ჩააგონე სხვებსაც, ხომ იცი, ტაძრისმსახურთა
სიტყვა ხალხისთვის წმინდა და გადუვალია. ნუ უჯერებენ მაგ ვი-
თომდა ახალი სინათლის მომგონთ, ეგ სინათლე ქვეყანას დაღუპავს.
აბა სად არის სინათლე გარეშე მზისა. ყველა ავკაცს გაუადვილდება
სხვისა დანახვა, განათებული გზა გაუადვილებს ხალხს ერთმანეთ-
თან მისვლა-მოსვლას, მომეტებულ დროს მისცემს ერთად სამყო-

ფელად, დაეკარგებათ სასოება ღვთისა და შიში. ეშმაკისა და ავისუ-
ლებისა ეშინოდათ და მათთან ბრძოლაში დამხმარედ ღვთის შემწეო-
ბას ითხოვდნენ, სინათლეზე ეშმაკის ლანდი გაჰქრება და გაჰქრება
ღვთის ღირება და ლოცვა-ვედრება. თუ ღმერთს აღარ იწამებენ,
შენ და მრავალს შენს ხელქვეით ქურუმებს ვინღა იწამებს. დარჩე-
ბით შერცხვენილნი, გაწბილებულნი, პატივყარნი. მაშ, წადით
და სადაც სანთელი და სინათლე ნახოთ სახლში თუ კარში, მოსპეთ,
გააქრეთ. შეაძრწუნეთ ხალხი, რომ ველარ გაბედონ სანთლის ანთე-
ბა, გაუხადეთ ხალხს ისე საქმე, რომ ყველა სანთლის მომგონს
სწყველიდეს. და სდევნიდეს.

ასრულდა მაცდურის სურვილი.

მოედევნენ ქვეყანას ქურდები, ლოთები, კაცის მკვლელები, ძმის
გამყიდავნი, ქვეყნის მოღალატენი, სხვისა ხელის შემხედვარნი, ძალ-
ლივით სხვისა ნასუფრალის მონამცეცენი, ზარმაცნი, უქნელნი, მკო-
ნარენი და ათასი სხვა ეშმაკისგან შესყიდულნი და ტარტაროზის
მსახურნი.

დაუწყეს ალალ-მართალს ხალხს ზოცვა და რბევა, სინათლის გამ-
ვრცელებელთ დევნა და კვლა, სახლებში შეხტომა, ქურჩებზე და მე-
იღნებზე ხალხის ჰერა, სანთლების ქრობა და სინათლის მოსპობა.
სადაც ვერ მიდიოდნენ, იქ ჰგზავნიდნენ მუქარის წერილებს, აშინებ-
დნენ ხალხს ღვთის რისხვით და აოხრებით, დადგა შავბნელი დრო.
ყველა ქვეყნისთვის გულშემატკიერის სიციოცხლე განსაცდელში ჩა-
ვარდა. ყველა ქვეყნისთვის თავდადებულს საფრთხე მოელოდა, აღ-
სდგნენ თვით სულმოკლე მდაბიონიკ და დრტვინაენდნენ: რად გვინ-
დოდა სინათლე, თუ კი ასეთი შავი დღე დაგვიდგებოდა, თუ კი სი-
ციოცხლეს მოგვისპობდნენ; სად არის სინათლის გამჩენი, მოვიდეს
და დაგვიფაროს ამ ძალმომრეობისაგან. რად გვინდა სინათლე, თუ
ციოცხლები არ ვიქნებით, თუ კი დაგვლუპავენ და გაგვანადგურებენ!

გასკრა ტარტაროზის ბილწმა ხრიკებმა.

მოიცვა ქვეყანა შიშმა და ძრწოლამ, დამყარდა ისევ სიბნელე
პირქუში და გაუტეხავი. მოღუნდა სიციოცხლის ძარღვის ცემა. და-
ილო თავი მიწაზე მაშვრალმა ხალხმა წინანდელზე მომეტებულად,
დაიჩაგრა, დალაჩრდა. მოხსენდა ყველა ეს ჭოჯოხეთის მთავარს,
გაიხარა და განცხრომას მიეცა. ბრძანა მეჭლიშებისა და წვეულებე-

ბის გამართვა. გასცა უზომო მოწყალეობა ყველა თავის ერთგულებზე, აავსო მოწყალეობით ყელამდე, ვინც იმის გულისთვის ძმანსა ჰკლავდა, მამას თოფს ესროდა, დედას ძუძუს აჭრიდა.

— თქვენა ხართ, ძმებო, ნამდვილი ღირსეულინი შეიღნი ჯოჯოხეთისანი. თქვენა ხართ ბურჯნი ჩემი ტახტისა და დიდებისა. თვინიერ თქვენსა არა ვიყო მე და არცა სახსენებელი ჩემი. იცოცხლეთ და მაცოცხლეთ, მემსახურეთ მუდამ ჟამს მაგრე ერთგულად და მეც მოგანიჭოთ ყოველივე სიკეთე და ბედნიერება! მოესპობ ქვეყანას, მოესპობ მზის შუქსაც და თქვენს შემრცხვენელს და შემგინებელს კარ შევარჩენ. მომიცია თქვენთვის კაცთა ნათესავი, მოექცეთ, როგორც გინდათ, ხელის შემშლელი მოგიკვდეთ.

ამ ყოვლად მოწყალე სიტყვებმა, ჯოჯოხეთის მთავრის ტახტიდან გაგონილმა, მთლად მოხიბლა ეს ძმათა სისხლით მთვრალი ხალხი! გაისმა საზარელი ღრიალი და ყვირილი, ურასი და ვაშას ძახილი. აღტაცებულნი ეშმაკის მსახურნი პირქვე ემხოზოდნენ ბელზებელის წინაშე და ფეხებს ულოკავდნენ.

— გაგეთელე, გაგვსრისე, ჩვენო მბრძანებლო, ჩვენო მოწყალე მამავ! წეგვდეგ ფეხით, რომ შენი წმინდა ფეხის შეხებამ ჩვენი ჯოჯოხეთის მბრძანებლის სამსახური შეგვაძლებინოს და ძალი და ღონე გაგვიორკეცოს. დაგვაფურთხე, რომ შენმა ნერწყვმა გაგვიწმინდოს ყოველივე იმ უწმინდურებისაგან, რასაც ქვეყანაზე კაცურს ეძახიან. გვყავ ღირსი მუდამ ჟამს შენი თვალთა ხილვისა!

ასეთ არაჩვეულებრივ ქვეშევრდომულ გრძნობების გაგონებაზე ბელზებელი უფრო აღელდა, უფრო გული აუჩუყდა და, რადგან თავის სიცოცხლისა და ბრძანებლობის ჟამის გაგრძელება დაიიმედა, მისცა განცხრომას თავი და მოსვენებას გული. ხოლო, რაც იმისმა ხელქვეითებმა ქნეს, ბოლოს გაიგო და ნაყოფიც მოისხა ფრიად მწარე და მოუნელებელი.

• • •

გავიდა ხანი. შიშმა და მათრახებისაგან მიყენებულმა ტკივილებმა იწყეს დაუჩუჩება. დაინახა ხალხმა, რომ ცოცხალი გადარჩა, მაგრამ ესეთი სიცოცხლე ჩალად აღარა ღირდა: დამონებული, ღირსება ახ-

დილი, ნაცემი, ნამუსგაქელილი, მშიერი, ტიტველი, გაპირუტყვებული. ხოლო სინათლისგან შეტანილი ბედნიერება და თავისუფლების გრძნობა ღრმად იყო ცეცხლის ნაპერწკალივით ხალხის გულში შემძვრალი, როგორც ის ქარისგან თანდათან ღვივდება, იზრდება, და დაჰბერავს თუ არა პატარა სიო, აიტანს ალს და აპრიალდება გაშმაგებულს. თუ წინათ თავის გაპირვებას და გათახსირებულ ყოფნას ვერც კი გრძნობდნენ, ახლა, რაკი თავისუფლება ერთხელ მაინც იგეძეს, ძრიელის ძალით დაიწყო გულმა ტოკვა სინათლის კელავ მოსაპოვებლად.

დაიწყო ღელვა და მოძრაობა, ჩურჩული და მითქმა-მოთქმა, ერთმანეთში მისვლა-მოსვლა და საიდუმლოს გაზიარება. ყველას შეატყობდით სახეზე ზრუნვას და დიდ ფიქრს. ჰაერი შურისძიების სუნით იელინთებოდა. და, ვისაც აქამდე მომაკვდინებელ ცოდვად მიაჩნდა, ახლა სიბრაზით კბილებს აკრაქუნებდა. თავის თავს აღარავან ეკუთვნოდა. ყველა რაღაც საერთო ძალას დაემორჩილა. ძარღვებში ყველას ერთი ფიქრით, როგორც ელექტრონის ნაკადულით, უღელავდა სისხლი და ყოვლად ძრიელი გაუგებელი ძალა ჩალის ღეროსავით საერთო ზღვისკენ მიაქროლებდა, სადაც შურისძიების ტალღები ყველას ნაფოტივით ისროდა და საერთო საქმისთვის თავსაც ავიწყებინებდა, ცოლ-შვილსაც, სატრფოს და მეგობარსაც.

— მოგვეციო სინათლე! მოგვეციო შუქი! შორს ჩვენგან ბელზებელი და იმისი მსახური! ძირს ეშმაკთ ნათესავნი და მათი დამქაშები! გაუმარჯოს ხალხს! გაუმარჯოს ეშმაკის ხელიდან განთავისუფლების წამს და საათს!

გრიანობდა ხალხი და ეშმაკის მსახურთ ტანში სიკვდილის ქარი უვლიდა და აჟრიანობდა.

— მპარავნო და სხვისა ოფლის მქამელნო! ღროა ამოარწყითო არმად ნაჰამი, ხსნა არა გაქეთ!

გაუმარჯოს მშრომელთ! სიკვდილი ქვეყნის სისხლის მწოველთ!

— ამინ! ამინ! — მოსძახდა მთა, ბარი, წყალი და ჰაერი.

[1008 წ.]

— კრიი! კრიიი! — უკრავდა ერთთავად თავის წვრილხმთან სტვირს პატარა კრიჰინა.

— ჰმ! ჰმ! — ხენეშოდა და ზმუქუნებდა ბოროტი მოხუცი, — ამ ოხრისაგან არც ღლე მაქვს მოსვენება და არც ღამეი ნეტა, ვის ეძახის ეს ეშმაკის ფეხი?!

— კრიიი! კრიიი — უკრავდა კრიალა და ყურადღებასაც არ აქცევდა მოხუცებულის ბუნლუნს.—რა ყური უნდა ვუგლო ბებრუცუნების ჭავრობასა, მაგათ სიცოცხლე მობეზრებული აქვთ, სხვისთვისაცა ჰშურთ სიცოცხლე და სიხარული. ნეტა ვიცოდე, რათა ხარ ბოროტი? მე რომ ჩემთვის ვიმღერო, შენ რა გინდა? აქამდე სულ მციოდა, ახლა ძლივს იგრძნო სითბო ჩემმა ზურგმა და გულითაც რომ მინდოდეს, სითბო არ მაჩუმებს.

— კრრრრრრ! — აგრძელებდა ლეგოსანი. — რაც გინდა სთქვი, იბუზლუნე, იჯავრე, გასკდი ნალელითა და გაიბერე! აბა, რა გნებავს ჩემგან, შე ბოროტო, შენა?! კრრრრრრ კრრრრრრ კრრრრრრ ვზივარ თბილად, არხეინად, ვერც სიცივე მოალწევს ჩემთან და ვერც შენი ჭოხი, ბებერო! ურაკუნე კედლის ქვეებს, სანამ მოგბეზრდებოდეს, ხელები შენ გეტკინება, თორემ მე რა?

— ოჰ, ეს კრიჰინები, ეს გასაწყვეტები ნეტა, რასა კრიჰინებენ, რა უხარიანთ? რა ყელებს იხევენ? მე კი აღარ მიცქერიან, ღამის

ჟისხლი შომეწამლოს! გაგიწყდა ხმა! გაჩუმდი, შე ეშმაკის სარეკე-
ლაე! რა ყურში ჩამომჩხავი და გულს მიწყალებ? დაცა, ერთი გა-
შოგათრეე მანდელანა, თვალებს ნემსით დაგთხრი, ულვაშებს დაგაძ-
რობ, კანკებს შემოგაღეწ, აბა, ნუ გაჩუმდები!

— კრრრრრრრრ!.. გაიბერე სიბრაზით, ბებერო! მახსოვს ზაფხული.
მაშ, არ ვიპრიტინო იმისმა მომლოდინემ? არ მეყო, რაც სიცივით
კრიკა მქონდა შეკრული, ხმას ვერ ვიღებდი? არ მეყო, რაც სიმშოილ-
სიტიტვლე გადავიტანე, რაც ზამთრისგან შიში და ელდა ვქამე?! იგა-
ლობეთ თქვენც, ამხანაგებო, თუ სადმე ხართ. მომეცი თ ბანი, დაეძა-
ხოთ ერთად, დავაპრილოთ ჩვენი სატკივარები! იგალობეთ, ძმებო!
შევაქოთ სიმღერის გამომწვევი გაზაფხული! იქნება ვერც გაზაფ-
ხულმა გაიგონოს ჩვენი გალობა, მაგრამ მაინც ვიყვიროთ, დავიხრინ-
წოთ იმის ქებაში ყელები!

არ შეგაშინოთ მაგ ბებრუცუნამ, მაგან ეგრე უნდა დალიოს თა-
ვისი ღღენი. განა თვითონ არ უნდა, რომ ჩვენსავეთ მხიარული და
იმედიანი იყოს! განა თვითონ არა ჰსურს, მოვიდეს ზაფხული და
ეგეც სხვებსავეთ მხიარულობდეს? მაგრამ რას მოუტანს აბიბინებუ-
ლი მთა-ბარი? ვინ გაუცოცხლებს მიწადქეუულს შვილებს? ვინ და-
უბრუნებს წარსულს ახალგაზრდობასა? ვინ დაუძახებს და გაიწვევს
კარში ბუნების ცვლილების დასანახად? ვინ ახარებს წკრილა ხმით
მერცხლების მოფრენასა?

კიდევ ის აბოროტებს მაგ საწყალს! გაზაფხულის მოსვლა სამა-
რის ძოახლოვებას აგონებს და სევდა-ნაღველს უმატებს. სხვა რაღა
აქვს სანუგეშო სიკვდილის მეტი! ჩვენ კი არც სიკვდილისა გვეშინი-
ან, რადგან არავისათვის ავი არ გვიქნია და არც წარსული რამ გვა-
ტირებს; სადა გვცალიან, რაც წავიდა, იმაზედ ვიღარდოთ?! ასე კრი-
კინით გავატარებთ ჩვენს სიცოცხლესა. იმღერეთ, ძმებო, იმღერეთ!

— კრრრრრრ! კრრრ! კრრრრრრრრ! კრრრრ! მოვა გაზაფხული, ტურტა
და მშვენიერი! გაგეცლები, ბებერო, გამოვძვრები შენი ბუხრის ყო-
რედან, მოისვენე მაშინ. მაგრამ მაშინ კი გაჩუმდები? ახლა რამდენი
სხვა დაგიფრთხობს ძილს და მოსვენებასა. ახმაურდება მდინარე
წყალშომატებული, გაიღვიძებს მკვდარი ტყე! ჩაგყვირებს ყურში
ძეხს კარებზედ ქანდარაზედ შემომჭდარი ოფოფი, დაგძახებს მძლე-
ვარი გუგული! გააკეთებს შენი ღერეფნის ქერში ბუდეს მერცხალი,

ის ხომ გალობას არ მოიშლის. იქიკიკებს ბუდის პირზედ მჯდომი; ჰაერში მფრინავი, ცაში მონავარდე. არ მოგასვენებს ბარტყების ელურტული და წრიაინი.

— კრარრიი! კრარრიი! ნუ ხარ ბოროტი, ნუ! აბა რას გიშლი, კედელში რომ ჯოხებსა მჩხვლეთ; გინდა შიგ გამოძკყლიტო! მე ხომ ჯოხი ვერ მომწვდება, ხრუწუნში უვნებლად ვზივარ, ხომ ვერც გამოთანგრევ, რომ გამომიყვანო? მამ რად ბოროტობ?

იჭდა კრიკინა თბილად ბუხრის კედელში და თავის წყარუნას უკრავდა და უკრავდა, სანამ გაზაფხულმა მზის შუქით არ გაათბო ქვა: და ქვასქვეშ მიწა. მაშინ კი გამოძქრა თავის სოროდან კრიკინა.

— გამარჯობა, მოხუცო! აი, მივდივარ, აღარ შეგაწუხებ ჩემი სტივით, პაპავ! — და ხტუნუთ გასწია კრიკინამ კარებისაკენ, საიდანაც თბილი შუქი შემომდგარიყო და ლეგოს კარში ეძახდა: „წამოდი, ლეგო, წამოდი მინდორში, ამხანაგები გელიან. ეხლა ყველგან თავს მოაფარებ, ბალახი ყელამდეა, ყვავილებით სავსეა ქვეყანა. წამოდი, არ დადგე, წამოდი, კრიალაე!“

მზის შუქიც ასრევე უძახოდა სხვა მრავალს მწერს და ქვემძრომს, რომლებიც ზამთრის შიშით ზოგი მიწაში ჩამძვრალიყო, ზოგი ხის ქერქს შექფარებოდა, ზოგი ქერში იჭდა, ან კედლის ნახვრეტებში.

— წამოდი, ყველანი წამოდი! ნურავინ ნუ დარჩებით, ვისაც გაზაფხული გახარებთ, მივეგებოთ ერთად! ერთმანეთს მხარი დაეუკიროთ, ამხანაგებო, აჩქარდით, ნუ იგვიანებთ.

— მშვიდობით, პაპავ, მშვიდობით! არ დაგივიწყებ, შემოდგომაზე ისევ გეწვევი, თუ ცოცხალი დავრჩი. ისევ ისე ვიჭრიკინებ და ყურებს გამოგიქვდავ, შენ კი ისევ იბუზღუნებ და იჯავრებ. აბა, მშვიდობით, კარგად იყავი, პაპავ! — ეძახდა მზიარული ლეგოსანი, კარების ზღურბლზედ შესკუბებული. მაგრამ გაჯავრებულმა პაპამ თავისი კავიანი ჯოხი უთავაზა ისე მაგრა, რომ სულ მიწა აათხრევიდა. თან ლანძღვაც დაატანა.

— მოუსაველეთში წადი, შე შავო ეშმაკის ბარტყო! დრო არ არის გაძეცალო და მომასვენო?! წადი და აღარ მოხვიდე, შე შეჩვენებულო, მოუსვენარო. „წასვლა იანი, მოსვლა გვიანი“. — თუ არ ლეგოს სიმარდე, იქნება კრიალა გაქყლეტილი ჯოხს აპყოლოდა, მაგრამ გადახტა და თავს უშველა.

— რა არის, პაპავ, ერთხელ მაინც გამოიჩინე გულკეთილობა!
დარჩა მოხუცი მოწყენილი, გაჯავრებული. კრიკინამ კი მინდორ-
ში ამოჰყო თავი.

• • •

— რა უხარიათ ამ წყეულებს ნეტა? — იძახდა პაპა.— რატომ ყე-
ლი არ ეხევათ, ან თავი არ ასტივით ამოღენა ყვირილით! მე ლამის
გაძაგიყოს მაგათმა კრიალმა და კრიკინმა. შე მოუსვენარო, თუ მოგ-
ზვედროდა ჯობი, მაშინ ნახავდი შენს სეირს, მაშინ ასწევდი შენს ჰან-
გებს მაგრე მალლა ფარდებში. მანდ წადი, მანდ. აბა მანდ არიან შე-
ნი სულთამხუთავები. იმედია შემოდგომას ველარ მოესწრები. გაგი-
:ცურდება ჩემს თბილ ბუხართან ჯდომა და მღერა...

დარჩა მოხუცი მარტოდმარტო. მოაგონა გაზაფხულმა თავისი სი-
ბავშვე, სიყმაწვილე, სივაჟკაცე. მერე თავისი მკვდარი შვილები.

— ეჰ, ვინ იცის, ჩემს შვილიშვილებს უფრო მეტიც ეჭყვირნათ.
რა იყო, მეც მეძახდეს ვინმე პაპასა და ეშმაკივით მარტოდმარტო არ
დავრჩენილიყავი. რა იქნენ ჩემი პატარა ველის ყვავილები! თქვენც
ზომ ზამთარმა არ დაგაქვნოთ, ჩემო ვარდებო? რატომ ბებერ პაპას
არ ამხიარულებთ თქვენი ყივილ-ხივილითა?! — ბუზღუნა პაპა სტი-
როდა, ყვითელს, დახავსებულს წვერზე წვიმის წყალივით ცრემლე-
ბი სწვეთავდა.

• • •

კრიალა კი მიხტოდა; მხიარულობდა. იცოდა, რომ ქვეყნად კიდევ
ძალიან ბევრი მტერი ჰყვანდა, ბევრს ვისმეს ჰქონდა მისთვის პირი
გაღებული. ერთგან წიწილაც დაედევნა, მაგრამ პირშიჩაღაგამოვლე-
ბული დარჩა.

კრიკინა კარგად ჰხედავდა, როგორ ნელა-ნელა ეპარებოდა მსუ-
ნავი წიწილა. თვალეზსაც კი აღარ ახამხამებდა, ვაი, თუ ხმაურობა
რამე შეესმას, გამეჭტეს და დამემალოსო. წინდაწინვე ჰგრძნობდა

ლეგოს გემოს და პირს იტყბარუნებდა. „იპი იპი იპი! — ამბობდა გუხებაში — ეს კაი ლუკმა ვიშოვე: ამ დილით კაი საუზმე გამიჩნდა, მომხედა ღმერთმა“.

— იქამდის ნურა კამე რა, სანამ კრიალა შენ არ შეგეკმოს! განა, ზენც უნდა მე შემქამო? მაშ იმოდონა უთელავს შაშვებს, ჩხართვებს, შოშიებს, ჩიტებს, მერცხლებს და ათას სხვა მტერს როგორც და გადავრჩებით, რომ საშენოდაც კი გავხდეთ. მაშინ ჩვენი საგვარეულო ხომ გასწყდა ქვეყანაზე. — ამბობდა გაჯავრებული კრიალა.

ჯერ ქათმების სამეფოს არ გასცილებოდა, რომ უცებ სულთამხუთავივით წინ შეეფეთა ერთი უზარმაზარი წითელი მამალი. გვერდზედ გადაგდებული ჩინჩლო, ნამგლის სიგრძე საყვირები, წითელი მარჯახივით წვერები, ოქროსფერი ქოჩორი, ფეხებზედ გრძელი ყანწები, გალმასებული ნისკარტი. აი, მორთულობა და მოკაზმულობა მამლისა. თვალებს აბრიალებდა, მხედარივით ცმუკავდა, ფაფხურობდა, კრიალას წითელქუდა ჟანდარმი ეგონა. ძალიან შეფიქრიანდა. გულგახეთქილმა ხტომას უმატა, მაგრამ არც მამალი ჩამორჩა. კისერწაგრძელებული, გამახვილებული ნისკარტით გაქეპანა ლეგოსა-ნისკენ.

— ვერ წაპიხვალ, ძამიავე, თქვენი გემო ჯერაც პირში მიდგია! თქვენგან არის მინდორ-ბაღები აკლებული და მწვანილის კვლები დაცხავებული. აქ კიდეე ჩემს პატრონს არა აქვს შენგან მოსვენება, შე წყეულო! — უკვე დაეწია მამალი, ზედ წააწყდა გაქანებული, ცოტა დააკლდა, კინალამ ფეხით გასრისა. — პოო, შე საძაგელო, შე წყეულო! აბა დამაცადე!

— ახლა კი მშვიდობით, ზაფხულო! ახლა კი დავილუპე. რაღა გადაძარჩენს ამ სიკვდილის პირიდან. მორჩა ყველაფერი! — ამბობდა კრიალა. — ისევ ჩემი ყოჩაღობა თუ დამიფარავს, თორემ სხვა ხსნა არ არის.

ისეთის ძალით ჩასცხთ. მამალმა ნისკარტი, რომ მთელი ტანით ზედ წააწყდა თვითონაც, თავი ველარ შეიმავრა. მაგრამ ჩვენი მგალობელი ამ საფრთხესაც მშვიდობიანად გადურჩა. იმის მაგივრად მამალს ქვისთვის ჩაეცხო ნისკარტი ისე მძლავრად, რომ ტვინი სულ შეერყია. ამის შემდეგ შაკიკი აუტყდა და სამს დღეს და ღამეს თავის ტკივილი ჰკლავდა. თვითონაც ძალიან უკვირდა მამალს, რო-

გორ წამვიდა ხელიდან ცოცხალი, სწორედ პატარა ეშმაკი თუ იყო.

გულვახეთქილმა კრიალამ ძლივს ერთ ქვისქვეშ მოასწრო შეძრომა და დამალვა. თავის დროზედ ხომ დამალვა და გაქცევაც კაი ბიჭობაა.

— მადლობა ღმერთს! — ამბობდა გულის კანკალით ლეგოსანი. — ეხლა პირდაპირ პირიდან გამოვეგლიჯე სიკვდილსა, სასწაულით გადავრჩი. ეს დასაწყისია, — შემდეგში ბევრი სხვა საფრთხე მომელის წუთისოფელში. ეჰ, „გადამხდა გადასავალი, სხვა უარესსა მოველიო“, რა კარგად უთქვამთ.

დიდხანს იჯდა ქვისქვეშ ლეგოსანი, იჯდა, სანამ ხმაურობა არ მისწყდა, მამალმა ყივილი არ შესწყვიტა და წიწილებმა წივილი, — კარში აღარ გამოუხედნია.

როცა ქვისქვეშიდან გამოძვრა, უკვე დაღამებულიყო. ის საზარელი მხეცი, წელან რომ კინალამ ჩაყლაპა, აღარსადა სჩანდა. ირგვლივ მშვიდობიანობა სუფევდა. საშიში აღარა იყო რა. ცა ვარსკვლავებით მოიქედა, ოქროს დიღებივით იწყეს ციმციმი. აქრელდა ლაქვარდი გუმბათი, წვრილ მნათობებში მთვარე ლამპარით აენტო. ფრინველებისა და ცხოველების ჩვეულებრივი ყვირილი და განგაშიც მისწყდა. მხოლოდ ობლადდარჩენილი ბულბული უსტვენდა სადღაც ჩირგვებში ჩამალული.

შორიდან ლეგოსანის ამხანაგების კრიალი და კრიკინი ისმოდა. ერთავად ტკაცატკუცი იღვა. ერთი მღერა და განგაში იყო. ყველას ხმას იმათი კრიკინი ჰფარავდა. კაცს ეგონებოდა, სოფელი აყრილა და აქეთ გადმოსახლებულაო. ამათ ტყიდან ხის ტოტზედ მჭდომი მწვანე ფოთლის ბაყაყი უბანებდა კრიალით.

— ბნელა, — სთქვა ლეგოსანმა, — ძალიან ბნელა! შესაძლებელია გზა დავკარგო, უბედურებას რასმე შევემთხვა. აქვე გავითიო, ვაი, თუ ის მხეცი ისევ შემხვდეს. განა მუდამ გადურჩება ხიფათს კაცი?! ხიფათი მწყერსა ჰგავს, სადაც არ ელი, იქიდან ამოფრინდება.

ამხანაგების კრიალი თავისკენ იწვევდა. ეს ხმა წინამძღვრად გაშოადგებოდა ლეგოსანს. მას გზა დაეულოცოთ ჩვენს მგალობელსა.

— გამარჯვებათ, ძმებო, გამარჯვებათ! — აძლევდა სალამს კრიკინა წინა შეხვედრილს ამხანაგებსა. ჰკითხავდა მინდვრის ამბავსა და

თვითონაც უამბობდა თავის თავგადასაქალსა. სამაგიეროდ, კრიჭინებიც სულით და გულით ეგებებოდნენ ახლადმოსულს ამხანაგსა.

— ვინც მოვიდა, გაუმარჯოს, — ყვიროდნენ ამხანაგები, — მოხველ მშვიდობით! კეთილი იყოს შენი მოსვლა!

გაერია ამხანაგებში ჩვენი კრიალა და თავის ხმა იმათ გალობას შეჰმატა.

— კრიიი! კრრრრრრ! — იძახდა მთელი კრებული.

— წავიდა სუსხიანი, სიკვდილისფერი ზამთარი, წავიდა! გაიხარეთ, ძმებო, გაიხარეთ! აბა, დავეშუროთ, ამხანაგებო, სითბო-სინათლეს, ზამთრის გაქირვება დავივიწყოთ. იგალობეთ, ძმებო, იგალობეთ!

მთელი ზაფხული ისმოდა განუწყვეტელი კრიჭინი და კრიალი შავი და ლეგო პატარა კრიჭინებისა, სანამ ტყეს ფოთოლი ჩამოსცივდებოდა, მწვანე ბალახი გახმებოდა და თეთრი თრთვილი ხელებსა და ფეხებს დაუწყებდა ყინვასა...

ძუნამ რომ თვალები გაახილა, ჩირთი უკვე ასცილებოდა, კობტა-პრუწა არყი მწვანე, ქორთა ფოთლებით მორთულიყო. მზეზედ ტურფადა ბზინავდა.

— დილა მშვიდობისა, პაპა! — მიესალმა ნაზად თეთრკაბიანი მთების ასული დაღრეჯით მდგომარე, ხავსით დაბურვილს, სიბერით დაჩაჩანაკებულს მუნას ტანწერწეტა არყი.

— ძალიან მძიმედა ხარ, პაპა! რამდენი ხანია, შენს გვერდზედ ვშრიალებთ, ვყბელობთ, ქარს ვეკამათებით, შენ კი გძინავს და გძინავს! რამდენჯერ გეძახეთ გაიღვიძე, პაპა, გაიღვიძე! გაზაფხული მოდის!

— აბა, გამოიხედე, ჩვენ უკვე სადღესასწაულოდ სულ ახალ-ახლებით მოვირთენით, მოვიკაზმეთ, შენ კი ისევ შიშველი სდგებარ! ნუთუ არ გამოგაღვიძებს მგრავინავი ხმა გაზაფხულისა?!

— გაიღვიძე, პაპა! — ჩასკიკვიკებდნენ ჩიტები, — ჩვენ უკვე სახლებსაც ვიშენებთ, ბუდარობას ვაპირებთ. რაღა დროის ძილია? გაიღვიძე!

— რას მოგიწყენია ბუმბერაზო? რატომ არ გამოფხიზლდები? — გასწიოდნენ ქორთა ყვავილები და ბალახები, კლდის კინკუხებში ამომძვრალები.

— გაიღვიძე, მოხუცო! — შრიალებდა წვიმა, — გაიღვიძე! რა

ხანია, თოვლი გაედნე, მდინარეები ავახშიანე, ბალახი გავაცოცხლე! აბა, გაიხედე ქვევით, ბარად, ქალები როგორ თეთრად და წითლად გადავპენტე, შავ ხნულებს მწვანედ ფერი ვუცვალე! გაიხედე, როგორ გამოვადვიძე ქვეყანა, როგორ ხმა ამოვალეზინე. ჩაპხედე ძირს ხეობას, გაღმა ფერდობზედ მდგომ ტყეს, რა რიგად ავამწვანე და ფოთლით დავებურე! შენი ბიძაშვილები უკვე ძილიდან გამოერკვენენ, პირი დავბანე და ახლა ისინიც სხვებთან ერთად შემოსვას ეშურებიან! გაიხედე! ჩიტების საბანაო პატარა ნაკადული როგორ მრისხანე ხვედრ ვაქციე და ავალრიალე! რა ხანია ხეობაში ჩაპყვირის და ჩაპქუხს! შენ მაინც არაფერი გესმის, თითქოს შენთვის ყურთასმენას ელაღატნოს!

— გაიღვიძე, მეზობელო! აი, მეც შენსავით მრავალწლოვანი ვარ, მეც საუკუნოებმა ძირი გამიშეშეს; წვერი ხესავით გამიხმა, მაგრამ გაზაფხულმა მეც გამაცოცხლა. საერთო სიხარულში ჩამაბა. გაიღვიძე! — ბიბინებდა ქუჩი, — შენ კი, მუხავ, სდგებარ უძრავად, წარბშეუხრელად, უღარდელი, თითქოს ფიქრი დაგკარგვოდეს. არ გესმის არც ხეების შრიალი, არც ბალახთ საამო ბიბინი, არც ხეების საზარელი ღრიალი და არც ახლადშობილი ნაკადულების ჩახჩახი. ვერ გამოგაღვიძა ვერც ფრინველების ტკბილმა გალობამ, ვერც წვიმის ხუილმა, ვერც ქარის თავისუფალმა გრიალმა. არ შეისმინე არც მოკეთის ხვეწნა-მუდარა, არც მეზობლების რჩევა-დარიგება. არაფრად ჩააგდე არც თბილი სიო, მზის შუქიდან ნაშობი, არც თვით მზის სხივები, დედამიწის გულის გამთბობნი. აგცილდა ჩირთი, მთების კალთები მწვანედ გაცოცხლდა. შენ კი? არც კი მიიხედე. ხეებსა და ღელეებში უსულოდ მწოლარე ზვავეებიც დადნა, ენა ამოიდგეს, წყლად ქცეულთ მღვრიე ხეებზედ ბარისკენ ჩაიმღერეს, იყვნენ აქ დედაკაცებიც, იყვნენ ბალებიც.

— უყურე, დედა, უყურე! — გიცოდებდა პატარა ქალი. — საწყალი მუხა! გამხმარა! ველარ მოსწრებია ბეჩავი გაზაფხულს! ყველამ გაიღვიძა, ყველა გაცოცხლდა, ამოძრავდა, ეგ კი სდგას გამხმარი, უსიცოცხლო, უგრძნობელი! ფუქია მაგისტის ბუნების გაღვიძებაც და ცხოვრების განახლებაც. საწყალი!

— არა, წვილო, — ეუბნებოდა დედა, — მუხა არ გამხმარა, არც მომკვდარა, არა, ჭერ ისევა სძინავს, არ გაუღვიძნია. ეგ ბუმბერაზი

ძალიან გვიან იშლება. მაგისი ღონიერი ფესვები ღრმად არის დედამიწის გულში ჩამძვრალი, შორს არის კლდეებში გაჭაჭლული, იქ კისითბო გვიან ჩაატანს. მაგის დაღრეჯილს, დახავესებულს ქერქს მსუბუქი გაზაფხულის სითბო რას გააცოცხლებს? სხვა ხეებისა და ბალახებისათვის საკმაოა რამდენიმე თბილი დღე, ნათელი მზის შუქი, თბილი უუუუნა წვიმა, რომ გააცოცხლდნენ და აშრიალდნენ. მუხას კი თუ არ გამუდმებული წვიმები, ხანგრძლივი ცხელი დღეები და მქუხარე ღრუბლები, ადვილად არ გამოაღვიძებს რა.

აკი ამიტომაც, როცა შემოდგომაზე უბრალო თრთვილი ბალახბულახს აზრობს და ხეებიდან უთვალავ ფოთლებს ჰყრის დედამიწაზედ, მუხა ამაყად სდგას ხოლმე, მწვანე ფოთლებით მორთული!

დედის სიტყვით გახარებული პატარა ბალები შემოგეხვივნენ გარს, ზოგი ქვას გიკაქუნებდა, ზოგი ჯოხს, ზოგი ქერქს გყრიდა და ხავსსაც გწიწკნიდა. თან გეძახდნენ: გაიღვიძე, დევგმირო, გაიღვიძე, საკმაოდ თბილა!

— მადლობა ღმერთს, პაპა, რომ გაიღვიძე! ახლა კი ზამთარს აღარა მოგვაგონებს რა!

• • •

ზამთარი კი ამ დროს, ზაფხულისაგან გამოდევნილი, ერთი მაღალი მთის დელეში მწოლარე ზეაფში იფარავდა თავსა, ცრემლიანი, გაწბილებული, გათახსირებული. მუდამ წამს, მუდამ საათს ახალ-ახალი ხორცი აღნებოდა, ის კი ზეავს უბუზლუნებდა:

— რა ღმერთი გიწყრება, ზეავო, შენ რაღასა დნები? პირში ხომ ვერ მიმცემ იმ ოხერ ზაფხულს? გამაგრდი, შემინახე, დამიფარე! ნუ გაიხდი ზაფხულის გულისას!

— შე დალოცვილო, მეც შენი შვილი არა ვარ! მეც შენითა მქობდა დიდი გული, როცა მთაზედ ვიდევნი და ბარად ჩაყრილი თოვლი ზურგს მიგაგორებდა. მაგრამ შემოგვეპარა გაზაფხული, ჩვენ არა გეკითხა რა, ბარში გადნა და გაიპარა თოვლი. გვიღალატა, დაგვტოვა მარტოდ. ზოგი წვიმამ დაადნო, ზოგიც შესვა და ორთქლად აქცია. ჭერი მოდგა ჩვენზედაც. ვიმაგრეთ, ვიმაგრეთ, მაგრამ როდემდე? საძირკველი დაგვენგრა, ლიბო გამოგვეცალა. რაღა დაგვარჩენდა?

მოჰქროდა გამარჯვებული გაზაფხული, მოუძლოდა წინ მზე და წვიმა. დიდხანს ვუმაგრდით, დიდხანს ვუძლეთ იმის იერიშს, მაინც ზოლოს გვძლია, მოგვხვეტა ერთად და, აი, ზოგი ამ ლეღებში გადმოგვიძახა, ზოგიც ხევსულებში ჩაგვბერტყა. შენ, ზამთარო, სად იყავ მაშინ? რატომ არ დაგვეხმარე? რატომ არ გადაუღეჭი გაზაფხულს წინ? სად გაჰქრა შენი ძლიერება? სად გაჰქრა შენი ყინვა და ზროზა? გილალატეს?

— მომკალით, შეილო, მომკალით! — ბუზღუნებდა წყალში ამოზუნზლული ზამთარი, — რაღა სიცოცხლის ღირსი ვარ, ჩამქოლეთ მე აძალღებულის ზეაეო, აბა, ერთი ჩაიხედე მაგ მოლალატე ბარისკეხა, ეგ არის გამოგვეცალა ხელიდგანა? ნახე, აღარავინ დარჩა ჩემს მხარეზედ? მაშ, მუხაც გაიშალა? მაშ, ეგ იყო ჩემი ძალა? მაშ, ქვეყანა რომ ჩემი შიშითა თრთოდა, ახლა ყველამ დამივიწყა? ჰა? მოიცადოხ, კიდევ მოვა ჩემი დრო, კიდევ ვაწვნივ ჩემს ძალას, მოიცადონ.

— ეჰ, შე დალოცვილო, შენა, რა ქნან? მოხვალ შენ შენი სასტიკი თოვლითა და ყინვით, გასცრცვი, გაატყავებ ქვეყანასა, გააშიშვლებ, შესტუქსავ, წიშის ზარს დასცემ, გაჰყინავ, გააფიჩხებ, მოვა გაზაფხული, შეჰმოსავს, მოჰრთავს, მოჰქარგავს, მიუალერსებს, უმღერის, ახარებს, ათბობს, გააძლობს, მოხვალ მერე ისევ შენა და ისევ ძველი ამბავი იწყება. რა ქნას ქვეყანამა? რით მოგიგონებს, სიკეთით?

— გაიხედე, ნახე, მაშ, აღარავის ვახსოვარ? აღარავისა აქვს ჩემი შიში.

— ე, შე დალოცვილო, შიშით გინდა ქვეყანა დაიჭირო? აბა, როგორ გადავიხედო ღელეში ჩაქყლეტილმა, თავი მალა ვერ ამიღია, ზევიდან მიწა და ტალახი მაწევეს, საიდან გავიხედო? გაგზავნე ყინვა, ეგ ადვილად გაფრინდება.

ედება ზამთარმა ყინვა, მაგრამ ვერსად იპოვა.

— სითბომ შექამა, სითბომ! — ქვითინებდა ზამთარი, — ვაიმე, ჩემო ერთგულო ძალავ, სადა ხარ, ყოვლად ძლიერო? სადა ხარ, ჩემო ფარო და ხმალო? შენც მილალატე და გაზაფხულის გულისა გამზადე, ჩემო ერთგულო! მერე მიჰმართა თოვლსა. — აბა, თოვლო, ჩემო თეთრო მტრედო, ჩემო სპეტაკო ფრინველო! მოდი დედაშენთან, ჰხედავ, სულსა ვლევ; ნუ გამატან საფლავში დარდად. აბა ჩაი-

ზედ ბარისკენ, ან მთაში, მთის კალთებზედ, კლდეების თავებზედ, ულრან ხეებში, სადაც მზის შუქი დღეში ორ საათობითაც არა კადრულობს ჩადგომასა, იქნება იქ შეგვრჩა ვინმე ერთგული? რა მადლობელნი იქნებიან ან მზისა, ან ზაფხულისა, სულ მუდამ ნისლითა და ღრუბლით დაბურულნი, სულშეხუთულნი? ჭურღმულში მყოფნი ადვილად არ გვიღალატებენ. რა იციან მაგათ ზაფხულის გემოსი? მე ვიცი, რა ყურძენს დაუმწიფებს და ზედამეს ჩააქყლეთინებს? რა წითელ-ყვითელ ყვავილებით მოჰქარავს მაგათს არემარეს ზაფხული?! ყვავილიც კი, თუ სადმე გამოძევა ხის ტოტებზე, ჩემი ფერია. აბა, ძალაც ასეთი უნდა და გავლენაც!

— ეჰ, მშობელი — ხრიალებდა ზეავი სულთმებრძოლივით, — რა სიკეთე ახსოვთ შენგან იმ მთა-მთის კუდებში მცხოვრებთ? ორ საათობით ხომ ათბობს და ანათებს მაინც ზაფხული. შენ კი ისიც გ'შურს იმათთვის. იმ ორ საათსაც აშხამებ და სიმწარით აღამებინებ. ზაფხული კი სიცოცხლეს უბრუნებს საკვდავად გამზადებულთ. ცოტახობით მაინც შეჰმოსაეს იმ შენგან დაწყებულ თეთრი ყვავილებით ბუწქნარ-ხეებსა, ცოტახობით მაინც არის ახარებს კაცის თვალსა! რა ვუყოთ, თუ ბროწეული და ატამი წითლად არ გამოსკვივიან, რა ვუყოთ, თუ ძვირფასი ბარის ყვავილებით არ ირთობა კლდის ნაპრალები ცოტა ხანს ხომ აამწვანებს შენგან გაცრეცილ-გატიტვლებულს ტყე-მინდორს შენგან ათვალწუნებული ზაფხული.

შენ კი, აბა, რა სიკეთე გიქნია იმის მეტი, რომ გაპყვლეფ, დააზრობ, დაპკრუნჩხავ, სიცოცხლეს აწყევლინებ, დასთოვლავ, ყინულებით დაახრჩობ. ნეტა, რა ჭკუა გიქრის, რომ იმათგან ერთგულობას ელი?!

— წადი, შვილო, თოვლო, ჩადი, ნუ დაიზარებ, თავს შემოგველე! ჩადი, რომ უქანასკნელი დღენი წუთისოფლისა მაინც სიამოვნებით დავლიო!

წავიდა თოვლი... დაპბურა ცივმა ნისლმა მთის წვერი, დაპბერა ცივმა ქარმა, დაპქროლა და ჩასწივლა უფსკრულ-ნაპრალებში. შეკრთა არყის ფოთოლი, შიშით თრთოლა იწყო. დაპკიდეს თავები ბალახებმაცა და დაეშვა ცის თვალაუწვდენელ სიღრმიდგან თეთრ ფოთლებად მთისკენ თოვლი. მაგრამ ვერ მოესწრო დედამიწაზე დაეცემასა, გაღნა, გაწყალდა და წვიმაღქცეული გულგამოფიტულმა

კლდემ, კუნძადქეულმა ქუჩის ძირმა და ქორფა ბალახის ფესვებმა შეირგო, მოკვდა, წავიდა თოვლი.

ელოდა ზამთარი, ელოდა თოვლის დაბრუნებას, ელოდა იმისგან სასიამოვნო ამბებსა, ელოდა, რომ თოვლი ახარებდა მუხის გაუშლელობასა, უღრანს ხევეებში ჭერ ისევ ზამთრის მბრძანებლობასა, მაგრამ არც თოვლი დაბრუნებულა და არც საამური რამე ჰსმენია. ასევე დაემართა თრთვილსაც. ელოდა ზამთარი, ელოდა გულის გასახარელ ცნობასა, ლოდინმა გული გადუღია.

— არწივო! არწივო! — შეპლალადა ამაყად მცურავს არწივის ზამთარმა, — დიდებულო ფრინველთა მეფევი მოიღე მოწყალება, ჩემსკენაც მოიხედე. შენ სულ შენ თავს უნდები, შენი დიდება და ძლიერება გახსოვს, იმას შესტრფი და შექხარი! შესდეგ ცოტა ხანს, დაძვირე ყური, ნუ მარიდებ თვალს! შენ ხომ სულ აქა ხარ, სხვეებსავით არ გარბიხარ თბილი ქვეყნებისაკენ, როგორც სხვა წვერილი ფრთოსნები; შენ იცი ჩემი ძალა და ძლიერება, შენ მიცნობ, რომ მოკეთედაც ვვარგვივარ და მტრადაც. მოვა ჩემი დრო, კიდევ დავაზრობ ფეხებს ქართშუტა ქკუთახელ სულდგმულთ. ჰხედავ, ზაფხული თავზე წაშობაჯდა. მარტო მუხალა შემრჩა, ის არ აპყვა ზაფხულის ბაჭიობას, იმან იცოდა ჩემი ძალა და ღირსეულადაც აფასებდა. მინდა სიკვდილის წინათ მაინც გავიგო, იმანაც ხომ არ მილალატა და ყელი არ გაძომქრა, იმანაც ხომ არ შეიმოსა გაზაფხულის სამოსელი? ჩადი, გენაცვალე, მანდ რომ დიდი კლდეა, იმის თავზე სდგას. გამაგებინე შართალი, რომ მოსვენებით დავლიო დღენი!

არწივი შედგა. ზვიადმა ამაყად დაუწყო ზამთარს თვალით ძებნა.

— ფუჰ! — გააფურთხა გულზავმა. — თუ მაგრე ძლიერიცა ხარ, მაგ ქუქყიან ზევეში რაღას შემძვრალხარ? გამოდი და პირდაპირ ეკვეთე ზაფხულს, თუ შეგიძლიან რამე, თორემ რა ლობე-ყორეს ედებო, რა ხავსს ეკიდები, შე სულმდაბალო! რამდენი ხანია ქუხის მსუქანი ფოთლები ჩემს ბარტყებს უჩრდილებენ და წვიმისაგან იფარავენ! ვისლა ახსოვს ზამთარი! გირჩევ გაიპარო, თავს უშველო!

არწივმა ფრთა ფრთას შემოჰქრა, ზიზლით შექხედა შიშისაგან თხასავით მოკუნტულ ზამთარსა და ცის სივრცეში შესტურდა.

ტყუილაც იყო პავლია და მკვებარაცა.

— შესანიშნავი მონადირე ვარო, — იძახდა ხოლმე, — მე რო თოფი მქონდეს, ერიპაა იმდენს დაეხოცავ, იმდენსა, რომ...

— რას დახოცავ, პავლიავ, მგლებსა, დათვებსა თუ ირმებსა, პა? — ჰკითხავდნენ ხოლმე დაცინებით ამხანაგები.

— ტყუილებსა! — გასცინა ერთმა.

— არა, კალიებსა და ბუზებსა, — დაურთო მეორემ.

— არა, მგლებს დახოცავს, კაცო, არ იციო, რა გულადია? — დაუმატა მესამემ.

— მგლებიო?! — დაფიქრდა პავლია, — ჰაი, რო კაი ბიჭობაა მგლის მოკვლა, მაგრამ, მაგრამ... — და ტანში შიშის ჟრუანტელმა დაუარა.

— მგელი? ვინ მოჰკლავს მგელსა?! თურმე ნაკვერჩხალივითა აქვს თვალეზი და როცა კბილებს აკაწუნებს, სულ ცეცხლის წინწყლებსა ჰყრის. აი, ბნელა ღამეში რო ტყეში ხანდახან სინათლე გამოჩნდება ხოლმე, ის მგლის თვალეზია თურმე.

— არა, არა — ფიქრობდა პავლია, — მართალია, მონადირე ვარ, თოფიც მიყვარს, არც სროლისა მეშინიან, მაგრამ მგელზე ნადირობას მაინც, როგორ გავებდავ? მამა დამპირდა, თოფს მოგიტანო. მომიტანს კიდევ, ვიცი, სანადიროდ წავალ ვენახში. მგლები კი ტყეში

არიან; ვენახში ხომ ვერსაიდან შემოძვრებიან, იმ სიმაღლე ღობე არტყია და მერე სულ ეკლებითაა შემოვლებული. ისეთი შეერქობათ ფეხში ძეძვის ეკლები, რომ სულ სიმწარით ყმუოდნენ. ჰოო, ეგრე გინდა; 'შე სისხლისმსმელო, შენა! კიდევ გადმოხვალ ვენახში? გინდა ყურძნები და ხილები შეგვიჭამო? დიან! ვერ მოგართევს, შენთვის ხომ არ დაერგეთ? გნებავს კი მწიფე მტევნები ტვლიპო და წითელი ვაშლები კბიჩო? ერთი განახოს ჩვენებიანთ ნიკუამ, თავის დიდი თოფი როგორ გესროლოს! — ასე იმუქრებოდა პავლია, მაგრამ გუნებაში კი ღმერთს ევედრებოდა, ის სატიალე მართლა არსაიდან გამოძვრალიყო ვენახში. მერე ყურძენიც მწიფდა, ატამიც თვალშესული იყო, გულაბებსაც კიდევ ება აქა-იქ დაშაქრებული მსხლები, ჭამისტოლა ძოწივით წითელი და ქარვასავით ჩაყვითლებული ქაშა ვაშლები ხომ იმდენი ეყარა ვაშლებისქვეშა, რომ ფეხი აუგორდებოდა კაცსა.

— ჩვენს ხახვის კვლებში ირმებს უვლიაო! — ეუბნებოდა ერთხელ პავლია ამხანაგებსა, — ღმერთმანი, არა ეტყუი, ბიჭებო, გინდა ჩვენს ნინოსა ჰკითხეთ. ისეთი ტოტიანი რქები ჰქონდა თურმე. ნავალი ეხლაც ეტყობა, იმ საოხროს სულ ჩაუქელია ხახვები. აბა, იმაზე არის კარგი ნადირობა, აი!

— ჰო პავლე! თქვენი ბოსტანი რო ძალიან შელობილია, აბა იქ ძროხები და კამეჩები ხომ ვერ გადავიდოდნენ, შენმა მზემა! — ეუბნებოდნენ დაციხვით ამხანაგები. მაგრამ პავლია თავისას არ იშლიდა: ნამდვილად ირემი ჩამოვარდნილაო.

— გეყოფა მაგდენი ტყუილი, პავლე, გეყოფა!

■ • •

ზაფხული გავიდა. ზაფხულის ალაგას შემოდგომა ჩადგა. ვენახიდან წითლად დამკრახული მტევნები ნერწყვესა ჰვერიდა პავლიასა და იმის ამხანაგებსა. მწიფე, ყვითლად დაშაქრებული მსხლები და წითელი ვაშლები თავს უკრავდნენ პატარა მსუნაგებსა, ესენიც მთელი დღეები ვენახების ირგვლივ ატრიალებდნენ ხარებს, სუნი მაინც მოგვივაო. სინჯავდნენ და უკირკიტებდნენ, გადასაძრომი ხომ არსაი-

დან არისო. აბა, რას დაიხვალეებდნენ, თუკი დროს იპოვნიდნენ და შებაღე არსაიდან არ მოასწრობდა. თუ ვერაფერს გახდებოდნენ, მერე კი შებაღესა სთხოვდნენ, გვაქამეო. შებაღეც მოაგროვებდა კეტრიანს ნაყარს ვაშლებსა, დაქევილ მსხლებსა და გადმოუყრიდა ლობიდან. ახლა უნდა გენახათ, რა ყურთაგლეჯა ჰქონდათ ამ ვაშლებზედა! ყველა ცდილობდა მეტი აელო და უბე გაეტენა.

— ე ჩვენებიცა, — იძახდა ერთი, — როცა წალამია მოსაგროვებელი და ფიჩხია ასაკრეფი, მაშინ მარდად მეძახიან, — ვარდო, ვენახში წამო, წალამი აკრიფეო. თოხნა-მარგვლაში და მუშაობაშიაც არ შიკლებენ და ახლა კი შიგაც აღარ გადამახედებენ ხოლმე.

— ჰოდა, კაცო, ეს სამხარ-სადილი ჩამოგვიტანეო, ეს ცივი წყალიო! აბა ახლა დამიძახონ და ჩამატანინონ, ღვთის წყალობა გაქვს, მე მტევენებს ჩამოვტვლებ! — ამბობდა მეორე.

— იციო, ბიჭებო, — ჩაერია პავლიაცა, — ჩემს ძმას რო სადილს ჩაუტან ხოლმე, კარებიდან გამამართმევს და არც კი გადამახედებს ვენახში, რო დავინახო, როგორი ყურძენი ასხია, როცა მოეკრეფთ, მაშინ ჩადი და რამდენიც გინდა იარეო, მეუბნებიან, საკუთრად დაგარჩება სამცხერევადაო¹. მამაჩემმა ხილები გაყიდა, მეუბნება, თოფსაც მოგიტანო. ჰე, ბიჭებო, აბა მაშინ ნახეთ, როგორ დავაქუხხო ხოლმე! თქვენც გასროლინებთ. განა! თქვენ წამალი მოიტანეთ ხოლმე. ერთი ე ყვაეები სულ გავწყვიტოთ. რომ დედაჩემს მაგათგან მთელი ზაფხული მოსვენება არა აქვს. ხან ბატის ქუქულებსა სტაცებენ, ხან ინდაურების ქუკიებს, ხან ქათმის წიწილებსა.

— აბა, ის გასატიალებელი, ჩვენც სულ გაგვაცია! — დაემოწმნენ ამხანაგები. — ბუდე გლახუნაანთ კაკლების წვეროკინაზე აქვს. და პირდაპირ იქ მიაწიალებს ხოლმე წიწილებსა. ვერავინ გაბედა ასვლა, კაცო, რომ ჩამოეშალათ.

— მე ავტოციდი იმ დღეს, ყვავს ბოლო ჰქონდა გადმოშვებული, ის იყო, ხელი ვტაცე, უნდა დამეჭირა, მაგრამ დაიფრთხილა და გაძეშვა, ნახევარი ბოლო ხელში შემრჩა. წამივიდა ი ვერანა! — იცრუა პავლიამ. ამხანაგებს სიცილი აუტყდათ.

¹ მცერევეს ეძახიან რთველის შემდეგ რომ ვენახში აქა-იქ ვაზებზე ყურძენისადმე შერჩება ან დაიბნევა, იმის ძებნას.

— დაიკარგე, შე ლახიანო! ფეხებს ძლივს დაათრევე, ვის ატყუებ, შე ყრალო, შენა!

— ღმერთმანი ავეოცდი, — ირწმუნებოდა პავლია, — დედა არ ძოძიკვდება, რომ ასვლა მინდოდა, მაგრამ გაფრინდა და მეც აღარ აველ, რაკი გაფრინდა. მინდოდა შიგ დამეჭირა და როგორც ერთხელ სალახანამ (ბიკის სახელია) ცოცხალს ნათი დაასხა და მერე ცეცხლი წაუკიდა, მეც ისე მინდოდა მექნა!

— ჰო, მართალია, არა ტყუის, — დაემოწმა ქერა წყალობა ბიკი, — ისეთი ხტოდა ი ვერანა და ჩხაოდა, რომ სიცილით მოკვდებოდა კაცი.

პავლია მარტო ერთში გამოდგა მართალი: მამამ ქალაქიდან მართლა მოუტანა თუნუქის თოფი და კალის პატარა ხმალი.

— უჰ, ბიკებო! — იძახდა ლოყებდაწითლებული ლადა — რა თოფია, კაცო, რა თოფი! ისე ბრჭყვიალებს პავლიას თოფი, თითქო ვერცხლისააო! ისეთი წითელი კონდახი აქვს, ნაზუქივით დაბრაწული... ახლა რა ხმალიც მოუტანია, და! წმინდა ვერცხლისაა, მზესავით ანათებს ი ვერანა! ჰეეე! ბიკებო! ნეტავი იმასა!

— ჰოოდე, გუშინ იძახდა, ხარებში უნდა წამოვიღოვო და იქ ვისროლოთო, — სთქვა ცუცნიამ.

— დაიკარგოს ი ყრალი! ი რა თოფის ღირსია! — შეიშურა ვილამაც.

— ოი, დადაა! რა კარგია, კოტორავ, მეცა ვნახე, ისეთია რომა! ნეტავი მეცა მჭონდეს იმითანა თოფი! უნდა ვუთხრათ, ყველას გვასროლინოს. წამალი არ უნდაო, ისე თავისთავად ისერისო.

ღიდის ამბით, მოუთმენლობითა და გულისფანცქალით მოელოდნენ პავლიასტოლი ბიკები იმის თოფისა და ხმლის ნახვასა. ბევრს ჰშურდა გულიგულში პავლიასთვის თოფი, მაგრამ როგორ დაიმჩნევა. ყველანი პავლიას გზას გასცქეროდნენ; ხარები რო გამოჩნდებოდა ვისიმე, ყველა ჟრიაშულს ასტეხდა ხოლმე, — მოდის, მოდისო! — ყველა ცდილობდა გზაშივე დაჰხვედროდა პავლიასა და პირველს ენახა იმისი თოფი და ხმალი.

აგერ გამოჩნდა პავლიაც. აჩქარებით მოერეკება თავის ყვეარ ზარ-კამეჩსა. გამეტუებით უტყაპუნებს და უტყაპუნებს სახრეს საქონელსა. კამეჩების გვერდებს ხოკერივით ფახაფუხი გააქვს.

— ჰამო, შე მგლის ლუკმა! ახლა მოგინდა ძონა, შე სავერანევ? პავლიას უფრო ძალიანაც ეჩქარებოდა ტოლ-ბიკებში მისვლა. ხმალი ჩამოეკახტურა, თოფი მხარზე გადაეგდო. თავს იღებდა, სულ ინდაურივით იფხოვებოდა.

— დამაცათ, კაცო! აღარ დამაცდით, თქვე ოჯახქორებო, რომ მოვიხსნა?! — არ ჩამომავლიჯოთ, რას ეწევით, ეი! ისე იქცევით, თითქო არა გენახოთ რა! — ჯავრობდა პავლია. მაგრამ სანამ პავლია აიხსნიდა, ბიკებმა უკვე აპყარეს იარაღი და პავლიას აბჯარმა ხელიდან ხელში იწყო გადასვლა.

ზოგი უმიზნებდა, ზოგი ფეხს ეწეოდა, ზოგი შიგ იხედებოდა და უბერავდა: რომელიც უფრო გულადი იყო, აჩხაკუნებდა.

— ემანდ არ გაგივარდეთ, ეშმაკმა არ გატენოს, ეე! — აფრთხილებდა რომელიღაც მშიშარა ბიკი. ბალებმაც სიცილი ასტეხეს, ერთმა თოფი მთქმელს დაუმიზნა.

— თქვი, ჰა, რაში მოგარტყა, თვალში თუ მუცელში? — ბიკებმა უფრო უმატეს სიცილსა, მშიშარს შემოეხვივნენ გარსა. იმასაც შერცხვა, გაწითლდა.

— რა ვიცი, ეგრე გამიგონია, ეშმაკი გაპტენს ხოლმეო, — მართულობდა თავსა.

ზოგი ხმაღს იღებდა და ფხას უსინჯავდა, წვერზე თითს უსვამდა. ან ხესა სთლიდა, მაგრამ როგორღაც არ ეკარებოდა ხესა. ეს კი, ცოტა არ იყოს, ეუცხოვათ, საექკოდ ეჩვენათ. წვერი არ იჩხვლიტებოდა და პირი არა სჭრიდა, მაშ რის მოსახმარიღა იყო. მაგრამ ისეთი თეთრი იყო, ისეთი პრიალი გაპქონდა, რომ როგორ შეიძლებოდა იმისი უვარგისობა.

— ვერცხლისაა, პავლე? — ეკითხებოდა კურკა, მეტსახელად რწყილასაც რომ ეძახდნენ, — მაგისთანა ბრჭყვიალაა ე დალოცვილი!

— მაშ რისაა? სულ წმინდა ვერცხლიაო, მამაჩემმა თქვა, — გაიბღინდა პავლია, — განა ცოტა მიუცია; იცით, ასე თქვა მამაჩემმა, ერთი მუქა ფული მივეციო.

— არ გახუნდება და არც დაქანდება, პავლე, არა? — ჰკითხავ-

დნენ. ცნობისმოყვარე ამხანაგები პავლიასა. ისიც დიდ მცოდნესავით იბერებოდა.

— რა დააქანგებს, რკინისა ხომ არ არისო!

ამ ამბით გაატარეს ბიჭებმა დრო რთველობამდე.

• • •

შოიცალა ვენახმა და მოიცალა პავლიამაც ვენახში სანადიროდ და სამცკრევედ. ახლა კი აღარავინა ჰყვანდა ხელისშემშლელი, გინდამთელი დღე იქა მჭადარიყო. მაგრამ სანამ ნავში და გოდრებში არ გამოილია ყურძენი, მანამ არ წასულა სამცკრევედ, მერე კი სიმსუნაგემ ძალა დაატანა და გადასწყვიტა ვენახის მცკრევა.

ვენახი ძან სამცკრევი გამოდგა, სადაც ყურძნიანი გოდრები მდგარიყო, ერთი დუნია მარცვალი ეყარა. მიჰყვა პავლიაცა და ჰყლაპა და ჰყლაპა ინდაურით. სქელს ვაზიანებში კი ვერ გაბედა შესვლა, ვაი თუ მგელი იჯდეს სადმეო. ისევ ვაშლებისა და კაკლების შოვლა არჩია. კაკლით უბეები დაიტენა და ვაშლებიც ჩაქბიჩა, მაგრამ ყურძენზედ უგემურად ეჩვენა.

ვენახიც იმის თვალში როგორღაც გაიზარდა. სულ რაღაც ფაჩიფუჩი და შრიალი ესმოდა, არც თუ ისეთი ქარი იყო, მაგრამ ყურს რო დაუგდებდა, რაღაც აფაჩუნებდა. ბალახსა და ვაზის ფოთლებს ანძრევდა. ჩიტები შრავლად დაფრინავდნენ, ვაზისა და ხილების ფოთლებში ძვრებოდნენ, ლილიფარის თავებს სჩიჩქნიდნენ, მიწაზე ბალახის თესლსა და ჭია-ლუას ეძებდნენ. ზოგი მიწაზედ ისხდა, ზოგი სადღაც მიეშურებოდა.

იქით, სადღაც, ვენახის ჩალა-ლელიან წნორებში, კაჰკაჰი გამმაგებით ჩხაოდა, ხის ტოტებზედ ანტოდა და ჩახტოდა, გაცხარებულნი ამხანაგებს უძახდა. ჯერ ერთი კაჰკაჰი გაჩნდა საიდანღაც, ჩუმად შოფრინდა და ნერგის წვეროკინაზედ დაქდა; მიტრიალ-მოტრიალდა, გაროცებით ასწივ-დასწივა თავის ხმალივით ბოლო და დაშტერებით ერთს ალაგს დააშტერდა. მერე ძირის ტოტზედ დაეშვა და ჩხავილი და ჰყრიალი მორათო. მეორეს მესამე მოემატა, მესამეს—მეოთხე, მეოთხეს — მეხუთე და შესდგა მთელი გუნდი. ერთი ნერგიდან მე-

ორეზე სხდებოდნენ, მაინც ერთ და იმავე ალაგს დასტრიალებდნენ. ეტყობოდათ, რაღაცა დაინახეს, ერთთავად ჩხაოდნენ და ქყრიალებდნენ.

პავლიას გული მიეცა: „ამოდენა კაქკაქები აქ რა თავს მოიყრიდნენ, საშიშს რომ რასმეს ჰხედავდნენო. წავიდე, ერთი ჩემი თოფი გავატყრო და გულეზი დავუხეთქო მაგ სატიალეებსა. მაგათგან აღარაფერსა აქვს მოსვენება; სიმინდები სულ მაგათ დაგვიკორტნეს, ტაროებს ნახევარზედ აღარ ასბია მაგათგან მარცვალი. ახლა კიდევ ერთმანეთს ეძახიან, მოღით ვიმცვრიოთ, თორემ პავლია დაგვასწრობსო. მე გამცვრეინებთ, თქვე ვერანებო, თქვენა! ამ წითელ ვაშლებს რო მიკორტნით, ის კი არ გეყოთ?!“

პავლია ვენახის ნაპირას შეჰყვა. თოფი მოიმარჯვა, გული გაიმავრა, თუმცა ვაზების ხმელ ფოთლებში საზრდოსმძებნელ თავის ფაჩი-ფუჩიც კი აკრთობდა და საშიშრად ეჩვენებოდა. პავლიას მიახლოვებაზედ მიწაზედ მსხდომი ბელურების ბოინი (ვუნდი) აიშალა და ჟივილ-ხივილით ლობეებსა და წნორებს აესხა. კაქკაქებმა ხმა გაიწყვიტეს და დაშლა იწყეს. ზოგი გაჯავრებული გაფრინდა, ზოგი იქვე ახლომახლო წნორებზედ დასხდნენ და დაისვენეს. ქარი ამოიღეს. ახლა პავლიაზედ ექირათ თვალი.

— ნეშინდით განა, თქვე ვერანებო. რაკი თოფი დაინახეთ, მა? ერთი მანდ მოვიდე. მე გაყურებიანებთ თქვენს თამაშსა! — წათამამებულმა პავლიამ ფეხი აუჩქარა.

კაქკაქები ჯერ არ ეპუებოდნენ, იქვე ახლომახლო ცვლილობდნენ ალაგს, მაგრამ ვიღამაც შენიშნა, რომ პავლიას რაღაც თოფის შსგაესი ექირა ხელში.

— ერიჰა! ახლა კი სახუმარო აღარ არის, თუ არ მოეშორდით მაგ ბაღსა! — დაიჰყვირა ვიღამაც, — არიქათ, თავს უშველეთ, ზევნ მოსაკლავად მოდისო!

სადაც კი ლობეებში რამ კაქკაქი მსხდარიყვნენ, აიწალნენ და კულდამოძუებულებმა ვენახებს შეაფარეს თავი. პავლიამ კი ლილინით ჯასწია იქითყენ, სადაც კაქკაქები ისხდნენ.

მაგრამ რათა ჩხაოდნენ კაქკაქები? რათ მოიყარეს ერთად თავი? ჭასიათადა სჭირთ, უცხო ფრინველს ან ნადირს რომ დაინახავენ, მოიყრიან ერთად თავსა და ჩხავილით თავს დასტრიალებენ. ეხლაც

კურდღელს მოჰკრეს თვალი და იმაზედ ასტეხეს განგაში. პავლიას ხმაურობამ თურმე წამოახტუნა, დამფრთხალმა ვენახის ნაპირნაპირ შემოირბინა და ლობისძირას ლელიანებში ჩაწვა.

კაქკაჭებმა სწორედ ამ დროს მოჰკრეს თვალი და ისე გაცოფებით იძირტომ დასჩხაოდნენ. კურდღელი ყურადღებასაც არ აქცევდა კაქკაჭების ჩხავილს. თავისთვის არხეინად ლოგინს ისწორებდა, ბუნაგს ლელით აგებდა. ამათ ჩხავილში სხვა აღარაფერი ესმოდა, მაგრამ რაჟი კაქკაჭები აფრინდნენ და იმათი ხმა მისწყდა, კურდღელს-ლილინი და ფეხის ხმა მოესმა, ბევრი აღარ უფიქრია, გადმოხდა გზაზედ და პირდაპირ პავლიასკენ დაეშვა.

არ ვიცი, პავლიას დანახვაზედ დაეცა თავზარი, თუ გაუკვირდა-კურდღელი უცებ შესდგა და დიდრონი თვალები პავლიას შეაქყიტა. პავლიაც უცებ გონს ვერ მოვიდა, შიშისაგან ვერ გაარჩია კარგად, რა ნადირი იყო. ის კი დაინახა, რომ თითო მტკაველი ყურები ჰქონდა, დიდი მუშტისტოლა თვალები, თითო მტკაველი კბილები და თვითონაც რაღაც საზარელი ბანჯგელიანი მხეცი იყო. ერთი კი დაიღრიალა „ვაიმე“-ო! თოფი იქვე გაპვარდა, რაც ყურძენი და ხილი ჰქონდა ხელში, ისიც დაეზნა; იმდენი ძალა კიდევ შერჩა, რომ უკან მობრუნდა და თავგადაგლეჯილი გზა-გზა დაეშვა.

კურდღელიც გონს მოვიდა, ერთი კიდევ შეჰხედა შეშინებულმა პავლიასა და მოკურცხლა.

მირბის პავლია, მირბის, რას მირბის, რომ სულ მიფრინავს; კურდღელსაც აჰარბებს და მგელსაცა. მიხტის, როგორც ველის კანჯარი, როგორც ხაირემი! მიქშუის, როგორც შავარდენი! გაქცევითლა თუ უშველის თავსა, თორემ სხვა გზა აღარსაიდანა სჩანს! აგერ ვენახს შერეე მხარეს მოექცა, საცაა, კარებიც გამოჩნდება, მაგრამ... ეჰ! აღარ მინდა ვსთქვა, ამ დროს უცბად ფეხში საზარელი მხეცი სწვდა კბილით! პავლიამ სწორედ ასე იფრინო. იქნება ქალამანიც წამოსდო მოკრილ ძირხვენის ჯოყარსა (ღეროს), ვინ იცის, მაგრამ პავლიას კი ნამდვილად ეგონა: რომ რაღაცა საშიშარი ნადირი დააქდა ზემოდანა.

საწყალი ძირს ღრიალით გაიშხლართა. რაღა ეშველება?! უკვე სკამს ნადირი. კბილები ჩაუყარა. თბილი სისხლი წურწურით გასდის კანკებზე! შუბლზე ოფლმა დაჰხეთქა. თვალები დახუტული აქვს, არ დაეინახო მაინცაო.

ბედად ახლოს იმის ტოლ ბიჭებს ჰყოლოდათ ხარები და შესმენოდათ, პავლია როგორ გულსაკლავადა ღრიალებდა. ხელად ვენახში შეეცვივდნენ და პავლია გაშხლართული კი ნახეს ვენახის გზაზე. მართლა ძირხვნის ძირისათვის გამოედო ქალამანი პავლიასა! იმას საზარელი მხეცი ეგონა, არსად სისხლი, არსად მკამელი! ააყენეს პავლია, ყველანი ირგვლივ შემოეხვივნენ, თავგადასავალი გამოჰკითხეს. როდის, როდის ძლიეს ამოდგა პავლიამ ენა და უამბო ამხანაგებს თავისი გაჭირვება. ამხანაგებს სიცილით სულ მუცლები ასკდებოდათ.

— მართალია, პავლიავ, ის ნადირი ვენახიდან გადმოხტა, გრძელყურებიანი კურდღელი იყო, იმას შეუშინებინარო. — ბევრი იცინეს და შერე კი კიჟინით მოედნენ სამცვრევს. პავლიას კი ჯერაც ისევ მხეცი მკამელი ელანდებოდა.

სწერეთ, შეილო, სწერეთ, გენაცვალოთ დედა. როცა დასწერთ და გაკვეთილებს მორჩებით, მერე გამოეცხოთ ბედისკვერები და გოზინაყიც მერე მოვადულოთ. აბა, შეილო ნინო, ისწავლე წერა? მალე ისწავლე, რომ მამას მისწერო წერილი. აკი ციხეში გითხრა, ისწავლე, შეილო ნინო, შენი ხელით დაწერილი წიგნი გამომიგზავნეო. ვარა და ეთერი თავის ხელით დაწერილს ბარათებს უმზადებენ მამას, შენა და ელოლა დარჩებით. ელო პატარაა, შენ კი უნდა ისწავლო, მალე გაახარო შენი მამა.

— მეე, დედილო? მე ლოდისდა მაწავლის ვალა წელასა? განა მე კი ალ მივწელავ მამას წელილსა? — ეკითხებოდა დედას პატარა ყვითელთმიანი ელო. ამას მეტ სახელად რუსკინას ეძახდნენ, რადგან ძაან ყვითელი თმა ჰქონდა და რუსის ბავშვს მოგავონებდა კაცსა.

— შენც ისწავლი, შეილო. მაშა, მაგრამ ჯერ პატარა ხარ. ეხლა ნინო, ვარა და ქეთევანი მისწერენ, შენს მაგივრადაც დასწერენ, ნუ ინაღვლი.

— როდის მოვა მამა, დედილო? მართლა აღარ მოვა? სოფომ სთქვა, ბატონიანთ ქალებმა მითხრეს. მასწავლებელი ველარ დაბრუნდება, სამუდამოდ არი გაგზავნილიო, — დაეკითხა ეთერი.

დედას თითქოს თავზედ დაენგრა სახლი, გაფითრდა, გაშტერდა, დაბარბაცდა და საწოლის თავს წაავლო ხელი. ასე დარჩა პირში სიტყვაგამშრალი, ენა დაება, გონება ველარ მოიკრიფა.

ეთერის სიტყვებმა გოგოები გამოაფხიზლა, დედას შეშინებული თვალებით დაუწყეს ცქერა. დედისაგან მოელოდნენ სიმართლის გაგონებას.

— მართლა, დედი? მართლა? — ეკითხებოდნენ შეშინებულები. დედას ველარაფერი მოეხერხებინა სათქმელად, სულ დაიბნა, გონება დაეკარგა, წინათაც გაეგონა კილოკავად, მაგრამ დაბეჭითებით არაფერს ეუბნებოდა, ალბათ ან არ იცოდნენ მართალი, ან იცოდნენ და არ უმელავენებდნენ, ეცოდებოდათ საწყალი ქალი, მაგრამ შეილის სიტყვებმა სულ დაუმტკიცეს; რაც ეპვი უღრღნიდა გულსა.

გოგოები ტიროდნენ, ელო იკაპებოდა.

მამის მოუსვლელი ბევრნაირად იყო ბავშვებისათვის სამწუხარო. წობა-ახალწელიწადი იყო, ნათლილებაც მალე მოვიდოდა, და ამით კი არც ერთს ახალი კაბა არა ჰქონდა. არც ჩუსტები ჰქონდათ ახლები, მომეტებულს ძირი ან გვერდი ჰქონდა გამოგლეჯილი, წვიმა-ტალახი უსველებდათ ფეხებსა.

ამათს მამას მთავრობის წინააღმდეგ მოქმედება დასწამეს; ადგილიდან დაითხოვეს და მალე კიდევ დააპატიმრეს. ჯერ ციხეში ჩასვეს, მერე გამოუძიებლად ციხეს შორეულს გუბერნიაში უკრეს თავი.

ცოლ-შვილს მხოლოდ გაგზავნის წინაღეს მისცეს ნება ნახვისა, ისიც, ვინ იცის, რამდენი თრევისა და ხევწის შემდეგ. ქმრისგან ჩუმად წერილი მიეღო, სადაც წერდა: ერთი პარტია უკვე გაამგზავრეს, რაც მე მოვედი, ახლა მეორე პარტიას ამზადებენ, მაგრამ არ ეუბნებიან, ვინ უნდა გაგზავნონ, სანამ ჯარი არ მოვა წასაყვანად. ხვალ ეტაპი ჩამოივლის და სალამოთი უეჭველად მეტეხის ციხეში გადაგვიყვანენ: მეც უეჭველად ამ ეტაპით გამგზავნაან. ეცადე ამიტომ, მოხვიდე, მნახო და ბავშვებიც მაჩვენო, თორემ მერე, იქვი არ არის, ველარა მნახავ. სათქმელიც მაქვს რამე, უნდა დაგარჩო, როგორ მოიქცე უჩემოდლო.

ოთხივე ქალი მუხლთან უსხდნენ და ტიროდნენ; ტიროდნენ, რადგან დედა ტიროდა, თორემ იმდენი არა გაეგებოდათ რა არც ციხისა და არც ცივიტყევისა. ესმოდათ მხოლოდ, რომ მამასთან არ უშვებდნენ. არ უშვებდნენ ეს თოფიანი და ხმლიანი კაცები. ეს ხიმტიანი სალდათები.

— სად აღის მამა? რატომ არ წავალთ, დედილო? — ჰკითხავდა ტირილით დედას სულ უმცროსი ქალი ელო. — ჩქალა წავიდეთ მამასთან, თოლემ ამ სალდათებისა მეშინიან! ვიტყვებ, დედა, თუ აღ წამიკანე! მაგრამ დედა უფროც ტიროდა. მამასთან მანც არავინ უშვებდა.

აქვე იყვნენ ბევრი სხვა დედაკაცებიც თავისი შვილებით. ზოგი გადახრწნეული ბებერი იყო, ზოგი გასათხოვარი, ზოგიც ახალი პატარძალი. ესენიც იმასვე ელოდნენ, რასაც ელოს დედა. ისხდნენ, იდგნენ და ელოდნენ. აქვე იყო ამისი დაც თავის ორი გოგოთი, გლეხის ცოლი, სულ ახალგაზრდა ქალი, სასოწარკვეთილი, ტირილით დაოსებული, ცრემლისაგან დაწითლებული თვალებით. აქვე იყო ამათი მეზობლის გიგას ცოლიც თავის ექვსი შიშველ-ტიტველი ბაღლით. ამათს ქმრებს ხვალ ერთად მოელოდათ ცივ ქვეყნებისკენ გამგზავრება. ბევრნიც სხვანი იყვნენ, რომლებსაც არც კი იცნობდნენ და სოფლის სახელიც კი არ გაეგონათ იმათი. ერთმანეთს იშვიათად ჰკითხავდა ვინმე ამბავს. ან ვის ეცალა საამბოდ. ყველას ერთი დარდი აწვა გულზედ, სხვა ყველაფერი დავიწყებოდათ. ბედნიერს აძლეოდნენ დაუბრკოლებლივ ნებართვის ქალაღს და ისიც გაბრწყინებული სახით მიეშურებოდა ციხისკენ.

გოგოებს თვალწინ ედგათ ახლაც, პირველად რომ ციხის გაღვენის კარები გაუღეს, შეუშვეს და ისე მოკეტეს; სანამ კარს გაუღებდნენ, წინ თოფიანი სალდათი აეყუდათ, — უკან დაღეჟითო, — უბრძანებდა.

ციხის ეზო სავსე იყო სანახავად მოსული ხალხითა. შუაზე თოკი გაებათ, რომ თოკს არავინ გადასცდნოდა, ვისაც ნება არ ჰქონდა. პატიმრებიც, ვისაც არავინ მოსვლოდა, ზოგი ფანჯრებიდან გადმოიციჩრებოდნენ, ზოგი აივნებზე იდგნენ. სანახავად მოსული ქალები და კაცები პატიმრებს შემოჰხვეოდნენ. ზოგი ტიროდა კიდევ. ესვევოდნენ ცოლი ქმარს, დედა და მამა — შვილს, მამები — ბავშვებს, და — ძმასა, მეგობარი — მეგობარსა. ზოგს გული წასვლოდა, აღარ იცოდნენ რა ექნათ. იქაქებოდნენ ბავშვები, საერთოდ სამწუხარო და მძიმე სურათი იყო. იქვე ეყარა პატიმრებისათვის მოტანილი კალათები, ბოღჩები, ხელსახოცები, შეხვეული ქალაღები, მაგრამ ამის დარდი არავისა ჰქონდა. ყველა ეშურებოდა ესარგებლა თავისუფა-

ლი წუთებით, დამტკბარიყო თავისიანების ცქერით, ეთქვა, რაც შეიძლებოდა, ყოველივე, რაც სათქმელად და დასაბარებლად უნდოდა. ყველა ჩქარობდა, მოუსვენრობდა. ზოგნი ჩუმად ჩურჩულებდნენ, რომ არავის რა გაეგონა, ან ზედამხედველს არ მიეჭია ყურადღება, აქეთ-იქით იცქირებოდნენ. ზოგი ხმამაღლა ელაპარაკებოდა ჩვეულებრივ საოჯახო საქმებებზე, ან იმისთანა საგნებზე, რაც პოლიციასთან არ იყო დასამალი. ზედამხედველები და ციხის უფროსიც ყველას ერთნაირი ყურადღებით არ უგდებდნენ ყურსა. იმათ მხოლოდ რამდენსამე პატიმრისაკენ ჰქონდათ თვალიც და ყურიც. იმათ სიტყვებს სათითაოდ ითვლიდნენ, თუ როგორმე სხვისა ლაპარაკში არ გამოეპარებოდათ და ველარ გაარჩევდნენ.

• • •

დედამ მაშინვე თვალი შეასწრო და მიაშურა. მამამაც საჩქაროდ ამათევენ გამოსწია. დედას თითქოს უკან ეწევა ვინმე, ფეხები არ ემორჩილებოდნენ. მიდიოდა მამისკენ და თან თვალებში შესცქეროდა: უნდოდა იქიდან ამოეკითხა ყველაფერი — ან საყვედური, ან სიყვარული: სიყვარული და მწუხარება გაყრის წინა წამებში, ან საყვედური, რომ ასე დაიგვიანა და აღრევე გველის ფხაში არ გაძვრა და არა ნახა. ან ხომ არ შეატყო, რომ მთელი დღე ტიროდა და ეხლაც სასოწარკვეთილი მიდიოდა.

ვერაფერს გამამხნევებელ სიტყვებს ვერ ეტყოდა თავის შეილების მამასა? მაგრამ მამას შეილებმა ვერა შეატყვეს რა თვალებში და ვერც დედამ. ის ჩვეულებრივი ღიმილით მიეგება ცოლ-შვილს და დაწუხებული გულით გადაჰკოცნა ყველანი. რადგან შეილები ყველანი ერთად შემოეხვივნენ, ჯერ პატარა ქალს დაეწოდა საკოცნელად. ამ დროს დანარჩენი გოგოები ჩამოეკიდნენ ყელზე და დაუწყეს მამას მხურვალედ კოცნა, თან ტიროდნენ და მამას ცრემლებით უსველებდნენ სახეს.

მამა გამხდარი და გაყვითლებული ეჩვენათ; ხელები კი გასთერთებოდა, დასუფთავებოდა, ნამუშევარი აღარ ეტყობოდა, წვერსა და თმაში კალარა ვერცხლის ძაფებივით გამოსჰკვიოდა.

— ნუ იტირებთ, შვილო, ნუ! — აჩუმებდა მამა, — აგერ დედა დარჩება თქვენთანა. გაუგონეთ დედას, ნუ გააჯავრებთ, ისწავლეთ წერა-კითხვა და წერილი მომწერეთ ხოლმე. როცა ვარა იქნება შინ, ეს გასწავლით, როცა არადა, მაშინ დედაც დაგასწავლით ასობესა. აბა, თქვენ იცით, როგორი კარგი და გონიერი შვილები მეყოლებით!

ამ დროს უცებ აივანზე მდგომს ერთს პატიმარს ტირილი აუეცარდა, ამხანაგები შემოეხვიენენ, აჩუმებდნენ, ამშვიდებდნენ.

— რა გატირებს, კაცო, შენი ხომ არავინ არის? ან შენ ხომ არ გგზავნიან? ჩვეულებრივი სურათია, აქ მუდამ ეგრეა, ხამადა ხარ და იმიტომ მოქმედებს შენზე მაგრე ძლიერ. რა დაგემართა? სირცხვილი არ არის?

— რის სირცხვილი, კაცო! — მოსთქვამდა პატიმარი, — შეჰხედე ამ ბაღებს, მამას ვეღარ მოაშორეს, ლამის ზედ დააკვდნენ. რად შემოუშვეს? რად მისცეს ნება მამის ნახვისა?

ამხანაგებმა რის ვაივაგლახით ძლივს ოთახში შეიყვანეს დასამშვიდებლად.

ცოტა მოშორებით უარესი სურათი იყო. საწყალი გიგა წითელი ხელსახოცით, ძველს ჩამოგლეჯილს პალტოში გახვეული, ცრემლიანს თვალებს იწმენდა.

შვილებიც საცოდავად მოკუნტულიყვნენ და შეშინებული თვალებით შესტკეროდნენ ხან მამას და ხან დედას.

— რად დაგვლუბე, გიგა, რად მოგვექერი ყელი? — მოსთქვამდა გიგას ცოლი, — ვის ამარას უშვებ ამ შენს ცოდვის შვილებსა? აბა შეჰხედე, შე უღმერთო, ემათ უნდა თავი დაანებო? ხომ სიმშილ-სიტიტვლით დაგვეხოცნენ! არა, არა, გიგა, მე ამათ საცოდავობას ვერ ვუტკერი, ავღაგები და მეც წავალ საღმე, დავიკარგები, დეე დაიხოცნენ შენს კერაზე!

გიგაც სტიროდა. ეს გმირი კი არ იყო, ქვეყნისათვის თავდადებული, რომელსაც ცოლიც, შვილიც და თავისი თავიც ქვეყნისთვის შეეწირა, ეს იყო ჩვეულებრივი მშვიერ-ტიტველი გლეხკაცი, რომელიც დიდმა არეულობამ (რევოლუციამ — ასე ეძახის ხალხი) ღრმა ძილიდგან გამოაღვიძა და თვითონაც თავისთერ გაჭირვებულებთან ერთად მიუდგა „ერთობის“ ხალხს, რომ ეგების ეხლა მაინც ჰშველებოდა რამე და დუხჭირ ცხოვრებიდგან თავი ეხსნა.

ცოლმა გიგას საგზაოდ ექვის აბაზი ჩამოუტანა, მჩვარში გამოკრული.

— დედლები გავყიდე, გიგა, შენ უფრო დაგვირდებოდა, თორემ იქ ვინ რას მოგცემს? მართალია, ამ ხუთი დედლით ვითქვამდით სულსა, ნავთსა და ასანთ-საპონს მაგათი კვერცხით ვყიდულობდით, მაგრამ ჩვენ უნაეთოდაც კარგა გავძლებოთ, ოღონდ შენ იყავ, გიგა, კარგად და ნურა გავიკირდება რა. ე პერანგიც შეგიკერე; აბა, სულ ხომ მაგ ერთ პერანგში არ ამოირთმევ სულსა, სხვა არა იყოს რა, კუჭყი დააღობს.

გიგამ თვალების წმენდით გამოართვა ახალი წითლიანი ჩითის პერანგი, იღლიაში ამოიღო და თან უსაზღვრო მადლობით გადახედა ცოლსა.

— რით იყიდე, შე საწყალო? რა გქონდა, რას გაჰყიდდი?

— როგორ თუ რა მქონდა? სიმინდის რჩევა ვუშველე იოსების ცოლს სამ დღესა და იმათ მომცეს სამი აბაზი.

ამხანად ცოლსაც გული მოუბრუნდა და სიყვარულით შესცქეროდა თავის „ბუნტოჩიკ“ ქმარსა.

მალე ციხის ზედამხედველმაც გამოაცხადა, ვადა გაეიდა, დროა ეხლა კი წახვიდეთო. გაისმა დედაკაცებისა და ბავშვების ტირილი. ეთხოვებოდნენ ერთმანეთს, უკანასკნელად ჰკოცნიდნენ.

მას აქეთ არის მამა აღარ უნახავთ. სამივენი ერთად და ემათთან ოცდათხუთმეტი კაცი კიდეც სხვა, იმავე ღამეს, ძლიერი ჭარის თანხლებით, გორის სადგურზედ გაიყვანეს და ქალაქისკენ გაისტუმრეს.

ამის შემდეგ მეტეხიდანაც მიიღეს წერილი, სწერდა: „ხუთი დღის შემდეგ გვგზანინან; თორმეტი კაცი კიდეც აქედან მოგვიმატესო“.

რუსეთიდან მიიღეს კიდეც რამდენიმე წერილი, მაგრამ თვითონ კი ვერ გაუგზავნეს. სწერდა: „თქვენი ამბის გაგება მენატრება, მაგრამ სანამ ალაგობრივ არ მიგვიყვანენ და არ დაგვაბინავენ, წერილს ვერ მივიღებ თქვენსას, რადგან ციხეებში დიდხანს არ გვაყენებენ, სულ რამდენიმე დღე ვრჩებით. როცა ალაგობრივ მივალ, მაშინ მოგწერ მისამართს და მაშინ მომწერეთ დაწვრილებით ყველა თქვენი გაჰკირვება-დაღბინებაო. მოსაწერიც ბევრი რამე მაქვს,

ბევრი რამ ვნახე და გამოვცადე, მაგრამ ქალაქსა და საწერ-კალამს ვერა შოულობს კაცი. ჩუმაღ უნდა დასწერო და ჩუმაღვე ვისმე გაატანო, თორემ, თუ გაიგეს, დაიქერენ წერილს და დაჭხევენო“.

• • •

მამის მოსვლა ბევრნაირად იყო ბავშვებისთვის სანატრელი: რაც მამა გაუგზავნეს, დედა სულ ჭავრობს და ბუზღუნებს, აღარც უცინის, აღარც ეალერსება, სულ მოწყენილია და დაფიქრებული. მამა რომ მოვა, ახალს საკაბეებს უყიდის ყველას და ახალს ჩუსტებს, თორემ ეხლა ჩუსტებიდან ტიტველი ქუსლები და თითის წვერები უჩანთ. აღარც სკოლაში დაიარებიან, სკოლაც დაკეტეს. მართო ვარაღა სწავლობს გიმნაზიაში. დედის ნუგეში ეს არის. შაბათ-კვირაობით ამოდის სოფელში, დედას ქვეყნის ამბავს უამბობს, რადგან გაზეთებს მუდამ კითხულობს. მოცლილ დროს დებსაც ეს ასწავლის.

• • •

— მართლა, დედი, რატომ ბედისკვერებს არ გამოვაცხოზთ? დამდა, გოგობმაც წერა გაათავეს, რომ დაგვპირდი, აგვისრულე კიდეც! — მოაგონა დედას ნინომ.

— ეხლავე შეილო, ეხლავე, აბა, ვარო, შენ კეცი შემოიტანე და მიაყუდე: სანამ გახურდება, მეც მოვზელ.

თონეში ვერ მოასწრეს გამოცხოზა, და ცოტა აღრეც მოვიდოდა, პური ორი სამი დღის წინად გამოაცხეს.

გოგობებს უცებ ფაცი-ფუცი შეუღდათ; ზოგი წყალს აწვდიდა, ზოგი საცერს, ზოგი ფქვილს, ზოგი კეცს უკეთებდა შეშას და ცეცხლს უბერავდა. გულის ფანქალოთ ელოდნენ ბედისკვერების ჩაკერასა. ყველას თავისი შესაფერი კვერი გაუკეთა დედამ. ელოს კვერი ყველაზე პატარა იყო, იმაზე მოზრდილი ნინოსი, უფრო დიდი ეთერისა და მერე ვარასი. სულ დიდი კვერი მამასთვის გააკეთეს. შიგ ჩამიჩე ჩაატანეს: ეს მამას ბედი იყოს, ეს გიგასი და შაქროსი, ესაც იმათ ამხანაგებისა, თუ მოვლენ.

— აბა, გასუქდი კვერო, გაიბერე, შამა მოგვიყვანე, გენაცვალეთ! — ეალერსებოდნენ გოგოები კეცში ჩასმულ ბედის კვერსა. თან გულის ფანცქალით შესცქეროდნენ, ან ახლა აიბურცება და გასუქდება, ან ახლავ. ასე ეგონათ, კვერის გასუქება უეჭველად მამას მოუყვანდა, თითო წუთი მთელ საათად ეჩვენებოდათ. მაგრამ კვერი გვიანობდა, არ ჩქარობდა გასუქებას, — ალბათ ცეცხლიც ნელი ენთო.

— არა სუქდება მამას კვერი, დედი! — სთქვა მოწყენით ვარამ და ხელზე დაეყრდნო ლოყით, მაგიდასთან ჩამოჯდა. გოგოები რიგრიგობით მიდიოდნენ კეცთან და კვერებს სინჯავდნენ.

— ლა უკოთ დედილო, ლო მამას კველი ალა სუქდება, ლაგა უჩველოთ? — დაეკითხა დინჯად ელო დედასა. არც დედა შესცქეროდა ნაკლები ყურადღებით ბედის კვერებს. ყოველმხრივ იმედგადაწყვეტილს ბედისკვერისაც კი სჯეროდა, წყალწაღებულებით ხავსს ეჭიდებოდა. ბუკნაჭოტის ძახილსაც ეხლა უგდებდა ყურს, სიზმრებსაც ეხლა ჰხედავდა და იხსომებდა, ქალაღს აშლევინებდა, ბოშის დედაკაცებსაც კი აკითხვინა. გლენები შინ შეჰყავდა, პურს აქმევდა. დინოსა და არაყს ასმევდა: — დამილოცე ჩემი პატიმარი, დამილოცე, შენი მამაშვილობის ქირიმე! — ჰლოცავდნენ ისინიც და ესეც, თითქოს ხელსახოცში მაგრა შეახვიანო, ერთად იგროვებდა გულში და სულ ვარას მამას უნახავდა. მიძინების დანგრეულს საყდარს რამდენჯერმე შემოუარა ჩოქითა და მუხლის ყრით, ჩოქითვე შემოატარა შვილებიც.

რაკი ცხობაში შევიდნენ ბედისკვერები, დასუქება იწყეს. ჯერ ყველაზე პატარა ელოს კვერი ამოიბურცა.

— უკუღე დედილო, უკუღე, ლოგოლ გაიბელა ჩემი ბედისკვერი, გიპიანი გაქდა! — ყვიროდა ელო და სიხარულით ფეხებს ატყაპუნებდა.

ელოს კვერს მოჰყვა ნინოს კვერიც. ეს უფრო ელოსაზედ დარბაისელი გახდა.

— აი, ჩაქრი! — დააყარა ქოქოლა თავის ბედისკვერსა, — რაში მეკნაჰება, რომ შენ სუქთები? ბარემ მამაჩემის კვერი გასუქდეს? მაგრამ მამის კვერსაც შეეტყო, რომ აიწია და გასუქება იწყო.

— დედი! დედი! — ყვიროდა ვარა. — აქ მობრძანდი! ჩქარა!

ჩქარა! აბა უყურე მამას კვერს, როგორ სუქდება! — ეთერიც თვალებგაბრწყინებული ალტაცებით ჩასცქეროდა ბედისკვერებიანს კეცსა.

— მოვა მამა! — წამოიძახა სასოებით ეთერმა, — მოვა მამაჩემი, გოგოებო, ვენაცვალე, მოვა!

მართლაც კვერი გასივდა, გასუქდა, ვეებერთელა გახდა. ჩამიჩები სულ გადმოიკაკლნენ.

— შაქრო და გიგაც მოვლენ, ღედი! უნდა მაშოს ვახარო! — ყვიროდა გახარებული ნინო.

— მოვლენ! მოვლენ, -- ყვიროდნენ გოგოები და სიხარულის ქრიამული ედგათ.

[1000 წ.]

მაშინვე ეტყობოდა, რომ გულადი უნდა გამოსულიყო. ოცი კვერცხიდან პირველი ის გამოიჩეკა. შეაშრო თუ არა ტანზედ ლორწო.. მაშინვე დედის ქვეშიდან კარში გამოიხედა.

იმისი დედა, ქოჩორა კრუხი, გოდორში იჯდა ბზეზედ: გოდორი საქათმეში იდგა. ქოჩორამ ეს მეორედ გამოიჩეკა ამ ზამთრობით წიწილები და ძალიან ხელოვან და სანაქებო კრუხად ითვლებოდა.

— საშინელი ქაფარია (აშარი), — იძახდა დიასახლისი მელანია, — მაგისტვის ჯერ კაქკაქს და ყვავს წიწილა არ მოუტაცნია. ძალიან მონადირე არის: ვინ იცის, სად არ დაუდის წიწილები, მთელს ვენახებს გარს უვლის... აჟი იმითომ დასვეს მეორედ!

— ჰე, რა კარგი ყოფილა ქვეყანა! — სთქვა გაკვირვებით წიწილამ, — მე კი ამდენი ხანი რაღაც უმსგავს ჯურღმულში ვიჯექ, შუქი თვალითაც არ დამინახავს! — და ზიზლით გადაჰხედა კვერცხის ნაქუშებს, საიდანაც ამ რამდენიმე საათის წინათ გამოძვრა.

— ეტყობა, დიდი უნდა იყოს ქვეყანა. ჯერ გოდორი რამოტელაა და ეხლა ეს საქათმე! ღმერთო, რამდენი ჩემისთანა მოთავსდება აქა! სხვა უჩემო, ვინ იცის, ჰკუდიდგანაც შეშლილიყო, მაგრამ მე ფიქრო არ მაქვს!

— ეე, ძმებო და ამხანაგებო! თქვენ რაღასა :სხედხართ მაგ: ჯურღმულში, გამოდით, გამოიხედეთ კარში! თქვე საწყლებო, აბა-

რა გინახავთ ჯერა? ბიჭი მე ვარ, რომ ათასი რამ ვნახე; აბა, იცით სადა სდგებხართ? გინახავთ გოდორი? ან საქათმე თავის თახჩებით და ქანდარებით? აბა, მე როგორ დამედრებით, თქვე საცოდავებო? ჭიკაძელებივით იკლავებით, ბეჩავად წივით! იმდენი ღონე არა გაქვთ, რომ დედის ქვეშიდან თავი გამოჰყოთ...

წიწილები ზოგი შრებოდა, ზოგს ესლა გადაეხსნა ნაქუჭი და გამოძრომასა ლამობდა, ზოგს ნისკარტით გამოეხვრიტა კვერცხი და ჰაერს სიამოვნებით სუნთქავდა, თან კჷაყოფილებით ქუკუქუკებდა. ზოგი კვერცხი კი ისევ უკრავი იყო, მხოლოდ ფახა-ფუხი გაჰქონდა.

— არ გითხარით, ჩემისთანა არაეინა ხართ-მეთქი! თქვე საცოდავებო, როგორ მეცოდებით! — სთქვა თავმოწონებით მომავალმა მამლაყინჯამ. — შენ რაღა გკიღია ნისკარტს ქვემოლამ, დედა, ეგ შითელი? იქნება საკმელია რამე? — და პატარა სამამლიამ დედაკრუხს დაუწყო ბიბილოს წეწვა და კენკა.

— კრუ-უხ! კრუ-უხ! ნუ-ნუ! — გააფრთხილა უსიამოვნოდ კრუხმა, — განა, ეგ არის კაი ზღობა, დედას ბიბილოზედ ექიდებოდდე? აგერ, ბზე გაქექე, თუ გული გერჩის. — მაგრამ დედის თქმა საჭირო აღარ იყო. წიწილამ, უკვე ნისკარტით სინჯვა დაუწყო ნამჯის ნაგლეჯებს, შესაქმელიც იწოვა რაღაც და შეეკენკა.

აღარ ეთმობოდა სამამლიას სინათლისათვის თავის დანებება, ასე გაუტკბა წუთისოფელი. მაგრამ თანდათან რაღაც უსიამოვნება იგრძნო, თითქო ტანში რაღაცა უღიტინებოსო, ეწვოდა კანი და სტკიოდა, სიცვიემ დედის უბე მოაძებნიანა. დედის უბეში იმ წვამ და ღიტინმა გაუარა, ძალიან სიამოვნობა იგრძნო.

— ჰკრუუ! ჰკრუუ! — სიამოვნებდა სამამლია. — რა კარგია დედის ფრთისქვეშ თბილად ჯდომა! სულ მუდამ კარში გდებაც სახირო არა ყოფილა. აბა, ვინც კარში გაიხედავთ, თუ დიდხანს დარჩით, გაიგებთ, რომ მარტო მე არ გამოვიქეცი. თქვენც მალე აქვე შობრძანდებით!

როცა კარგა დათბა და სიცივის სუსხი გადაევიწყდა, ისევ კარში გამოძერა. — კრიი! კრიი! თავები რო გამოგიყვიათ, გეშინიათ ქვეყნისა, თუ რა არის? აი თქვე ლაჩრებო თქვენა! და მეტისმეტი სითამამით კისერი წაიგრძელა, ვითომ უნდა დაეყვილა თავის ჰკუაში, მაგრამ ყელიდან არათერი ხმა არ ამოუვიდა, შერცხვა და, ვითომ აქ

არაფერიო, ჩალაჩულებს კენკვა და გადაბრუნება დაუწყო. ასე ცდილობდა კარგა ხანს; მერმე დედის ზურგზედ შეხტომა სცადა, მაგრამ აშალდა.

ახლა კი სხვებიც გამოძვრნენ; ხუთი-ექვსი წიწილა მოგროვდა კრუხის წინ. ზოგს ისევ თავი სძლევდა და ფეხები არ ემორჩილებოდა, ზოგი კი თამამად იყო და სიყოჩაღით ჩვენს ნაცნობ სიყმის-შვილს სამამლიას არ ჩამოუვარდებოდა. ბზეში ფუსფუსებდნენ, ერთმანეთს ნისკარტს უკენკავდნენ. სამამლია იმათში არ ერეოდა, გარ-გარ დადიოდა, თავმოწონებით იბღინძებოდა.

— ეხლა აქ ყოფნა აღარა ღირს, — სთქვა გაჭავრებით სამამლიამ, — აქ ხომ ეს წერილფეხობა გამოძვრა. თუ ბიჭი ვარ, ამ ღობეს გარეთ უნდა გაეძვრე. აბა ვცადო უეკველია, იქ ბევრს რასმე საკვირველს ვნახავ და გავერთობი კიდეც. მომბეზრდა ამ ვიწრო გოდორში ჭლომა. მე ხომ პატიმარი არა ვარ, ფანჯრებიდან ვიკვიტებოდე!

შემოუარა მთელ გოდორს, სადაც ერთი ბეწო ჭუჭრუტანა ჰქონდა, ყველგან ნისკარტი შეპყო, სცადა გაძრომა, მაგრამ ვერ მოახერხა. შესცივდა კიდეც და უსიამოვნოდ წივილი მორთო: — წია! წია! წია! მიშველე, დედილო, მიშველე! შემცივდა, შემცივდა! ლამის კრიჭა შემეკრეს, გამათბე, გენაცვალე!

— კრუხსი კრუხსი კრუხსი! — შეწუხდა კრუხი, — მოდი, თბილად უბეში ჩამიჯექი, შეილო, აბა რად იყინები! რას აკეთებ? მოდი, არ გამიცვიდე, ავად არ გამიხდე, ჩემო თვალის სინათლე!

ამის შემდეგ კარგა ხანს აღარ გამომძვრალა კრუხის ქვეშიდან სამამლია, კარგა ძილით გაძდა და სითბოში მოიშუშა.

ახლა სხვები გამოძვრნენ და უეკველია იმათაც ისევე ისიამოვნეს ქვეყნიერების დანახვით, მზის შუქით დასტკბნენ, როგორც ჩვენი სამამლია. პაერი ჩაყლაპეს. წელში გაიშალნენ.

სამი დღის შემდეგ კრუხი ბუდიდან გადმოსვეს და მზეზედ გაიყვანეს წიწილებიც.

— ჰე, ღმერთო! რამოდენა ყოფილა ქვეყანა! რა ტურფა და მშვენიერია! აბა, რა არის ამასთან შედარებით ჩვენი საბუდარი, ან საქათმე? — ოჰ, მზეე, რა საამურად ათბობ და ანათებ ქვეყანას, შე დალოცვილო! შენს ყუდროზედ სრულიად მავიწყდება დედაჩემი

კრუხი. მე ვნახე პირველად ეს ქვეყანა და მზე! მე მეკუთვნის მზეც და ქვეყანაც, ჩემო დებო და ძმებო. ეს ტურფა ქვეყანა ეს შემეკულიწის სხივები ჩემია, შე ეიპოვე, იცი? გაგეგებათ, თქვე საწყულეობ? მე რომ არ გამოვმძვრალიყავ პირველი, თქვენ რას იპოვიდით? საქათმიდან კი გამოპყოფდით თავსა? მგონი, იქ დაზრდილიყავით და იქ დაბერებულყავით. ვინ გაჩვენებდათ ქვეყანას? ვინ დაგატკობდათ მზის შუქით? ამოგძვრებოდათ სიბნელეში სული. დაიხოცებოდით ქვეყნის უნახავი. მე ვარ, რაცა ვარ! ახლა გავიზარდო! მაშინ ნახეთ, რა იქნება!

• • •

ამის შემდეგ სულ მზეზე ხტოდა და ცეკვავდა. ხან ბუზებს უკირკიტებდა, ხან ქერსა და სიმინდის მარცვალს ებრძოდა. რამდენჯერაც სცადა ჩაეყლაპა ის საოხრო ქერის მარცვალი, ხან სიგრძეზე, ხან გარდიგარდმო, ბევრჯერ კიდევ გატეხა სცადა, მაგრამ ვერაფერი მოუხერხა, არ იქნა, ვერ ჩაყლაპა.

ასევე ებრძოდნენ იმის დაძმებიც ამ მოჭადროვებულს ქერის მარცვალს, ხელიდან ხელში გადადიოდა, ნისკარტიდან ნისკარტში, პირიდან ერთმანეთს ძალით სტაცებდნენ, მაგრამ ვერაფერი დააგვარეს. დედამაც რამდენჯერმე ჩაიგლო პირში, — რა არის ისეთი, რომ ჩემმა შვილებმა ვერ ჩაყლაპესო!

თუმცა ყელი ძირს ეწეოდა, მუცელი შემოსჩხაოდა, — მე ჩამომიგდე, მე მოვინელებო! — მაგრამ შვილების სიყვარული სიმშინელზედ მეტი აღმოჩნდა. განა, დედის ყელი ლუკმას ჩაუშვებს, როცა შვილებსა შიანთ? ეგონა, ეხლა მაინც ჩაყლაპვენო, მაგრამ ყელში არ ეტეოდათ.

ჩვენმა სამამლიამ ძალიან ითაკილა ქერის მარცვლის ასეთი გაჭიუტება და თავი გამოიღო: სურდა ძმებისათვის ეჩვენებინა, რომ ის მართლა მეტი იყო იმათზე, სტაცა პირი გაჯავრებულმა ყვითელ ქერის მარცვალს გრძელ კუდში და თავდაყირა ჩაუშვა ყელში. მაგრამ ქერის მარცვალიც ძან გულადი გამოდგა, ფხით ყელში გაერქოდა სულ „ვაი დედა“ აძახა. რის ვაი-ვაგლახით ძლივს ამოაგლო.

— აი, შე წყეულო მარცვალო, გინდოდა დაგელრჩე, მაგრამ ვერ შოგართვეს! განა, შენ მე უნდა დამახრჩო? პირველმა მე ვიპოვნე ქვეყნიერება. შენ კი მე არ გიპოვე, შე გაუზრდელი, შენა? ღირსი კი ხარ, რომ ჩაგყლაპო და კუჭი წავიხდინო? ჩამოეცალეთ, ძმებო, მაგისგან ხეირი არა გამოვა რა. ეგდე მაგრე, უმადურო, ვნახოთ რას იპოვი? — გაჯაერებულმა სამამლიამ ზიზლით გადახედა ქერის მარცვალს და გაშორდა.

კრუხმა, რაკი დაინახა უპატრონოდ დაგდებული მარცვალი, სიამოვნებით შექენკა. აბა, იმოტელა კრუხთან რას განხდებოდა საცოდავი?

სამამლიამ აინუნშიაც არ ჩაადო ქერის მარცვლისაგან დამარცხება. უფრო გაიბღინძა, გაიბერა, არ ვიცი აქცევდნენ ყურადღებას და-ძმები, თუ არა, მაგრამ თვითონ კი ძან მოჰქონდა თავი და ფაფხურობდა.

— განა, შეგიძლიანთ თქვენ ან ქვეყნიერება აღმოაჩინოთ, ან ქერის მარცვალი ჩაყლაპოთ? მე სულ სხვა ვარ, თქვე საწყლებო, საცოდავებო!

• • •

ერთი კვირის შემდეგ კვერცხისგულისფერი ყვითელი უკვე გაზუნდა. რბილი, ბამბასავით ფაფუკი გინგლი პაწაწინა ბუმბულებად გადაექცა.

ფრთები წავად დაეტყო და უკანაც ოთხი თუ ხუთი კალმის წვერის ოდენა ბოლოს ფრთა აიშვირა; შუბლზედაც წითელი ხაზი დააჩნდა. ცხადად სჩანდა, რომ სამამლია იყო. მერე რა მამალი გამოვიდოდა! მამალი ქვეყნის ფასი და დარი, განთქმული ბატონ-პატრონი და მბრძანებელი საქათმისა, დამამშვენებელი და გამამღიდრებელი ქათამთ გვარისა!

კრუხი ახლა უფრო შორს მიდიოდა, ჰქექდა, სჩიჩქნიდა. წიწილები მოღონიერდნენ, ბალახებში ჩარჩენის შიში აღარ იყო.

— კრუუხ! კრუუხ! მოდი, შეილებო, ნეხვი გავქექოთ. აქ ძალიან ჭიაყელებს ვიპოვით, მოდით, გენაცვალეთ, მოდით! კე-კე! კე-კე-

კე-კე! ოჰ, რამდენია, ოჰ, რა მსუქნებია! მოდით, შექამეთ, დაეშურეთ, გამოიქეციეთ! კე-კე-კე-კე-კე-კე! კე-კეთ!

კრუხს ნისკარტი და ფეხები ნეხვით მოსეროდა, მაგრამ მაინც თავისას არ იშლიდა, ნისკარტით წერაქვივით სთხრიდა, ფეხებით ჰქექდა და სწრაფად აქეთ-იქით ისროდა ნათხარს. რამდენიმე წითელი მსუქანი ჭიკაყვლა იპოვნეს კიდეც: იკლაკნებოდნენ, ფორთხავდნენ, ცდილობდნენ თავი გადაერჩინათ. წიწილები შემოხვეოდნენ და მაღალი ხმით იქვს აცხადებდნენ, მოვერევით, თუ ვერაო? თან უნდოდათ ჩაენისკარტათ, თან უკან-უკან იწევდნენ და ვერ მიებედნათ. ამასობაში სულ ერთად მოგროვდნენ, მშიშარებს გული მიეცა. როგორც იყო, ერთ-ერთმა გაბედა და ნისკარტი ჩასცხო. ჭიკაყვლამ საცოდავი. კლაკვნა იწყო, წიწილა უკან შედგა. ამას მეორე მიჰყვა, მეორეს — მესამე, მესამეს — მეოთხე. მერე აიტაცა კიდეც ერთმა ნისკარტით. ამას სხვა გამოედავა და დაიწყეს ჭიკაყვლას აქეთ-იქით წევა. ჭიკაყვლაც მაგრობდა, ვერ გაგლიჯეს, ვერ მოკლეს. ბოლოს მობეზრდათ, ძირს დააგდეს, ისევე ირგვლივ მოგროვდნენ.

— რა ვუყოთ, ძმებო! — სთქვა ერთმა. — ამისთანა მსუქანი და გემრიელი ლუქმა პირიდან როგორ გავუშვათ, განა ჩვენი დედა მაგიტომ იწყვეტავს წელსა?

— რაო? ვერ გაგლიჯეთ, თქვე საწყლებო? ჩამოდექით! აბა, ერთი მე ვნახო, რალაც ჭიკაყვლა ბრძანდება! — სთქვა ნაცნობმა სამამლიამ და შუა წიწილებში შეიჭრა. — ჩამოდექით! აბა, მე ვნახო, რა გემო აქვს? აქამდე ერთი ჭიკაყვლაც ვერ გაგლიჯეთ! რა ხალხი ხართ? მე მთელს ჩავყლაპავ, — აბა უცქირეთ! დაძმები ჩამოეცალნენ, როგორღაც მოწინებით დაუთმეს თავხელი ჭიკაყვლა.

დაეძაძგურა სამამლია ცალი ბოლოდან ჭიკაყვლას და ყელისკენ დაუწყო წევა. იქით სამამლია, აქეთ ჭიკაყვლა დაიწყეს ბრძოლა. მართალია, სამამლიამ ცოტა რამე ჩააცილა ყელსა, მაგრამ ჭიკაყვლაც მეტად გრძელი და ღონიერი გამოდგა. აღარ ინდომა სამამლიას ყელში ჩაძრომა. საცოდავი იკლაკნებოდა და იფშვიკებოდა მთელი ტანით. წიწილასაც გაუჭირდა საქმე. ცოტა არ იყოს, შიშმა აიტანა. სული ეხუთებოდა, — ყელში კი არ დამჩჩეს და არ დამახჩჩოსო. მეტი ღონე არ იყო, უნდა თავი დაემდაბლა და დაძმებისათვის ეთხოვნა შეეღა.

— მოდით, რასა დგებართ და იცქირებით? გასწით, გავგლიჯოთ ეს ოხერი. აბა, გასწით, ჰა! ეგრე, აი, ეგრე, აი, შე ქამიავე, შენა! — საცოდავი ქიაყელა შუაზე გაგლიჯეს; მუცლიდან ნაქამი ნეხვის წვენი გამოუვიდა. კაი მოზრდილი ლუკმა, რასაკვირველია, სამამლიას ერგო. დანარჩენი წიწილებმა მოიტაცეს, გასწიეს და გამოსწიეს.

ამის წემდეგ უნდა გენახათ, რა ყოფაში იყო სამამლია. იბლინაქობდა, ყოყოჩობდა, თავი მოჰქონდა. სცემდა თავის და-ძმებს, სისხლს უშრობდა, ყველას ეჩხუბებოდა და ებრძოდა.

— მე ვარ, რაცა ვარ, თქვე საწყლებო! ხომ არა გგონიათ, როცა გავიზრდები, თქვენსავით გოდორში ჩაეჭდე, ან საქათმეში შევიდო, — ეტყოდა ხოლმე. თანაც აიფხორებოდა, წაიგრძელებდა კისერს, უნდოდა დაეყიელა, მაგრამ ყელიდან ხმა არ ამოუვიდოდა.

ამ ყოფით გაატარა კიდევ რამდენიმე კვირა. კარგა დაფრთიანდა. ბოლო გაეზარდა, თუმცა საყვირები კი არა ჰქონდა ჯერა. ხერხივით ბიბილო შუბლზედ გამოეკიმა. სინგურივით წითლად ლუოდა.

მუდამ გაბერილი და გასიებული დაიარებოდა, ამრეზილი, გაჯავრებული. მხრები მუდამ აწეული და აფხორილი დაჰქონდა. ახლა თავის და-ძმებს კი არა, სხვა ვარიებსაც ებრძოდა. მეტისმეტი მოუთავსებელი ხასიათი გაუხდა.

— ეჰ, შვილო, — ეტყოდა ხოლმე დედა, — გცემო, როგორ გაგიმეტო, არა გცემო და მეტისმეტი ხარ, შე დასარჩენო. არ შეიძლება, ქვეყანას ნივრად ხომ არ გადაეხსმი. სულ ჩხუბობ, სულ ერთ ამბავში ხარ...

დედის სიტყვა და ქარის გრიალი იმისათვის ერთი იყო.

* * *

გავიდა ხანი. ჩვენი მამლაყინწა უკვე ერთი კვირა იყო, რაც ყიოდა. სულ ყელს იხევდა, რაც ძალა და ღონე ჰქონდა ეზიდებოდა კისრის ძარღვებს. ყიოდა და ყიოდა, დღე თუ ღამე. საქმელი აღარ ახსოვდა და სასმელი.

— ყიულიყო! მე ეხლა დიდებული მამლაყინწა ვარ! რა ვუყოთ, თუ ჩემზე ხმამაღლა დიდი მამალი ყივის. ის ბრიყვია! მე ვარ, რაცა ვარ! თუ არა ვარ და გაიგებთ მალე. ეი, შენ, ვარიყელავ, აქეთ შე-

შომხედე, ვარ დიდებული და ქებული თუ არა? თქვი ჩქარა, თორემ ამ საათში თავს შუაზე გაგიხლეჩ ამ ჩემი აღმასივით ნისკარტითა.

— ვინა ახლად ენაამოდგმული ყვინჩილა და ვინ „დიდებული და ქებული“? — გაიფიქრა თავისთვის ვარიკამ. მაგრამ რადგან თავის დროზე პასუხი არ მისცა და არ შეაქო, გაბრაზებულმა ყვინჩილამ ერთი რიგანად ჩასცხო ნისკარტი, მაშინ კი იკადრა და ხმა ამოიღო:

— დიხხაც, ძმაო და ამხანაგო, რომ ქებული და დიდებული ხარ, უინ არ იტყვის მაგას. — მაგრამ ამითაც ვერ დააკმაყოფილა ყვინჩილას თავმოყვარეობა.

— ვინ არის შენი ძმა და ამხანაგი, შე ბრიყვო, შენა? გაგეხარდება კი რომ ტოლად გაგიხდე? არ იცი, რომ მე უნდა ბატონობით მომიხსენიო?

— ბატონო მამლაყინწავ, ნუ გამირისხდები, თუ შენი საკადრისი სიტყვა-პასუხი არ ვიცი. მე ერთი გაუზრდელი ვარიკა ვარ, ბრიყვი და უვიცი.

— სწორეს ლაპარაკობ, — სთქვა ბლენძით მამლაყინწამ, — მე ეხლა ბატონი ვარ და მალე ყველაც შეიტყობს ამას.

ამის შემდეგ სწორედ განკითხვის დღე დაუდგათ ვარიკებს, ყვინჩილა-მამლაყინწებს, ინდაურის ქუეებს, ბატისა და იხვის ქუეულებს.

— ვარ ბატონი, თუ არა, შე პირუტყვო? — და ჩასცხებდა საცოდავ ქუეიას.

— ვაი, ვაი, ვაი! წყალსამც წაუღია ყველა ბატონები და შენც იმათთან! ნუ მომკალ, შე გასაქეავებელო! ვაი, ვაი, — და გათამაშებული მამლაყინწა ახლა სხვას ეძებდა, რომ იმასაც ეღიარებინა იმისი უპირატესობა და ბატონობა: — მე ვარ ბატონი, რით ვერ გაიგეთ, თქვე ნაგვის მქექავებო, თქვენა!

სადაც მაღალი რამ იყო, სწორედ იქ ავიდოდა და იქიდან დაჰყიოდა ძირს მყოფ ქათმებს. საბძლების საყვავეებზედ, კაკლებზედ, სახლების სახურავებზედ, ბანებზედ, სათივეებზედ, ბუხრებზედ, ერთი სიტყვით, სადაც კი მაღალი რამ იყო, უეჭველად იმაზედ უნდა აფრენილიყო. იდგა იქ და თავმოწონებით გადმოჰყიოდა: ყიყლიყო! აგრძელებდა, რაც ძალი და ღონე ჰქონდა, და ბოლოს დააყოლებდა ხოლმე: ოოო!

— ეს ძალიან თამამი მამალი იზრდება, — იძახდა პატრონი, — ზწორედ ნამდვილი მამალია, მაგის დაკვლა არ შეიძლება, უნდა შევინახო.

— ეს ბალლი ცუდად დააბოლოვებს თავის სიცოცხლეს, — ამბობდა დიდი, გამოცდილი მამალი — ძალიან იწევს თავში. თავს შეჰკრავს სადმე!

— ჯა, ეს სახელგასაწყვეტი, — ჯავრობდა დიასახლისი, — სულ ამომიხოცა წიწილები, არ ვიცი, რა ვუყო? მაგ კაცის ბრალია, არა შერება, თამამიო, თორემ აქამდე ათჯერ დავკლამდი!

* * *

ერთხელ ერთი ყვირილი და ალიაქოთი ასტყდა. ყვიროდნენ პატრონები: ჰაი! ჰაი! ჰაი! ჰაი! არიქა, ქორმა ვარია წაიღო, არიქათ!

ჰყიოდა შეშინებული მამალი, ჰყიოდა გაცოფებული კრუხი. წიოდნენ გულგახეთქილი წიწილები. კიკვივებდნენ დაფორიაქებული ინდაურები, სისინებდნენ ბატები, ჰყეფდნენ ძაღლები.

— არიქათ, უშველეთ, ეგები გავაგდებინოთ, ქორმა წიწილა წაიღო, უშველეთ! — ყვიროდნენ სახლში მყოფები და ქორს მისდევდნენ. მაგრამ ქორმა ყურიც არ შეიბერტყა! ძლივს სადმე მსუქანი სადილი ეშოვა და განა კიდევ გაუშეებდა ხელიდან!

* * *

ყვინჩილამ დაყვირებაც ვერ მოასწრო, ისე უცებ მოექცა ქორს კლანჭებში. თუმცა საშიშარ მდგომარეობაში იმყოფებოდა, მაგრამ რაკი არაფერი სტკიოდა, — ქორს ვერ ჩაეყარა კარგა კლანჭები, ისე ბუმბულით და ფრთებით აეტაცნა, — იმას ქორის კლანჭებში კი არ ეგონა თავი, ასე ეგონა, სასეირნოდ მივდივარო. ქორის ცეცხლივით თვალები და ხანჯლის წვერივით ნისკარტი რომ დაენახა, მგონი გუნება წახდენოდა, მაგრამ ძირიდან ვერაფერს ჰხედავდა, რადგან თვითონაც იყურებოდა.

გრძნობდა, რომ მალლა-მალლა მიდიოდა. ჰაერს საამურად უღიტინებდა, გულში თვითონაც ძალიან დიდი სიამოვნება იგრძნო და სიამით გულმა ტოკვა დაუწყო, როცა ნიავექარივით ხეების წვერებსა და საბძლებს მალლა გადაუარა. სახლები და ქონხახები ქათამ-ინდაურებით ძირს სადღაც დარჩნენ, ქინძისთავისტოლად ძლივს მოსჩანდნენ, მამლის შორეული ყვირილი ძლივს ესმოდა.

— აი, ეხლა ვარ ბატონი მამალი, — გაიფიქრა მამლაყინწამ, — აბა, ვინ ამოფრინდება ამ სიმაღლეზედ?!

სოფელს რომ გადაუარეს და უცხო ქათმები გამოჩნდნენ, ველარ მოითმინა, თავმომწონეობით გადახედა და გამარჯვებულებით დაპყვილა: ყიყლიყოო! — აი, თქვე ნაგავექეიებო, ვერა ხედავთ, ბატონი მამლაყინწა სად მივემგზავრები? თქვენ ამოფრინდებით ასე მალლა, თქვე საწყლებო?

— ყიყლიყოო! ყიყლიყოო! ჩამოვიდე მანდ, მე გაყურებინებთ თქვენს სეირს! ეჰ, მცოდნოდა თუ კალო-საბძლები და ქათმები მანდაც იყავით, მე გიჩვენებდით თამაშს!

— ყიყლიყოო! ჩამოვიდე მანდა, თქვე ლაჩრებო, თქვენა!

და კიდევ დიდხანს ისმოდა მამლაყინწის ყვირილი, სანამ ქორმა ერთ უღრან ტყეში არ შეაფარა თავი.

პელას ქათამს კვერცხი მოეპარა, საბძლის საგვერდულში ბზეზედ ელო და მერე კრუხადაც დამჭდარიყო.

პელამ მაშინლა მოიკითხა, როცა ორჯერ თუ სამჯერ საკენკის დაყრის დროს დასთვალა თავისი ქათმები და ერთი ყვითელი ფეხბუმბულა დედალი აღარ ამოჩნდა. აქეთ ეცა, იქით ეცა, ეძება, მეზობლებში იკითხა, მაინც არა ჩანდა. ღმერთო წეგცოდე, მეზობელ ფეფოსაც დააბრალა, „ნამდვილად ის დაიჭერდა და გორს წაიყვანდა გასაყიდადო“. ერთი სიტყვით, ძალიან სწუხდა.

გიორგობისთვე იყო, ხან წვიმდა, ხან თოვდა, ერთთავად ციოდა. ქათმებიც სულ სახლსა და საბძელს შესტრიალებდნენ, სიცივით კარში ველარა ჰყოფდნენ თავსა. კილყვაეები სიმინდის ძირებს ეხვეოდნენ და ჰყაოდნენ.

მოშივნოდა ფეხბუმბულასაც, საბუდრიდან ამოსულიყო და კარში ძალზე ჰყიოდა:

— გამომხედეთ, ორი-სამი დღის მელიოგინე ვარ, გამომიტანეთ, მაქემეთ რამეო! — პელომ მაშინვე იცნო თავისი ფეხბუმბულას ხმა, სიხარულით კარებს ეცა.

— შენ კი გენაცვალე შა ხმაში, ჩემო ქალო! ჩემო მშვენეირო! მაშინვე სიმინდი გაუტანა, დაუფშენა ტარო, წყალი დაუდგა. თან სიყვარულით ეალერსებოდა და ებაასებოდა:

— სად იყავ, ჩემო ოქროვ? სად მომპარე კვერცხები? სად გაიკეთე ბუდე? მე კი გამებუტე, ლამაზო? — ფეხბუმბულა პატრონის სიტყვებით გათამამებული ხამუშ-ხამუშ ჭყიოდა თავმომწონედ. თან აქეთ-იქით იხედებოდა, თითქო ქათმებს ეუბნება: „აბა, რომელი ზარტ ჩემისთანაო?“

— ეგრე, გენაცვალე, ეგრე! — გაუჭავრდი მაგ წუწყებს. — ქამა ფეხბუმბულამ, დალია წყალი და პირდაპირ ბუდისკენ გასწია.

ქათამი ინდაურივით ეშმაკი როდია: ინდაურმა იცის, თუ კაცს ჰხედავს, სადაც კვერცხსა სდებს, იქითვე თავის დღეში პირდაპირ არ წავა, თვალის ასახვევად ხან აქეთ წავა, ხან იქით. თან სადაც მოხვდება, ჩაჭდება და ზურგზე ხმელ ფოთლებს და ჩალას იყრის, ვითომ ვიშალები, კვერცხი აქ უნდა დაედოვო.

სალამოთი პელა თავის უფროს ქალს მაკალას ეუბნებოდა:

— ჩვენს ფეხბუმბულას საბძელში მოუპარავს კვერცხი და თერთმეტზედ კრუხად დამჭდარაო... მართალია, კარგადა ზის, მაგრამ ზამთარია, ასვლა-ჩასვლაში დაუცივდება, მინდოდა ამეკრიფა, შინ შემომიყვანა და აქ დამესვა, მაგრამ ქაბატომ დამიშალა. — აღგილიდან ნუ დასძრავ, არა უშავს რაო.

პელამ მართლა არ დასძრა, მაგრამ ძალიან ცივოდა და ქებულმა ფეხბუმბულამ სულ სამი წიწილი გამოიტანა. ახლა კი ბზიან გოდორში გადასვა პელამ კრუხი და სახლში შეიყვანა. შემდეგ ბევრსა ნანობდა, რომ ქაბატოს გაუგონა და კრუხი საბძელში დასტოვა, მაგრამ რაღა ეშველებოდა!

— აბა ეხლა რაღა ვუთხრა ამ სატიალოს! — ამბობდა გაჭავრებული, — ამ სამი წიწილისათვის როგორ მოვაცდინო კრუხი, მერე ამ მამასისნობას. კვერცხები ვინაღვლო თუ წიწილები! მერე რა კაცი დროს კრუხი იყო და! სახლში რომ დამესვა, ათს მაინც გამოიტანდა, სააღდგომოდ დასაკლავები იქნებოდნენ, თითოს ხუთ შაურად გავაყიდვინებდი და ჩემს ტიტველ გოგოებს თითო რამ მაინც მოუვიდოდათ.

გადასწყვიტა, როცა წიწილები კარგად მოიშუშებოდნენ, კრუხისთვის ფეხები შეეკრა და წიწილები კი ობლად ფეჩქვეშ დაეზარდნა. აღებაში კიდევ მოიქცევა და დავსვამო.

როცა წიწილები მოიშუშნენ და ქამა შესძლეს, პელამ კრუხს ფე-

ხები შეუკრა და საქათმეში დააგდო. წიწილები კი თბილად ყუთში ჩასვა, ეგება უღედლობას შეეჩვივნენო.

უნდა გენახათ. რა ამბებში იყვნენ პელასპატარა გოგოები—მაკალა, თინა და რესა, სულ წიწილებს ეალერსებოდნენ და შესჭიკჭიკებდნენ. წამდაუწუმ დაიქერდნენ, ხან ჰკოცნიდნენ, ხან უბეში ისევამდნენ.

— გენაცვალეთ, თქვე ობლებო! — ეალერსებოდა მაკალა, — წაგართვესთ დედა, დაობლდით, ჩემო მშვენიერებო? ახლა მარტოკაებმა როგორ უნდა დაიძინოთ უღედლოდ, ხომ შეგკვივდათ ამ ცივ ზამთარში, გენაცვალეთ?!

— ლადა ტილით, გენაცვალეთ, ვის ეძაქით? ძუძუ ქომ ალ მოქსივდათ? — ჰკითხავდა პატარა თინა. თან ჰკოცნიდა და თავზე დაგულზე ხელს უსვამდა.

— თქვენი დედა აგე იქ ალიც ცაქათმეცი, ნუ იტილებთ! — წიწილები კი ტიროდნენ და ტიროდნენ. ეძახდნენ თავის დედას.

წია-წია-წიაა! წია-წია-წიაა! — აგრძელებდნენ, იხეთქდნენ თავებს.

— ნუ იტირებთ, შვილებო, ნუ იტირებთ! — ეუბნებოდა პელა. — ისეთ ქუღალეებში ამოგსვამთ, რომ დედა დაგავიწყოსთ. აბა წადი, შვილო, მაკალო, მამაშენის ძველი ნაბღის ქუდი მოიტანე, წალოშია. ამოვსხათ ქუღალეებში და ფეჩქვეში დავუბუდოთ; ალბათ, სცივათ, რომ წივიან.

მაკალამ ხელად მოუბრუნა მამის ოფლით გაქონილი და შედარებით დამძიმებული ნაბღის ქუდი. გოგოებს ჟრიაშული შეუღდათ.

უნდა გენახათ, რა ამბავში იყვნენ, წიწილები რომ წივილით აქეთ-იქით აქანებდნენ ქუდსა. მერე რაკი ფეჩქვეში შეახონა და წიწილებს ჩასთბათ, წივილს უკლეს და გატვრინდნენ. მხოლოდ ხანდახანდა ისმოდა იმათი ქუქკუქი.

— წიკრიი! — აგრძელებდნენ სიამოვნებით, — წიკრი! ახლა კი დავიძინოთ!

სინუას სახლში ფეხბუმბულას ობლად დამრჩალმა წიწილებმა დიდი გართობა და სიხარული შეიტანეს. იმისი გოგოები სულ წიწილების ალერსსა და ფარეზობაში იყვნენ: უყრიდნენ ნაკმაზს, უფხვნიდნენ მკადას და წიწილებიც გაიგონებდნენ თუ არა „მოლით, მოლი-

თო!" გამალებულები გარბოდნენ. გოგოებისა აღარ ეშინოდათ, აღარც ერიდებოდნენ, როცა ხელში იყვანდნენ. აღარ წივოდნენ, პირაქით, სიამოვნებით მოჰყვებოდნენ „წიკრიის“ გალობას.

სუფრაზედ დაურბოდნენ, ჯამიდან და ხელიდან ლუქმასა სტაცებდნენ, კალთაში უსხდებოდნენ, ან მუხლქვეშ უძვრებოდნენ და იქ იბუღებდნენ. ეს იყო, რომ ციციუნისა კი ვერ შეეჩვივნენ, თუმცა დაწოლილს რომ მოასწრებდნენ, ზედ შეახტებოდნენ და რბილად იბუღებდნენ. მაგრამ როცა კატუნია ტორს წაუცაცუნებდა და ხუმრობით დასაქერად ეცემოდა, ან უკან გამოუდგებოდა, ისინი გულგახეთქილები ან ქილებშუა იმალებოდნენ, ან ტახტქვეშ შეათარებდნენ თავსა, არა და თვითონ პელას შეახტებოდნენ ხოლმე თავზედ. იქ მოიკალათებდნენ და კატას მხოლოდ იქიდანღა უწყებდნენ უშიშრად ყურის გღებას, თითქო გადმოსძახიან, აბა აქ ამოდი. თუ კი კატა ხარო! კატაც ვითომ და აქ არაფერიო, უზაკვო თვალებით გადაჰხედავდა დიასახლისის თავზედ მსხლომ წიწილებს, — აბა, მანდ როგორ შემოძლიან შემოგწვდეთო; ამოგორდებოდა სადმე, ან ვითომ თქვენ ვერ გამჩნევთო, ძველი ხალიჩის ჩამოგლეჯილ ნაპირას უწყებდა კაწრვას, ან ბალების წინდას იპოვიდა, ან გორგალს და ეთამაშებოდა.

ფეხბუმბულაც სანამ ფეხშეკრული იყო, ჰკვიანად იყო, მერე როცა გაუხსნეს ფეხები, კარგა ხანი დარბოდა და ჰყიოდა, ეძებდა შვილებს. უფრო ხშირად კი სახლის კარებთან იდგა და სახლში შესყიოდა, ალბათ წიწილების ხმა თუ ესმოდა.

პელას გოგოებს ყველაზე მეტად ის ახარებდა, როცა წიწილებს დაიპყრდნენ და ქუდქვეშ სხამდნენ. რადგან ძილის დრო არა ჰქონდათ და ისე ამწყვდევდნენ, წიწილებიც ურჩობდნენ დაპატიმრებას; და თავის საპატიმრო ქუდს აქეთ-იქით ახოხებდნენ. საცინელა იყო, როცა ქუდი აქეთ-იქით დაცოცავდა. არა ჩანდა, ვინ ამოძრავებდა, უცხოს თვალთმაქცობა ეგონებოდა. გოგოების აღტაცებას საზღვარი არა ჰქონდა.

პელოს ქმარი სინუა, აგერ სამი კვირა სრულდებოდა, სამუშაოდ იყო წასული. ცოლ-შვილი ღღე-ღღეზე ელოდა. გოგოები სულ გზაა გასცქეროდნენ. მამას ცალკე მოელოდნენ გოგოები, კაბებს და ჩუსტებს ცალკე, მაგრამ ქუდის ამბავი უფრო საინტერესოდ შიანდათ.

ქერ მამამ არ იცოდა, რომ ობოლი წიწილები ჰყავდათ და ქულქვეშ ამწყვდედნენ. გოგოებმა ერთმანეთში მოილაპარაკეს და დედასაც შეეხვეწნენ, რომ მამისთვის არ ეთქვა იმათი საიდუმლო.

— ქული წიწილებით ფეჩქვეშ შევახოხოთ და როცა მამა მოვა და ფეჩთან დაჯდება, შევანძროთ, წიწილებს გაელევიძებთ, გათენებული ეგონებათ და დაიწყებენ ცდას ქულის მოსაშორებლად. ვნახოთ, რას იზამს მამა, როცა დაინახავს, რომ იმისი ქული უფეხოდ დაიარება. გოგოებმა წინდაწინვე გაითვალისწინეს მამის გაოცება და ერთ სიხარულსა და ამბავში იყვნენ. მამას მოვატყუებთ და შევაშინებთო!

— ახლა, გოგოებო, როცა გაიგებს, რამდენს იცინებს, — იძახდა მაკალო. საღამოზე მოვარო, ამბავი მოუვიდათ. პელამ თავი დაიბანა, შვილებიც აბანა, ჩაიცვა რაც კი მოეპოვებოდა, დაჰგავა სახლი, დარეცხა ჯამ-ჭურჭელი, მიალაგ-მოალაგა ყველაფერი, ქილობი გაბერტყა, ზედ ხალიჩისძველა გადაშალა, თავისი დედამთილის ნამზითი (ებლა ვინღა აღირსებს გლეხის გოგოს ხალიჩას?), ლოგინს თავისი დაკერებული შალი მიაფარა, ქათმებს აქამა, წყალი მოიტანა.

— აბა შვილო, დროა, წიწილებს აქამეთ და დაუბუდეო, უხეიროდ დაწუწუდებიან, — უთხრა პელამ გოგოებს. გოგოებმაც სიხარულით დაიპირეს წიწილები, მირეკეს და ფეჩქვეშ ამოსხეს. ცოტა ხანს იტუკტუკეს წიწილებმაც და, რაკი დასთბათ და საღამოც იყო, მალე ხმა გასწყვიტეს და დაიბუდეს.

— შვილო მაკალო, მამაშენი შეცივებული მოვა, ფეჩს შეუქეთო! — მაკამ ხელათ მოარბენინა ორი-სამი ნაპობი და მიუმატა ფეჩსა. ფეჩს თითქო გაეხარდაო, გუზგუზი და ხმაური მორთო, გამოცოცხლდა.

კარგად დაბინდული იყო. როცა გოგოებს მამის ხველა წემოესმათ. ყველანი კარებს ეცნენ და მამას ჩამოეკიდნენ ყელზე. მამას უღვაშსა და წარბ-წამწამზედ ჰირხლი მოჰკიდებოდა, მაგრამ ბალების დანახვამ სიცივეც დააეიწყა და სხვა დარდებიც. ისიც გულიანად ჰკოცნიდა თავის შვილებს.

— აბა, როგორა ხართ, შვილებო? ან დედა როგორ არის? ხომ არ აჯავრებთ? აბა შვილო მაკალო, შენ ეხლა ათი წლის ქალი ხარ, ვიცი, დედაშენს მოეხმარები ყველა საქმეში, არა?

— მაშა, მაშა, მაშა! — თან გაგიყებით ჰკოცნიდნენ მამას.

— დამაცადეთ, ჯერ შინ შევიდეთ, გეყოფათ! — უძალოვნდებოდა მამა. მაკამ წითელი შეკრული ხელსახოცი ჩამოართვა და შინ შეიტანა. როცა შინ შემოვიდნენ, შვილების ყურადღება ახლა წითელმა ხელსახოცმა მიიზიდა, უნდოდათ გაეგოთ, ვის რა მოუტანა მამამ.

ყველა გახარებული იყო, ყველასათვის რამე იყო, თუ ჩასაცმელი, თუ დასახური.

რაკი შვილების ალერსით იჯერა გული, სინუა ფეხთან მიჯდა და ქალამნების ხდა დაიწყო, თუმცა თავისი სამი გოგო არ აცლიდა და ცდილობდნენ მამისათვის ქალამან-წინდა გაეხადნათ.

— ნუ მოისვრით შვილო, ხელებს, მე თვითონაც კარგად გავიხდი.

— არა, მამა, შენ დაბუხული ხელები გექნება, მოგვესვაროს თუ მოგვესვრება. — აღარ ეშვებოდნენ გოგოები.

მამამ გაბერტყა ქალამნები, ტალახში მოსვრილი წინდები კი ცოლს გადასცა.

— ამორეცხე და ეგები ხვალისათვის გამიშროეო.

— ხვალ ახალი წინდები ჩაიცვი, კაცო, დაგჩსოვე და მაგეების დაცვეთასაც მოესწრები, — ეუბნებოდა ცოლი.

ქალამნებს კი ფეჩქვეშ უწყო გაფენა. გოგოები უკვე გულისფანცქალით შესტკეროდნენ თან მამას, თან იმ ქუდსა. სიცოცხლე ძლივს იკავედნენ. — დაიცა, მამაჩემი რას იზამსო.

აღბათ ქალამანი თუ მოხვდა, ქუდი შეინძრა, უცებ მოძრაობა იწყო და ფეხისქვეშიდან სინუასაკენ გამოსწია. სინუას ჯერ ეგონა, აღბათ მე თუ მომიხვდა ხელი და გამოვახოხეო; ცოლისათვის უნდა ეკითხნა, ჩემი ქუდი აქ რადა გდებულაო, მაგრამ ქუდის მოძრაობა რაღაც არაჩვეულებრივად მოეჩვენა და ყურადღებით დააცქერდა...

— მოვიდა ქუდი, მამა, არ შეგკამოს, — ჰყვიროდნენ გოგოები და სიხარულით აღარ იცოდნენ რა ექნათ.

— აი, თქვე საძაგლებო, თქვენა! კინალამ წიწილებს არ შემაქამეს! წინადვე ვერ გამაგებინებდით, თქვე კუდიანებო, თქვენა! — იცინოდა მამა.

[1007 წ.]

— რათა მცემ, შე უღმერთოვ, რა დამიშავებია შენთვის? ხომ ხედავ მეც თქვენთან ვიზრდები, ჯერ ხომ სამი თვისაც არა ვარ!

— ჭურრა! ჭურრა! — ჩხაოდა გულგახეთქილი კაქკაქი ნატო და თან შიშისაგან თვითონაც ძალაუნებურად ჰკბენდა თავის შემწუხებელ ვარიასა.

— მკბენ კიდევ, შე სასიკვდილე შენა? — გაგულისდა და უფრო გაცხარდა სადღღლე ვარია და უფრო ცხარედ ჩასცხო კაქკაქსა.

— ნუ მკლავ, შე უსამართლოვ, რა დაგიშავე?! — ევედრებოდა კაქკაქი, თან შიშით ჩხაოდა, რაც ძალი და ღონე ჰქონდა.

— რა დაგიშავეო?! რა დაუშავეს შენმა დედამ, მამამ; დეიღამ ბიძამ, პაპამ, ბებამ, დებმა, ძმებმა, ნათესავეებმა, მთელმა თქვენმა გვარმა ჩემს ძმებს, დებს, დედ-მამას, ბიძა-ბიძაშვილებს, მთელ ქათმისა და იხვის გვარსა. ცოტა წიწილები და ჭუკიები გამოწიწიწენს თქვენ არ გაკმევედნენ? მაგ თქვენ სამიწე ღორმუტელებს არ აძლობდნენ ჩვენი ქორთა წიწილებს ხორცითა? რისგან მოხდა, რომ თქვენ მაგრე სუფთად და კოპწიად დაფრინავთ და თითო ადლ ბოლოს და ათრევთ, ჩვენ კი ბოლოდაგლეჯილები, აბუზულ-გაწიწილები დავდივართ? ეგეც არ გვაკმარეთ და ახლა აქაც მობრძანდი და სათონე-საკუქნაოში დაყრილ ნამცეცებსაც გვეცილები? თუ არ მოგჯალი, არ იქნება, შე გვარგასათხელებელო! — და სანამ პატრონი მიეშვე-

ლებოდა, ურტყამდა და ურტყამდა საკვერცხედ მოჩრიხული ჭროლა-ჭროლა ქოჩორა ვარია ნატო კაქკაქსა.

ნატო კაქკაქი კი ჩხაოდა და ჩხაოდა.

— მიშველეთ! მიშველეთ, ქრისტიანებო! მომკლა ამ ბნელიანმა. შიშველეთ, ვინა ხართ მადლიანი?!

ამხანად ბოლო დაგლეჯილი, (ჩინჩლო) ბიბილო გვერდზემოქცეული ვარია ჭოხით მოაშორა პატრონმა მარომ, თან შეთათხა და შე-რისხა, არც ემეტებოდა, რომ ჭოხით ეცემნა.

მერე კაქკაქს მიუალერსა:

— მოდი, ჩემო ნატო! ვინა გცემა, გენაცვალე, მაგ უნამუსომა? შოიცადოს მაგ... მაგ სასიკვდილემ! — და კიდევე ჭოხი დაუტუნტურა მოჩხუბარ ვარაასა.

ნაცემი ნატო მაროს წინ დახტოდა და თან რალაცეებს უამბობდა პატრონს, თანაც შესცქეროდა თავისი შავი მძივივით ბრკყვიალა თვალეებითა.

— ჭურრრ! ჭურრრ! რომ არ მომშველებოდი, მაროჯან, ეგ ცო-ფიანი მომკლავდა!

ნატოს ერთგულობაში ალბათ არ იყვნენ დარწმუნებულები, რომ იმისი დამამშვენებელი ბოლო ძალზედ დაემოკლათ და მხრებიც სულ შეეკრათ, რის გამოც კურტუმსუქან ზურგი სულ უჩანდა და გაწიწკნილსდა ჰგევანდა.

— რას გერჩოდა ე ქორის გამოსაწიწკნი ეგა? რათა გცემა, ჩემო კარგო? — ეალერსებოდა მარო ნატოსა.

ნატოც ხან ერთი თვალით შეაცქერდებოდა მაროს, ხან მეორეთი.

— ჭურრრ! ჭურრრ! მცემენ, მარო, მცემენ! რათა მცემენ? ვის რა დაუშავე? მართალია, კაქკაქი ვარ, ჩემი ნათესაეები და მამა-პაპა სულ მტაცებლები და ქურდ-ბატაცები იყვნენ, სულ ტაციობით ზრდიდნენ შეილებსა. მართალია, გვაყვედრიან, რომ იმიტომ დაფრი-ნავეთ მაგრე სწრაფად და თავისუფლად, რომ ჩვენც მიწაზე მოსიარულ-ლე წიწილებით იკვებებითო, მაგრამ მე რა? მე რაში ვურევივარ? მე რა ვიცოდდი, დედაჩემი საიდანა შოულობდა ჩემთვის რომ გემ-რიელი ლუკმა მოჰქონდა. იტაცებდა, იპარავდა, თუ თავის ოფლით შოულობდა. აი, თუ მე მოვიტაცო, თუ დავუშავო ვისმე რამე, მაშინ რაც უნდა, ის მიყონ. ჩემი დედ-მამის ცოდო კი მე რად უნდა გადა-ვიხადო?!

— კურრრ! კურრრ! — იძახდა ნატო, — რასაც ეგენი აკეთებენ, მეც გავაკეთებ, მეც თვითონ ვიზრუნებ ჩემს საზრდოსათვის. სხვა რა საქმე გვაქვს. ჩვენ ყველანი კაცის ხელში ვართ, სურს, დაგვარჩინს. სურს, დაგვხოცავს. რა გვაქვს ერთმანეთში სადაო და გასაყოფელი?

— ჰო, ჩემო კარგო, მაგრამ ლურჯ კრუსს გაუფრთხილდი, მაგისათვის საკმარისია, რომ შენ ჰრელი ხარ, ხო იცი, რა გაბოროტებულია შენი გვაროვნობისგან. ეცადე, ცუდი არაფერი შეგამჩნიოს, მერე მალე შეგეჩვენე და შეგირიგდებიან.



ნატოს ისტორია გრძელი არ იყო. იმის დედ-მამას მაროს ვენახში ალუბლის წვერზე ჰქონდა ბუდე. სულ ხმელი ძეძვი და წალამი აეზიდათ, სამ თუ ოთხ ტოტშუა ჩაედგათ და გაემაგრებინათ, ქოთნის ძირივით შემოეგლისათ ტალახით და მერე ჩალაბულა ჩაეგოთ, ზემოდანაც წალმით დაეხურათ და მხოლოდ აქეთ-იქიდან გაეშვათ გასაძრომი.

კრუსხად მქდომს მხოლოდ ბოლო უჩანდა, ისიც იმიტომ, რომ მეტისმეტად გრძელი ჰქონდა.

მარო მოუთმენლად ელოდა ბარტყების გამოჩეკას. ძალიან ენატრებოდა კაჭკაჭის მოშინაურება.

— რასა ბრძანებთ, ქალო, ბეგიაანთ ჰყავს ერთი კაჭკაჭი, ადამიანივითა ლაპარაკობს. ხუთი თუმანი ეძლიათ, მაგრამ არ მიეცათ, ერთი ხარის ფასია.

— ხუთი თუმანი ჩვენისთანა საწყალი ხალხისათვის ხუთი ათასი თუმანია! — იძახდა მაროს დედა.

მართლა აძლიეს ხუთი თუმანი, ან მართლა ლაპარაკობდა ადამიანივით, თუ არა, ეგ კი არ ვიცი.

თუმცა გოგოები მალ-მალე ათვალეირებდნენ ბუდეს და ბარტყებს არ დააფრინოს კაჭკაჭმაო, მაინც დრო გამოეპარათ და ერთ-ზელ რომ ვენახში ჩავეიდნენ, ბუდე ცარიელი კი დახვდათ. ძალიან ეწყინათ, მაგრამ ვის დააბრალებდნენ, თავიანთი ბრალი იყო. — აღრე რომ ამოვიყვანოთ, გააციებს და მოკვდებო.

დაღონებული მარო მოწყენით შესცქეროდა ცარიელ ბუდესა.

— ფიქრი ნუ გაქვს, დაო მარო, — გაამხნევა უფროსმა ძმამ, — აბა ვენახს შემოუარე, აქვე ეყოლებათ სადმე, შორს არ წაიყვანდნენ, ღამე ისევ ბუდეში უნდა დაიბუღონ ხოლმე, თუ ყოჩაღად მოვიქცევით, უექველად ვიპოვით და დავიჭერთ.

მართლაც, ბუდის შორიახლოს სწორზედ ორი კაქკაჰი იჭდა და ბავშვებს ყურადღებით ათვალიერებდა, როცა ისინი ბუდის ქვეშ დატრიალებდნენ. ამათ მიახლოვებაზე კაქკაჰები აფრინდნენ და ჩხავილი მორთეს. ერთ ნერგს დასტრიალებდნენ და ჩხაოდნენ.

— აჰ, მოდი, მარო, აჰ მოდი, ჩქარა! აბა უცქირე სადა ზის გამოყეყეჩებული ამიტომ დასჩხავის ასე გამწარებით დედა, უნდა როგორმე ააფრინოს.

მაგრამ ყურყუტს არ ესმოდა, რა ხიფათი მოელოდა. იჭდა ნერგის ტოტზედ და აქეთ-იქით უზაროდ იბლიტებოდა. როცა მარო ნერგზედ აფოფხდა, იმან ყურიც არ შეიბერტყა, მხოლოდ გაკვირვებით კი უცქეროდა, ეს რა სულიერიაო.

იქნება დაექირა კიდევ მაროს, მაგრამ ხელის მოჭიდებამ ნერგის ტოტი შეანძრია, რაზედაც ბარტყი იჭდა, ის აფრინდა და იქით ტოტზედ გადაჯდა.

მაროც გულის ფანცქალით მიცოცავდა ბარტყისკენ, თან ცდილობდა ღობეზედ დადებულ ძეძვს არ გაეკაწრა, თუმცა ხელშიაც შეერქო და მუხლიც დაუსისხლიანა, ბოლოს სწვდა დასაქერად. შეშინებული ბარტყი აფრინდა და ტოტებში გაება. ძეძვებში ჩამოვარდა და ჩხავილი მორთო. მაროსაც ეს უნდოდა, სწრაფად წაავლო ხელი და თუმცა კაქკაჰი ჰკბენდა და აკაწრიდა, მაგრამ რალას გაუშვებდა ძვირფას საშოვარსა?

ჩამოსვლაში კაბაც ჩამოიხნია, წვივიც ჩამოაქლიტა ხმელ როკსა. თვალეზგაბრწყინებული მარო აღტაცებით უჩვენებდა კაქკაჰს ძმებსა.

დედა კაქკაჰი კი ჩხაოდა და ეძახდა ნათესაობას საშველად.

მოგროვდნენ ისინიც, დახტოდნენ ხის ტოტებში, ჩხაოდნენ, ყბედობდნენ, ვერც ერთმა კი ვერ გაბედა მაროს დასცემოდა და ბარტყი წაერთმია.

მარო გახარებული შინ წავიდა, დაღონებული კაქკაჰები კი წნორებზე ჩამწყკრივდნენ და გააბეს ლაპარაკი.

ბარტყს ფრთები და ბოლო შეაჭრეს, „ნატოს“ სახელით მონათ-
ლეს და ჩხირების გალიაში შეამწყვდიეს. დოში პური ჩაუყარეს და
თითით ყელში ჩასტენეს. წიწილების ხორც-ნაჩვევ კაჭკაქს ბარემ არ
ესიამოვნებოდა და უგემურად მიიწრებოდა გლეხურ საკმელსა, მაგ-
რამ რა მეტი გზა იყო. გოგოები ხანდახან კალია-ბუზებსაც უზიდავ-
დნენ და ათასში ერთხელ ხორცსაც შოულობდნენ, ან მეზობლები
დაკლავდნენ რასმეს, ან ბედნიერ დღეში მამა იყიდდა ღუქანში.

თანდათან შეეჩვია „ნატო“ თავის მდგომარეობას, საკმელსაც
თვითონ დაუწყო კამა და ბოლოს ხომ გალიიდანაც გამოუშვეს და
ნება მისცეს თავისუფლად სიარულისა. ბევრებს ძალიან შეეჩვია,
სულ უკან დასდევდა სკიაობით და ყვირილით. ქათმებში ჩაერეოდა
ხოლმე და იმათთან საკენკს ვითომ და ჰკენკავდა. საზოგადოდ ძა-
ლიან მხიარული იყო, როცა თავისუფალი იყო, თუ ქათმები არ ჩაარ-
ტყამდნენ თავში, ან კრუხი არ მოჰკრავდა თვალსა. კრუხმა კი რამ-
დენჯერმე კინალამ გაგლიჯა და რის ვაი-ვაგლახით ძლიეს გააგდები-
ნეს ხელიდან.

გალიაშიაც ძალიან სწუხდა და მოუსვენრობდა, სულ ჩხაოდა, გა-
ლიის კარებს ებრძოდა, გვერდებიდან თავსა ჰყოფდა, ახტოდა და
დახტოდა ქანქარაზედ. თუ კარგად არ იყო დაკეტილი, გალიის კა-
რებს თვითონ აღებდა, რასაც მოახელებდა, ნისკარტით მიათრევდა
და სადმე ქვეშქვეშ მალავდა, თან ცალი თვალით უღირლიტებდა,
ჩანს თუ არაო.

ბოლოს ბევრი ეჭვისა და უნდობლობის შემდეგ ვარიები და
დედლებიც შეეჩვივნენ, თუმცა ხანდახან რო ჩამოფრინდებოდა საი-
დანმე, ისევ ერიავული შეუდგებოდათ ხოლმე. იმათთან ერთად დახ-
ტოდა, ჰკენკავდა, წყალსა სვამდა, ემასხარებოდა. მაროც სიხარუ-
ლით ფეხზე აღარ იდგა, ან ახლა ამოიდგამს ენას ან ახლაო.

მაროს მამას კი არა სწამდა რა კაჭკაქის ლაპარაკისა: — თქვენ
რას მიკეთებთ, შვილო, მაგდენი ლაქლაქით, მაგან რა გამიკეთოსო.

დღეს აღარ ამინებთ ქათმებს „ნატო“ კაჭკაქის სიჭრელე. კრუ-
ხიც შეეჩვია და წიწილების მოტაცებისა აღარ ეშინიან.

შეტად გაჰიანურდა სასტიკი ზამთარი, სულ ყინვა და ყინვა. გაჰირდა სკაში საქმე. თაფლი გამოილია, მშიერი ფუტკრები სიცივეს ველარ უძლებდნენ, ზოგი უკვე დახოცილიყო და სკის ძირზედ ეყარა, ზოგი კვდებოდა. გარეთ კი ყინვა ბატონობდა და კარში თავს არავის აყოფინებდა.

— ცოტა კიდეც, ძმებო, ცოტა კიდეც, მოთმინება! ხედავთ, სიცივისაგან ცხვირს კარში ვერ გავყოფთ! — ამხნეებდა შავი ბანჯგვლიანი ფუტკარი. — დავინახოთ თუ არა დარი, შეშრება თუ არა თოვლი და ჩადგება ქარი, გავიდეთ მაშინ საშოვარზედ. რა ვქნათ, თუ ათი მოკვდება, ათიდან ერთი ხომ მაინც დაბრუნდება სანუგეშო ამბითა. და თუ ვინმე ჩვენგანი ყვავილს სადმე მიაგნებს და სახლში პირველი საშოვრით დაბრუნდება, მაშინ ეს ბედნიერი შემთხვევა ასისა და ათასის სიკვდილს დაგვაფიწყებს. ჰხედავთ, რამდენია სკის ძირზედ მკედარი ფუტკარი? არ ერჩივნათ, აქ შიმშილით და სიცივით სიკვდილს მინდორში საშოვრის ძიებაში დახოცილიყვნენ? ხომ არც სიკვდილია მაშინ საზარელი. ყვავილის ძებნაში ამოგვდის სული, მაგრამ სიკვდილის ბურანში გახვეულს ისევ ყვავილები გველანდებიან და ქრება სიკვდილის საზარელი არარაობა.

მაშ გულადად, ძმებო და ამხანაგებო! ნუ შეგეშინდებათ სიკვდილესა ყველას სიკვდილი მოგველის. იხოცებიან ჩვენი ძმები, დები,

მამები. ესუნთქავთ მუდამ ეამს სიკვდილის საშინელ კვამლს. ჰხედავთ იმათ სულთაბრძოლასა. გავუძლოთ ყოველ გაჭირვებას, სიმშოილს და სიცივეს! გაეძლოთ, სანამ მინდვრად გავიდოდეთ, სანამ წითელ-ყვითელი ყვავილების სურნელება ზამთრის გათახსირებას არ გვახარებს. იმედს ნუ გადავიწყვიტავთ. ბევრს თქვენგანს ზამთრის სუსხი ამის მეტად არ უგემნია და სასოწარკვეთილი იძახის:

— ვაიმე! ვაიმე! დაგვხოცავს ზამთარი, გაგვწყვეტს და გაგვაქრობს! გაგვრეკავს სკიდან თოვლში და დაგვახრჩობს!

— არა, ძმებო, არა! საშიშია ზამთარი, მაგრამ არც ისე, როგორც გამოუცდელებს და მხდლებს ეჩვენებათ. მუდამ ასეთი ყოფილა ზამთარი. მაგრამ ზამთრის შემდეგ გაზაფხულის ყვავილების ტკბილი ნექტარი და ზაფხულის მანანა წარსულ გაჭირვებას ხელად გვაუწყებს.

რა კარგია მინდვრიდან თაფლით და ყვავილთა ფქვილ კაპაქით! დატვირთული ფუტკარი.

მხდლებო, გულს ნუ გაიტეხთ! მოიგონეთ თაფლით სავსე თეთრი ხილარი¹, მოიგონეთ ყვავილების ტკბილი წვენი, ლეთისგან თქვენთვის უხვად ჩასხმული.

სკა ბზუოდა, ხმაურობდა, გუგუნი გაჰქონდა.

ზოგი ძირს მოხობავდა კარში გასახედად; ზოგსაც, რომელიც სიმშაილისაგან ძირს გადმოვარდნილიყო და სულსა ლევდა, იმედიანად თვალები გაეჭყიტა და ადგომას ლამობდა.

• • •

ბზუუ! ბზუუუ! ჭავრობდა დედა ფუტკარი.

— ნუ გახვალთ, წვილო, კარში, ნუ ენდობით წყეულ ზამთარსა. ნათელი და თბილი დღეები ზამთარშიაც გამოვარდება ხოლმე, მაგრამ ის გაზაფხული არ არის. დიდი ხნის გამოცდილებამ მასწავლა: არ ვენდოთ ზამთრის კრიალა დღესა, — ხანმოკლეა და მწირი. ერთ ყვავილს, ერთ ბეწო საშოვარს, ერთ ცვარ ნექტარს ვერსად ნახავს კაცი.

1 ფუტკარს რომ უკანა ფეხებით საშოვარი მოაქვს, იმ საშოვარს ასე ეძახიან.

2 ახალი ფიჭვები თაფლით სავსე.

გაფრინდები ბრწყინვალე დღისგან გამოტყუებული სკიდან, მიბზუვი მინდორში, აცეცებ თვალებს, სუნთქავ ხარბად ჰაერს, რომ შეიტყო სუნით, ხომ არსად გაიშალნენ აღრეული ზამთრის ყვავილები: ყვითელი, სარქველივით მრგვალი, ლილიფარის თავივით ბრტყელი ლუსუმა, ან მრავალფეროვანი კეკლუცი, ტანწვრილი ენძელა. თუმცა იმათი მკერდი ვარდისა და იის საამურ სურნელებას არ გამოსცემს, მაგრამ სამაგიეროდ ყვითელ ფქვილს უხვად გეთავაზობს ზვენი მშიერი ძმებისთვის.

მიფრინავ მინდორში, ეძებ... ეძებ... არაფერია. კიდევ მიფრინავ უფრო შორს. გიტყუილებს მზის შუქი, გეაღერება თეთრად მბრჭყვიანავი თოვლი...

უცებ გაიპარება ბრწყინვალე დღე, გადნება თბილი მზე, მოეფარება გორაკებს. სადღა სცალიან ჩვენთვის, ის სხვა ქვეყნისკენ მიემურება, სადაც არც ცივა და არც თოვლი ავნებს ყვავილებს და პატარა ფუტკრებს. უცებ იცვლის ფერს მშვენიერი ნათელი... აგერ მოქრის ქარი, სისინებს გველივით, ქშუის და გასწივის:

— გირჩევნია ფუტკარო, გაეშურო სკისკენ, თუ თავი ცოცხალი გინდა. იცოდე, თუ დაგეწიე, ან წინ გადაგელობე — გამოეთხოვე სიცოცხლეს.

— უუუ! — დმუის მშიერი მგელივით ქარი. — უუუ!

— ესწრაფე, ფუტკარო! მოვიდა სიკვდილი! — ჰკვიანმა იცის, რასაც ნიშნავს ეს საზიზლარი ბლუილი. გამოუცდელი კი ხდება იმისი მსხვერპლი.

გეყინება სისხლი, გიდამბლავდება ფრთები, ეცემი ძირს, ქარისგან ძლეული დაცოცავ მიწაზედ, ეძებ მალლობს, რომ ასცოცდე ზედ და კვლავ აფრინდე, მაგრამ უღონოდ ისევ ძირს ეცემი.

— უუუ! — გაჰკივის, ქარი. — უუუ! ველარ ადგები, ბრიყვო, სკას ველარ იხილავ თვალით!

და ბუმბულივით მიგათრევს, სადაც თვითონა ნებაეს. ცდილობ გაფრინდე, ებრძვი ქარს, კიდევ ეცემი ძირს, კიდევ ფრინდები, მაგრამ ქარი კი დაგხარხარებს, არაფრად აგდებს შენს მისწრაფებასა.

— ნუ გახვალთ, შვილო, ნუ! მოვითმინოთ კიდევ, სანამ დღეს მღიგრძე მიეცემოდეს და ჰაერს სითბო. აყვავდნენ ბალახები, გაიფოთქოს ტყე.

— ბზუუ! ბზუუ! — ისმოდა უკმაყოფილო ბზუილი პასუხად. — გაჰირდა ცხოვრება, თაფლი ჩვენ აღარა გვაქვს. სკაში თავგებმა ფიქვები დაგვიხრეს, ჩვენ აქ სიცივით და სიმშვილით ვიხოცებით. ეგ იძახის, კიდევ მოითმინეთო.

• • •

თბილი ბრწყინვალე მზის შუქი მინდორში ეპატიებოდა ტანჯულ-წამებულ მშრომელ ფუტკრებს: გამოდით, გამოძვერით, სანამ ღრუბელი არ გადაჰფარებია ცას, სანამ ქარს ჩემი სითბო ძალას უკარგავს. გამოძვერით, მიიარ-მოიარეთ; ენძელა და ლუსუმა რა ხანია ამოძვრა დედამიწიდან. მალე იასაც გავაცოცხლებ და ავავყავებ ლამაზსა.

— ბზუუუ! ბზუუ! — ისმოდა გაჩქარებული ბზუილი.

ფუტკრები უკვე გაფაციცებით ხრავდნენ და ღრღნიდნენ დინდგელით და საქონლის ნეხვით ამოლესილ სკის სათვალეს. ხრამა-ხრუში და შრიალი ისმოდა.

— გავიდეთ, ბიჭებო, სინათლეზედ, გავიდეთ!

სკაში უკვე შეძვრა მზის წმინდა სხივი. ვერცხლის ძაფივით შემოეხვია ზოგს წელზედ, ზოგს კისერზედ. ზოგს თვალში უღიტინა და გააღვიძა.

— უჰ, უჰ! — იძახდნენ ახლადგადვიებულები, რამდენი გვიძინებია! სად ვიყავით აქამდე, რატომ ვერ გავიგეთ გაზაფხულის მოსვლა?!

ბზუოდნენ, ფაცაფუცობდნენ, გარბოდნენ და გამორბოდნენ.

აგერ ერთმა გულადმა ბანჯგვლიანმა ფუტკარმა გამოჰყო სათვალისა და ულვაშები, ცოტა ხანს ასე დაჰყო, თითქო ჰაერს სუნთქავდა, მერე გაბედა და გამოძვრა. ულვაშების ცმაცუნით აქეთ-იქით იწყო ცქერა და ჰაერის ყნოსვა. გაცოცდა სათვალისწინ ფიტარზედ, მიიარ-მოიარა და ისევ სკაში შეჰყო ცხვირი.

— თბილა, ძმებო, — თქვა ბანჯგვლიანმა, — იქნება არც ისე საწინიში იყოს, როგორც დედა ბრძანებს. აბა გამოძვერით, ნახეთ, რა დღეა!

ბანჯგვლიანის ზმამ ფუტკრები კარში გამოიყვანა, ძვრებოდნენ

თითობით, წყვილ-წყვილად, სამი და ოთხი მივიღ-მოვიღიდნენ და ისევ სკაში ბრუნდებოდნენ. ბანჯგვლიანი კი ბზუილით აფრინდა და იწყო ჰაერში ტრიალი. ჯერ თავის სკას ათვალიერებდა, სინჯავდა, როგორი იყო, სად იდგა, ისევ ძველ ადგილზედ, თუ ახალზედ. ჯერ დაბლა-დაბლა დაფრინავდა, პატარა წრეებს აკეთებდა, ეტყობოდა, დაბუხულ მხრებს ავარჯიშებდა, — მთელი ზამთარი აღარ ეფრინა; მერე თანდათან დიდ წრეებს უწყო შემოვლა. უკანასკნელად შემოავლო წრე და ისარივით გაეშვა მინდვრისკენ.

ცოტა ხნის შემდეგ სკიდან გამოშლილ ფუტკარს ერთი ბზუილი და ამბავი ჰქონდა. ყველა ეშურებოდა გამთბარიყო და დაბუხული მხრები და ფეხები გაეშალა. რომლებიც უფრო უღონონი იყვნენ, სკასა და სკის წინა ფიცარს ეხვეოდნენ და თბებოდნენ, უფრო თამამები მალლა აღიოდნენ და იქიდან გარშემო ათვალიერებდნენ, გაშლილი ხე ხომ არსად ჩანს, ან ქარი ხომ არ მოიტანს ყვავილის სუნსაო. -

ბანჯგვლიანი კი მიქრის ქარივით მინდორში, მისრიალებს ისარივით.

— ბზუუუ! — იძახის გულადი, — ბზუუუ! წამოდით მინდორში, ვინაც გულო გერჩით, წამოდით! ცდა ბედის მონახევრეა. ბიჭი ის არის, ვინც ეხლა იპოვნის გაშლილ ყვავილს და საშოვრით სკაში დაბრუნდება! ბზუუუ! — აგერ ჩაუარა წოწოლა ლელსა, რომელსაც ფოთლები გასცივენოდა და სამხრესავეითლა ეხირა.

— ეჰ, ლელო, შენ თავის დღეში არა მოგიწოდებია რა მშიერი ფუტკარისთვის და არც ახლა გაიმეტებ რასმე. ნეტა, ან სხვას გამოსდგომიხარ რაშიმე!

ლელი კი თავს აქნევდა, ალბათ ბანჯგვლიანის სიტყვებს კვირს უკრავდა.

— შენა, ბორხვენავ? რა ძალიან გამხმარხარ და გატიტვლებულხარ? რა უყავ შენი თავკომბალა ძურწები? გაგზავნე აქეთ-იქით? ოჰ, რა ეშმაკი ხარ და მოყვარული შენი მოდგმისა! ვინც კი ახლო გაგივლის, როცა მოსულე ხარ, ოღონდ ერთი ბეწოდ კი მიეკარნენ შენს ძურწებს, მაშინვე მიეკვრიან და მისდევენ თან, სანამ ძალით არ მოიშორებენ და არ გადაისვრიან, სადაც მოხვდება. შენც ეგ გინდა: შენი თესლი იქვე გახეთქულ მიწაში ჩაძვრება და მეორე წელს

ვეებერთელა ბორხვენას უკვე გადაუშლია თავისი სამხეურივით ფოთლები. ვერ დაგემდურები, ზაფხულში კარგი მასპინძელი მყევხარ. ეტყობა აღრეა, რომ ჯერ გაღვიძებას არ აპირებენ შენი შვილები.

— აღრეა ჯერ, ბანჯგვლიანო! ნუ ენდობი ზამთრის დღესა. შიშით ჯერ მიწიდან ვინ ამოჰყოფს თავსა. ტყუილად თავს დაილუპავ, ვერაფერს იშოვი, — აფრთხილებს ბორხვენა.

— ბზუუ! — მიბზუის ბანჯგვლიანი, — დალუპვისა ჩვენ არ გვეშინიან!

— გამარჯვება, შინდო, აბა რას შერები, გაქვს რამე მშვიერი ფუტკრებისთვის მომზადებული, თუ არა?

— ჯერ აღრეა, ბზუილავ, ყინვამ მეტისმეტად გააჰირა საქმე, ვერ გავბედე გაშლა. შენ ეგრე ხევის პირს დაჰყე, ხეებზედ ტყუილად რასმეს ეძებ, ისევე მზვარე ბეჭებში მოძებნე, ლუსუმა იქნება ამოძვრა სადმე.

— მშვიდობით! ნახვამდის! — მიაძახა ბზუილამ და დაჰყვა ხევის პირსა. სითბოს ჩაეტანებინა დედამიწაში და ბალახი გაღვიძებინა. მიწიდგან ამოეყოთ ნემსის წვერივით წვრილი წვერები და მზეზედ მწვანედ ბზინავდნენ.

მზეს ყინვისგან ჩამოშლილი ბეჭი გაეშრო და გაეხუნებინა. ქიანქველასაც რომ გაეელო, ფხვიერი, გამშრალი, მტკრად ქცეული მიწა მოცურავდა პაწაწა ზვავებად.

— აი შე ყვითელო ლუსუმავე, შენა! კარგა აღრე ამომძვრალხარ, გოგო! ძალიან აზიზ-მაზიზი ბრძანებულხარ, დაიავ, რომ ასე აღრე ეშურები წუთისოფელს, არ გინდა ზაფხულის მზემ მოგასწროს, განა?.. კვერივით რომ დამრგვალებულხარ, ფუყე ფეხზედ მდგომი.

რამდენიც დათბება, შენც ღერო გიგრძელდება და შენი ყვითელი ფერიც იწყებს ცვლას, ხოლო ფურცლები ჰქნობას. მერე თეთრ ბოხობ ქუდივით გაიკეთებ თავს და წვრილმხრიანი თესლებისგან შემდგარ არახჩინს იდგამ თავზედა. შემოუბერავს ქარი, მოგვლუჯს თავიდგან შენ ბოხობა ქუდს და მიაქროლებს ცაში მიფრინავენ ისინიც პეპლებივით, სადაც თვალი მიუწვდებათ, სადაც ქარი ინებებს და დედამიწაზედ ჩამოუშვებს, ან წვიმის ცვარი დაამძიმებს და ძირს ჩამოაგდებს, იქ ამოვა შენი მოდგმა და მშვიერს ფუტკარს აღრეულ საშოვარს მისთავაზებს.

აგერ, დაიავ, მშვიერი ფუტკარი გვეწვია, მისთავაზე რამე, შენს გახარებას! ზამთრისაგან შექვირებულა, გული გაუკეთე, იმედით აღაფრთოვანე!

ყვითელი ფერი და თავისებური სურნელება ლუსუმასი უკვე შორიდანვე ეძახდნენ ბანჯგვლიანს და თავისკენ ეპატიებოდნენ.

ცოტა ხნის შემდეგ ყვითელი საშოვრით დატვირთული ბანჯგვლიანი სიხარულით მიეშურებოდა სკისკენ.

მიფრინავს ბანჯგვლიანი, მიაქვს სასიხარულო ძღვენი სკაში. მოსისინებს ქარიც.

— ვერ წამიხვალ, ბზუილავ, ვერა! უნდა შენი საშოვრით სიცივით გაგაფიჩხო! ბზუუუ! — ბლუის ქარო. ისერის უკან ბანჯგვლიანს და მიწაზე საშინლად ახეთქებს. თითონ კი გამარჯვებული ბლუის და ბლუის: — უუუ! უიიი! — გაჰკივის კუდიანივით.

ბანჯგვლიანი მოსულიერდა; პირველი დარდი იმისი ის იყო, საშოვარი ხომ არ მოსტაცა ქარმა და არ დაღუპა. ინახა... მალლობა ღმერთს, ისევ ისე ხელუხლებელი იყო.

მზე ის იყო ჩასვლას ლამობდა, ქარი სუსხავდა და უბუხავდა ხელსა და ფეხსა. ბანჯგვლიანმა გული არ გაიტეხა, ქარს ზიზლით გადახედა და გულადად წამოდგა.

— რამდენიც გინდა დამახეთქო, ქარო, ჩამავდო წყალში, გადამისროლო უფსკრულში, ვერ გამიტეხ გულს! რაც ვიშოვე, იმას ხელიდან ველარ ამომგლეჯ.

ნელ-ნელა სცადა ბანჯგვლიანმა ფრენა. თუმცა პირქარი იყო, მაგრამ მაინც აფრინდა. ახლა ისე მალლა-მალლა აღარ მიფრინავდა, დედამიწის პირს გაეკრა და ისე წავიდა.

— ბუუუ! ბუიიი! — ბლუის ქარი. მოაქვს ლელისა და ნარის ლელქაში, მოაგორებს ხმელს, ძირიანად მოგლეჯილს ეკლებს და ნარებს.

იყინება ბანჯგვლიანი, აი ეს-ეს არის ბრავვა მოსძვრება, მაგრამ სძლებს, სძლებს, რადგან პირველი საშოვარი ამან უნდა მიიტანოს და ზამთრისგან შეშინებულს და სასოებადაკარგულს სკას ისევ სული ჩაუდგას, იმედი ჩაუნერგოს.

ცოტა კიდევ, ცოტა და ბანჯგვლიანი გულადმა სკის კარებზედ ეცემა, დაღალული და გაყინული.

უნდა გენახათ, რა სიხარულით და ქრიაპულით შემოეხევივნენ ამხანაგები ბანჯგელიანს, — ჰკოცნიდნენ, ლოკავდნენ, ეწეოდნენ, ათბობდნენ, ბზუოდნენ, თავს ევლებოდნენ. თან მოტანილ პირველ საშოვარს სინჯავდნენ და გახარებულები სკაში ბრუნდებოდნენ, სასიხარულო ამბის შესატყობინებლად.

— შევიყვანოთ, ძმებო, სკაში, შევიყვანოთ, აბა ადექი, ძმაო, ნუ გეშინიან, ჩვენ გაგათბობთ.

ბანჯგელიანი წამოდგა და ფუტკრებისგან გამხნეებულმა სკაში გასწია. მუშა ფუტკრები კი ულოცავდნენ, აქებდნენ, აღიდებდნენ. მთელი სკა სიხარულსა და ნეტარებაში იყო.

განა ხუმრობა იყო, — ზამთარს აქობეს პატარა ფუტკრებმა და სკაში საშოვრით დაბრუნდნენ.

მართალია, კიდევ ბევრი იმსხვერპლა სასტიკმა ქარმა და სიციცემ, მაგრამ ამას თითქო აღარავინ ამჩნევდა.

ზაფხულში უკვე მართვე გამოუშვეს, საზამთროდ ფიჭები თაფლით დატენეს, შემოდგომაზედ მუქთაქამია კარუხები (მამალი ფუტკარი) დახოცეს და გადმოყარეს და საზამთროდ თბილად დინდგელით სათვალე ამოგლისეს.

რძლებს თინას ღა უეუეს

ღიღის ქიღი უყვარღათ

მამამთიღი ამიტომ ხშირად უსაყვეღურებღა ხოღმე:

— რა არის, ქაღო, რომ ჩემს ღაუძახებღად ადგეთ? ეგ რაღა გამოვიღა, რაკი მე გაგაღვიძებთ, ვითომ მე გამიკეთებღია თქვენ მაგივრად საქმე. საკვირვეღია, ღმერთმანი, ნამწეწი ფიქრი ღა ღარღი არა გაქეთ, საქმე სულ არ გაჯავრებთ, გინღ სახღი წყაღმა წაიღოს, თქვენ მაინც არხეინად გძინავთ! — ასეთი ისტორია მუღამ ღღე გა-მეორღებღა ხოღმე.

კიღევ კარგი, რომ ქართღელ გღებს ღიღი ხათრი, სიყვარული ღა პატივისცემა აქვს ქაღისა, თორემ სხვა ვინ მოუთმენღა?

რძლები ახაღგაზრღები იყვენენ, ქანით ღა ღონით სავსენი, იღ-ღებღღენ კიღევ. ვერც ღაიძინებღღენ, ვიღრე ყვეღა ოჯახში მყოფი არ ღაწვებღა. მუღამ ჩიკორივით ფეხზე უნღა ეტრიაღათ. ასეთი იყო ჩვეუღება.

პატარა ბიჭიკ კი ამათ უძახღა:

— ძაღო! წყაღი ღამაღევიღე! — ღა თუ ერთ-ერთი ძაღო მაინც არ გაიგონებღა, კვღავ მოისმოღა უფრო მკაფიოღ:

— ძაღოო! წყაღი ღამაღევიღე!

ცომშიაც რომ ჰქონოღათ ხეღები, მეტი ღონე არ იყო, უნღა ამღგარიყვენენ ღა შეესრუღებინათ მათი სურვიღი.

— ფეფე...
— ბატონო!
— წყალი შედგი, ქურქელია დასარეცხი, — უბრძანებდა დედამ-
თილი.

— ემ საათში, ბატონო, ბავშვს ძუძუ უძევს პირში, დაეძინებ და
ეხლავე!

— ფეფე!
— ბატონო!
— ემანდ ღოა შესადღეები, ჩვენებიათ სადღეებელი გამოარ-
თვი!

— ემ წუთში, ბატონო, ემ წუთში, — და დაფაცურდებოდა წა-
სასვლელად.

— ფეფე! — ეძახდა მაზლი.

— ბძანე! — ეტყობოდა, რომ ჭველ მაზლს სხვა კილოზედ
აძღევედა პასუხს.

— მოდი, კევრზედ დაუდგე, უნდა ვენახში ავირბინო, პატარა პი-
რის გასასველებელი ჩამოვიტანოთ რამე!

— ემ საათში, ემ საათში, სადღეებელს ჩამოეაბამ და მოვალ.

— ბევრი წამოიღე, გიგა!

— დედა! — ღრიალებს პატარა ქალი, რომელიც აკენისთვის
მოუყენებიათ.

— პაჯან, ქალო! — გაეპასუხება ალერსიანად დედა.

— გიგლა ტირის, ძუძუ მოაწოვე!

— ადამიანო! მოდი, კალოა საქევეი, ნაპირი შემოსაგველი, ი ბი-
ჭი სადღა გადაიკარგა, ე ბაღლები ამ ხარებს ვერ ატარებენ! — უძა-
ხის ქმარი.

— შენღა მაკლდი, შენმა შზემა! — ბუზღუნებს ფეფე.

რა ფეფე, რა თინა, ორიენი, მუღამ დღე ამ ყოფაში იყვენენ.
ისინიც ციბრუტივით ტრიალებდნენ, ყველას ასწრობდნენ, აკეთებ-
დნენ.

უტკერის მამამთილი, რომ ამისი რძლები აქაც არიან, იქაც, თი-
თისტარევიტ ფეხზედ ტრიალებენ, მაინც ასე იძახის:

— პატარძლებია, მაგრე უნდა, მაშ როგორ იცხოვრონ!

დაღალულ ფეფეს ხშირად, როცა შვილი ძუძუღან რძეს სწუწნის,

თავჩაქინდრულს აკვნის უღელზედ მიეძინება ხოლმე, აფხიზლებს მხოლოდ გიგლას კბილები, რომელიც ძუძუზედ ჰკბენს, რაკი ძუძუში რძე ალარა აქვს.

— უი, ჩემ თვალებს, რაზედ მამამთილი მომასწრობდა! დაიძინე, შე აბეზარო, არ გესმის, მეძახიან! — და თან გულიანად ჰკოცნის გიგლას მსუქან თათებსა.

მამამთილი ხანში შესული კაცია, მხნე, გამრჩელი, ალალი ლუჯმის მკამელი, როგორც მომეტებული ნაწილი ქართლელი გლეხობისა. ღამე ერთი პირი წაეძინება, მერე წამოდგება, ჯერ ისევ ღამეა, პირზედ წყალს შეისხამს, პირჯვარს გადაიწერს:

— ღმერთო, გვიწველე, დალოცვილო! ღმერთო, უშველე ხალხს საქრისტიანოსა. ღმერთო, უშველე ყველა გაქირვებულსა!

არემარეს დაათვალიერებს: საბძელს, კალოს, ძნას, ბაკს, ბოსელს, სალორეს.

— მტერს არა სძინაეს, იქნება მოიპარა ვინმემ რამე, ან გააფუქა, ზარალი მომაყენა. — მერე შვილებს გააღვიძებს: — ადექით, ბიჭო, რა არი მაგოდენა ძილი? დავიჯერო ამოდენა ღამეში ვერა ძღებით ძილითა?

ბოლოს რიგი რძლებზედ მიდგება. თუმცა დედამთილიც ჰყავს, მაგრამ იმას უფრო არ ემეტება გასაღვიძებლად. „ჯეელებია, ილალებიან, დაიძინონ“. იღვიძებენ რძლებიც უწადილოდ, თვალების ფშვნეტით, მთქნარებით, დედამთილის იმედი აქვთ.

• • •

საწყლებს დაუძახებლად მუდამ გვიან ეღვიძებოდათ, ან ნახირის გარეკა დაუგვიანდებოდათ, ან კალოს გაშლა, ან თონის გახურება და პურის გამოცხობა.

— ეს სულ მაგ ოხერი ძილის ბრალია, — იძახდა მამამთილი, — აბა ადრე ადექით, თუ ან კალო დაგრჩეთ გასაშლელი, ან პური გამოსაცხობი, ან ძროხები დასაწველი. მართალია, ჯეელებია, ძილი უყვართ, მაგრამ თუ ჯეელი არ ადგა ადრე, ეხლა მე გინდ მთელი ღამეც ფეხზედ ვეხირო, რილას მაქნისი ვარ, რას გავაკეთებ?!

მერე კალოობაშია გაქირვება. ადრე უნდა ადგე, კალო გაშალო, მთელი დღე პაპანაქებაში კალოზედ იტრიალო, საღამოთი ხეავის ალება გვიანდება, მერე თუ უქარო დღეა ან ძალიან ქარიანი, და აბა, სანამ ხეავს არ აიღებენ, კალოს მოშორება როგორ შეიძლება, კალო ნარღია.

ძალიან ილაღებოდნენ, ღამეც ბევშვები აღვიძებდნენ და ამიტომ დილით ადრე ადგომა ესაკვილებოდათ. მამამთილს ძალიან სურდა, როგორმე მოეშლენა იზათთვის დილის ძილი.

— დაიცათ, ქალებო, ისეთს ოინს გიზამთ, მამიჩემის ცხონებამ, რომ თავის დღეში არ დაგავიწყდეთ და ალარც გავიძება მოგინდეთ. თქვენ თუ ისე არ გიყავით, ვერ ისწავლით დილით ადგომასა.

რძლებიც და ყველანიც მოელოდნენ, რომ მამამთილი უპირობდა რალასაც, მაგრამ რას? ის კი არავინ იცოდა.

ერთ საღამოს მამამ სახლში მყოფს ყველას გამოუცხადა, ხვალ დილით არამც და არამც თინა და ფეფე არავინ გააღვიძოთ, თორემ ან მე ვიქნები ან თქვენაო. რძლებს კი არ გააგებინეს ეს გადაწყვეტილება. ყველა მიხვდა მამა რასაც აპირობდა.

ფეფეს და თინას თავის ბალებით და დედამთილს დარბაზში ეძინათ ხოლმე, მამამთილს კალოზე, დანარჩენებს ზოგს საბძელში, ან ვენახში, ზოგს კიდე კალოს ხარი მინდორში მიუდიოდა.

დილით ყველანი ადრე წამოხტნენ. დედამთილიც ადგა, თინას და ფეფეს კი ისევე ეძინათ დარბაზში.

— არ ადგნენ? — იკითხა მამამთილმა.

— არ ამდგარან! — უპასუხა ცოლმა.

— წადი, ფეხაკრეფით, ერთი ჭილობი მოიტანე და დარბაზის ბანს (ფრანგულს) დააფარე, კრინტი არ დასძრა, თორემ უერთოდ ვერ გადამირჩები, — უბრძანა ქმარმა.

— ერთი თავი დაანებე, თუ ღმერთი გწამს, — სცადა გამოქომაგება დედამთილმა.

— ეგ შენი საქმე არ არის, წადი, რაც გითხარ, აასრულე. თუ შეუქი ჩასულა საიდანმე, იცოდე, ველარ გადამირჩები, ნახირა და ღორ-ხბოც არ გარეკოთ!

ცოლმა კიდევ რამდენჯერმე სცადა დაეშლენა ეს ახირებული გადაწყვეტილება, მაგრამ ამაოდ.

დარბაზში ისეთი სიბნელე გამეფდა, რომ თვალში თითი გეტაკე-
ზინა, ველარაფერს დაინახავდი. ქართლში დარბაზებს მხოლოდ ბა-
ნიდან ჩასდის სინათლე. სიცვიის გამო სახლებს მიწაში აკეთებენ,
კედლები ან ალიზისაა (გამოუწვავი აგურისა) ან ბელტისა, ან ქვიტ-
კირისა, ან ისე ყორეა. ზოგჯერ არც ის არის და არც ის, მიწა პირ-
დაპირ კედლად. ეს ქონებაზე არის დამოკიდებული და ადგილ-
მდებარეობაზე. სადაც შეშა და ქვა ძვირია, იქ მიწური ან ბელტი და
ან ალიზია კედლად, სადაც კლდის ქვა ბევრია, იქ ყორეა უკირო და
სადაც ქვაც ბევრია, ქვიშაც და კირიც იშოვება, უფრო ქვიტკირს
აშენებენ. რაკი სახლი მიწაშია ჩამძვრალი, ფანჯრები სად გაუკეთ-
დება, სახლი ისევ მაღლიდან უნდა გაშუქდეს. ამიტომ დარბაზებს
ზედ კერის თავზე დადგმული აქვს მაღალი მუხის ფიცრების ქდეუ-
ლი აანბი, სიმაღლით სამი არშინი ან ცოტა მეტ-ნაკლები. მაღლა ეს
პანი შაქრის თავივით წვრილდება და შორიდან ძველებურ მაღალ
ქუდს მოაგონებს კაცსა. კერიდან ბოლიც ამ ბანიდან ადის და მზის
შუქიც აქედან ჩამოდის. აქვე აკეთებენ მერცხლები ბუდეს და კერას
დაპგალობენ, თუ ამ ბანს დაჰფარდა და კარებიც დასურულია, უსან-
თლოდ დარბაზში აღარ შეისვლება.

• • •

ფეფე და თინა გემრიელად ხვრინავდნენ. ერთხელ ერთს რომელ-
ღაც კიდევ გამოეღვიძა, ამოიხედა, ზომ არ გათენდაო, მაგრამ რაკი
ბანში შუქი ვერ დაინახა, ისევ გადაბრუნდა და ხვრინი ამოუშვა.

— აბა ჭერ ადრე იყო და ძილი კი ასე ტკბილი და გემრიელია!
ცოტა ხნის შემდეგ უფრო ბარაქიანი ხვრინვა გაისმოდა დამშვიდე-
ბულ დარბაზში.

უკვე კალოს სადილობა გადასული იყო (სადილობა დილის პუ-
რის კამას ჰქვიან და სამხარი — სადილს, ქართლში), როცა ფეფეს
გამოეღვიძა. მართალია, ბნელოდა, მაგრამ ღამეს მაინც არა ჰგვანდა.
ძილით იყო გამძლარი და რაღაც შიშით მაინც გული ურაკრაკებდა.

— თინა! თინა! — დაჰკრა ხელი რძალსა, — გაიღვიძე, რა გაუღვი-
ძარი შეგეყარა, ადექ!

— რა გინდა, ქალო, რას დამაფეთიანე? ისევ ღამე ყოფილა! — გაუჩავრდა თინა.

— რა ვიცი, ქალო, ე შუქი კი არა ჩანს, მაგრამ აღარ მეძინება, აბა, ყური დაუგდე, თითქო ალოსხარს უჯავრდებიანო, რალაც უბედურებაა ჩვენს თავსა. ბანს ხომ არ დახურეს განგება. — ადგნენ ჩქარა, ხელად გადაიცივეს კაბის ბოლოები. კარებების ნაქერეტებში მზის შუქი ოქროს ძაფივით შემომძვრალიყო და აქა-იქ მიწის იატაკზედ ბრჭყვიალა მძივებივით თრთოდა და კანკალებდა. ხანა ჰქრებოდა, ხან ისევ ენთებოდა. გარედან შრომის ხმა და ღრიანცელი ისმოდა.

გამოაღეს კარები! ვაი სირცხვილო! ასეთია მზე, სწავს ღელა-შიწას. ხალხი სულ კალოებზედ განვეტილა, აქ ერთიკ არაეინ ჩანს. იქიდან კი გაქეხებული „პარალოს“ ხმა მოისმის.

ჩუჩრეო ხართა ნანაო,
ნადაგ მოუღალაო!
ერეკე ხარსა კულსა,
ლონიერს და მუღამსაო,
ერეკე ხარსა-კამეჩსა,
მოზეერს ხანუშიანსაო.

—
სოფლის ბოლოს ყანას ემკიდი,
ნამგალს გაქონდა ერიალი.
სანხარი გადმოვიტახეთ
ეგ ოსერი და ტიალი!

თითქო ამათი გულის გახეთქა უნდაო, ვილაც არაკრაკებდა.

— ვაიმე, ნახირი არ გაურეკიათ! — ტირილის ხმით იძახის თინა.

— არც ღორ-ხბოა გარეკილი!

— ძროხებიც დასაწველია!

— ქუკიებიც წივიან, არ უქმევიათ.

— არც კრუხ-წიწილა გამოუშვიათ!

— ვაი, ჩვენს შერცხვენას!

— ვაი, ჩვენს თავსლაფდასხმას!

ახლა კი გულამოსკენით ღრიალებდნენ თინა და ფეფე. ახლა საქმე მაშინ იყო, როცა საქონელი და ღორ-ხბო შუა სოფელზედ ზაატარეს.

საქონელს მოშენოდა, გაცოფებული დარბოდნენ აქეთ-იქით, დასდევდნენ თავგადაგლეჯილი თინა და ფეფეც. ხალხი კი სიცილით იხოცებოდა ამ ოინზედა.

— რა ოხერი კაცია ე ანდრუა! — იძახდა ხალხი.

— არც ახლა ადგებიან აღრე? — იძახდა ერთი ნიშმოგებით.

— კიდევ დაიძინებთ დილის ძილსა?! — დასცინოდა მეორე.

ერთი სიტყვით, რომ დედამიწა გახეთქილიყო და შიგ ჩაცვენულ-ლიყვნენ, ის ერჩინათ ფეფეს და თინას, ოღონდ ამ შერცხვენას კი არ მოსწრებოდნენ.

არც მამამთილი იყო გაჯავრებული:

— არგებთ, საკვლად მაგდენს აღარ დაიძინებენ! ან კი რაღა დააძინებთ?

[1908 წ.]

იყო ერთი ღორი, ჰყვანდა ხუთი გოჭი: მშვიანა, მცივანა, თბილანა, გვიანა და მაგარა. დედა ღორი ძალიან ჰყვიათი იყო, მაგრამ არც თუ გოჭები ჰყვანდნენ უგუნურებდნენ. თვითონ მინდორში დაიარებოდა, სთხრიდა მიწას, პოულობდა და სკამდა ძირხვენას, მაჩიტას, თეროს ძირს და კიდევ ბევრს სხვა ბალახის ძირებს, რაც თვითონ უყვარდა და მე კი არ ვიცი მათი სახელი. თუ ბალახი იყო ამოსული, თხრით თავს არ იწუნებდა, ბალახს საქონელივით სძოვდა, თუ სადმე ნაკარტოფილარს შეიგულებდა, სიამოვნებით სჩიჩქნიდა ღინჯით, პოულობდა კარტოფილის მარცვლებს და აღტაცებით ახრამუნებდა.

— რა კეთილია კაცი! იძახდა ტრუხუნა. — იცოდა, რომ მე ასე მიყვარს კარტოფილი და მიწაუაშლა და ამიტომ დაუტოვებია მიწაში ამდენი გემრიელი მარცვლები!

არც დამპალ და ჰიან ხილს იწუნებდა, თუკი შეხვდებოდა სადმე. რაღა გაეგარძელო, სიმინდი და ყანა ხომ სამოთხედ ეჩვენებოდა.

რაკი მალა ძალიან ჰქონდა, ჯიქანსაც ძალზე იტენიდა რძითა და გოჭებიც კიტრებივით ჰყვანდა დასუქებული და ჩარგვალე-ბული.

ამასთან ხუთივე გოჭი ძალიან ჰყვიათი და გამგონე იყვნენ.

ერთხელ ღორი მინდორში მიწასა სჩიჩქნიდა. ნაწვერალში თა-

გვის სორო ეპოვნა, სულ თავთავებით გაქედილი, თითო თითოდ იღებდა გემრიელ ხორბლის თავთავს და მადიანად აკნატუნებდა. ამ ღროს თავს წაადგა ერთი მშვენიერი მგელი ბრიალა თვალებით და კაწკაწა კბილებით:

— გამარჯვება, ღორო! დაიყმუვლა მგელმა, თან უნდოდა თავის ხმისათვის სიტკბოება და სინაზე მიეცა, მაგრამ მაინც საზარლად და საძაგლად გამოუვიდა.

ამ ხმაზე ღორი შეეკრთა, ჭაგარი ყალყზე დაუდგა. მოიხედა, — მგელია, თვალებს აბრიალებს, კბილებს აკაწკაწებს.

— რას აკეთებ, ღორო? რათა სიჩქინი ამ მიწას, რას ეძებ? დაეკითხა მგელი.

— გადღეგრძელოს ღმერთმა, ბატონო, — მიუგო მოწიწებით შიშისაგან მოკუნტულმა ღორმა.

— რას ვაკეთებ და აი, აქ თავგის სორო ვიპოვე, სულ თავთავებით არის გამოტენილი. იმ წყეულ თავუნას ჩაუზიდნია ზამთრის საზრდოდ, ეხლა მე მივაგენი და იმას ვიახლები, თუ მიირთმევთ, ბატონო, კაი მსუქან თავთავს აგირჩევთ, იქნება გესიამოვნოთ?

— რაო? დაიღრიალა მგელმა, — გინდა ფხებც გამეჩხიროს ყელში და დამაღრჩო? მე გაყურებინებ შენ სეირსა! შენ ვინ მოგცა ნება, რომ ერთ საწყალ უღონო ცხოველს რის ვაივაგლახით ერთი სორო თავთავი ძლივს მოუგროვებია ზამთრის საზრდოდ, შეუნახავს, შენ კი დასდგომიხარ და მაგრე უსვინდისოდ სტვლეპავ! ისინი უნდა სიმშლით დაიხოცნონ, შენ კი შენი შვილები დაასუქო და შენი შავი ზუტელი ამოპყორო?! ამისათვის უნდა შეგკამო, შე ავაზაკო შენა! მოინანიე ცოდვები! — ღრიალებდა მგელი.

ღორი მიხვდა, რომ ამისი საქმე ძალიან ცუდათ იყო, თუ რასმე არ მოახერხებდა. ტყუილად ხომ არ უთქვამთ: „ხერხი სჯობია ღონესა, თუ კაცი მოიგონებხაო“.

— რა მოვიგონო, როგორ გადავურჩე ამ სულთამხუთავს? ბუტბუტებდა ტრუხუნა.

— დიდებულო, ბატონო! — მოახსენა ტრუხუნამ. — თქვენი ნებაა, რასაც მიზამთ თქვენს ფხბთა მტვერსა. ვინ დაგიდგებათ წინა? მაგრამ სანამ შემკამდეთ, გთხოვთ ერთი სიტყვა მათქმევინოთ, თუ თქვენი ნებაც იქნება.

— სთქვი ჩქარა, არ დაშავვიანო! — დაიყმუველა მგელმა.

— მე ძალიან დიდი ხნისა გახლავართ,— სთქვა ტრუხუნამ,— თქვენს პაპას მოვესწარი... რა ვაგვკაცი იყო, ის სულკურთხეული!... ასე რომ, აღარც კი მახსოვს, რამდენი წლისა ვარ, ძელები გამიქვავდა და ტყავი საშინლად გამიმაგრდა; სიმსუქნე რაც მქონდა, სულ ჩემმა ხეთმა გოქმა გამომწოვა რძესთან ერთად, ეხლა მე რა გემო უნდა ჩამატანო? წამობრძანდი ჩვენსა, ხუთი გოჭი მყავს, ერთსა ჰქვიან მშინა, მეორეს მცივანა, მესამეს თბილანა, მეოთხეს გვიანა და მეხუთეს მაგარა; ხუთივე ისეთი მსუქნებია, რომ სულ ქონი გასდით. მობრძანდი, რომელიც მოგეწონოს, ის წაიყვანე; მერე თუნდ მე შემქამე, მაგრამ იმისთანა გემრიელი და ქორთვა გოჭის ხორცის შემდეგ მე რალა გემოს ჩამატანთ?!

მგელი ძალიან დააფიქრა ხუთი გოჭის ხსენებამ: სად ქორთვა გოჭების ხორცი და სად ბებერი ღორისა.

— მაშ კარგი, — წეყმუველა მგელმა, — ეხლა შენ შინ წადი, მეც საღამომდე მოვალ, იცოდე, თუ მომატყუილე, ცუდად იქნება შენი საქმე.

— დიდი დღე მოგცეს გამჩენმა, დიდებულ ბატონო! შესტრუხუნა მოწიწებით ღორმა — მობრძანდი საღამოზედ, ყველანი საღორეში ვიქნებით.

მგელი გზას გაუდგა. თან საღამოს გემრიელ ვახშამზედ ფიქრობდა, თან ტუჩებს ილოკავდა და მსუქან გოჭების მოგონებაზე ნერწყვისა ჰყლაპავდა.

ღორსაც რალა დააყენებდა იქა. — ღმერთი არ გაუწყრეს, — ფიქრობდა ღორი, — არ იფიქროს, რომ დღევანდელი კვერცხი სჯობია ხეაღინდელ ქათამსაო, არ მობრუნდეს და არ გამომთავშვოს, წავიდე, მივეპატრონო ჩემს შვილებს. ენახო, რას წაილებს ჩვენგან!

ღორი დაბრუნდა შვილებთან, უამბო რაც გადაჯდა, დაარიგა, როგორ უნდა მოქცეულიყვნენ, ან რაც უნდა ეთქვათ, მგელი რომ მოვიდოდა და მოითხოვდა კარების გაღებას.

დაკეტა ღორმა მაგრა საღორის კარი, დააწვინა შვილები და თვითონაც საღორის კართან დაწვა. ძილით კი რა დააძინებს, მგელს ელის.

კარგად რომ ჩამოხნელდა, მოვიდა მგელი და სალორის კარს დაუ-
კაკუნა.

— ვინა ხარ? — იკითხა ღორმა, ვითომ და აქ არაფერიყო, — რა-
ლა დროს სტუმრობაა, ამ დროს ყველა თავის ბინაზე არის!

— მე ვარ, ვაადე, ღორო, კარი! — შეჰყმუვლა მგელმა.

— ღორიცა ხარ და არცარა იცი რა! — გასძახა ღორმა. — დაი-
კარგე მანდედან!

რაკი ღორმა ასეთი პასუხი მისცა, მგელმა ახლა მშვიანას დაუ-
ძახა:

— მშვიანა, კარი გამიღე!

მაგრამ მშვიანა, დედისგან როგორც იყო დარიგებული, ისე მოიქ-
ცა:

— ჯერ მშვიან, ძუძუსა ვწოვ, შენთვის არა მცალიან. — გამოსძახა
მშვიანამ.

— მცივანა, კარი გამიღე! — შესძახა ახლა მცივანას, რაკი მშვი-
ანასაგან ისეთი პასუხი მიიღო.

— მცივა, — გასძახა მცივანამ, — რა კარის გასაღებად მცხელა.

— თბილანა, კარი გამიღე! — შეჰყმუვლა მგელმა თბილანას.

— შენ საქმე გამოგლევია, ძლივს სადმე თბილად ჩაეწექი; თუ
არ დაგიშლია, შენი გულისთვის ახლა გვერდს გავიცივებ! — გასძახა
თბილანამ.

— გვიანა, კარი გამიღე! -- შესძახა მგელმა ახლა გვიანას.

— გვიან გელირსება კარის გაღება, შე სისხლისმსმელო შენა!
დაიკარგე მანდედან! — გამოსჰყვიტინა გვიანამ.

რაკი კარი არავინ გაუღო, მგელი საშინლად გაბრაზდა. მაინც კი-
დევე სცადა და ახლა მაგარას დაუძახა:

— მაგარავ, კარი გამიღე!

— მაგარაა დაკეტილი, არ გაიღება, — გამოსძახა მაგარამ. — სჯო-
ბია საიდანაც მოთრეულხარ, იქვე მიბრძანდე! ვინ იქნება სულელი,
რომ შენ კარი გაგიღოს. გასწი, დაიკარგე მანდედან!

საშინლად გაბრაზდა მგელი, სულ ცოფსა ჰყრიდა.

— დაიცათ, თუ სულ არ დაგაღბოთ, თქვე უმსგავსოებო, თქვენ-
ნა! ერთი კარი გამიღეთ! ყმუოლა მგელი. მაგრამ კარს მაინც არავინ
უღებდა.

იდგა დიდხანს მგელი, ან ახლა გამიღებენ კარსა, ან ახლაო. მე-
რე თვითონაც სცადა კარის გაღება, მაგრამ მართლა ძალიან მაგრა
აღმოჩნდა დაკეტილი. მეტი ღონე არ იყო, ცარიელი მუცლით უხდა
წათრეულიყო თავის სოროსაკენ მოსისხლე მგელი.

ასე გადაურჩა ღორი მგლების კბილებს.

ჭირი იჭა, ლხინი აჭა, ქატო იჭა, ფქვილი აჭა.
მზას ურემი ავაგორე, წამოვიდა გორეზითა,
აიესენით ქონებითა, კეუითა და გონებითა.

[1008 წ.]

იყო და არა იყო რა, იყო ერთი გლეხი კაცი, ჰყვანდა ერთი ბატონიანი ცხვარი, ერთი ძროხა, ორი ხარი, ღორი ოთხი გოჭით, ქათამი, ბატი და ინდაური.

რადგან ცხვარსაცა სწველავდნენ, ამიტომ იმათ ვაჟს, თედუას, ცხვარიც ძროხასთანა და ხარებთან ერთად ტყეში მიჰყავდა საძოვარზედ. ბექეკას კი შინ უშეებდა. ამ დროს ბექეკა მოწყენით იყო ხოლმე და მთელი დღე გზაზედ ექირა თვალი, — ან ახლა მოვა დედაჩემი და ან ახლაო. როცა მოწიოდა, ქათამ-ინდაურებისაგან გაქეპილ ბალახს სწიწნიდა და ამით კარგა სქელი ღუმა გაიკეთა.

ტყე ამათ ახლო იყო. ამ ტყეში ცხოვრობდა თავვი, კურდღელი და მელია. თედუას ამათი სულაც არ ეშინოდა, პირიქით, სადაც შეხედებოდნენ, ისინი გარბოდნენ ხოლმე, თუმცა თედუა იმათ არას ერჩოდა. მგელი კი ათასში ერთხელ ფეხად გაივლიდა ტყეზედ, მაშინაც ძაღლების ყეფა და მეძროხეების კივილი ასტყდებოდა ხოლმე და ამას შემდეგ ორ-სამ კვირას აღარ გამოჩნდებოდა.

ერთხელ, როცა თედუა საქონელს ტყეში აძოვებდა, მამა ყანასა მკიდა და დედა რძესა სდღევებავდა, ბექეკას მოსწყინდა მარტოკა ყოფნა, ეზოდან გამოვიდა და სოფლის გარეთ გასწია. ამოდენა თავისუფალი ცარიელი ადგილები ძალიან მოეწონა, შორიდან ტყეც დაინახა, შავად რომ გამოიყურებოდა, მეტი სიამოვნებით შეხტა,

შეიკუნტრუშა და ხტუნაობით გასწია იქითკენ. თუმცა დედა ეტყოდა ხოლმე, უჩემოდ არსად წახვიდეთ, მაგრამ სულ დააიწყდა დედის სიტყვები. მერე რა კარგი იყო ტყეში! რა გრილოდა! რა ნორჩი და გაუქელავი ბალახი იყო ამოსული. ყველაფერს ათვალეირებდა და სინჯავდა. თუმცა მომეტებულად თხილი, ნაკაფი რცხილა, მუხა და კუნელი იდგა, მაგრამ ალაგ-ალაგ ბებერი, დახავსებული მუხისა და რცხილის კუნძები ბუასავით გამოიყურებოდნენ და ბეკეკას გულს უხეტქავდნენ.

ბეკეკას რალაც ფაჩიფუჩი შემოესმა, ხმელ ფოთლებს რალაც აბრუნებდა და ამრიალებდა. ბეკეკამ ყურები ცქეცია. თავი თურმე საზრდოს ეძებდა და ის აფაჩუნებდა. ბეკეკამ ვერც კი შენიშნა. თავგმა მუშაობას თავი დაანება და ბეკეკას ექვის თვალით შეხვდა, მერე იცნო, რომ თედუას ბატკანი იყო და გაგულადებულმა სალამი მისცა:

— გამარჯვება, ბეკეკო! — მიესალმა თავი.

— გაგიმარჯოს, თავუნიაე! — უპასუხა ამაყად ბეკეკამ.

— აქ რა გინდა, ბეკეკავ, ამ დაბურულ ტყეში? ერთიც ვნახოთ, ან მელა შეგხვდა, ან მგელი? ხომ შეგკამეს.

— თუ მაგრე საშიშია ტყე, შენ რალას აკეთებ აქ, თავუნიაე? მაგრე პატარა ხარ და გზა რომ დაკარგო, სანამ სოფელში მოხვალ, მერე რალა გეშველება?

თავუნიას გაეცინა.

— შე სოფელში რა მესაქმება, ტყეშიაც კარგადა ვარ ჩემთვის, თხილსა და რკოს ვაგროვებ, ზამთრისათვის სოროში ვინახავ. როცა დაზამთრდება, შევძვრები, ვზივარ თბილად და ვაკნატუნებ გემრიელ თხილებს.

— მამ ვილაც მელიაა, ან მგელი არ გეშინიან იმათი? — ჰკითხა ცოტა მგლის სახელის გაგონებაზედ აკანკალებულმა ბეკეკამ, — რომ მოვიდნენ და შეგკამონ?

— სულაც არა, ჩემი სორო ვიწროა, იქ ვერც მელია შემოძვრება და ვერც მგელი და კარში კი ზამთარში არ მესაქმება, თუ ზაფხულში. გავისარჯე და ზამთრის საზრდო მოვაგროვე. მე მგელს ერთი ლუკმაც არ გამოუვალ, იმას შენისთანა ბატკანი უყვარს, თუ შეგხვდა, მაშინვე შეგყლაპავს.

— მაშ შეშვამს მგელი, თავუნიავ, რომ შემხვდეს?

— შეგქამსო?! ისე ჩაგაკნატუნებს, სულ ძვალ-ტყავიანად, რომ ერთი დაბლავლებაც ვერ მოასწრო!

ბეკეკა კანკალმა აიტანა, მაინც უღღური არ გაიტეხა.

— აქ როგორღაც ცივა, ისევე შუაგულ ტყეში სჯობია, იქ ხომ მგელი ვერ დამინახავს!

— ნუ წახვალ ტყეში, ბეკეკავ, გირჩევ, ისევე შინ დაბრუნდე, — უძახდა წრუწუნა. მაგრამ ბეკეკა ახირებული ვინმე იყო.

გზაზედ ბეკეკამ ზოგან ბალახი მოწიწქნა, ზოგან ნორჩი ფოთოლო და ხის ყლორტი მოკორტნა. ამასობაში კარგა გზა გაიარა. თითქმის შუადღემ მოალწია.

უცებ, ერთი რცხილას ქვეშ, რაღაც ლეგო წამოხტა, გრძელი, თითო მტკაველი ყურები დაცქვიტა და მსხვილი გადმოკარკლული თვალები დააბრიალა.

ბეკეკა შიშით შეხტა.

— ნუ შეშვამ, მგელოო! — დაიბლავლა საწყალმა ბეკეკამ. — კვლავ აღარ წამოვალ მარტოკა ამ წყეულ ტყეში!

ლეგომ ცოტა გაირბინა, მაგრამ რაკი ბეკეკას ბლავილი გაიგონა, შედგა და მოიხედა.

— ეს ხომ ბეკეკა ყოფილა! მე რაღამ შემაშინა, უჰ, რა უბედური მშიშარა ვარ! — სთქვა კურდღელმა.

— ნუ გეშინიან, ბეკეკავ, მე კურდღელი ვარ, მგელი ათი ჩემოტოლაა. კბილები ცეცხლივით უელავს და ხანჯალივით მჭრელი აქვს. ჩემი ნუ გეშინიან, მე არაფერს გერჩი.

ახლალა მოვიდა გონს ბეკეკა, ცოტა გული დაიმშვიდა და კანკალმა უკლო. როცა გული დაიმშვიდა (კურდღელზედ ცუდი არა გავგონა რა და აბა რად შეეშინდებოდა?), კურდღელს ჰკითხა:

— მაშ, შენა ხარ კურდღელი? გაზაფხულზედ რომ ჭეჭილს სძოვ, კაცს კომბოსტოს უჭამ და ნამყენებს უხრავ?

— დიახ! მე გახლავარ კურდღელი, მაგრამ მე სულ ამ ტყეში ვცხოვრობ, მე აქარც ნამყენებსა ვხრავ და არც კომბოსტოსა ვჭამ, ისინი მინდვრის კურდღლებია, მე ტყეში ისევე თავზედ საყრელი საზრდო მაქვს, ზაფხულში ნედლ, მწვანე ბალახს ვძოვ, ზამთარში ხმელ ბალახს და დაბნეულ თივას ვპოულობ და თუ დამჭირდება,

ხეების ნეკერსაც გეახლები. აქ რა გინდა, ბეკეკავ, ამ ულრან ტყეში? ერთიც ვნახო, ან მგელი ზეგხედა სადმე ან მელია, ისიც დიდი ამოსავარდნელია, მე იმისი უფრო მეშინია ხოლმე, არც შენ შეგეპუება, თუ კი შეგხედა.

მგლის ხსენებაზედ ბეკეკას სულ თახთახი დააწყებინა შიშით, მაგრამ კურდღელთან თავი არ შეივრცხვინა და გულადად უთხრა:

— მე მგლისა სულაც არ მეშინიან, — სთქვა ტრაბახით ბეკეკამ, — დაიკარგოს აქედანა, ჩვენს პატრონს ისეთი კომბალი აქვს, რომა! ის ვილაც მელია არის, ის რალა ნადირია? დილია თუ პატარაა? სადა ცხოვრობს? აქ ხომ არსად წევს გზაზედ?

— არ ვიცი, — სთქვა კურდღელმა, — შენ ძალიან გულადი ყოფილხარ, მაგრამ მე კი ძალიან მეშინიან იმათი. თუ მძინარს არ მომასწრეს, ისე კი ადვილად ვერ დამეწევიან, ისეთი გაქცევა ვიცი. მაგრამ დამე ფუსფუსით ვილღები და დღე მაგრა მძინავს ხოლმე, მაშინ თუ დამაწვნიენ, მორჩა, ველარავინ მიხსნის!

— მე სულაც არ დავიძინებ, — სთქვა თავმომწონედ ბეკეკამ, — აქ ხომ საძილოდ არ წამოვსულვარ; უნდა ტყე ვნახო, ვიკუნტრუშო, ვიხტუნაო, იქნება დედაჩემსაც შეეხვდეს და სავსე ჭიქანი გამოეწოვო, თორემ სახლში სულ ცოტას მარგუნებენ ხოლმე, მომეტებულს სწველიან.

— წადი შინ, ბეკეკავ, — უთხრა კურდღელმა, — თუ გზა არ იცი, მე მიგაცილებ. შენ ისეთი ღუმა გაბია, რომ ყველა ხელს წამოგატანს და არც გაქცევა იცი რიგიანი, მაგ გოგრასავეთ ღუმით სად გაექცევი?

ბეკეკა შეფიქრიანდა, მაგრამ არ უნდოდა კურდღელს ეთქვა, რომ შეეშინდაო და ამიტომ გულადად სთქვა:

— ტყე ხშირია, კურდღელო, და დაბურული. აქ ვინ დამინახავს. ისე შეეძვრები, რომ, მგონი, კვალსაც ვერავინ მოაგნოს. თუ სოფელში ჩახვიდე, ჩვენებს ეწვიე.

— დიახ! თუ არ დაგიშლია, იქ წავალ! — სთქვა კურდღელმა. — შენ იქნება არ იცი, რომ ძალღი მგლის ძმია?!

ბეკეკამ არც კურდღლის დარიგება გაიგონა და ისევ გზას გაუდგა. მოდის ბეკეკა, ჩლიქებით აბაკუნებს, ყურებს აბარტყუნებს, ღუმას ათამაშებს. აქეთ-იქით სიფრთხილით იხედება და ათვალეირებს.

ფრინველები ზოგი ქვივის, ზოგი იძახის და გალობს, ხეებზე მოუსვენრად დახტიან, ფოთლებში ქექულაობენ.

— ოჰ, რა მხიარულობაა ტყეში — სთქვა ბეკეკამ.

— ყველანი რა ტკბილად და უდარდელად სცხოვრობენ! აქ ხომ რძეს არაიან მოუწველავს დედას და შვილს მშიერს არ გაუშვებს! — მოდის და ფიქრობს:

ნეტა ი კურდღელი მაინც წამოსულიყო ჩემთან! მართალია, არ მეშინიან, მაგრამ ამხანაგი კიდე სხვა რამეა, გზა მაინც ეცოდინებოდა. ნეტა ი თედუას მაინც სადა ჰყავს საქონელი, რომ აქამდი ვერ შევხვდი. დედა მაინც მენახა უპ, რა კარგია, რა საამუროა დედასთან ყოფნა! აღარც გეშინიან და არც ფიქრი გაქვს რისამე. დედის წინ ხტი და კუნტრუშობ. ხან ბალახს ეცილები და პირიდან ბალახის ლუკმას ართმევ პაწაწა ტუჩებით, მერე ჭიქანში შეუყოფ ცხვირს, ძუძუს სწოვ, ძირს ეწევი, არც იღეპება და არც იგლიჯება ი დალოცვილი! თან სჩურგნი და ცხვირით ატყობინებ, ჩამოუყარე რძე, გენანება შენი შვილისთვის, თუ რა არის?! ვენაცვალე დედაჩემს! ოჰ! რა კარგი ხარ, ჩემო დედილო!

კარგა ხანი გავიდა, მზე დაეწვერა. ხეების ჩრდილები რაღაც უზარმაზარი გახდნენ, ხელები გაფარჩხეს და დედამიწაზედ გველეშაპებით დაწვნენ.

ბეკეკას წყალი მოსწყურდა, ყელი გაუშრა. გული ებნიდებოდა. ახლომახლო ცვარი წყალი არსადა სჩანდა. არც ხევი, არც წყარო, უბრალო მღვრიე გუბეც კი არსად იდგა. სულ მზეს ამოეშრო და ჩიტებს დაელიათ. შიგ ებანანათ და ნიშნად თითო ფრთა გაეშვათ. ბეკეკა ცოტა შეფიქრიანდა.

— ახლა რა ვქნა, რომ ვერც წყალი ვიპოვო და ვერც დედას შეეხვდე, ხომ წყურვილმა დამახრჩო. მოაგონდა, რომ ღამდებოდა კიდევ.

— ვაიმე, რა საშინელია ბნელი ღამე! როგორ ცეცხლივით თვალებს აბრალებს მგელი და კბილებით აკვესებს! ვაიმე, შემქმამს ის სისხლისმსმელი!

— არსადა ხარ დედაჩემო?! დაუძახო მაინც, იქნება აქ ახლომახლო იყოს სადმე. — და ბეკეკამ საბრალო ხმით იწყო ბღავილი და დედას ძახილი, მაგრამ დედა არსად სჩანდა, ღამე კი თანდათან ეფარებოდა დედამიწას.

ამ დროს ბეკეკას ტკბილი სალამურის ხმა მოესმა. ბეკეკა სიხარულით შეხტა. ეს სალამური ხომ თედუასი იყო! სხვისი სალამური აბა ასე რას დაუტკრავდა? ისე უსტვენდა, ისე არაკრავებდა, რომ ბეკეკას გულმა რწყილივით ხტუნვა დაუწყო. სალამური კი უფრო და უფრო უტკრავდა, ბეკეკა იყაყებოდა და ჩლიქებზედ დგებოდა, უნდოდა დაენახა, სად იჯდა ასე მოფარებით თედუა, ან დედა სად იყო? ბეკეკა უფრო წინ წავიდა, თან ბლაოდა, ეგები იმათ მაინც დამინახონო. დედა მაინც არსადა სჩანდა. სალამური კი უტკრავდა და უტკრავდა. ბეკეკას ტირილი მოერიდა, მაგრამ ამ დროს მოესმა სალამური სიმღერა, სალამურზედ ვილაც დალულუნებდა:

„პატარა კაჭრუმელო,
თეთრო და კარგუნელო,
აქა ვარ შენი ძმობილი,
შემოჰყე ნელა-ნელო.
ე მშვენიერი ქათიბი,
ნეტა ვინ შეგიყვარო?
ძვირფასი მარგალიტებით
ყელ-ყური დაგიშვენიო?
ნუ გეშინიან, ბეკეკო,
გულადად იყავ შენო,
ამოდი, ვიმხიარულოთ,
დავაგუგუნოთ „დელო“,
ისეთი ღზინი გავმართოთ,
ჩვენ დაგვანატროდეს ყველო,
ნუ გეშინიან, აქა ვარ,
შენი ძმობილი შელო!“

ბეკეკამ ახლდა დაინახა, რომ ერთ დამპალ მუხის კუნძზედ წამოსკუპებული იყო ერთი ყვითელი მელია, ფოლივით კუდი ქვეშ ამოეგო, წინა თათებით სალამური ეკირა და რაც ძალი და ღონე ჰქონდა, უსტვენდა, თან ცბიერად თვალებს ათამაშებდა.

ბატკანს სიხარულით ცრემლები მოერიდა.

— აბა, — სთქვა ბეკეკამ, — მტერი ასე გაუფუჭებს სახელს კაცსა. კურდღელისათვის რომ ყური მეგდო, ხომ მართლა კუდი აზრი უნდა მქონოდა მელიაზედ, ეს კი ასეთი ღეთისნიერი ვინმე ყოფილა! ბეკეკა გულადად მიუახლოვდა მელიას და სალამი მისცა.

— გამარჯვება შენი! შენა ბრძანდები მელია? მე შენზედ ბევრი რამ ცუდი გავიგონე, მაგრამ შენ მაგრე კარგი ჰყოფილხარ!

— გაგიმარჯოს, თეთრო კაქრუმელო! სადა ხარ აქამდე? რამდენი ხანია, აქ გელი. შენთვის ერთი ქვაბი რძე მიდგია სოროში, ლამის დამჟავდეს და გადასაქცევი გახდეს.

გახარებული ბატკანი ძლივს შესცქეროდა მელიას. რა ლამაზი იყო ეს მელია. არც თავგსა ჰგავდა და არც კურდღელს. თვალები და კბილები ხომ სრულებით არ უგვანდა მგლისას, და მგონი, კბილები სულაც არ უნდა ჰქონოდა, ბალახს ისე ბატკანივით სწიწკნიდა ალბათ.

— ჩვენი თედუას სალამური შენ ვინ მოგცა, მელიაე, ეგ ხომ ჩვენი პატრონის შვილისაა? დედაჩემს რომ საძოვარზე წაიყვანს, მაშინ უკრავს ხოლმე.

— მართალია, — იცრუა მელიამ, — ემანდ შემხვდა და ეს სალამური იმან მათხოვა. ჩვენი ბეკეკა მოვა და მერე იმას გამოატანეო.

— მაშ დედაჩემიცა ნახე, მელიაე? — ჰკითხა გახარებულმა ბეკეკამ.

— ვნახე მაშ! ისეთი ჭიჭანი რძე ჰქონდა შენთვის შენახული, რომ!

— კარგი დედა მყავს, მელიაე, არა? — ჰკითხავდა ბეკეკა.

— კარგი, კარგი! ასეთი დედა ჰქონდა, ქვაბის ტოლა.

— მაშ რძე ჰქონდა ჩემთვის შენახული, ჰა? — ჰკითხა კიდევ ბეკეკამ.

— მაშ! მაშ! — ილიმებოდა ცბიერად მელია.

— მაშ არ იქნება, რომ დედაჩემთან წამიყვანო?

— როგორ არა, ჯერ ცოტა შეისვენე, რძე დალიე და მერე მე თვითონ გამოგყვები, ახლა კი ჩემს სოროში წავიდეთ.

გახარებული ბეკეკა ხუსხუსით გაჰყვა წყეულ მელიასა.

სორო იქვე ახლოს ჰქონდა, დიდი ხანი არ მოუგვიანდათ.

— შენ შინ შედი სოროში, მე აქ კარებში ჩავჯდები, იქნება მოვიდეს ვინმე, უფრო ვერ დაგინახავენ.

მელიას უნდოდა, ცოტა შებინდებულყო და ისე დაეწყო თავისი საქმე, ეშინოდა, არავინ წამომადგესო, ამიტომ ჩაჯდა კარებში და დაამღერა:

„ბატარა კაქრუმელია,
 თეთრო და კარგუნელი!
 შეგხედი და წამოგიყვანე
 სოროსკენ ნელ-ნელაო.
 დაესხედით, ლხინი გავმართეთ,
 დაეგუგუნეთ „ღელაო“,
 თაგვი, კურდღელი, დათუნა,
 ჩვენ დაგვნატრიან ყველაო.
 ლხინი გვაქვს, ვიზხიარულოთ,
 არ დაეყენოთ ენაო!
 თუ ჩემზე ვინმემ კორები
 გაიმბო, მოგახსენაო,
 არ დაიჭერო, ბეკეო,
 ტუილი არის ყველაო.
 ნუ გეშინიან, აქა ვარ
 შენი ერთგული მელაო,
 განა უბრალო ვინმე ვარ,
 მელა ვარ, კუდავრსელაო“ .

— უნდა ითამაშო, ბეკეო, ქეითს ნუ წამოხდენ, მაშა ნუ წაგი-
 წყდება! — ეუბნებოდა გახარებული მელია, თან გულში ფიქრობდა.
 „ეს რა მსუქანი და გემრიელი ლუქმა მომცა ღმერთმა, ერთ კვირასაც
 ვერ შევქამო“ .

ბეკეაც მხიარულად იყო, მაგრამ წყალი ძალიან სწყურიადა, რა
 ეთამაშებოდა, წყურვილით ყელი ამოხრანწული ჰქონდა.

მაგრამ რძე არსად სჩანდა, არც აპირობდა მელია რძის მოტანას.

— წყალი მწყურიან, ძმობილო: სადა გაქვს რძე? — მაგრამ მე-
 ლიამ ყური მოიყრუა, ვითომ არ ესმოდა. სალამური გვერდზედ გა-
 დააგდო. თვითონ სოროს კარებში ჩადგა.

— აბა, ბეკეო, მე რომ არ შეგხეედროდი, ხომ მგელი შეგქამდა!
 მერე რამოტელაა ის ვერანი! სწორედ ხარის ტოლაა. როცა გაჯავრე-
 ბულია, აგერ ამ დიდრონ ხეებს ძირიანად გლეჯავს და შუაში ჩურ-
 ჩხელასავით ჰკვნეტაქვს. აბა, ჩემი მადლობელი უნდა იყო, თორემ
 ისე გადაგყლაპავდა, როგორც შენ ეხლა ერთი ყრუნტი რძე გადაყ-
 ლაპო. მერე გინდ მუცელში იბღავე, რაღას მოეწევი, ის რომ
 ყმუის და ღრიალებს, ხეებიც კი კანკალს იწყებენ ხოლმე! — ასე
 აზვიადებდა მგელს მელია, უნდოდა უფრო დაეშინა ბეკეა.

ბეკეკას შიშით რძე სულ დაავიწყდა.

— მერე რომ აქაც მოვიდეს, რა გვეშველება, — ჰკითხავდა თახ-
თახით მელიასა.

— ჩემი შიშით იმას აქ რა მოიყვანს, — უპასუხა ეშმაკმა მე-
ლიამ. — მაგრამ როცა მე გვერდზედ არ გეყოლები, მაშინ რა გეშვე-
ლება, შე საწყალო?! უჰ, ძალიან შეცოდება, რომ იცოდე!

— სოფელშიაც მოვა მგელი, მელიავ?

— მოვა, მაშ! ისე გადმოსტემა ფარეხში, ფეხიც არ დააკაროს
ქობესა.

ბეკეკა მთელი ტანით კანკალებდა.

— მაშ რა ვქნა? როგორ გადავჩე იმის კბილებსა?

— აი, ბეკეკო, ერთი რამე გაქვს, რისთვისაც მაგრე გეპტერება
მგელი. ის რომ არა გქონდეს, მერე სადაც გინდა იარე, ვინ გაგცემს
ხმასა. აი, ეგ შენი რგვალი ღუმაა შენი დამღუპელი. ეგ რომ არა
გქონდეს, მაშინ ვის რად უნდინხარ? სირბილშიაც ძალიან გიშლის,
იცოდე. ღუმა რომ არა გქონდეს, ვერც მგელი დაგეწევა და ვერც
არაუნა.

— მაშ რა ვქნა? მასწავლე, გენაცუალე, ვინ მომაშორებს ამ
წყუელს, ჩემ დამღუპელ ღუმასა? — ეხვეწებოდა ბეკეკა.

მელა ყოყმანობდა, ვითომ ძალიან ემძიმებოდა.

— რა ვქნა, თუმცა ძალიან მეზარება, მაგრამ მეტი რა ღონეა,
როცა ჩემი ძმობილი ხარ, რას იქ, ეს კია, პირველად ძალიან გეტკი-
ნება, შენ ბლავილი არ დაიწყო, აქ მგელი არსად იყოს, არ მოვიდეს,
თორემ შენც შეგქვამს და მეცა. მართალია, გეტკინება, მაგრამ მალე
ვაგივლის, მოგირჩება და მერე ნახე, რა ბაჭი იქნები!

— ოღონდ მომაშორე ეს ჩემი დამღუპელი ღუმა და რაც გინდა
დამავალე, — ეხვეწებოდა ბეკეკა.

მელია ვითომდა ყოყმანობდა, მაგრამ ბეკეკამ იმდენი ეხვეწა,
რომ ბოლოს მელია შეუდგა ღუმის მოშორებას.

— აბა, მაშ კვიანად იყავ და არ იყვირო, ბეკეკო! — და მელიამ
ერთი ბარაქიანი ლუკმა გამოაგლიჯა კბილით ღუმიდგან ბეკეკასა და
ზელად გადაყლაპა. — იჰ! რა გემრიელია! — სთქვა გუნებაში მე-
ლიამ.

ბეკეკამ ერთი ისეთი დაიბლავლა, რომ გაღმა ტყეშაც კი მისცა
ზანი... მელიამ კიდევ დააპირა, მაგრამ...

• • •
ცოტა უკან დავბრუნდეთ.

თედომ ცოტა აღრე მორეკა სახლში საქონელი. ყველა დააბინავა, მაგრამ ნახა, რომ ბატკანი აღარსად არის. აქეთ ეცა, იქით ეცა, მეზობლებსა ჰკითხა, მაგრამ არაფერი არა იცოდა რა, საით წავიდა, ცამ ჩაყლაპა თუ დედამიწამ.

თედო მაშინვე ტყუეს ეცა. ეჩქარებოდა, სანამ დაბინდებოდა, მანამდის თუ იპოვიდა, თორემ მერე. ბნელაში, რაღა იქნებოდა. პირდაპირ ბეკეკას კვალს დაადგა, იარა და შემოხვდა თავს. საქმეს მორჩენოდა და შინ აპირებდა წასვლას.

— გამარჯვება, წრუწუნავ!

— გაგიმარჯოს!

— დიდი ხანია, აქა მუშაობ?

— დილას აქეთია.

— მაშ ამაზედ ჩემს ბეკეკას ხომ არ გამოუვლია? დავკარგე.

— როგორ არა, ამაზედ გაიარა, ვუშალე, მაგრამ არ დაიშალა. გაიარე, კურდღელს შეხვდები და ის გეტყვის.

იარა თედომ, იარა და შემოეყარა კურდღელს.

— გამარჯვება, კურდღელო!

— გაგიმარჯოს, თედო!

— ასე ბეკეკას ხომ არ გაუვლია? დილას თავს უნახავს და ასე მითხრა, კურდღელს ეცოდინება, ის გეტყვისო. თუ გაიარა, მითხარ, გენაცვა!

— როგორ არა, შუადღე გადაწეული იქნებოდა, როცა ასე გაიარა. ვთხოვე ჩემთან დარჩენა, მაგრამ არ იკადრა. გასწია ჩქარა. ა იქ, ხვეის ახლო ბეჭში მელიას სორო აქვს და თუ მიაგნო, ხომ იცი, შეუკმელს არ გაუშვებს.

თედომ იარა, იარა და მივიდა, სადაც მელიას სორო იყო. ამ დროს ბატკანის გულსაკლავი ბღავილიც შემოესმა.

— ის წყეული მელია ნამდვილად ჩემს ბეკეკასა სქამსო, — იფიქრა თედომ, მოიმარჯვა კომბალი და მელიას სოროსთან გადახტა.

ამ დროს მელიასაც შემოესმა თედუას ფეხის ხმა, სოროდან გა-

ჩქარებით გამოვარდა, ცხვირი ისევ სისხლიანი ჰქონდა, მაგრამ ამ დროს თედომ შიგ ქეჩოში ერთი კომბალი სდრუხა და ყირაზედ გადაატრიალა.

— კიდევ შესვამ, შე წყეულო, ჩემს ბეკეკასა?! — გამოუდგა დარტყიანებულ მელიასა და სანამ ის გონს მოვიდოდა ერთი თუ ორი ზურგში.

ცოცხალ-მკედარმა მელიამ რის ვაივაგლახით თავი დააღწია. ბეკეკაც დააეწყდა და იმისი ღუმაცა. წამოიყვანა თედომ თავისი დაგლეჯილი ბეკეკა, თან მელიას სალამურიც წამოიღო, ბეკეკას უწამლა, მოუარა, დაგლეჯილი ღუმა დაუდალა და როგორც იყო მოარჩინა.

ბეკეკა დღესაც დიდი ერკემალია. მხოლოდ ტყეში უპატრონოდ აღარ დაიარება და აღარც ღუმას მოაჭრევიანებს ვისმე.

ასე გათავდა მელიისა და ბეკეკას ამბავი.

ქირი იქა, ლხინი აქა,
ქატო იქა, ფქვილი აქა.
მთას ურეში ავაგორე,
წამოვიდა გორებითა,
აქ სიციცხლით გამიძეხით,
საქიოს ცხონებითა,
ჩიტი გაფრინდა ცხრა თვალი,
ასი ტყუილი, ერთი მართალი.

ერთი თიყვის თავგადასწავლი

შე თვითონ გაიმბობთ, რაც გადამხდა ჩემი მსუნაგობით, ჭიუტობით და გაუგონრობით.

მე შექვიან ციყვი, უფრო მართალი იქნებოდა, რომ „თრითინას“ მე-ძახდნენ, რადგან „თრი-თრი-თრი“ ჩვენი ენაა. პატარა გოგოები „კვერცხიპარიას“ მეძახიან, ეგრე ვარ დახატული იმათ წიგნებში. ტყეში მაქვს სახლი — ხის ფულურო ბუმბულით და რბილი ხავსით მოგებული. ვზივარ თბილად, როცა გარეთ ჰყინავს და ყველა კანკალებს, ჩამიყვია ცხვირი ჩემს ფოლივით კულში.

თხილი ძალიან მიყვარს, არც რკოს და წიფელას ნაყოფს ვიწუნებ; ზაფხულშივე ვაწყობ და წაბლის ბუდესავით ჩამსხდარ სამკუთხ მარცვლებს ვხვრეტ ჩემი სატეხისავით კბილებით, გულს ვაცლი და პირს ვიტკბარუნებ.

თხილის კრეფაში კუდით და უკანა ფეხებით ისე ვკიდევარ ტოტებზედ, თითქო მიწაზედ დავიარებოდე.

არც პანტასა და მაჟალოს ვიწუნებ, იმათაც კურკას ვაცლი. ჩიტის ბუდე კვერცხებით და ბარტყებით ხომ ყველაფერს მირჩევნია, რალა გავაგრძელო, რასაც ტყე ნაყოფს იძლევა, ყველაფერს ვიყენებ.

დედას ადვილად არ ვანებებ თავს, სანამ ამხანაგს არ ვიშოვნო და ცალკე არ გავიკეთებ ბუდესა.

ბიჭი გახლავართ დედის ნებიერი! ძალიან ვუყვარდი დედაჩემს და მათამამებდა. ამიტომ როცა მოვიზარდე, ბევრს აღარაფერს ვუგონებდი და ჩემს ქეიფზედ დავდიოდი. დედა კი მიშლიდა:

— ნუ ჯიუტობ, შვილო, ახირება კარგად არ გათავდება სოლმე. როცა დრო მექნება, მე თვითონ ვეტყვი.

— ნეტავი შენა, დედა, დაბერდი და სულ ხიფათი გელანდება! ჩვენ ახალგაზრდები ვართ, სისხლი გვიდღულს! მომბეზრდა თხილკაკლასა და რკო და წიფელის გროვება; პანტისა და მაქალოს ღრუტნამ ხომ კბილები დამაქრა. ზამთარშიაც მეყოფა მაგათი მტვრევა და ხვრა. უნდა ჩიტების ხორციით ჩავეგემრიელო პირი! — ავიხირე.

ისეთი ბეწვი მაქვს, დაწმენდილი, დავარცხნილი, სუფთა, მზეზედ ოქროსავეით ელავს. კუდი ერთ მტკაველზედ გამიშვერია. სწორედ ჩემზედ სქელი კუდი მქონდა.

გაზაფხული გაჩაღებული იყო. ჩიტები ბარტყებს აფრენდნენ, ბუღიდან ამოესხათ, ხის ტოტებზედ ჩაემწკრივებინათ და ფრენას ასწავლიდნენ. ფრინველების ევილ-ხივილისაგან ტყე ცოცხალი გეგონებოდა. ყველა ხე, ყველა ბუჩქი თავისებურს ენაზედ ლაპარაკობდა და ხმაურობდა.

მეც ხან ერთ ხეზედ ავცოცდებოდი, ხან მეორეზედ. ტოტიდან ტოტზედ ვხტებოდი. ნადეულა მისივდებოდა, ჩიტები რომ ასე დაფრთხილებდნენ ჩემს თავზედ და მე კი სიძსუნაგით ჩემი მემართებოდა. ვინაბებოდი, ხეს ვეკვროდი, ტუჩებს ვილოკავდი, ნერწყვი მომდიოდა პირში, ვთრთოდი და ვკანკალებდი, როცა უეცრად ჩემს ახლოს ჩიტი დაჯდებოდა, მაგრამ შემასწრებდა თუ არა თვალს, მაშინვე განგაშს ასტეხდა.

— ოი, შე ქურდბაცაცავ, შე სისხლსმსმელო, მანდ რას ჩამალულხარ? დაიკარგე მანდედანაო! — თვითონაც სწუხდა და ტოკავდა შეშინებული.

ვიხედებოდი აქეთ-იქით გაწბილებული, იმედგაცრუებული, შერცხვენილი, სხვამაც ხომ არავინ დამინახა-მეთქი.

— ბზიი! ბზიი! — მაჯავრებდნენ ცისფერი ბზეწვიები და ლეგოქერონები. თან ვითომ ხის ქერქს ჰვენკავდნენ, ჭიებს ეძებდნენ.

— ქალო, აი იმ ქურდბაცაცას ჭიები მანც მივთავაზოთ, თორემ ჩიჩიის ნდომით ლამის დამალი ჩამოუვიდესო!

— ბზიი! ბზიი! ხომ არ გემსუნაგება ჩიტების ხორცი? რას წამოყუნტულხარ? რას იბუზები, მობრძანდი, მიიართვი. ბიჭო, ჩიჩია! — დამცინოდნენ ის საძაგლები.

— კრიკ! კრიკ! კრიკ! აი, შე მსუნაგო ღორმუცელავ, იაფად არ დაგიჯდება ჩვენი ჭამა და დევნა, იცოდე ამოგშხამდება, შე სისხლისმსმელო შენა! რატომ არ ჩამოგვეხსნები, არ გეყო რაც ბუღებზე გაგვიჩანაგე? — ჭყიოდა გაბოროტებული ბელურა.

— ემ საათში წავალ, მოვასხამ ჩემს ამხანაგებს და ისეთ დღეს დაგაყენებთ, რომ თავბედს იწყევლიდე, შე მსუნაგო შენა!

იმ სახელგასაწყვეტელებმა ჩემი გვაროვნობის ცოდვა სულ მე მომახვიეს კისერზე! არ ვიყავი მე არაფერში დამნაშავე და ძალიან გავბრაზდი.

— ერთი მობრძანდით ახლო, ვნახოთ, ვინ ვის გასწეწავს-მეთქი, — ვამბობ ჩემს გუნებაში.

რაკი გამიქვეყნდა, იქიდან გავიბარე და ერთ ბებერ ფიანზედ ავცოცდი, ტოტსა და ტოტს შუა გავწექ, ხავსში ჩაჯიძალე.

ცოტა ხნის შემდეგ ჩხართვმა ჩაამწკრივა ჩემ წინ თავისი ბარტყები; ისეთი მსუქნები ჩანდნენ, თითო თითო კვირას მეყოფოდა. დედა და მამა დასტრიალებდნენ თავზედ, ედგათ ერთი ჩხივილი და ჭყვირილი. ჯერ ერთს გააფრენდნენ, დედ-მამაც იმას დაედევნებოდა, თუმცა ბარტყმა ფრენა იცოდა. მაგრამ ეშინოდა და ახლოსვე ჯდებოდა. დედ-მამაც დასტრიალებდნენ, ეალერსებოდნენ. უზიღვედნენ საკმელს.

ის კი, თითქო უკვირს, რამოტელა ყოფილა ქვეყანაო, გამობენტიერებული იჯდა, სულელურად იცქირებოდა აქეთ-იქით.

მერე მეორე გააფრინეს. ეს რომ აფრენილი დაინახა, პირველიც აფრინდა და ორივენი კარგა მოშორებით დასხდნენ. დედ-მამაც თან დაედევნა. ჩემ ახლო ერთი ჩხართვის ბარტყილა დარჩა. ზის გამოყრუებული, თითქო სძინავსო.

— აბა დრო ეხლა მაქვს-მეთქი, — ესთქვი გუნებაში. გავეკარი ხის ტოტს და მივხობავ მუცლით, სულ-ტყავი გავნაბე, ბარტყმა შემნიშნა, არ ვენახე აქამდე, ალბათ გაუკვირდა ჩემი კული, დამიწყო გაკვირვებით ცქერა. მე ცოტა შევდექი, ვსთქვი, „გაფრინდება-მეთქი“, მაგრამ ადგილიდან არ დაიძრა. უცებ ვისკუპე და ვეცი. ასეთი

ქვივილი ასტეხა, რომ მე თვითონ შემეშინდა, არ ვიცი, დაემაგრებდი, თუ გამეშვებოდა. ბუმბული კი გაიფანტა ჰაერში, იწეეს, ფრთხიალებს და ქვივის. აქეთ მე, იქით ესა!

უცებ ერთი ჭახჭახი და ქყრიალი შემომესმა. საიდანღაც გაჩნდა ათხედ მეტი შაშვი და მეტაკნენ კიდევ. დამიწყეს წეწვა და კბენა, ახლა ჩემი ბურტყელი გაიფანტა ჰაერში. სულ გადავირიე, ვისლა ჰქონდა ბარტყის დარდი, ოღონდ თავი როგორმე დამელწია, ვანებე თავი და დავეშვი ძირსა. მაგრამ გამარჯვებული ჩხართვები და შაშვები იქაც კიყინით ჩამომყვნენ. ზოგი ბარტყს შემოეხვია, თითქო დაკბენილს უსინჯავენო, ალბათ ისეთი არა სჭირდა რა, რადგან ბარტყი იქიდან აფრენილიყო და მეორე ხეზედ იჯდა და აქეთ-იქით ფეთხანივით იცქირებოდა.

რაკი აღარ მომეშვნენ, ვიკადრე და ერთ ფულუროში შეეძვერ. ცოტა ხანს კიდევ იტრიალეს, მეძებეს, მერე კი აქეთ-იქით გაფრინდნენ.

ღღბხანს არ დამეიწყებია ეს დღე. სამი ჩიტი რომ ერთად დამენახა. მე მაშინვე სხვა მხარეს ვიპარებოდი ხოლმე.

შაშვს ვეჭაურებოდი ძალიან, დამინახავდა თუ არა სადმე ხეზედ, გულში რომ სულაც არა მქონოდა რა, ასტეხდა ჭახ-ჭახს და ვაი-ვაგლახს.

— გაფრთხილდით ძმებო, ფხიზლად შეილებო. ნათლიებო, ნათლიდედებო! მოვიდა ქურდბაცაცა, კვერცხპარია. ბარტყიქანია, მსუნაგი კულფოლა!

— სად მიხვალ, სადა? გავიგეთ, ყაჩაღო, გავიგეთ! — თვითონაც შეწუხებულ-გაბრაზებული დახტოდა და ქვიოდა. ეტყობოდა, არც თვითონ იყო ძალიან გულადი.

— თუ შენ კვერცხებს მივაგენ, მაშინ იწყვილე ბევრი, შავკაბიანო ქალბატონო!

შინ რომ დაებრუნდი, ალბათ ბეწვსეოდ შემატყეეს. რადგან აქაიქ ნისკარტით შეეთხელებინათ, დამიწყეს კითხვა, — რა ამბავია შენს თავსაო?

მე ჭერ ვმაღავდი, მაგრამ ბოლოს ყველაფერი გულახდით ვუამბე.

— ეგ ქურქი სულ რომ შემოეგლიჯათ, მაშინ მოხვიდოდი კკუაზეო, — ნიშს მიგებდა მამაჩემი.

მიწაზედ ჩამოსვლა ჩვენთვის ძალიან საშიშია, ნამეტნავად, როცა თხილს, კაკალს, რკოს და წაბლს ვაგროვებთ. ზარნაში, არწივი, კვერნა და ათასი სხვა, ყველა ჩენა გემტრობს. მუდამ ყური მახვილად უნდა გვეჭიროს და ჩენს ტყავს ვუფრთხილდებოდეთ

დედა მიშლიდა: „ძირს წარამარად რბენას თავი დაანებეო“. მე მაინც არ ვავიგონე და, მომეცა თუ არა შემთხვევა, მაშინვე მიწაზედ ჩამოვხტი. ჩამომიტყულია ერთმა პატარა ნადირმა. ძალიან გამიკვირდა. გამლიუღი და ქოსა ჩემზე ბევრით წვრილი იყო. კუდიც ჩხირივით ვასწვრილებოდა. ზურგი და თავი თოვლის ფერი ჰქონდა, მუცელი, მკერდი და ფეხები თეთრი, მე ვერ დამედრებოდა სილამაზით, მარტო ჩემი ფაფუკი კუდი ორ იმ ნადირად ღირდა. მოკლე ფეხები, პაწაწა ყურები, წვრილი ნაკვერჩხალივით ელვარე თვალეზი, პაწაწა ვეფხეს მოგაგონებდათ.

ვიზიარ მალა, ვადევნებ თვალს ამ უცხო ნადირს. ქვებში დაქრება, ხან დაიკარგება, ხან თავს ამოჰყოფს, აქეთ-იქით იხედება, ფეთიანივით თვალებს აცეცებს. მერე ისევ ჩაიმალება. ცოტა ხნის შემდეგ ახლა სხვაგან ამოძვრება, ქვა და ყორეს ურბენს, ათვალიერებს, ეტყობა ეძებს რაღაცას.

მე უფრო და უფრო ცნობისმოყვარეობამ მიმატა. აგერ კიდევ ჩაძვრა ლოდებქვეშ; ცოტა ხანს შემდეგ თვალი მოვკარ, ნაპერწკალივით თეთრად გაშლიავედა, ეტყობოდა, სდევდა რაღაც გაალმასებული.

ბოლოს ამოძვრა, პირში თავი დაეჭირა. წელი დაეტაცნა; საცოდავი თავგის კუდი ჭიპყელასავით იკლაკნებოდა. თავს თვალები გადმოშკარკლოდა. წითელი თავი იყო ტყისა, კარგა მოზრდილი. სახლებში იმტროლა თავი არ გაიზრდება. მე გაკვირებული ჩავცქეროდი. თვითონაც ბევრითაც აღარ იყო იმ თავგზედ სქელი. თუმცა ტანი გრძელი და მოქნილი უჩანდა. რაღა გავაგრძელო. ძალიან შემშურდა. ბევრი აღარ ვალოდინე, ვისკუპე და ვეტაკე.

ალბათ არ მოელოდა თავდასხმას, რადგან ძირს ვერაეინ ნახა საშიში და მე კი ხეზედ ვერ შემამჩნია. უცებ შეკრთა, თავი პირიდან გაჰქარდა, მაგრამ ხელად შემოტრიალდა და მეძვკრა. მგონი, ლომი

რომ ყოფილიყო, უბრძოლველად არც იმას დაჰნებდებოდა, უბრალო ჩეარით მომაჯდებინა და ახლა იმან მოიტანა ჩემზედ იერიშ-.

კიდეც მადლობა ღმერთს, რომ ამისთანა დიდი კუდი მქონდა. რადგან შიშით კუდი მალა ავიფხორე და ფარივით ავიფარე, ისიც ჩემს კუდს ეცა. ის შენს მტერს, რაც მე დღე დამადგა. ისე მემწევა, რომ ჩემს ქუყვირილს ტყემ ბანი მისცა. აღარ ვიცი, როგორ დავძვერი ხელიდან. როცა გამოვერკევი, ხის ღრუში ვიჯექ, ვული საშინლად მიქაქანებდა, კუდი მეწოდა, სისხლი წკრიალით მდიოდა.

ეჰ, რაღა კუდი იყო! ნახევარს ზემოთ თითივით გაყველეფილიყო. საშინლად მეწოდა, გული მიფერდებოდა. როგორც იყო ჩემიანებთან მივაღწიე.

— რა ამბავია შენს თავს, კუდფოლავ? — მკითხავდნენ გაოცებული მამა-ბიძები. — რა დაგმართვია? იქნება კვერნა შეგხვდა, ან არწივმა დაგიპირა? ე კუდი რაღა უყავ?

— რა ფერზეა, გენაცვალეთ, — ვიშვიშებდნენ ქალები.

— წამოდი, წამოდი, შექამე რამე, გული მოიბრუნე.

მეც, როცა პატარა შიშმა გადამიარა და გული დავიმშვიდე. ვუამბე დაწვრილებით ჩემი თავგადასავალი. ბევრი იცინეს. ახალ მოგსვლიათ. არც ახლა ისწავლი კუყასაო? მე კი სიბრაზით აღარ ვიციოდი, რა მექნა.

— თქვენ კი იცინეთ და ამ ჩემს გაყველეფილ კუდს კი აღარ უტყვირით-მეთქი!

— კიდეც მაგ კუდს უშველნია შენთვის, კუდფოლავ, თორემ უფრო უარესს მოვესწრებოდითო, — იცინოდნენ მეზობლები.

მხოლოდ დედაჩემი იყო შეწუხებული. რაღაც ბალახები მოიტანა, დამადო კუდზე და შემიხვია. ამის შემდეგ კარგა ხანა მტკიოდა და თუმცა მომირჩა, მაგრამ ის ლაზათი და შნო სადღაა, ალაგ-ალაგ ქეციანივით არის დამრჩალი.

მეუბნებიან, დრო გავა, ისევე ბეწვი ამოგიფა და წინანდელივით ფაფუკი კუდი გაგიხდებო, მაგრამ მე არა მჭერა...

დედაჩემმა გვიამბო მერე იმ მხეცის ცხოვრება.

— მაგას თრითინა ჰქვიან, თუმცა „დედოფალსა“ და „ქურცინასაც“ ეძახიანო. ძალიან ყოჩალი და მარდი ცხოველია. თუ არ გააბრაზე, სრულებით არას გვრჩის, თავისთვის დაიარება, თავგებზე და

ჩიტებზე ნადირობს. სადაც ეგ დაიბუღებს, იქ თავებს აღარ ედგომილებათ, უნდა აიკრიფონ ბარგი-ბარხანა და სხვაგან გადაიბარგნენ, თუ არ უნდათ, რომ იმისი წერა გახდნენ.

რაკი წვრილი ტანი აქვს, ისე ძვრება თავის სოროებში, როგორც გველი. თავის კნუტებს სინსილას უჭრობს და ამით ავცარებს ამ ყოველად მაინე ცბოველს.

ფრინველის ტვინიც ძალიან უყვარს და სადაც საქათმეს შეეჩვევა, პატრონს აღარ გაახარებს. წიწილებსაც სინსილას უჭრობს. ჩაუსაფრდება ხშირ ბალახებში ან ყორეში და, როცა კრუხი არხეინად ჰქეჩავს, უცებ გაჩნდება, ეცემა და ასტყდება წიწილის წივილი. თუ ვერ მოასწრო ყორეში შეთრევა, ან ბალახებში ჩამალვა და მოასწრო კრუხმა, ღვთის წყალობა გაქვს, კრუხი ამოაშხამებს ამ ყაჩაღს ნადირობას. შერცხვენილ-გალახულმა უნდა დასამალი მოსძებნოს.

მაგრამ ღამე, როცა ქათმებს არხეინად სძინავთ. მიეპარება შეუმჩნევლად, ეცემა ყელში, დაახრჩობს, ჩამოავდებს ძირს, ამოაქამს ტვინს და წავა თავის გზაზე, ხორცს პირსაც არ ახლებს.

ამიტომ სოფლის დედაქალები ძალიან ეფერებიან, ცდილობენ, არ გააჭავრონ როგორმე და არ გადიკიდოს. პირიქით, სადაც ნებუნდება, ცდილობენ მიეფერონ და ასიამოვნონ. ამისთვის ლექსიც კი გამოუგონიათ:

„ქურცინ, ქურცინ დედოფალო,
შენთვის კვერი მომქონდაო,
ისიც თავგმა შევიკამა,
შენ იცი და იმანაო“.

დარწმუნებულნი არიან თრითინა ამის შემდეგ თავებს მოსძებნის და იმათზედ იყრის ჭავრსაო.

„მე კი არ დამავიწყდება ჩემს სიცოცხლეში და ყველამ თავისი იცისო!“

ასე გაათავა კულფოლამ თრითინასთან შეტაკების ამბავი.

„მეც გავძედ და ჩემი სტუმარიცაო“

ამის მთქმელს როდენას ეძახდნენ. შეძლებული კაცი იყო, ქონება არ აკლდა, მაგრამ ახირებულნი ზნე სჭირდა: ჩვეულებადა ჰქონდა, — თავის დღეში სტუმარს პურს არ აქმევდა. მოსულ სტუმარს ხელს ხომ ვერა ჰკრავდა და ვერ გააგდებდა, მაგრამ როცა პურის ჰამაზედ დასხდებოდნენ, — ვახშამი იქნებოდა, თუ სადილი, — ცოლი დარბეული ჰყვანდა, როცა დავიძახო, — „მეც გავძებ და ჩემი სტუმარიცაო“, — მოდი და სუფრა აალაგე. აიღებდა თუ არა ერთ-ორ ლუკმას სტუმარი, რაც უნდა მშვიერი ყოფილიყო, როდენი იტყოდა, — „მეც გავძებ და ჩემი სტუმარიცაო“ და გადიწერდა პირჯვარსა. სტუმარსაც რა მეტი ღონე ჰქონდა, ძალიანაც რომ შიებოდა. უნდა ამდგარიყო. როცა სტუმარი წავიდოდა, დასხდებოდნენ ცოლქმარი და გემრიელად შეექცეოდნენ.

ერთხელ ერთი თავის ცოლის სოფლელი კაცი ეწვია: ასეთია უბედური, სიმშლით ცა წითლად ეჩვენება. მოუთმენლად ელის სუფრის გაშლას. აი გაშალეს სუფრაც. სტუმარი მგელივით დააფრინდა პურსა, მაგრამ ორი-სამი ლუკმა არ შეეჭამა ჯერა, რომ მასპინძელმა პირჯვარი გადაიწერა და სთქვა: „მეც გავძედ და ჩემი სტუმარიცაო“.

მოვიდა ცოლი, წამოკრიფა რაც რომ სუფრაზე იყო, აიღო სუფრა. სტუმარი გაკვირვებული შესტქეროდა. რა გზა ჰქონდა, ხომ ვერ

ეტყოდა, მშინ და მაქამეო, ადგა ისიც, აიღო თავისი გუჯა-ნაბადი. და გაუდგა გზასა. მოდის, მაგრამ ვაი ამ სიარულს, სიმშვილეთ ფეხებს ძლივს მიათრევს. არსად ღუქანია, რომ იყიდოს და ჭამოს, ვერც სოფელში უთხოვნია, სცხვენიან. მოდის გზაზედ, აქეთ-იქით იცქირება, მგზავრა მანც ვინმე შემხედეს, რომ ლუკმა მომეტეხოსო.

მართლაც წინ როდენის მოყვარე არ შეხედა! — თავისი მეზობელი. როდენთან მიდის, მოსაკითხი მიაქვს.

— გამარჯვება!

— გაგიმარჯოს!

— სად მიდიხარ მაგოდენა ხურჯინით, რა მივაქვს მაგდენი?

ჩემ დასთან მოსაკითხი მიმაქვს, აი ამ სოფელში, როდენი რომ ჰქვიან, სიძეა ჩემი.

— აი ღმერთი იმას გაჰბერავს, როგორც ის კაი კაცი ყოფილა! — სთქვა მეზობელმა. თუ ღმერთი გწამს, პატარა პური ამომიღე, თორემ სიმშვილით ლამის ჩემი დამემართოს.

— რა იყო, რა დაგიშვა მაგეთი, რომ მაგრე იხსენიებო? ჰკითხავს როდენის მოყვარე.

— კაცო, როგორ არ ვსთქვა: პური მშვიოდა, ცა წითლად მეჩვენებოდა, შევბრუნდი, სოფლის სიძეა, პურს მაქმევს-მეთქი. მომეგებნენ, ღეთის წინაშე, გამიშალეს სუფრა, მაგრამ გავიმართე თუ არა პურის საქმელად და ერთი-ორი ლუკმა ავიღე, წამოდგა შენი სიძე, პირჯვარი გადაიწერა: „მეც გავძელ და ჩემი სტუმარიცაო“. მოვიდა ცოლი, აალაგა სუფრა და დაერჩი მშიერი. რაღა მეთქმოდა, მადლობა გადავუხადე და წამოველ მშიერი მუცლითა. შენ, რომ არ შემყროდი, გზაზედ სიმშვილით მოვეკედებოდით.

— მოდი, დაჯექ, შენ კაი პური ჰამე და იმას მე მოვუვლინო, — სთქვა მოყვარემ. ამოუღო ამას ნაზუქი, ყველი, ღვინო დაუსხა და კარგა მოანაყრა.

საღამო ხანი იყო, როცა როდენს მოყვარე ეწვია. მოეგებნენ, მოიკითხეს, ჩამოხადეს ხურჯინი, შეიტანეს, ამოალაგეს ნაზუქი, ლავაში, დედლები, ინდაური, თევზი, ტიკქორით ღვინო. ისეთია როდენი, მუშტის ტოლა ნერწყვისა ჰყლაპავს. მერე არც გამომცხვარი ჰქონიათ, გამოსაცხობი ფქვილიც შემოპლევიათ. ისეთია, სულ ტუჩებს აცმაყუნებს, ძლივს მოელის ვახშობას. მოვიდა ვახშობაც, გაშა-

ლეს კაი სუფრა და შემოუსხდნენ სამიენნი. ისე შიებია როდენს, რომ თვალში ჩინი აღარა აქვს. მოყვარე კი ყურს უგდებს.

რამდენიმე ლუკმა რომ შექამეს, როდენმა დაიწერა პირჯვარი: „ღმერთო, გვიშველე, მეც გავძელ და ჩემი სტუმარიცაო, მოდი, დე-დაკაცო, სუფრა აალაგეო“.

ცოლ: მაშინვე წამოხტა სუფრის ასალაგებლად.

— მოიცა, მოიცა! — შეუტია ძმამ, — რომ ალაგებ, რად ალაგებ სუფრას, სიძევ, თუ შენ გაძეხი, უკან დაჯექი! მე კი მშინ და ვნამ კიდევაცაო, მოუჯდა საკუთრად ამ გაშლილ სუფრას და — გაგიძლავთ გულა, ყოველი კეთილითა, რომ იმან ლამაზად ისრულა გუნება. სიძე როდენი კი უკანა ზის და ტუჩებს ილოკავს, შიან, რა შიან, ცა წითლად ეჩვენება.

ცოლს წასჩურჩულა: როცა შენმა ძმამ დაიძინოს, ნასუფრალი მაინც მოიტანე. ვკამ, თორემ სიმშლით მე ჩემი დამემართაო.

უახშირი რომ გაათავა, დას დაუძახა: მოდი, სუფრა აალაგე და რაც დარჩა, ისევე ხურჩინში ჩაალაგე, მოჰკარი პირსა და თავით დამიდევ, სადაც დავძინო, თორემ უცნაურც ხასიათი მაქვს. — არ დამეძინებო. რა მეტი ღონე იყო, აალაგა დამაც სუფრა, ნარჩინი ხურჩინში ჩაალაგა. მოჰკრა პირს, გაუშალა ძმას ლოგინი, მიიტანა სურჩინი და თავით დაუდო.

დაწვენი ყველანი. დაიძინეს. მაგრამ როდენს რა დააძინებს: შიან, და ახლა მანუქანი დედლისაკენ და დოშისაკენ ემსუნაგება. მაგრამ არც მოყვარესა სძინავს, ყურს უგდებს, ვნახოთ, რას იზამსო.

— აღამიანო! აღამიანო! აღვიძებს ცოლს როდენი.

— რა გინდა? რად მაღვიძებ?

— ადექ, პატარა ქატო მაინც ასვრიმე და ცეცხლში კვერი შესვი, თორემ ლამის სიმშლით მე ჩემი დამემართოს!

ადგა ცოლი, ასვრიმა ქატო, გაქეჭა ნაცარი და ერთი კვერი ჩასვა, ზევიდან ლველფი დააყარა.

ცოტა ხნის შემდეგ ადგა მოყვარე, გავიდა ხენეშით კარში და ერთი კაი დიდი ჯოხი შემოიტანა.

— დაო, წუხელ სიზმარში ვნახე, ვითომ ახალი წელიწადი იყო და უნდა ცეცხლს მივულოცო! თან ცეცხლს დაუწყო ფხვლეტა ჯოხითა, თან იძახდა: „ამდენი ძროხა, ამდენი ხარი, ამდენი თხა და ცხვა-

რი, ამდენი კოდი პური, ამდენი კოკა ღვინო, ამდენი თემნი ფულაო“. ამასობაში ეს ქათოს კვერი სულ ნაცარში აურია. მერე დაწვა და ვითომ დაიძინა.

— დედაკაცო, რა ქნა მაგ უღმერთომ, რაზედ დამლუპა და დამანელა, ახლა ხომ სიმშლით მოვეკვლებიო, ეუბნება ცოლს როდენი.

— რა ვქნა, აბა მე ხომ პურად არ გექცევი? — უპასუხა ცოლმა. როდენმა სთქვა: რაც იქნება-იქნება, მივიპარები, ხურჯინს მოეხსნი და პატარა პურს მიინც ამოვიღებო, ასეც მოიქცა. დაოთხდა და მოხონავს ნელ-ნელა ხურჯინისაკენ, რომ მოყვარეს არ გაეღვიძლოს, მაგრამ რა ხანია მოყვარესა ღვიძავს და სიძეს თვალს ადევნებს. ისობა როდენმა, იხონა, და როცა ხურჯინს სწვდა პირის მოსასასნელად, უცებ წამოიფარდა მოყვარე, დაუპირა საყვლო!

— ვინა ხარ, რომ ხურჯინსა მპარავო?! გადაუქირა და გალაღვირა ეს ჯონი. ასეთია, სულ ბური ასდის! კარგა სცემა, სანამ მე და შენ მივეშველებოდით.

— რა დაატყო დამ, რომ ახლა კი ცუდად არას საქმეო. წამოვარდა და დაუყვირა ძმასა: ნუ სცემ, ძმაო, ნუ სცემ, შენი სიძე როდენიაო!

— თქვენ თხუთმეტი მყეფარი გყავთ, მე რა ვიცი, რომელიაო. უპასუხა ძმამ და უფრო და უფრო მიიყოლა. ასეთია სიძე, სულ ვირივით ღრიალებს. მერე დას დაუძახა; ანთე ქრაქი, მამიშტე ახლოსაო!

ანთო დამ სანათა, მიუშუქა, ისეთია როდენი, სულ ლილასავით დალურჯებულა.

— აბა შენ რომ მაგრეთი უპურმარილო და ძუნწი არ იყო, ხომ არც ამდენი მოგხვდებოდაო, — უთხრა მოყვარემ. — როგორ არა გრცხვენთან, შენი ნასტუმარი კაცი წინ შემხვდა, სიმშლით ცა წითლად ეჩვენებოდა. ღმერთს შენთვის ამდენი დოვლათი მოუცია, შენ უნდა სტუმარი მშვიერი გაისტუმროვო?! ესლა კი მიპატიებია და საკვლად კი მაგრე აღარ მოიქცეო.

შექთიცა სიძემ, ხასიათს გამოვიცვლიო. ადგნენ, ხელმეორედ გაშალეს სუფრა და ქუდი ჰერსა ჰერეს.

ამის შემდეგ გამოიცვალა როდენმა ხასიათი და სტუმარი მშვიერი აღარ გაუშვია.

ეს ამბავი მოხდა 1895 წელს.

მასწავლებლად ვიყავ ქართლში. გაზაფხული იყო. ს. ხელთუბანს აღმოსავლეთით და სამხრეთით ქაობები აკრავს, რაიცა იზიდავს სხვადასხვა გვარ ფრინველს: იხეს, გნოლს, ტყის ქათამს, წივილას; ღალღალას, წეროს, ბატს, სავათს და სხვა მომთაბარე ფრინველს, რომლებიც გაზაფხულობით ცხელი ქვეყნიდან ბრუნდებიან საჩრდილოეთოდ, და რადგან გადასასვლელი აქვთ კავკასიონის თოვლიანი მთები, ზოგი მათგანი ავი დარისა და ნისლ-ჭანყების დროს ჩამოეშვება ხოლმე ქართლის ველებზე თუ დასასვენებლად და თუ საზრდოს საშოვნელად, ზოგიც ცუდი ამინდის გამო, რაკი გზას ველარ გაიგნებს. კარგია ამ დროს ქართლის ველი, — ცა სიცოცხლით ივსება, ისმის გაუწყვეტელი ყვირილი წეროებისა, ბატებისა და წერილ ფრინველებს წივილი და ქყივილი. ეს ფრინველი სულ მგზავრია; თვით ქართლში კი მწყერიც კი გაწყდა, რადგან აქ ბარტყს ალარა ზრდის და სხვაგან გამოჩეილი და გაზრდილი მის დღეში სხვა ქვეყანაში არ დარჩება საბუდრად, თუ არ თავის სამშობლოში.

მრავალი მონადირე სწყვეტს ამ მინდვრის მცხოვრებლებს და მგონი რამდენიმე ათი წლის შემდეგ მწყურის გულის გამახალისებელი „ქვითკირო, ქვითკირო“ ვეღარაკონ გაიგონოს. მარტო ადგილობრივი მონადირეები რომ იყოს, კიდევ რა უშავდა, მაგრამ გორი, რომ არა ვსთქვათ, თბილისიდანაც კი მრავლად მოდიან აქ სანადიროდ.

სწორედ ამ მონადირეებს დარჩენოდათ სოფელში ძაღლი. ალბათ მინდორში კურდღელს ან მელიას გაჰყვა, სდია და ასხლტა მონადირეებს, ეტყობოდა, კვალს ღუქნამდე მოჰყოლოდა და აქ მოელოდა. პატრონის მოსვლას.

მე როცა ვნახე, უკვე სიმშლით იყო გადახრწნეული, რამდენიმე დღე აქ მშვიერი წოლილიყო, თვალები ამოჰლამებოდა, იწვა მორკალული, თავი მიწაზედ ეღო.

რამდენიმე სახელი დავიძახე, მაგრამ ზედაც არ შემომხედა. უეკველია, თავის სახელს არ ვეძახდი. დავბრუნდი მაშინვე სახლში და პური წამოვიღე. პურის დანახვაზე ზარმაცად შემომხედა, ეტყობოდა, სიცოცხლე მოჰბეზრებოდა; არ ვიცი, სიმშლიისაგან იყო თუ პატრონის დაკარგვასა გლოვობდა. უფრო კი უკანასკნელის ნაღველი აწუხებდა. პური დაფუგდე და თან შეველაპარაკე. პურს ნელა დაუწყო ჰამა, მე კი მადლობელი თვალებით გადმომხედავდა ხოლმე. ამის შემდეგ აღარ მომშორებია, სადაც წავიდოდი, სულ უკან დამდევდა. შინ შევიდოდი და კარებს უწყებდა ფხოქენას და წკმუტუნებდა. თუ მივეფერებოდი სადმე ერთი საათით და მერე გამოვჩნდებოდი, ამის სიბარულს სახლვარი არა ჰქონდა; ხტოდა, თამაშობდა; მილოკავდა ხელებსა და პირს, ყმუოდა და წკმუტუნებდა გახარებული. ნამეტნავად სახის ლოკვა უყვარდა და დიდი ბედნიერება იყო იმისთვის, თუ ამის ნებას მივეცემდი.

ვენახი სოფლის ბოლოსა მქონდა და როცა მოკლით ვიყავი, იქ მივიდოდი ხოლმე. ისიც, რასაკვირველია, უკან ამედევენებოდა; გზაში სოფლის ძაღლები გამოგვიხტებოდნენ ხოლმე, მაგრამ ის აიგაგრებოდა, აიშვერდა მაღლა თავის მოკლე კუდს და ტახივით იღგა. „აბა მობრძანდით, რომელსაც სიცოცხლე მოგბეზრებიათ!“ თან თავის წვეტსა და თეთრ კბილებს აჩვენებდა.

ძაღლებიც მაშინვე უკან შედგებოდნენ ხოლმე: ეგ სხვა ვაჟი ჩანს, მაგასთან ხუმრობა ჩვენ არ გამოგვადგებაო.

ვენახს ვაბარჩინებდი, დღიური მუშა მეყენა.

მოწაფემ ამბავი მომიტანა, ჩვენი ძაღლი გაცოფიანდა, სადღაც გადაიკარგა. შეწუხდნენ ჩვენები, ლამის შიშით თავისი დაემართოთ, ვაი თუ დაცოფილები ვიყოთ, ან ვინ იცნს, ვინ დაგლიჯოსო. ჩვენც ღორები დაგვიგლიჯაო.

მოწათფეები დავითხოვე პურის საკმელად და ვენახში გავწიე. თან ჩემი ძაღლიც გამომყვა. იქიდან ისევ მალე დავბრუნდი, რადგან შუადღის შემდეგ მოწათფეების მეორე წყებისათვის უნდა მესწავლებინა. გზა-გზა არ წამოვსულვარ, რადგან სასოფლო გზა შორს უხვევდა. სოფელსა და ჩემს ვენახ შუა ერთი ნაფუზარია და რადგან იმ ღროს მოხნული არ იყო, გზის შესამოკლებლად ამ ნაფუზარზედ დავიარებოდი.

ახლაც ამ ნაფუზარზედ მოვდიოდი. თან ჩემი ძაღლი მომდევდა. მხიარულად არის, აქეთ-იქით დარბის, სუნავს, იხედება, ეძებს კვალს.

ის იყო, სამოცი ნაბიჯი ძლივს მექნებოდა გასავლელი პირველ საბძლამდე, რომ უკან ქვემოდან ერთი თეთრი ძაღლი გამოჩნდა. მორბის ჩვენკენ, კუდი შეშასავით გაუშვებია. რომ იტყვიან ცოფიანს კუდი ამოძუებული აქვსო, ტყუილია. კუდი ცოფიანს შეშასავით გაშვებრილი უჭირავს. მორბის, არ იყეფება, მხოლოდ ხანდახან ჰაერში შეხტება, რაღასაც ეტანება, თითქო ბუზებს იჭერსო. მე მაშინვე მივხვდი, რომ ცოფიანი იყო.

ჯოხის ან სხვა რაიმე იარაღის ტარება ჩვეულებად არა მქონდა. შიშმა ამიტანა. მერე ჩემს სიცოცხლემ ცოფიანისთანა არაფრისა მშინებია. გზაში მივდიოდი, დღე სხვა არაფერი მომაგონდებოდა, თუ არ ცოფიანი. ბნელი უკუნეთი ღამე რომ ყოფილიყო, კიდევ სხვა არაფერი არა მაფიქრებდა რა, არც მგელი, არც სხვა რამ ნადირი, თუ მეშინოდა, ისევ ცოფიანისა.

ჯი დარი იყო. ურემი ეტარებინათ ტალახში, მიწა გამხმარიყო და კობიქნარი ქვებივით ეყარა. ერთ-ერთ გოროხს დავწვდი და ვესროლე. გოროხმა თავზედ გადაუარა, ცოფიანმა დაინახა და დასაჭერად მიეტანა, არც დაუყეფნია, არც დაულრენია. ცოფიანი იყო, ცოფიანი!

ტყუილი იქნება, რომ ვსთქვა, არ შემეშინდა-მეთქი. სულ რაღაც ოცდაათი ნაბიჯიღაა ჩემსა და ცოფიანს შუა. წინ, ასე ოც ნაბიჯზედ, საბძელია, მაგრამ თავმოყვარეობაც ნებას არ მაძლევს რომ გავიქცევი. ვინც დამინახავს, რას იტყვის, ვაუკაცი იყო და გაიქცაო! იქვე იყო ღობეც, მაგრამ იმავე თავმოყვარეობამ არც ღობეზედ ასვლის ნება მომცა.

„რაც იქნება, იქნება-მეთქი“, ვსთქვი, „შიში ვერ იხსნის სიკვ-

დღისა, ცუდია დაღრეჯილობაო“. დაველე გორახებს ხელი და დავეწყე სროლა.

ახლა კი ჩემი ძალლიც შედგა, მგონი ახლალა დაინახა, უცებ აიჭაგრა, მხიარულება ხელად დაეკარგა, შეშინდა, მოიკუნტა, მეკვრის ზედა, ხან წინ წაირბენს და თვალებში მაქცერდება, თითქოს მეხვეწება, წადი ჩქარა, შენი თავიც გადაარჩინე და მეცაო, ხან უკან მომექცევა და ცოფიანს თვალს აღარ აშორებს, თან მეკვრის და წმუტუნებს. ფეხი ავუჩქარე, მაგრამ ცოფიანიც წამოგვეწია.

დაველე გორახებს ხელი და მივაყოლე. ერთი შიგ თავში მოხვდა და ცოფიანი უცებ შედგა, მეორეც მივაყოლე და ის კი ასცდა. ცოფიანი იმას წაეტანა დასაქერად. მე კიდევ ვესროლე, მაგრამ ახლა ეტყობოდა, რომ კარგად გაგვარჩია და პირდაპირ ისარივით წამოვიდა ჩვენსკენ.

ჩემი წარბა (ასე ვეძახდი ძალლს) უცებ გამოიცვალა. ეს მოკუნტული ძალლი უცებ ვეფხვივით დადგა გზაზედ ჩემს უკან აჭაგრული და მოვარდა თუ არა ცოფიანი, ეცა და როგორც ბურთი ამოიღო ქვეშა.

სანამ ის იმას ბუბნიდა, მე უკვე სამშვიდობოს გაველ. რალა იქნებოდა, წარბას ველარაფრით ვუშველიდი, თუმცა იმან კი ჩემთვის გასწირა თავი. მერე მოცვივდნენ სხვა ძალლებიც და ცოფიანმაც იკადრა ვენახებისაკენ გაქცევა. თუმცა მისდევდნენ და ჰყეფდნენ, მაგრამ ვერც ერთმა ვერ მიბედა საკბენლად, თითქოს ალლოთი იცნეს ცოფიანი. ცხადად ეტყობოდა, ყველა ძალლი სცნობდა ცოფიანს და ერიდებოდა. ძალლი თავის ღღეში არ მივარდება ცოფიანს საკბენლად, თუ ცოფიანმა თვითონ არ დაგლიჯა. ცოფიანი ვენახებში გადახტა და მიიძალა.

წარბა წმუტუნით დამეწია და თან ნაკბენ ყურს აქნევდა, თან სიყვარულით სავსე თვალებით შემომცქეროდა.

ამ თვალებში ვკითხულობდი: მემღური, თუ მადლობელი ხარ, ჩემო მეგობარო?! შენ სიმშლით სიკვდილს გადაამარჩინე და მე კიდევ ჩემი თავი განაცვალეო.

ახლო აღარ მომკარებია. სახლში რომ მიველ, წარბა აღარსადა ჩანდა. ამის შემდეგ წარბა აღარ მინახავს. არ ვიცი, სად წავიდა, გაცოფიანდა, თუ რა მოუვიდა?

ასე გადამიხადა სიკეთე უბრალო პირუტყვმა.

— დაუბერე, შვილო, დაუბერე, ზვალ კვირაა, ზეგ ახალი წელიწადია, გაეკეთოთ რამე, რომ გავყიდოთ და საახალწლოდ ვიყიდოთ რამე, — უძახდა შავად ჩამომხმარი მკედელი კარგუა თავის რვა წლის მიხიასა, რომელსაც მეტ სახელად „კურკანას“ ეძახდნენ. და მართლაც, ისიც ბევრით არაფრით გაირჩეოდა ნეხვზედ ნაყარ მზისაგან გაშაებულ ყურძნის კურკისაგან.

მიხიაც, რაც ძალი და ღონე ჰქონდა, ებრძოდა საბერველს. იმის განიერ მუცელს მკლაგებს ძლივს აწვდენდა და ეძაძგურებოდა დაბერილ საბერველის გულდებს; თუ მარცხნივ აწევებოდა, მაშინ მარცხენა გულა იფუქებოდა და ამავე ღროს მარჯვენა იბერებოდა; სამაგიეროდ, როცა მარჯვენა გულის ღრო მოვიდოდა დაფუქვისა, ახლა მარცხენა იბერებოდა; საბერველს გამოეყო ქურასქვეშ რკინის ტუჩი და ქშუტუნი გაჰქონდა ცეცხლქვეშ ნახშირებში; ქარს ჰაერში ნაცარი და ნაპერწყლებად ქცეული ფერფლი აჰქონდა, ნაკვერჩხლები მხიარულად ბღღვრიალებდნენ და ტაკატაკუცი ედგათ.

მიხიამ გადმოიხედა, ღრო ხომ არ არის დავაყენოვო, მაგრამ მამას რაღაც სქელი რკინა შეედო ცეცხლში, თან დიდი მარწუხით ატრიალებდა, ეტყობოდა ბერვა დიდი სკირდებოდა.

— დაუბერე, უნდა ადულდეს, აი, ეგრე, ეგრე! აი, ყოჩად ბიჭო, ეგრე ბიჭო! — იძახდა წახალისებული კარგუა, თან ცეცხლში მუჭით

წმინდა ქვიშასა ჰყრიდა, რკინას ხან გადააბრუნებდა, ხან გადმოაბრუნებდა, თან ღიღინებდა, ღიღინებდა გაუბეღავად, ჩუმად, შეუმჩნევლად.

ღრმად დანაოჭებულ კანში ხელის სისქედ ჩამოჰკვროდა მტვერი და ჭუჭუკი, სახე დაღრეჯოდა, შუბლზედ შავი ოფლის კუკური ეყარა.

— ეს ოხერი, რაც უნდა ციოდეს, ქურასთან და გრდემლთან მაინც ცხელა, — იძახდა კარგუა. მაინც ღიღინებდა კარგუა რაღაც უცნობ პოეტისაგან შეთხზულ ლექსს მკედლებზედ და ღვინოზედ.

მამის ღიღინისაგან წახალისებული მღეროდა პატარა მიხიაც, შაგრამ ამას თითოეული სიტყვა, თითოეული ხმა მკაფიოდ და გრძნობით გამოჰყავდა, როგორც გრდემლზედ ჩაქუჩის ხმა. მღეროდა ობლის ლექსს, რომელშიაც გამოთქმული იყო ობლობის სიძნელე:

„ენა ვერ იტყვის და პირი
ობლობა ისე ძნელია,
სიღარიბე სჯობს ობლობას,
ობლობა მეტად ძნელია“

ემღურებოდა მკვდარ დედას, რომ დასტოვა ობოლი, მამის ამარა, უღედოდ, უპატრონოდ; ეხვეწებოდა თან წაეყვანა იმ ნათელ ქვეყანაში, სადაც არც სიცივე იყო, არც მძიმე რკინის კვერები, არც სიმშლილი და სიტიტყლე.

„მცივა, დედა, მცივა“, — ამბობდა ლექსი, — შენ არა მყევხარ, რომ ხელები უბით გამითბო, ჩემო კარგო დედა! სადა ხარ, რომ შენს შვილს თავზედ და ტანზედ ჭუჭუკი ხელის სისქედ აძევს და არ გაბან, არ გაათავისუფლებ?! სადა ხარ, დედილო, რომ მშვიერი ვკვდები და მამის შიშით პურიც ვერ მომიტეხია?! სადა ხარ? აღარ მოხვალ შენს შვილებთან?! — გაეგონა სადმე, თუ ასწავლა ვინმემ, თვითონაც არ იცოდა, მხოლოდ გრძნობდა, რომ თვითონაც ასე იტყოდა. სხვისგანაც რომ არ გაეგონა; ამიტომ იყო, რომ ზოგი ლექსი რითმით იყო და ზოგსაც, როგორც ენაზედ ადგებოდა და გული ეუბნებოდა, ისე გამოსთქვამდა.

— კმარა, ბიჭო! — იძახოდა მამა, — მოდი, კვერი დამიკარ!

მიხია თავს ანებებდა საბერეველს, რომელიც ხმას სწყვეტს და ეძებს ჩაქუჩს. ცეცხლმაც გრიალი შესწყვიტა, ალი ჩაქრა, ნაკვერჩხლებს ყვითელი ფერი დაედოთ.

კარგუამ გამოიღო მარწუხით თეთრად გავარვარებული, გაღვივე-
ბული რკინა; გაჯავრებული ნაპერწკლები სისინით ზოგი კარგუას
ტყავის წინსაფენზედ ცვიოდა, ზოგი იშლებოდა და უჩინარი ხლე-
ბოდა.

ერთი ნაპერწკალი გაქანდა და მიხიას ტიტველ ფეხზედ დაეცა;
მიხია სიმწვავეით შეხტა, დაიღრიჯა, მაგრამ მამისა შეეშინდა და ხმა-
კრინტი ვერ დასძრა.

— მე ხომ არ ჩაგაგდე ცეცხლში, შე ოხერო, — ფიქრობდა მი-
ხია, — მე რას მერჩი, მამაჩემი რომ არ მატანდეს ძალას, სამკვლ-
ლოში სულაც არ შემოვდგამდი ფეხს.

— დაჰქარ რაღა, რა პირი დაგიღია, შე ოჯახდასაქცევო, ხედავ,
საცაა რკინა გაცივდება, ნახშირი მაინც არ გენანება, შე... — შეუტია
პატარა მიხიას.

ძლივს ერევა მიხია გრძელტარიან მძიმე ჩაქუჩს, სწევს მალღა,
იზნიკება უკან, რომ უფრო ადვილად დასძლიოს, მერე რაც ძალი და
ღონე აქვს, უშვებს რკინაზე თითქო გულიდან პატარა ცეცხლის
ემშაკები გამოხტენონ, გაიშალა აქეთ-იქით აუარებელი ნაპერწკალი
შიშინით და სისინით; ზოგი მიხიას მიახტა, ზოგი კარგუას, ზოგი მი-
წაზედ დაეცა, გაცივდა და მოკვდა.

— დაჰქა! დაჰქა! — ყვირის კარგუა.

სცემს მიხიაც, თან ხენეშის, მთელი ტანით თან მისდევს ჩაქუჩს,
თითქო შუბლიც ზედ უნდა დაჰქრასო.

— ეგრე! ეგრე! აი, ყოჩაღ! — იძახის კარგუაც და თან თვითო-
ნაც რაც ძალი და ღონე აქვს, სცემს და სცემს გრდემლზედ მძიმე
რკინას. რკინა კევივით ილეკება, ბრტყელდება, ნაპერწკალი თანდა-
თან ელევა, შუქი აკლდება, შავდება, ძირს მხოლოდ რკინის შავი
ნამცეცებიღა ცვივა.

ხენეშის პატარა მიხია, ცხვირის ნესტოები ებერება, ჰაერს ხარ-
ბად ჰყლაპავს, გრდემლთან ჰილყვავისტოლა ძლივს მოსჩანს...

— ახლა დაუბერე, მიხი! — იძახის მამა და კვლავ მოისმის სა-
ბერვლის ქშინვა, პატარა ბიჭის წრიპინი და მამის ძველებური სიმ-
ღერა.

ცეცხლი კვლავ ღვივდება, წითელ-ყვითელი ალი, ნახშირებქვეშ
დაბადებულო, ზემოთ მოძვრება, ნახშირებს ირგვლივ ეხვევა, ჰკოც-

ნის, მერე იყოფა, გველუშაპის ენებივით იკლაცნება, ზევით და ზევით იწევს და ჰერქვეშ იკარგება. მოისმის ჩაქუჩის ტკრციალი, უროს გრგვინვა და გრდემლის კვნესა.

— ეგრე ბიჭო, დაჰკა, ბიჭო! ჰაიდა ბიჭო! — შედის ეშხში კარგუა. თან თვითონაც ორივე ხელით ირჭება, ჟანს არ ზოგავს.

ეხლა ცულების ამინდია, ზამთარია, შეშის საკრელად სქირდებათ, ხვალ მზამზარეულ ცულებს გაიტანს სასწორზე, გაჰყიდის და ზეგისათვის პურს მაინც შეიტანს სახლში. შეილები ეცოდება. მიხიას გარდა ერთი თერთმეტე წლის გოგო ჰყავს სახლში.

— ეჰ, შე ოხერო სიღარიბევი ერთი წყვილი ახალი ჩუსტი მაინც როგორ არ უნდა უყიდოს პელოს, მალე გასათხოვარი გახდება და ამ ქვის ხეთქაში ფეხშიშველა დადის სახლის მომვლელი, ჩვენი ცეცხლის ამთები, შექამანდის მომხარშველი ის არის, ჩვენი დამრეცხი და დამკერებელი, — ფიქრობს კარგუა.

— თუმცა მალ-მალე არ ვიცვლით, — სულერთია, მკედელს რაც უნდა ჩააცვი, — მარამ როცა ვიცვლით, მაშინ ხომ საკიროა დამრეცხი.

ძალიან ყოჩაღია, ცხონებულ დედასა ჰგავს, ერთ საათს არ დადგება ცულად: სახლის საქმეს რომ მორჩება, მერე მეზობლებს ბუმბულს ურჩევს, მატყლს უწეწავს, წყალს უზიდავს, სარეცხს ეხმარება, თითო-ოროლა გროშა შოულობს. ორ-სამ წელიწადში ერთ კაბას ვერ ვუყიდი, სულ თავის ხელით გამოდის, ძმასაც აცმევს. ზოგი ძველ კაბას აძლევს, წინდებს, ფეხსაცმელს... აკერებს, აპატარავენს, თვითონაც იცვამს, ძმასაც ტიტველს არ ატარებს. მუედლის გამორჩენა კი ყველამ იცის რაც არის, ნეტა სახლის ქირა გადაეხადო, სახლში პური შევიტანო, ნავთი და მარილი ვიყიდო, ხანდახან დალალულ გულზედ თითო-ოროლა კიქა ღვინო, ან არაყი გადავკრა.

ეჰ, ბარემ არ არის კარგი ლოთობა! ხანდახან ერთი კვირის ნაწვავ-ნადაგს ერთ დღეს ვაქრობ ღუქანში... მერე მიხიას ოფლი კაცმა შექამოს?! მაგრამ ოხრად დარჩეს, მთელი კვირა ცეცხლში იწვები, რკინას ჰკვერავე, მერე გამოხვალ დაღლილი, შეგხვდება შენსავით ყელგადაგდებული მეგობარი, შეგიპატიჟებს, ან შენ დაუძახებ ერთ ჩარექაზე... ჩარექა ნახევართუნგად იქცევა. ნახევარი თუნგი — თუნგად... წახვალ ცარიელ სახლში ფარფატით... მეორე დღის-

თვის არც პური, არც შეშა და ცეცხლი! ეჰ, განა ჩვენს გაჩენაში ღმერთი ურევია! — და ისეთი ამოიოხრა კარგუამ, რომ მიხიამ საბერკლის უკანიდან გადმოიხედა, მამას რა დაემართაო.

— დაიცა, ბიჭო, შე ოჯახდასაქცევო, დააყენე საბერველი, შიგ ჩამდნარა ცული! — ყვირის კარგუა. — რა ღმერთი გამიწყრა, საღ მქონდა ფიქრი?!

სცემენ თეთრად გავარვარებულ რკინას კვერსა და უროს! თითქო სულ გაიფუშაო რკინა, მთლად ნაპერწყლებში ეხვევა და ყვითელი ბურჯღალ-ბურჯღალით აქეთ-იქით სისინით იფანტება...

მიხიას ვილაცის გრძელი ძალზედ ნიდაყვგამოკერებული ხალათი აცვია; გრძელი სახელოები გადაუყეცნია. პელას უნდოდა დაემოკლებინა, მაგრამ მიხიამ არა ქნა, როცა ქუჩაში მივიღივარ, გადმოვშლი და თბილად შეეყოფ ხელებსაო.

შარვალიც დაუკონკებია, კოქებამღე ვერა სწვდება, — „რად უნდა გრძელი, ტალახში მოსვრისო“, — იძახდა ჭკვიანი პელო. მართალია, საკერებელი სხვა დაუდვია, მაგრამ სიცივეს რა ეკობტავება? ეს არის, რომ ფეხებზედ წინდები არ ეცვა, — ძან დაგლეჯილი ჩუსტები ქქონდა და წინდებს ხომ ერთ ღღეს არ შეაღწეინებდა. ფიქრი არ არის, ფეხი არ გაცივდება, წინდებს ბედნიერ ღღეშიაც მოესწრობა. სამაგიეროდ, მოიცილის თუ არა ქურა, მიხია მაშინვე ფეხებს ჩაპყოფს ცეცხლში და ითბობს, სანამ სითბო გამოელევა.

ორშაბათიდან კვირამღე ამ ყოფაშია მიხია, იმისთვის არც წიგნი, არც სკოლა, არც აღერსი და სიყვარული ვისგანმე. მხოლოდ კვირაობით არის თავისუფალი და მთელ ღღეს ქუჩაში აღამებს. თუმცა და უშლის ქუჩაში სიარულს, მაგრამ მთელ კვირას სამკვედლოში ნაგდებს შინ რალა დააყენებს?! პოულობს ამხანაგებს, ან კოქს თამაშობს, ან სალაობს, გუნდაობს, გამელელ ეტლს მისდევს და ჩუმაღ უკან უჯდება. მიაქროლებს მუქთი ეტლი ქუჩებში, უხარიან, გეგონება საკუთარიაო, სანამ არაეინ მისცხებს და ჩამოაგდებს, ან თვითონ მეეტლე არ გაუგებს და მათრახით არ აუწყავს გვერდებს, თუმცა იშვიათად, რადგან ეტლის გაჩერებას იშვიათად ელის და გზაშივე ხტება. თუ საღმე არღანს უკრავენ, ან სათამაშოს რასმეს აჩვენებენ, მაშინ ხომ იქ არის და იქ.

საღამო ახლოვდება. ორი ცული უკვე მზად არის, მესამესაც ეს

არის, ეხლა აწრთობს მამა. მზადვეა რამდენიმე შამფური, ზედადგარი, მამა და სხვა რაღაც წვრილმანი: რაზა, კოჭაკი, ანჯამა. აი, მთელი იმათი ავლადიდება და ხელოვნება.

მიხია ფიქრებშია. ზეგ ახალი წელიწადია, მოდი და ნუ გაიხარებს. — რაც უნდა იყოს, მაინც სხვა დღეებს სჯობია, მდიდარს დღეებს ვეღვას რამე აქვს; ყველა ცდილობს ამ დღეს კარგი საქმელსასმელი იქონიოს და ახალი ტანისამოსი. ჩაიცვას, — დაგვეკვებება და მთელი წელიწადი ასე გვექნებაო. ახალწლისაგან სასწაულს ელიან ღარიბები, თორემ მდიდრებისათვის ხომ სულ ახალი წელიწადია!

მიხიაც მიელის რაღასაც: სჯერა, რომ ერთ ქალიან კამფეტს მაინც მიულოცავს ვინმე, ერთ ჩურჩხელის ნატეხს! აი, მამაც გაპყიდის ტულებს, შამფურებს — წვადისათვის დასპირდებათ ახალწელიწადს, იქნება ორიოდ გირვანქა ნიგოზი და თაფლი იყიდოს! გოზინაყი გააკეთონ. იქნება კამფეტებიც იყიდოს! სხვა კი ველარაფერი გაბედა ეოცნება, არც იყო ნაირ-ნაირ, მაზამაზა საქმელებს. ზილს დაჩვეული. თუ არ დაითრო მამა, ყველაფერი გვექნება და თუ დაითრო, მაშინ კი უნდა გამოვეთხოვოთ ყველას. უეჭველია, მამა ღორის ხორცსაც იყიდის და რბილ პურსაც. მოხარშავენ ესა და პელო, მოსწენევენ მსუქან წვეს, ჩააბუებუებენ შიგ პურს და ჰერიი!

გოზინაყს პელო მოხარშავს, თაფლითაც ის დააბერებს ახალწელიწად დილას. დიდს, ძალიან დიდს ლუკმას ამოუწობს თაფლში, რომ ორ-სამ ლუკმად ძლივს შესკამოს და თაფლი სულ ექცეოდეს.

— რას დააყენე ე საბერველი, შე ოჯახდასაქცევო?! დაუბერე რაღა, მოვრჩეთ და მოვისვენოთ, რომ ხვალ გავიტანო, გავყიდო და თქვენი საცეცხლი რამე ვიყიდო. ჰაა, დაგვიძინა?!

მიხია შიშით შეხტა, საბერველს ისევ საჩქაროდ სტაცა ხელი და დაუწყო აქეთ-იქით რწევა. აქშუვლდა ისევ საბერველი, გახურდა ცეცხლი, ალმა ჰერქვეშ აიტანა წვერი, აგერ თან აპყვა დაბრაწული გოზინაყი, კამფეტები, ღორის ხორცი, რბილი პური... ჟერ თეთრ-ყვითლად ბრწყინავენენ, მერე თეთრ ფერფლებად იქცნენ, ზოგი ჰერს მიეკრა, იქ სხვებთან კოჭებზედ მოიკალათა, ზოგი აბლაბუდაზედ შეჭდა და ქანაობა დაიწყო, ზოგი კარში გაიპარა და ქარს გაპყვა, საღლაც საიდუმლო ქვეყანაში სათამაშოდ და სასრიალოდ, ზო-

გი ისევ ძირს ჩამოცვივდა, მიწაზედ გაიტყლაპა, ზოგი საბერველზედ დასკუპდა, ზოგი ანჯამებს მიეკრა, ზოგიც თაროებზედ დასკუპდა, აგერ წამოვიდა ფარფატით ერთი მიხიასკენ, ხან მალლა აიწევს, ხან დაეშვება, თითქო მიხიასი ეშინიანო, მერე წინ ქოჩორზედ დააჭდა და თმებზედ ამაყად გამოიქიმა.

უბერავს მიხია და თან თვალი ამ თეთრ ფერფლზედ რჩება. ხომ პაწაწაა, მაგრამ როცა უცებ აიხედავს, რალაც დიდ ფრინველად ეჩვენება. მერე თანდათან იღვევა, პეპელას ტოლი ხდება და ბოლოს კი ძლივსლა მოსჩანს.

— მომშორდი რალა, რა თვალებში მელანდები, თქვენგანა მაქვს თავი სავსე! — გაიბერტყა ქოჩორი მიხიამ. გაქრა ფერფლი, გაქრა გოზინაყ-კამფეტები, დარჩა საბერველი, დაყინული ფეხები, გალურჯებული ცხვირი — დაიღალა.

ეჰ, მალე მაინც მორჩეს მამა.

• • •

მეორე დღეს შუადღე იქნებოდა, როცა მამამ ორი გირვანქა ღორის ხორცი და ხუთი თუ ექვსი გირვანქა პური უყიდა და გაატანა მიხიას სახლში. თუმცა იმერული თაფლი ორ შაურ ნახევრად იყიდებოდა, — აბა ქართლულს საამაოდ ვინ გახდიდა, გირვანქა ხუთ შაურად ფასობდა!.. მაგრამ კარგუას მაინც ავიწყდებოდა თაფლის ყიდვა.

— წამო, პატარა დავლიოთ რამე, თაფლს მერე იყიდი, — ეუბნებოდნენ მეზობელი მკედლები. ჩავიდნენ და შეაყოლეს.

მიხიას და პელოს არ გაჰკვირვებიათ მამის საქციელი. პირველად ხომ არ იყო, რომ ასე იქცეოდა, ხორცი ხვალისთვის შეინახეს და რბილ პურს კი მადიანად შეექცნენ.

ამის დედას ბუდე ერთ ბებერ მუხის წვერში ჰქონდა. ეს მუხა ძალიან მაღლა იდგა — უხვედრ, მიუვალ მთის ფერდობზედ.

ორივენი, მუხაც და ქორიც, თავისუფლების მოყვარულნი იყვნენ. ქორს თავის დღეში ტყვეობა და მონობა არ ეცადნა. ლალად დანავარდობდა მთაში და ბარში. ხან კაკაბსა და როქოს იქერდა, ხან ქედანსა სდევნიდა, ხან სოფლად ჩამოუვარდებოდა და მაშინ უნდა გენახათ, დედაკაცების ჭყვირილი და „ჰაი, ჰუი!“

ის კი ან მსუქან დედალს მიათრევდა, ან დაჩიორავებულ ვარიას და თუ გაუქირდებოდა, არც მყვირალა მამალს იწუნებდა. ჯერ თავს უტეხდა, რომ ხმა გაეწყვეტინებინა, ტვინსა სკამდა და მერე მკერდიდან იწყობდა გლეჯას და წიწყნას. ბუმბულს და ფრთებს ბღღენიდა და ქარს ატანდა, ხორცს კი თავისი წვეტიანი და ბასრი ნისკარტით ღონივრად გლეჯდა და ხარბად ჰყლაპავდა; თან ბრკყალებით მაგრა დაებლუჯა.

მისი წესი იყო: რაც კლანჭებში ჩაუვარდებოდა, აღარ გაეშვა. აბრიალებდა ცეცხლივით ყვითელ თვალებს და მუდამ მზად იყო სცემოდა, ვინც კი შეეცილებოდა ნანადირევს, გინდ ფრინველთა მეფე არწივი ყოფილიყო, გინდ ქარიშხალზე სწრაფი და მელგარი შავარდენი.

— რამდენი ხნისაა ეს ქორი? — იძახდნენ გლეხები, — რაც თავი

გვახსოვს, სულ ასე დადის და ქათმებს გვტაცებს, არ იქნა, ვერავინ მოკლა ე ტიალი. ძალიან იღბლიანია ე წყეული!

— ერთხელ მივეპარე და თოფის ლულა თითქმის ზედ მივადე, — იძახდა ერთი, — დავსხლიტე, ფალიამ აიარა, მაგრამ როცა ქორი გაფრინდა, თოფი მაშინდა გაეარდა.

— ალბათ არ ეწერა ღვთისაგან, — სთქვა ამოოხვრით მეორემ.

ქორი კი თანდათან უფრო და უფრო თამამდებოდა: ეზოდან კი არა, თვით სახლის დერეფნებიდანაც მიჰყვანდა ქათმები, საბძლებში უხტებოდა და ხან ბოსლიდგანაც გამოუყვანია ჰყვირილითა. ნამეტნავად მაშინ ხდებოდა ონავარი, როცა ბარტყები ჰყვანდა, არავის ეპუებოდა, თვალწინიდან იტაცებდა დღეში რამდენჯერმე.

— გაგვაცია, გაგვაჩანაგა მაგ დაღუპულმა! — ბუზღუნებდნენ და ოხრავდნენ ქალები.

* * *

არც მუხას ეცადნა ცულის ძალა, არ იცოდა რა იყო კაცის ხელი. უხსოვარ დროიდან იდგა იქ დახაესებული, დაღრეჯილი. თვითონაც კი აღარ ახსოვდა თავისი წარსული, ვინ მოიტანა აქ ამ თვალუწვდომელ კლდის თავზე. ვინ ჩათესა ამ ქვასა და ქვიშაში?! გრძელ ქალაქა წარბებივით ჩამოფხუტოდა ტოტებიდან მწვანე, ან ნისლისფერი, ერთმანეთზე ასხმული და აჩონჩხლილი ხავსი.

საკვირველი იყო ეს ხავსი. ხან დროთა ბრუნვისგან დაჩაჩანაკებულ — სიკვდილმიუყარებელ გრძნეულთა წვერს მოგაგონებდა, ხან გაფარჩხულს არწივის კლანჭებს, ერთმანეთში გადახლართულთ, ხან ნაზად ნაქსოვ პებლების მხრებს, ან ფრთების მსგავს ჩადუნის ფოთოლს, ხან ყინვისგან ფანჯრის შუშებზე გამოხატულ საოცნებო სურათებს, ხან პატარა ჩიტების პაწია ბრჭყალებს და მთლად კი, მუხის წვერიდან დედამიწამდე, საოცრად ასხმულ და აკინძულს საოცნებო არწივის გორგალს, თვალაუწვდომელ სიმაღლიდან ძირს დამპალ ფოთლებამდე ჩამოშლილსა.

იდგა მუხა აქ და თვალმოუშორებლად ჩასცქეროდა ქალას. ვერც კი წარმოედგინა, თუ იმ ჩაღრმავებულ, ჩავარდნილ და სულშეხუ-

თულ ხეობაში შეიძლებოდა სიცოცხლე და ბედნიერება. რა აძლებინებთ, რომ არ იხრჩობიანო, ფიქრობდა გაკვირვებული.

იღგა ასე მუხა მრავალ ათისა და ასი წლის განმავლობაში. ორ წელიწადში ერთხელ მოისხამდა მრგვალ ჯამებში ჩამსხდარ გრძელ რკოებს, შემოდგომით ჩამოჰყრიდა ძირს ჯერ რკოებს და მერე ზემოდან აფარებდა მსუქანს და სქელ ფოთლებს. ეს იყო და ეს იმისი ზრუნვა მომავალი თაობისთვის.

ძირს კი ან გარეული ღორი ჩიჩქნიდა ფოთლებს და ჰკენეტდა რკოს, ან ჯაფარა ჰქექავდა, პოულობდა და ნისკარტით უხვრეტდა გვერდს, თავი აგროვებდა და ციყვს მალლა ხის ღრუში აჰქონდა ზამთრის საზრდოდ.

— აჰ, ამ მუხის წვერზე, გააკეთა ლურჯმა ქორმა ბუდე. კაცის ხმა, სოფლის ხმაურობა და ჰაჰყანი თვითონაც ეჯავრებოდა და არც შეილებისათვის სურდა ჰვეყნის განგაშისთვის შეეჩვევინებინა ყური. ველურად იზრდებოდნენ იმისი შეილებიც. ქარის საზარელი ღრიალი, არწივის ყეფა და შავარდენის კვილი ნანად ესმოდათ. ჩანჩქართა ხუილი, ზვავების ქუხილი და დაგორებული ლოდების გრიალი სიმღერას ეტყოდნენ.

ისხდნენ ისინიც ორნი, ჯერ ისევ თავგებივით გინგლიანი და ყვითელ პირს აღებდნენ. როცა დედის ნაცნობი მხრების ხმა მოესმოდათ, შორიდანვე სცნობდნენ, თავს მალლა იღებდნენ და წიწინით ეგებებოდნენ. უგლეჯდა დედაც ნისკარტით თავის ნანადირევს და ყელში უღებდა.

— ჰამეთ, შეილებო, ჰამეთ! გაიზარდეთ და დიდი ქორები გახდით, დედის გასახარებლად. შენ გატყობ, თვალყვითელავ, რომ კაი ბიჭი გამოხვალ, ღირსეული ჩამომავალი სახელოვანი მამა-პაპისა. დაგყვა, შეილო, ნისკარტი აღმასი, კლანჭები გრძელი და წვეტიანი, თვალი ცეცხლისა და მხრები ქარისა. გაიზრდები, შეილო, გაფრინდები. ეს ამოდენა მთა და ჰალა-მინდორი სულ შენ ხელთ იქნება. სდიე კაკებებს და ტყის ქათმებსა, სინსილა გაუწყე ქათამ-ინდაურებსა, ვისაც მოერიო, გაუშრე სისხლი, მარჯვე გამოხვალ და ღონიერი.

უგდებდნენ ყურს ბახალბიცი, თრთოდნენ და ნისკარტს აკაპუნებდნენ. იმათ არ იცოდნენ, რას უამბობდა დედა: ვინ უნდა დაეჭირათ, ან ვინ უნდა შეეჰამათ, ვისთვის უნდა ეღვენათ და სინსილა

გაეწყოთ, ან ვის სისხლს უქებდა, რომ თბილ-თბილი ასეთი საამუ-
რიაო.

დელა კი განაგრძობდა:

— ჩემო ბიჭუნია, რომ იცოდე, რა გემრიელია თბილ-თბილი
სისხლი ფრინველისა, როცა ჭერ ისევ ცოცხალს ჰგლეჯ და ჰყლა-
პავ! რა საამურია, როცა მეხივით დაეცემი ეზონი გაშლილ ქათ-
მებს! რა წიოკობა და ვაივაგლახი შეუდგებათ ხოლმე! უნდა ეცადო,
ხელად აიტაცო და თავს უშველო, თორემ თუ კაცმა მოგასწრო, უნ-
და გამოეთხოვო სიცოცხლეს; ის კვეიანია და სასტიკი, ჩვენზე უფ-
რო მოსისხლე და დაუნდობელია! ერიდეთ, შვილო, კაცსა!

• • •

ასე გადიოდა დრო. ქორის ბახალებს გინგლი ლეგა ბუმბულად
გადაექცათ, დაფრთიანდნენ და პატარა ქორები დახდნენ, ამაყი, გუ-
ლადი და შეუპოვრები. ეხლა საკმელს დედას პირიდან სტაცებდნენ
და თვითონვე ინაწილებდნენ. ბუდეში ძლივსლა ეტეოდნენ და გული
გასაფრენად უწუხდათ. ამათაც მოუვლიდათ ხოლმე ყინი, როცა სხვა
ფრინველებს ჰხედავდნენ ცის უფსკრულში მცურავთ, თრთოდნენ
და კანკალებდნენ.

უკვე მეორე დღე იყო; დედამ ველარაფერი მოუტანა, მუდამ
ხელცარიელი ბრუნდებოდა. ბახალებიც მოუთმენლად ელოდნენ და
თვალ-ყური დედის გზისაკენ ექირათ. მაგრამ მეორე დღესაც ხელ-
ცარიელი დაბრუნდა დედა.

— გავაბეზრე, შვილო, სოფელი, გაეწყვიტე ქათმის სინსილა,
გაფრთხილდნენ, მდარაჯობენ. რამდენიც დავეცი ქათამს, იმდენჯერ
კეტებით და თოფებით მდიეს. კიდეც კარგი, რომ ცოცხალმა გამო-
ვასწარი. მეტი ღონე არ არის, უნდა დღესაც მოითმინოთ, ხვალ
კიდეც ვცდი, იქნება სხვაგან ვინადირო.

— ვინა გდევნიდა, დედა? ვინ გიპირობდა მოკვლას? რადა? რით
გააჯავრე სოფელი? — ჰკითხავდა თვალყუითელა. — აი, დედა, ჩვენ
ამდენი ხანია აქა ვართ და ჩვენთვის ხმაც არავის გაუცია, რალა შენ
გაგიმტერდა სოფელი?

— თუ მოგავნოთ კაცმა, არც თქვენ დაგინდობთ, ხელად წაგგლე-
ჯათ კისრებს, ან უფსკრულში გადაგიძახებთ, ან ქვებზედ კვერცხი-

ვით გაკვირვებულა. ავია კაცი, შვილო, ამიტომ გავიკეთე ასე მიუდგომელ და უხვედრად აღგილას ბუდე. თუ იპოვა კაცმა ჩემი ბუდე, მაშინვე ჩამოშლის, თქვენ მიწაზე ჩამოგყრიო, დაგადგავთ ფეხებს და იტყვის: „გაწყდით, თქვე გველის წიწილებო, თქვენც დედათქვენსავით მოსისხლენი და მტაცებლები გამოხვალთ! დაგსრესავთ და წელებს გადმოგადენთ. „ერთი ქორით მაინც ნაკლები იქნებაო!“ გულს გაიკეთებს.

ბახალა კი შიშითა და სიბრაზით თრთოდა და კანკალებდა:

— რა დავუშავებთ კაცს, რად უნდა დაგვხოცოს?

გავიდა მესამე დღეც. სიმშვილმა ბახალები ძალიან შეაწუხა. უკვე ბუდედან გადმოვარდნას აპირებდნენ, როცა დედის მხრების ნაცნობი მსუილი მოესმათ, სიხარულით წიწინი მორთეს და ბუდეში წამოიყაყვნენ.

დედა ნანადირევით ბრუნდებოდა, კლანჭებით დაებლუჯა და მოჰქონდა. ბახალები სიხარულით მხრებს ატყაპუნებდნენ. დედა უფრო და უფრო ახლოვდებოდა.

მაგრამ უცებ რაღაც საზარელი ხმა მოესმათ. ვიღაც კენესოდა და გმინავდა. ეს ხმა გულში არწივის ბრჭყალებივით ხვდებოდათ და გულს უხუთავდათ. ბახალები ერთმანეთს მიეკვრნენ და სმენად გადაიქცნენ.

რამდენადაც დედა ბუდეს უახლოვდებოდა, კენესა თანდათან უფრო და უფრო მკაფიოდ და გარკვევით ისმოდა.

ალბათ ვინმე თავგასრესილი, წელეზგადმოდენილი სულს ებრძოდა! ბახალები მოიბუზნენ, ბუდეში ჩაძვრნენ.

კენესა აქვე, ამათ გვერდზედ ისმოდა, ოჰ, აჰ იყო ის მოსისხლე, ამათ რომ შიშის ქრუანტელსა ჰგვრიდა.

— თვალყვითელავ! აბა ყური დაუგდე, — ეუბნებოდა ჩურჩულით ლევა, — ვინა კენესის ისა? მე შენ მეგონე, თვალყვითელავ, ვთქვი, მოვიდა კაცი-მეთქი, ჩამოანგრია ჩვენი ბუდე, ჩვენ ძირს ჩამოგვყარა, შენ ფეხით შეგდგა და გისრესავს თავსა! ოჰ, მადლობა ღმერთს, რომ აქა ხარ ცოცხალი! აბა, კარგად დაუგდე ყური! ალბათ აქვე სადმე კაცმა დაიჭირა ვინმე და ჰკლავს, აი, აქვე ყურში ჩაგვკენესის! დედა მაინც მოვიდეს ჩქარა: ის მოგვეხმარება, არ მისცემს კაცს ნებას, რომ ჩვენ თავები დაგვისრისოს, არა?!

იახალეებს თავები ბუდეში ჩაეყოთ და ერთმანეთს მიჰკვროდნენ.

— რას ჩამძვრალხართ ბუდეში, თქვე ლაჩრებო, თქვენა? ვინ შეგაშინათ? იქნება შავარდენმა დაუხულუზნა კაკაბს და იმისმა მხრების ჭეჭამ თქვენ გულები დაგიხეთქათ?! იქნება არწივი მეხივით დაატყდა კურდღელს, ან შეელს, აქვე, თქვენს თვალწინ გაგლიჯა და თქვენ კი ურცხვად ლაჩრებივით თავებს ბუდეში იფარავთ?! ან იქნება ლაყუნა სვავმა თავზედ გადაგიართ და იმისმა ჩრდილმა შეგაშინათ?! ან იქნება სიმშის ველარ გაუძელით და ძილს მიეცით თავი?! ხომ არ დაიხოცეთ, გაახილეთ თვალი!

ბახალეებმა ახლალა გაახილეს თვალი და გახარებულნი, დედის ხმისაგან გამხნეებულნი, ბუდიდგან ამოძვრნენ.

ქორს ერთი დედა მტრედი დაებლუჯა კლანჭებით, ბუდის პირთან იჯდა და ცეცხლისმფრქვეველ თვალებით მისჩერებოდა ლაჩარ შეილებს.

— აბა, აი, მოგიტანეთ ვახშამი! კაი ხანი იმარხულეთ, მაგრამ მეც კი კაი ვახშამი მოგიტანეთ. ცოტა კი არ ვეწვალე ამის დაქერაზედ. ესეც თავისი ბარტყებისათვის მინდორში გორველასა და ცერცველას აგროვებდა. დიდხანს ვიჭექი წიფლის ფოთლებში ჩასაფრებული და ველოდი. ამან უკვე ორიგზობა წაულო შეილებს საკმელი და მე კი იქვე ვიჭექ გაქვავებული. მესამედ რომ დაბრუნდა, უკვე არხენად იყო, აღარ ეშინოდა და აღარც ფრთხილობდა. წელანდელივით აქეთ-იქით აღარ იხედებოდა და აღარ ფრთხილებოდა. მეც დრო შევეურჩიე და როცა ის ცერცვლის პარკს ებრძოდა, დავეცი ქარიშხალივით და წამოვიყვანე. არ მოკვდა აქამდე და მეც თავი აღარ გაგუტეხე, მინდოდა ცოცხალი გენახათ და თქვენ თვითონ მოგეკლათ. აი, როგორ კვნესის. მოდიღ და ჩამომართვით. მოდი, შეილო თვალყვითელავ, შენ უფრო ყოჩალი სიხანხარ შენს დაზე, მაგრამ მარტო კი არ შექამო. მაგასაც უწილე!

მტრედი კი კვნესოდა და სულთმობრძავი ჰფეთქავდა. წითელი ნისკარტი განივრად გაეღო, თავი გვერდზე გადაეგდო და მძიმე-მძიმედ სუნთქავდა. ოქროსფერ მკერდზე წითელი ლალივით სისხლის წვეთები მოგორავდნენ და ბუდეში ცვიოდნენ.

თვალყვითელა მოიბუზა და ბუდის შორეულ კუთხეში მიიყუჯა.

მტრედი კი კვნესოდა და თან ყელში ხრიალებდა. თავხარდაცემული ლეგა ბუდეში ჩაძვრა და სული განაბა.

— მოდი, შეილო, წაიყვანეთ და შექამეთ, — უძახდა ქორი, — მოდით, თუ გეშინიანთ, ამ საათში სულს გავაფრთხობინებ. რას გიზამთ, სულთმობრძეაია, რამ გაგაქვავათ? დაბრძავდით, თუ დაყრუვდით? ჰა, დაიჭით! — და ქორმა მომაკვდავი მტრედი შვილებს ზედ მიუგდო.

მომაკვდავი მტრედი თავდაყირა ბახალებს შუა ჩავარდა. სადა ჰქონდა გაფრენის ან განძრევის თავი, უკანასკნელად ჰფეთქავდა.

თავზარდაცემული ქორის ბასლები კი თანდათან ბუდიდან მაღლა მიფოფხავდნენ, არ უნდოდათ, რომ მტრედს შეჭხებოდნენ, ან კიდეც თვალით დაენახათ.

დედა ქორი კი იჯდა ბუდის პირზედ გაქვავებულივით, სისხლიანი კლანჭებით და სიბრაზით კანკალებდა.

— გავეცალოთ აქაურობას, ლეგავ, — წასჩურჩულა აკანკალებული ხმით თვალყვითელამ.

— წავიდეთ, წავიდეთ, თვალყვითელო! არ მინდა ასეთი ცხოვრება!

ცოტა ხნის შემდეგ და და ძმა ბუდის პირზედ იხსდნენ, ფრთებს ისწორებდნენ და ხარბი თვალით გასცქეროდნენ ცისქვეშეთს, თავისუფლებით და ბედნიერებით საესეს. გაშალეს მხრები... მსუბუქმანიავმა შეისვა ფრთებზედ ახალგაზრდა ქორები და თვალის სისწრაფით გააქანა ჯერ უცნობ წუთისოფელში.

— სად მიჰფრინათ, სადა, თქვე სულელნო?! — მისძახოდა გამაგებული დედა.

[1908 წ.]

— ბზი! ბზი! სულთამხუთავო! რას შემომცქერი შენის მოსისხლე თვალებითა? აბა, ამოდი, თუ კაი ბიჭი ხარ! საქმე ეგ კი არ არის, რომ ძირს მოგეასწრობ ხოლმე და მზეს დაგვიბნელებ, შენ თვითონ მზეს დასაბნელებელო, შენა! ამოდი რაღა, თუ კაი ბიჭი ხარ, რა კუღსა ხლაკნი და სიმსუნაგით ღნაეი!

ასე აჩავრებდა მარანში ჩამოკიდებულ მსხლების ჯაგანზედ მჯდომი თავუნია ციცას, თან უკანა ფეხებზედ დაყუნტებულყო, უღვაშები გაეზიკა, წინა თათებს ერთმანეთს უსვამდა და დაცინვით მალ-მალ ცალ თვალს ხუჭავდა. — ამოდი, რაღა, ჩიჩია არ მოგინდა, მომარხულე ქალბატონო?!

ციცა კი გამწარებით კნაოდა, სცდილობდა როგორმე შემხტარიყო მალა და გაეზაწრა ი თავხელი ქურდბაცაცა.

— დაიცადე, შე თავხედო, თუ ჩემი პატრონის მსხლების შეკმა შეგარჩინო, თავზედ ქუდი აღარ მებუროს და თქვენი მასხარა გაეხდე!

რაკი ვერაფერს გახდა, კატამ მოთმინებას თავი მისცა. იქვე ძირს წამოწვა და თვალები მოკრუტა, ხანდახან ცალ თვალს ახელდა და თავს ზეერავდა.

თავი კი თამამად ხრავდა მსხალს და ქერქის ნამცეცებს კატას

თავზედ აყრიდა. კატა კიდეც, იობის მოთმინებით აღჭურვილი, სულ-
ჯრძელობით იტანდა ამ გაწბილებას, იწვა და ელოდა: „ერთხელაც
იქნება, ძირს ჩამობრძანდები, ქალბატონო, სულ მანდ ვერ იჯდები,
შენისთანა თავხედების ბოლო კარგად ვიცე“, — ამბობდა გუნებაში
ციცა.

თავი კი არხეინად იჯდა და ტკბილ მსხალს ხრავდა და ხრავდა.
ზოგი სულ გამოედრუტნა, ცარიელი ქერქილა ეკიდა, ზოგი ნახევრად
გამოეხრა, ზოგისთვის ყუნწი მოეკაპა და ასეთი მსხალი ძირს ჩამო-
ვარდნილიყო. ერთი სიტყვით, ჯაგნებისათვის ძალიან ცუდი დღე
დაეყენებინა.

უცებ ერთი ყუნწმოკრილი მსხალი ბზრიალით წამოვიდა ძირს და
არხეინად მწოლარე კატას ზედ თავზედ დაეცა.

ვინ იცის, რა ეგონა საწყალ ციცას: სახლის დანგრევა, ღვთის
რისხვა, თუ ძაღლების თავდასხმა, ისეთი ფხუყუნით წამოხტა ბეწვ-
აშლილი, კუდაფხორილი.

— მიაუუ! მიაუუ! — დაიღნავლა შეშინებულმა კატამ და თან
საომრად მოემზადა.

— ჰა, ჰა, ჰა, — იცინოდა ზევიდან თავი, — რაო, სისხლისმსმე-
ლო, რამ დაგიფრთხო ძილი? მოისვენე, ძილს ნუ დაიფრთ-
ხობ!

ამის შემდეგ კიდეც კარგა ხანს მოისმოდა გახარებული თავის
ზითხითი, ასე რომ, იმის ხმაზედ მეორე კუნჭულში სხვა წრუწუნამაც
გამოყო ცხვირი და უღვაშები, უნდოდა გაეგო მნიარულების მიზე-
ზი, მაგრამ უცებ უზარმაზარ მხეცს მოჰკრა თვალი და, ელდანაკრა-
ვივით, სოროს ეცა. ჭრიჭინაც გამომძვრალიყო თავის ექვსი ფეხით
და უღვაშებზედ ხელს ისვამდა.

— რა იყო, რა მოხდა, მეზობელო? — მეზობელი ძალიან მნია-
რული იყო და ჭრიჭინასათვის ყურადღებაც არ მიუქცევია.

კატამ მიიხედ-მოიხედა, მაგრამ მტერი არსად სჩანდა, მხოლოდ
ძირს ყუნწმოკმული მსხალი გორავდა, და მალა კი თავი იცინოდა.
კატამ, ვითომ აქ არაფერიაო, ცოტა მიიარ-მოიარა, მივიდა და ისევ
თავის ადგილზე დაწვა.

— დაიცა, წრუწუნავ, მსხლებსა ჰყრი, ვითომ უნდა გული გამი-

ხეთქო, მაგრამ შენც ბოლოს მაგ მსხლებთან ერთად აქ ჩამობრძანდები. ვიქონიოთ მოთმინება!

ასე გადიოდა ხანი. კატა მხოლოდ ცოტა ხნობით დგებოდა, ისიც მაშინ, თუ სადმე ფიცრებს და გოდრებს უკან თავგები დაიწყებდნენ ფხაკუნს. გამოჰყავდა გაბაწრული თავუნია, ჯერ გაუშვებდა, მისცემდა ნებას გაქცეულიყო, მერე ერთის ნახტომით ისევ იპერდა და თათებით ბლუჯავდა. თავხედი თავუნა თუმცა ამ დროს ჯაგანზედ იქდა, მაგრამ რომ მოესმოდა გაბაწრული მოძმის წრუწუნი, მსხლებში ძვრებოდა და შიშით კანკალი გაჰქონდა.

ასე გადიოდა დღეები.

თავგმა თითქმის სულ შექამა მთელი ჯაგანი, მხოლოდ ერთიღა ეკიდა.

— ერთი თუ ამ გათავეებისას კიდეც არ დაგაფეთიანე, კატუნა, რაღა ბიჭი ვარ, — სთქვა წრუწუნამ და გრძელ ულვაშში ჩაეცინა. თვალწინ წარმოუდგა შეშინებული კატუნია როგორ ფხუკუნით წამოვარდებოდა.

ჩააცხრა წრუწუნა ამ ერთადერთ მსხალსაც: „მოვხრავე ყუნწს, ჩავარდება და მაშინ ნახე სერი!“ — ზედ შესკუპდა, თან თვალი ციცასკენ ეჭირა, როდის დაეძინებოდა.

კატა წევს, თავი მოუშძინარებია, ხანდახან ცალი თვალით მალლა შეიციკირება.

— ეს ერთი მსხალიღა აბია, — ფიქრობს ციცა, — თავვი ზედა ზის და თავს უხრავს. აჰა, თუ რა მოგივიდეს; სულელო, დაიცა ვნახოთ, ბოლოს ვინ გაიცინებს.

თავვი კი დიდ სიამოვნებაშია. თან ტკბილის მსხლით პირს იგემრიელებს, თან ყუნწსა ხრავს, რომ კატას თავი გაუტეხოს...

უცებ რაღაც მოხდა. ჰერი მალლა-მალლა წავიდა, მსხალი ხელიდან გაეშვა, ორივენი სადღაც მიფრინავენ. ვაი უბედურებავე, ის სისხლისმსმელი კატა საცაა თავგთან ახტება, ისე ახლო გამოჩნდა! თავეს შიშით თვალი დაუბნელდა. აგერ მსხალი იქით გაგორდა, თავვი კი კატას ზედ ზურგზედ დაახტა.

— მიაუუ! — დაიჩხავლა საზარლად ციცუნამ და წამოვარდა ზეზე.

წრუწუნაც მალე მოვიდა გონებაზედ და ეცა მარნის კედლებს, შაგრამ არც ციციას ეძინა, ერთის ნახტომით წრუწუნა უკვე კლანჭებში მოიგდო და, ვითომ და აქ არაფერი იყო, არხეინად გამოსწია თავის საწოლისაკენ.

საწყალ თავუნას თვალები გადმოჰკარკლოდა, მხოლოდ კუდზე შეატყობდი, რომ კიდევ ცოცხალი იყო, რადგან ჰიაყელასავით იკლავებოდა.

— კარგა გამიტეხა თავი — იძახდა ციციუნა, — გული არ გამიბეჭეთა ამ წრუწუნამ!

„თებერვალი დადგაო, ხეში წყალი ჩადგაო, ჩიტმა-ჩიორამაო ჯაგვშო ბუდე ჩადგაო“. ჩადგა წყალი და ახლა როგორა! ჰკრა ზენა ქარმალეღმა და აქამდე თეთრად მოელვარე მცივანა თოვლი უცებ რალაც სახიდან შეიშალა, ფერი გაულურჯდა, შუშის მსგავსი გახდა, დასველდა, ძირწი წყალი ჩაუგუბდა, თვითონაც თანდათან წყალში ჩაყრილ შაქარივით დნობა იწყო და ბოლოს სულ სადღაც გაიპარა. წყალმა კი, ზოგმა მიწაში გაეონა, ზოგი გუბეებში ჩადგა, მომეტებულმა გუბეებიდგან გადახეთქა და გველივით კლაკენით დაბლობისკენ გასწია, იქ სხვა ამხანაგს შეხვდა და გათამამებულმა, ცოტახნის შემდეგ, როცა ბექზე გადაეშვა, სიმღერაც შემოსძახა.

კარმიდამო და ქუჩებიც გაშრა. გაშრა და გაეხარდათ პატარა გოგო-ბიჭებსაც, აქამდე რომ სიცივის შიშით ჩიტის ბარტყებივით სახლებში იყვნენ შეყუყულები, მალე ისევ ერთმანეთი იპოვეს დობილ-ძმობილებმა; მთელი საათობით ხან ბურთაობდნენ, ხან სალაობდნენ, ხან კოჭაობდნენ. არ დაგიდედნენ, რომელი ვაჟების სათამაშო იყო და რომელი ქალებისა.

სკოლიდან დაბრუნებული ბიძინაც სულ ამათთან ირთმევდა სულსა.

— მოდი სახლში, ბიჭო, ხომ ხედავ მზე ჩავიდა, ყინვა გამოუშვა, — უძახდა ბიძინას დედა, — არ გამიცივდე, ავად არ გამიხნდე და

ცეცხლზე წყალი არ დამისხა. ხომ ჰხედავ, ისევ ზამთარია, შემოდის სახლში!

მაგრამ თამაშობით გატაცებულ ბიძინას აინუნშიაც არ მოსდოდა დედის დარიგება. გაწითლებულ-გაოფლიანებული ბურთს ხან ისროდა, ხან დასაქერად დასდევდა, ხან მიჭნაზედ გარბოდა.

— გაათავეთ, ბიჭო! — უძახდა შეწუხებული დედა. — ცუდი მოარულები დაიარება, არ გამიცივდე, არ დამღუპო.

— ემ საათში, დედა, ემ საათში, აი საცაა გამოვათავებთ! — ეძახის მხიარულად ბიძინა, მაგრამ იქვე ბიჭები კოქსა თამაშობდნენ და გახურებულ-გაოფლიანებული ახლა იმათ დაადგა თავზე და დაუწყო კოქის ყრას ცქერა. ცოტა ხნის შემდეგ სიცივე იგრძნო: ითმინა, ითმინა ბიძინამ, მაგრამ როცა სიცივემ ცხვირი და ყურები საკმაოდ აუწვა, ველარ მოითმინა და მოკურცხლა სახლისაკენ.

— ახლა კი შემეცივდა, დედა, — სთქვა დაღრეჯით ბიძინამ, ძან აცივდა, ქარი ამოვარდა.

შუალამე იქნებოდა, როცა ბიძინას გამოელევიდა. ყელი ეწოდა, ცხვირში უქერდა. ოჰ! ოჰ! ახველებს ბიძინა. თან ყელში უღიტინებს რაღაცა და სულის ქცევას უშლის. ოჰ! ოჰ! ოჰ! ახველებს, რაც ძალი და ღონე აქვს, ცდილობს ამოატანოს ნახველს, ი რაღაც რომ ეცობა ყელში.

— აი, დამიდგა თვალები! ამას ხომ სიცხე აქვს! ახლა ამშენებია ოჯახი! — ამბობს შეშინებული დედა, — აკი გითხარი, შე უსამართლოვ, ნუ თამაშობ, გაცივდები-მეთქი, კი ვერაფერს შეგასმენს კაცი და! — დედამ ჩაიხუტა გულში თავისი ბიძინა და თბილად დახურა, მაგრამ ხველამ მაინც რამდენჯერმე გამოალევიდა! მეორე დღეს ბარემ დედა არ ჭგზავნიდა ბიძინას სკოლაში, მაგრამ იმან არა ქნა, ხველასურდომ უნდა სწავლას მომაცდინოსო?

გავიდა რამდენიმე დღე და ბიძინას ხველამ უფრო უმატა. ახლა სულ აქლოშინებდა, ცხვირი გაუწითლდა. ცინგლს წამდაუწუმ ცხვირსახოცით იწმენდდა. მასწავლებელს ეთქვა: მკავე და მლაშე რამე არა სჭამო, დედას უთხარ, ოფლი მოგადინოსო. დედამ ტკბილი წამალი დაალევინა, ოფლის ჩაიე ასვა, მაგრამ ბიძინამ საბანი არ დაიყენა, ოფლი არ დაისრულა. დედამ აღარ იცოდა, რითი ეშველა.

— იცი, დედა, — გამოეხმაურა დედას ბიძინას მოზრდილი და დარიკო, როცა ბიძინას მკავე საჭმლის შემდეგ ახველა და ახვე-

ლა, — ბიძინას თავს დედოფალი შემოეველოთ, უეჭველად უშველის, აგერ ვარდოს ეგრე არ მოაშორეს ხველა-სურდო!

— თუ კი უშველის რასმე, რაღას ელი, ადექი და ააშენე დედოფალი.

დარიკო ხელად დაფაცურდა. ბიძინასაც გააგებინა თავისი განზრახვა, ორიენი ხალისიანად შეუდგნენ საქმეს. დარიკომ ხელად შეკრა ჩხირების ჭვარი და მოპყვა დედოფლის აშენებას. ჭვარს ირგვლივ სუფთა ნაკუწები შემოახვია და მერე თავი თეთრის ჩვრით შეუკრა, თეთრი სახე ჭვარედინად შავის ძაფით გადაუკრა თვალუბრისა და წარბების მაგივრად, მერე კაბა დაუჭრა და შეუკვრა; სარტყელგულისპირით გამოკვანწა, თავზედ ლეჩაქის ნაგლეჯი დაძხურა, ყელზედ წვრილი მძივის ღარადე დაჰკიდა, მხრებზედ ჰრელი ნაჭერი წამოასხა შალის მაგივრად.

— საღამო მშვიდობისა, ქალბატონო! აბა, როგორ მშვიდობით გიკითხვით თქვენი შვილებითა? — აქნედა თავს დედოფალი, ვითომ საღამს აძლევსო და თან იმის მაგივრად დედას ეკითხებოდა დარია ქალი.

— საგზალი არ უნდა გამომიცხვით? წასელა მინდა, ნულარ დამაგვიანებთ, გრძელი გზა მაქვს გასაველელი.

— ემ საათში, ქაჯან, ემ საათში ცოტა ხანს მოითმინე, დაბრძანდი, სანამ ჩვენ პურსა და ნაზუქს გამოვაცხოზდეთ, — უპასუხებდა თვითონვე დარიკო.

ბიძინა კი შორი-ახლოდან ცალის თვალით გადმოსცქეროდა, დარიკოც გაჩქარებით ჯამში პატარა ცომსა ჰხელავდა. როცა დარიკომ შაურთანისტოლი კვერების გუნდები ამოიღო და თხელეზა დაუწყო, ბიძინას გულმა ვეღარ მოუთმინა.

— მეც გიშველი, დარია! გუნდებს ამოვიღებ, გავათხელებ!

— მოდი და მიშველე, თუკი მიშველი, რაღას ზიხარ?

ჰიდა უნდა გენახათ; ჩვენი ხაბაზები რა გულიანად აკრავდნენ ფეჩის გვერდებზედ პატარა კვეკვერებს!

— ოჰ, ოჰ! აბა, უყურე, როგორ დაიბრაწნენ, დედი, აბა. შეჰხედე, თითქო ნამდვილად ნაზუქებიანო. — ეძახდნენ გახარებული ბიძინა და დარია დედასა — ორი ცხრა ნაზუქი და ერთი ცხრა პური, არ გეყოფა დედოფალო?

— თქვენ კი გაიხარეთ და ზილვა არ უნდა? როგორ ვზილო მაგ-
დენი ნამცხვარი?

გამოეცხობთ აგრეთვე წვრილი გახვრეტილი კვეკვერებიც, რომ-
ლებიც ძაფზე ასხმული დედოფალს ყელზედ დაჰკიდეს.

— ესენი, ქაჯან, შენის დებისათვის მოგინდება!

მალე ქრელი ჩვრის ხურჯინიც გაჩნდა. ჩაულაგეს ორი ცხრა
ნახუჭი, ერთი ცხრა პური, ოთხი წყვილი ლავაში, შაქარი, კამფეტე-
ბი, ჩურჩხელის ნატეხი და რამდენიმე მარცვალი ჩამიჩი. გატენილი
ხურჯინი დედოფალს მხარზედ გადაჰკიდეს. ახლა კი დროა წაბრძან-
დე.

დედოფალი რაღაც უგუნებოდ იყო. არც მადლობას ეუბნებოდა,
არც ემშვიდობებოდა.

— მოდი, ბიძინ, ჯერ თავზე შემოგავლო, რომ შენი ხველა-სურ-
დო ამას გაჰყვეს და მერე გავისტუმროთ.

„სურდო მეწვია ხადილად,
რა გაუკეთო სადილად?!
არკალი, ბარკალი,
სამი თავის ბარკალი.
მაგრა შევეკარ, შევაპიქვე,
შავსა ძალსა გადავიკიდე,
ძალი ხიდზე გამოვიარდა,
სურდო წყალში ჩამივიარდა“.

ამბობდა დინჯად დარიკო. ხველა-სურდოს ლოცვას და თან
ზიძინას თავზედ დედოფალს ავლებდა.

ასე გაიმეორა სამჯერ. როცა ეს ცერემონია გაათავა, წაიყვანეს
მხარზედ ხურჯინაკიდებული დედოფალი და ქუჩის პირად ერთ ღო-
ბეზედ შესვეს.

— აქა ბრძანდებოდნენ, დედოფალი, სანამ ვინმე წაგიყვანდეს..

ბარემ ბევრი მეზობლის ბიჭი შესტკეპროდა სიმსუნავით დედო-
ფლის საგძლიან ხურჯინს, მაგრამ თან ფახაცი ჰქონდათ, ვაი თუ წა-
ვიყვანოთ და ამის სურდოც ჩვენ გაგვეყვესო.

იმ ღამეს ბიძინამ ოფლის ჩაი დალია, თბილად დაიხურა, ოფლი
მოიღინა და მეორე დღეს ჩიტივით წამოხტა.

ასე მოიშორა ბიძინამ თავიდან ხველა-სურდო.

დაცხა. რქიანი ლეგო ლოკოკინა შეიკეტა თავის ციხე-დარბაზში, ამოიქოლა კარები და განსვენებას მისცა თავი.

თავს უშიშრად გრძნობდა ჩვენი გმირი, თუმცა მტერი ათასობითა ჰყავს. აი, თუნდა წრუწუნა, — რამდენი უარა, სუნა, კბილითა ჰხრა, გადააგორ-გადმოაგორა, მაგრამ ვერაფერს გამოიჩინა და გაანება თავი. მუცელტიტველა ყიყინამაც მოჰხვია თათები, მოუქირა კბილები, ჩაყო შიგ თავისი გრძელი ენა, მაინც ვერა ისუსნა რა. ორიოდღე დიდი ნერწყვი ჩაყლაპა და ხელცარიელი მოშორდა.

— ჰაი, თუ კარში მოგასწრობ, შე თხუპნია შენა! შე წირპლიანო, მუდამ რომ დუჟი გდის, შემძვრალხარ კირის ციხეში, დაგიკეტია კარები! ნეტა, შემეძლოს აგიტანო ჰაერში, დაგანარცხო იქიდან დიდ ქვაზედ და დაგამსხვრიო! მაშინაც დაიმალები?!

ბევრიც რომ ეთქვა საწყინო, რქიანი ბიჭი არც ისე სულელი იყო, ამისთანა ბრიყვის ლაპარაკისათვის ყური ეგდო, ან საჩხუბრად გამოსულიყო და თავი საფრთხეში ჩაეგდო.

— იყიყინე, რამდენიც გნებადეს, ვირისაგან წიხლი ვის ეტკინება. ნუ სცდები, თქვენებს ქორწილი აქვთ, გეძახიან, გნებავს კი გამოვიდღე და გადამსანსლო?!

გაწბილებული ყიყინა წამოჯდა იქვე, სთვლემდა, თვალებს უგემურად ჰხუჭავდა, ხანდახან კი ლოკოკინისაკენ გადიხედავდა. —

ხომ არ გაბრიყვდა და კარში არ გამოვიდაო. მაგრამ ლოკოკინას რომ ჩიტებისა, ბაყაყისა და სხვა მტრებისაც არ ჰშინებოდა, მაინც ამ სიცხე-პაპანაქებაში რა გამოიყვანდა კარში!

— რა გიყი ვარ, ამ ცხრათვალა მზეში კარში ვეტრუქო. რწყი-ლიც კი ვერსად დაიმალება და, აბა, მე რომ გამოვჩნდე, მგონი იმდენი მტერი დამესიოს, ვერც კი დავითვალო. ვის არ უყვარს ჩემი რბილი, უძელო ხორცი, მერე მე რომ გაქცევა ვიცი! ღმერთმა დალოცოს ბნელი, ნამიანი ღამე. ისე დაესრიალებ ნამიან ბალახზედ, როგორც თევზი წყალში. რა გემრიელია დანამულ ბალახისა, მეტადრე კომბოსტოსი, სალათასი და ჭარხლის ფოთლები!

დაიძინა და, სანამ მზე არ ჩავიდა და სანამ ლოკოკინას ციხე ღამით ნამმა არ გააცია და ლოკოკინას ზურგში არ უღიტინა, აღარ გამოჰღვიძებია.

• • •

დადამდა. ლოკოკინას თვალების დამწველი მზე ქვეყნის მეორე მხარეს მოეფარა. ჰაერში სიგრილე ჩამოვარდა. ფოთლები, ბალახები, საგნები დაინამა. ლოკოკინას ბუდეც გაგრილდა და შიგ მჯდომმაც კარში მდგომი სინესტე და სიგრილე თავის ნაზის კანით იგრძნო, გამოიღვიძა და კარში გამოსასვლელად მოემზადა. ბნელი ციხიდან ჯერ ერთი რქა გამოჰყო. აქეთ-იქით ატრიალებდა, მალა იღებდა, ძირსა ჰხრიდა, თითქოს რაღაცასაც სინჯავსო, ერთი ბეწვა ხმაურობაზედ უცებ კრუნჩხავედა და სადღაც ჰმალავდა. მერე მეორეც მოაყოლა და თან თავიც სანახევროდ გამოაჩინა; ამ რქების წვერებზედ რგვალი შავი წერტილებივით ჰქონდა რაღაცა, ეს იმისი თვალები იყო.

კარში ბნელოდა. მხოლოდ ცაზედ ცეცხლის მოციმციმე ნაპერწკალივით ვარსკვლავები მოფენილიყო. უჰ, რამდენი იყო, ვინ დასთვლიდა! ზოგი სხვილი, ზოგი წვრილი. დარი კარგი იდგა და მხიარულად იყენენ. საშიშო კი არა სჩანდა რა. მხოლოდ შორიდან ბაყაყების გაუთავებელი ყიყინი ისმოდა. ეტყობოდა, ძალიან მხიარულად იყენენ და ხალხმრავლად. ამ ყიყინს რაღა თავს გაართმევდა ბულ-

ბულის ტბილი გალობა. კალიებიც იქაქებოდნენ, რაც ძალი და ღონე ჰქონდათ.

ლოკოკინა გამოძვრა თავის ციხიდან, მაგრამ იქვე კი არ გაანება თავი. ზურგით ღობისქვეშიდან გამოიტანა და მწვანილების კვალში დააგორა. სახლის ახლო ყოფნა საჭირო იყო, — ხიფათის დროს ადვილად მოასწრობდა შიგ დამალვას და, აბა, ღობესქვეშ რომ გაეშვა კი, სანამ იქ მივიდოდა, მტერი უკვე ხელთ იგდებდა.

საქმელი ბევრი იყო. მწვანილის კვლები სავსე ჩანდა ქორფა სალაითთა და ქარხლის ტბილი ფოთლებით. მიდიოდა, უფრო კი მიფორთხავდა რქიანი ბიჭი და თან გზას დუქით ჰფენდა, ალბათ ეშინოდა, უკან დასაბრუნნი გზა არ შეშლოდა და ადვილადაც ეხოხნა ლიპ გზაზედ. მეორე დღეს იმისი ნაწალი მზეს გაეშრო და ვერცხლივით ბრჭყვინავდა.

იმ ღამეს ძალიან დრო გაატარა, ხელის შემშლელი არაფერია ჰყვანდა. თუ გაიჩუჩუნებდა რამე, მაშინვე იბღუნებოდა და დასორსლილ ტალახის გუნდას უფრო ემსგავსებოდა, ვიდრე ცოცხალ არსებასა. შიშის ქარი რომ გაუვლიდა, ისევ ნელ-ნელა იშლებოდა და იწყებდა ქორფა ფოთლების სისნას.

მთელი ღამე ერთი ფოთლიდან მეორეზე გადადიოდა, შიგ ქუჩში უძვრებოდა თავშეხვეულ სალათას და კომბოსტოს თავებს.

გათენდა. დარი იყო, ცხელი დღე დგებოდა. ლოკოკინაც გაძღა, სინათლემაც შეაშინა და თავის ციხისაკენ გასწია. ეჩქარებოდა ძალიან: მზეში გზა გაშრება და, ვითომ თევზი უწყლოდ დარჩომილა, მოჰკლავს სიხმო.

მზემ ნამი უკვე სანახევროდ ააშრო, როცა ლოკოკინა თავის ციხე-ქალაქთან მიფოფხდა.

— ოჰ! ოჰ! რა ცხელა. რა ძალიან დავიღალე, გული შემიღონდა, ღამის სისხლი თავში ამივარდეს! შენ გენაცვალე, ჩემო ბაბილონის გოდოლო! აბა, როგორა ხარ? მადლობა ღმერთს, რომ მთელი და უვნებელი დამხვდი! — ლოკოკინა აიყაყვა, კისერი წაძაგრა, რქები აფშოკა და ის იყო უნდა თავი შაყყო კარებში, რომ უცებ ლოკოკინას ბუდე შეინძრა, ტოკვა იწყო.

ლოკოკინა შიშით მოიკრუნჩხა, რქები კისერში ჩაიძვრინა და თავი მხრებში; აქამდე გრძლად გაკიმული, ახლა ტალახის ბურთს

დაემსგავსა. დაბრმავდა და დაყრუვდა, სუნგალი გაწყვიტა, გატვრინდა, სული განაბა. ყოველ წამს თავდასხმას ელოდა; ნამდვილად ეილაცა ზის ციხეში, უთუოდ ჩემს მოსვლას ელოდაო. თან მზეც აცხუნებდა, ზურგს უშრობდა, გულს უღონებდა; პირში ნერწყვი გაუშრა. ასე ელოდა რამდენსამე ხანსა. ბოლოს რაკი სიცხემ საქმე გაუქირა, გაბედა თვალის გახელა, — ჯერ ერთი რქა გამოჰყო და ცალი თვალით გადააქხედა ნიჟარას, იქიდანაც ამ დროს ორი შავი უღვაში გამოჩნდა, ლოკოკინა კანკალმა აიტანა. ორი უღვაში თანდათან დაგრძელდა და ორი ფეხიც გამოჩნდა.

— ვინა ხარ? რა სულიერი ხარ? ვინ შესულხარ ჩემს სახლში და აღარ მანებებ ჩემ საკუთრებას? ვინა ხარ? მოკეთე თუ გზაარეული მგზავრი, ან ჩემს შესაქმელად მოსული მტერი? გამოდი, დამიცალე, რომ სიცხეს თავი გადავარჩინო. მზემ ლამის დამწვას და შენ შესულხარ და მანდ მოგიკალათნია. ვინა ხარ? — წრიპინებდა გულგახეთქილი ლოკოკინა.

ორ უღვაშაც ეტყობოდა ქოშიმანაში იყო. თუმცა ხმა საზარელი მხეცისას არა ჰგავდა, მაინც, სახლის პატრონის დაუკითხავად შესული უხერხულად ჰგრძნობდა თავსა. ლოკოკინამ გაათავა თუ არა: ყვირილი, უღვაშების პატრონიც მოჰყვა და ნიჟარიდან გადმოხტა შავი შავჩოხა ბიჭი, შავად მორთული შავი ცხენითა. ლოკოკინას წინ გამოიჭიმა და ბოდიშის მოხდა იწყო.

— უკაცრავად, მეზობელო, რომ შეგაწუხე, არ ვიცოდი, თუ თქვენი სახლი იყო. მე ცარიელი და თავმინებებული მეგონა. იმითომ გავეკადნიერდი და დროებით შიგ თავი შევაფარე. ვინ აგიშენა, რაინდო, ეს ამისთანა ციხე-ქალაქი? უეჭველია, მამაპაპათაგან დაგრჩებოდა სამკვიდროდ? ნეტავე შენ, რომ ამისთანა მიუვალი ციხე-სიმაგრე გაქვს. შენ აქ მტერი რას დაგაკლებს, შეხვალ, დაჰკეტავ კარებს, მერე რამდენიც უნდა კბილები იმტვრიონ, რას დაგაკლებენ?

ნუ დამძრახავ, ჩემო კარგო! ხომ იცი, გაუქირებლად კაცი კაცს არ შეაწუხებს. მოგეხსენება, სული ტკბილია და ყველას ცხოვრება გინდა. შენ, ჩემო ძმაო, თუ ღამე გამოდიხარ საშოვარზედ, სამაგიეროდ ახლოვე მაგისთანა სიმაგრე გაქვს, სადაც გაქარვების დროს თავს შეაფარებ. მე კი ღამეც და დღეც მუდამ წამს საფრთხე მომელის, ადვილად ჩავვარდები მტრის ხელში. აი, დილას აქ მწვანაილებ-

ში დავებტოდი და საზრდოს ვეძებდი. თან ჩემ სიმღერას ვამბობდი და ქვეყანას ვართობდი.

ულარდელი კაცი ვარ, მიყვარს ცის ქვეშეთი, ღლე და მზის შუქზედ ყოფნა, ბტუნვა და მღერა. ამისთანა მშვენიერ ქვეყანას უტკეპროდეს კაცი და მოიწყინოს? ვიხაროთ, სანამ ველი მწვანედ ღაღანებს, ტყეები ფოთლითა და ნაყოფით დატვირთულა, სანამ ზამთარი არ მოსულა და სიცივეს ძვლები არ მოუტარუნჩხავს. ჰო, იმას ვამბობდი: უცებ ციდან შავი ღრუბელივით რაღაც წამოვიდა და ხახვის კვალში ჩაეშვა. საწყალი ხახვები შიშით და იმის სიმძიმით სულ მიწაზედ დაეგნენ. მე შიშით გული გამისკდა, ძლივს მოვასწარ ბალახებში გადაბტომა. დამინახა იმ წყეულმა და გამომეკიდა. აბა, სად დავემალეობოდი, რომ ეს დალოცვილი შენი სახლი აქვე ახლო არ შემხვედროდა. ვეცი დაუკითხავად, შევედი შიგ და სულ უკანა კედელს მივეკარ. მოვიდა ის წყეულცი და დაიწყო შიგ ცალის თვალით ქყეტა. პირში ერთი ჩემი გვარის კაცი ეკირა. ისე ხელად სად მოასწრო და დაიკირა იმ წყეულმა?!

საცოდავი კიდევ ანძრევდა ულვაშებს და ცალფეხს ჰტშეკდა. ნისკარტით ეს ამოდენა ციხე-სიმაგრე ყირამალა გადმოატრიალა, ყოველ მხრიდან სინჯა, უტაკუნა და, რაკი ვერაფერი დააკლო, რაღაც წაიბურტყუნა და წავიდა.

— კვლავაც მინახავს, შოშიას ეძახიან, დიდი მოსისხლე მტერია ჩვენი გვარისა. თავის შეილებს მომეტებულად ჩემისთანა მგალობელ კრიკინებით ჰკვებაეს და კალიებიითა. ალბათ თვითონაც იმიტომ გაშავებულა და საძაგელი გამხდარა. აბა, ერთი გენაცვალე, მიიხედ-მოიხედე, აქ ახლომახლო არსად იყოს, გამოეძვრე, სახლი დაგიცალო, თორემ, როგორც ვატყობ, უქეიფოდა ხარ, როგორღაც სიციხიანსა გევხარ, თავის ანთება არ დაგემართოს.

საწყალს ლოკოკინას ჯერ სულ მზისგან სული კბილით ეკირა, ისე გაეშრო და სული შეეხუთა, ახლა შოშიის ხსენებაზედ მთლად კანკალმა აიტანა, საცოდავად მოიბლუნძა, ხმა მიუწყდა.

— იყავ, რაქენა, თუ გეშინიან, რაც მომივა — მომივა, თუმცა ახლომახლო არაუინა სჩანს, მაგრამ „ძმა ძმისთვისა ამ ღღისთვისაო“, უთქვამთ.— უთხრა ხმამიკმენდილმა ლოკოკინამ და თან ფოთოლ-ქვეშ ძვრებოდა, რომ ტიტველი ზურგი მზის სხივებისაგან როგორმე დაეფარა.

— არა, ძმავ, სთქვა კრიკინამ, შენ შენს თავს პირდაპირ ხი-
ფათში აგდებ ჩემის გულისათვის და მე შენს სახლში ეიჭდე? აქვე
რომ ათი შოშია იყოს, მაინც გაშოვალ. აბა, გენაცვა, მიბძანდი
ჩრდილში, მე ისეც დიდი ამაგი დამდე და პატივი მეცი.

და შევმა ბიჭმა თავის შავ ცხენს, შავ უნაგირიანს შავი მათრახი
გადაჰკრა და შავ ტყეს მისცა თავი. თან სამადლობელი ჩააწკრიალა.

[1800 წ.]

ავტობიოგრაფიიდან (გვ. 5)

ეს ავტობიოგრაფიის ნაწყვეტი თედო რაზიაშვილმა ეტყობა 1906—1908 წლებში დაწერა. იმ დროს, როცა თავს აფარებდა ფშავს.

პირველად გამოქვეყნდა სოლ. ყუბანეიშვილის წიგნში „ქაჯა-ფშაველას ცხოვრებისა და შემოქმედების შატიანე“ 1940 წ. გვ. 241—248.

მონადირე (გვ. 18)

გამოქვეყნებულია 1903 წ. ჟურნალ „ჩეჩილში“, № 12, გვ. 29.

წყალი მოვიპარეთ (გვ. 28)

დაიბეჭდა 1903 წ. ჟურნალ „ჩეჩილში“, № 3, გვ. 5.
ქვესათაური: (სოსანას ნაამბობი).

ხავსი (გვ. 28)

დაიბეჭდა 1904 წ. საყმაწვილო კრებულ „მერცხალში“, № 1, გვ. 45.

ნაკადული (გვ. 28)

პირველად დაიბეჭდა 1905 წ. ჟურნალ „ნაკადულში“ (მზ.), № 3, გვ. 129.

რა მოუვიდა ხიშხუნავით ბაციკა-ბატკანს (გვ. 28)

პირველად გამოქვეყნდა 1905 წ. ჟურნალ „ჩეჩილში“, № 4, გვ. 10.

გაზაფხულის სუნი (გვ. 42)

დაბეჭდილია 1905 წ. ჟურნალ „ნაკადულში“ (მზ.), № 7, გვ. 345.
ქვესათაური: (სურათი).

1905 წელს „ნაკადულში“ დაბეჭდილ ნაწერების ბიბლიოგრაფიაში, რომელიც დაბეჭდილია 1905 წ. „ნაკადულში“, ეს მოთხრობა შეტდომით აღნიშნულია რუსულიდან თარგმნილად (გვ. 76).

როგორ გაჩნდნენ ხოხბები (გვ. 47)

პირველად დაიბეჭდა 1905 წ. ჟურნალ „ნაკადულში“, № 8, გვ. 427.

ქვესათაური: (ზღაპარი).

ამ მოთხრობის შესახებ „ნაკადულის“ რედაქტორი მ. დემურია თედოს სწერდა, ცენზურასთან დიდი ჩხუბი დაგვიკირდა, რომ „ხოხბები“ გაეშეაო (იხ. წერილები თ. რაზიკაშვილისადმი, კ. შარქისის სახელობის საქ. სახ. საქარო პიბლიოთეკის შრომები, III, 1937 წ. გვ. 186).

ბუს ფეხი (გვ. 54)

დაბეჭდილია 1905 წ. ჟურნალ „ნაკადულში“ (მზ.), № 11, გვ. 591.

ცენზურის თვალის ასახვევად ქვესათაურად ავტორს მიუწერია: (გურული ლეგენდა).

ალბათ ეს მოთხრობა აქვს „ნაკადულის“ რედაქტორს მხედველობაში, როდესაც თედოს ატყობინებს: „თქვენი ახალი გამოგზავნილი „ლეგენდა“ მშვენიერია, მაგრამ ვკითხვობთ, ცენზორი ისეთი საზიზღარი გვეყავს, რომ არ გაუშვებს.“

მომგებიანი საქმე (გვ. 67)

პირველად დაიბეჭდა 1906 წ. ჟურნ. „ქეჩილში“, № 1.

ქვესათაური: გასართობი.

ცასწავალამ როგორ მოიხვეჭა ხახელი (გვ. 72)

პირველად გამოქვეყნდა 1906 წ. ჟურნალ „ნაკადულში“, № 6, გვ. 5. }

მიხო და მწვანე კალია (გვ. 70)

დაბეჭდილია 1906 წ. ჟურნალ „ნაკადულში“ (მკ.), № 9, გვ. 5. № 10, გვ. 8.

ხანთელი (გვ. 80)

პირველად დაიბეჭდა 1906 წ. გაზ. „იყერიასში“, № 13.

ქვესათაური: (ზღაპარი).

ჭრიჭინა (გვ. 98)

პირველად დაიბეჭდა 1906 წ. ჟურნალ „ხაკადულში“, № 9, გვ. ა.

მუხა გაზაფხულზე (გვ. 105)

პირველად გამოქვეყნდა 1906 წ. ჟურნალ „ნაკადულში“, (მზ.) № 10 გვ. 10.

მკეებარა პავლია (გვ. 111)

დაიბეჭდა 1906 წ. ჟურნალ „ნაკადულში“ (მკ.) № 19, გვ. 6.

მოვლენი მოვლენი! (გვ. 120)

პირველად გამოქვეყნდა 1907 წ. ჟურნალ „ნაკადულში“ (მზ.), № 1, გვ. 15.

დაწერილია არა უგვიანეს 1906 წლისა, რადგანაც დაბეჭდილია 1907 წლის იანვრის ნომერში.

გულადი მამლაუინწახ ამბავი (გვ. 129)

გამოქვეყნებულია 1907 წ. ჟურნალ „ნაკადულში“ (მც.), № 3, გვ. 6.

მოარული ქული (გვ. 130)

დაიბეჭდა 1907 წ. ჟურნალ „ნაკადულის“ (მც.) აგვისტოს ნომერში (16), გვ. 5.

შერიგდნენ (გვ. 145)

დაბეჭდილია 1907 წ. ჟურნალ „ჩეჩილში“, № 9, გვ. 11.

პირველი ხაშოვარი (გვ. 160)

დაიბეჭდა 1907 წ. ჟურნალ „ნაკადულში“ (მზ.), № 9, გვ. 6.

ქვესათაური: ფუტკრების ცხოვრებიდან.

**რძლებს თინას და ფეფებს დილის ძილი
უყვარდათ (გვ. 168)**

ხელნაწერი: შავი ავტოგრაფი, საქართველოს სახელმწიფო ლიტერატურის მუზეუმი (ქვემოლ დასახელებული იქნება: ლიტმუზეუმი), № 12270, გვ. 111, დაბეჭდილია 1908 წ. ჟურნ. „ნაკადულში“ (მც.) № 2, გვ. 14.

ხელნაწერს უზის თარიღი 1908 წ.

**ზღაპარი ღორისა, იმისი ხუთი გოქიხა
და მგლიხა (გვ. 165)**

ხელნაწერი: შავი ავტოგრაფი, ლიტმუზეუმი, № 12270, ფ. 64. პირველად და-
იბეჭდება 1908 წ. „ნაკადულში“, (მც.) № 8, გვ. 11.

ქვესათაური: ხალხური.

ეს ზღაპარი ავტორს მოთაველებული აქვს თავის ორიგინალურ მოთხრობათა.
შორის.

ბეკეასი და მელიას ამბავი (გვ. 170)

ხელნაწერი: შავი ავტოგრაფი, ლიტმუზეუმი, № 12270, გვ. 17, დასაწყისი ფან-
ქრითაა დაწერილი. თარიღი აქვს 1908 წ. 12 იანვარი. დაბეჭდილია 1908 წ. ჟურნ.
„ჩეჩილში“, № 2, გვ. 3.

ერთი ციუვის თავგადასავალი (გვ. 184)

პირველად დაიბეჭდა 1908 წ. ჟურნალ „ნაკადულში“, (მც.) № 5, გვ. 4.

„მეც ვაჟმელ და ჩემი სტუმარიცაო!“ (გვ. 188.)

ხელნაწერი: შავი ავტოგრაფი, ლიტმუზეუმი, № 12270, გვ. 73; პირველად და-
იბეჭდა 1908 წ. „ნაკადულში“, № 13.

ქვესათაური: (ხალხური).

ძალის კეუა (გვ. 102)

ხელნაწერი: შავი ავტოგრაფი, ლიტმუზეუმი, № 12270, გვ. 68; პირველად დაბეჭდა 1908 წ. ქურონ. „ნაკადულში“ (მზ), № 10, გვ. 5.

ქვესათაური: (ნამდელი შემთხვევა).

ხელნაწერი: „ჩემს სიციხეში ცოფიანისთან არაფრისა მშინებია“-ს შემდეგ იკითხება: „რადგან პატარაობიდანვე დედაჩემი სულ ცოფიანებზედ გვიამბობდა ხოლმე, თუ სად ვინ დაგლიჯა, ან სად ვინ გაყოფებელიყო. თვით დედაჩემის მამა ცოფიან მგელს დაეგლიჯა, გაყოფებელიყო და ისე მოკვდარაყო. დედაჩემს, ჭერ ესეე გასათხოვარს, ენახა ამ მდგომარეობაში და რომ აგვიწერდა ხოლმე იმის საცოდაობას, ესლაც ტანში გრუანტელი მივლის ხოლმე“.

სამკედლოში (გვ. 186)

დაბეჭდილია 1909 წ. ქურონალ „ნაკადულში“ (მც.), № 1, გვ. 6.

დაწერილია არაუგვიანეს 1908 წლისა, რადგანაც დაბეჭდილია ქურონალის იანვრის პირველ ნომერში.

ქორის ბახალა (გვ. 202)

ხელნაწერი: შავი ავტოგრაფი, ლიტმუზეუმი, № 12270, გვ. 3, ბოლო ნაწილი დაწერილია მელნით, დანარჩენი — შავი ფანქრით. დაბეჭდა კრებულ „გრდემლი“-ში, წიგნი I, 1912 წ. გვ. 63.

ეს მოთხრობა პირველად დაბეჭდა 1908 წელს ქურონალ „ნიაეში“ კ. თუმანიშვილის რედაქტორობით. ამავე ქურონალშია დაბეჭდილი თედოს ლექსი „ახალ თაობას“, მაგრამ დასახელებული ქურონალი არ გამოსულა, ცენზურამ აკრძალა. შემდეგში ქართულ სიტყვა-კანზმულ მწერლობის საზოგადოების საბჭომ გადაწყვიტა გამოეცა სალიტერატურო კრებული „გრდემლი“. „ნიაეში“ დაბეჭდილი მასალები გადმოეცა „გრდემლის“ რედაქციას. რედაქციამ შეარჩია მასალები და თედოს სთხოვა ნებართვა „ქორის ბახალის“ დაბეჭდვისათვის. თანაც, ია ეკალაძე, ვინც ამ საქმეს თაოსნობდა, თედოს სთხოვდა, თუ ახალი რამა გაქეთ, ისიც გამოგვიგზავნეთო (წერილები, გვ. 191). ეტყობა, თედოს სხვა მასალა არ წარუდგენია.

ერთი თავზედი თავის ამბავი (გვ. 210)

დაბეჭდა 1909 წ. ქურონალ „ნაკადულში“ (მც.), № 8, გვ. 5.

როგორ მოიშორა ხველა-ხურდო ბიძინამ (გვ. 214)

პირველად გამოქვეყნდა 1909 წ. ქურონალ „ნაკადულში“ (მც.), № 14, გვ. 4.

გულკეთილი ლოკოინა (გვ. 218)

დაბეჭდილია 1909 წ. ქურონალ „ნაკადულში“ (მც.) № 20, გვ. 5.

ლექსიკონის მასალები ძირითადად ამოკრებილია „ქართული ენის განმარტებითი ლექსიკონიდან“ (ტ. I—VIII). ამას გარდა ივ. ჯეჯიყაშვილის ნაშრომიდან „თედო რაზიკაშვილისა და ბაჩანას თხზულებათა ლექსიკონი“ (აღნიშნული გვაქვს ლიტერით — 1), სოლ. იორდანიშვილის ლექსიკონიდან, დართული აქვს თ. რაზიკაშვილის საბავშვო მოთხრობების 1947 წლის გამოცემას (აღნიშნულია ლიტერით — 2) და ნიკო ჩუბინაშვილის „ქართული ლექსიკონიდან“ (აღნიშნულია ლიტერით — 3). ულიტეროდ წარმოდგენილი მასალები ამოწერილია „განმარტებითი ლექსიკონიდან“.

თედო რაზიკაშვილს ძირითად ტექსტში და შენიშვნებში მოცემული აქვს ზოგი სიტყვის ახსნა. ავტორის ეს ნება ჩვენ დავიცავით, მაგრამ განმარტებული სიტყვები საჭიროდ მივიჩინეთ ლექსიკონში შეგვეტანა შემდეგი მიზეზის გამო.

არის შემთხვევები, როდესაც ავტორს ერთ ნაწარმოებში ახსნილი სიტყვა სხვა თხზულებაში განუმარტებელი აქვს. ამიტომ მკითხველისათვის ძნელი ხდება ამ სიტყვების განმარტების თხზულებათა კრებულში ძებნა, მით უმეტეს, როგორც აღენიშნეთ, ზოგი მათგანი ძირითად ტექსტშია შეტანილი.

ავტორის ახსნილ სიტყვებს მიწერილი აქვს (თ. რ.).

ლექსიკონში, უმრავლეს შემთხვევაში სიტყვები იმ სახითაა წარმოდგენილი, როგორც ტექსტში გვხვდება.

ა

აბალე — აბა, აბალე ანდრიკო, აბა, ანდრიკო.

აბეზარი — მომებზრებელი, შემაწუხებელი, გულის გამწერილებელი, მოთმინებიდან გამოყვანილი.

აბრამინი — სახალწლო „დასაბერებელი“, ტბილუელი.

აიარა ნახ. უილაამ აიარა.

აღიზი — გამოუწვავი ავური (თ. რ.).
 აღოსხარი — ძნის გასალეწად კალოში გამოყენებული ხარი.¹
 ამოქაქანება — მკირე შესვენება.¹
 ამოხმა — საამო ხმა, სასიამოვნო, საამური ხმა.¹
 არაუანმოხდილი — ნალებმოხდილი.¹
 არახინი — თხელი ქსოვილის საშინაო ქედი, ფესის მავარი.
 არყი — თეთრქერქიანი ხე საშუალო ტანისა.
 ანჭამი — კარასა და ფანჯრის ჩამოსაქიდი მოწყობილობა რკინისა.
 არზანი — ხეზე დაბარდნილი თოვლი, ნალექი.¹
 ასლი — სწორედ, ნამდვილად.
 ასწაპნიდა — მოპარვით წაართმევდა.²
 აფორთქლებული — გული რომ ცეპას დაუწევებს შიშსა და დაღლაზე.²
 აუაუვა — იხ. ყაყვა.
 აუაუული — უღამაზოდ, უშნოდ ამართული, აუედებული.¹
 აჩონხხილი — ჩონხხრით აგებული.
 აჩქამდა — ახმაურდა.²
 აჭინკრვა — შიშისაგან ბეწვის აშლა.¹
 ახლადმოქარებული — ახლად მოსული, ერთდროულად მოუტენილი სიმ-
 რაველი.¹
 აჭულურებხ — იხ. ქულურა.

ბ

ბლამწარა — გარეული ტყის ბალახია, შავად მწიფდება. გემო მწარე
 აქვს. (თ. რ.).
 ბანდული — მთაში სასიარულო ქალამანი, რომელსაც ძირები წერილი
 ლეველითა აქვს დაწნული; თვით ამ ლეველს საბანდს ეძახიან.
 (აღ. ყაზბეგი).
 ბარდანი — ხეებზე დამდგარ თოვლს ეძახიან (თ. რ.).
 ბაურა — ბუზზე მოზრდილი პარაზიტი მწერი, კოლოს მსგავსად პირ-
 უტყვს სწოვს სისხლს.¹
 ბაუილო — ნორჩი, მოზარდი ხე კაკლისა ან ცაცხვისა.¹
 ბაცოქა — პატარა.¹
 ბედენა — არაფერი.
 ბექი — შემალეებული ადგილი, გორაკი, რომლის ერთ-ერთი მხარეც
 კლდიანია, ჩამოშლილ-ჩამოხვეებულია.¹
 ბეხი — სიბერისაგან დაუძლეურებული.¹
 ბიბილო — ჩინჩლო (თ. რ.).
 ბიგა — წერილი მინდერისა და ტყის თავეი (ბაჩანა).
 ბოინი — გროვა, გუნდი ფრინველების.
 ბოკვი — წერსმომრგვალებული, პირმოცვეთილი, ბლავვი.
 ბორა — მოზრდილი მტაცებელი ფრინველი ძერის მსგავსი.
 ბორხვენა — იხ. ძირხვენა.

ბოტება — დიდ-დიდი ნაბიჯებით სიარული.

ბრაგვა — მაგარ რამეზე მძიმე სხეულის (ხმაურით) დაემა.

ბრაწი — კლდის მკენარეა უკვეთელსა ჰგავს, იმის ტოტებისას ფშაულე-ბი რძის საწურავს ჰკრავენ (თ. რ.).

ბუბნა — ცემა, ბეგვა.

ბუერა — მრავალწლოვანი ბალახი, აქვს დიდი, მომრგვალო, გრძელყუნ-წიანი ფოთლები.

ბუზურა — ფუტკარზე მონრდილი მწერია, ბუდობს უმთავრესად მიწაში; აკეთებს ფიქას.¹

ბუკიოტი — პატარა ბუ (საბა).

ბუკნაქოტი — იხ. ბუკიოტი.

ბურბური — გუგუნი, ხმაური.

ბური — სიცხის დროს პაერში თეთრ-მონაპრისფროდ დამდგარი მტვერი, რაც პაერს გამჟვირვალეზას უკარგავს.

ბურჯალა — ერთდროულად გაფანტული ნაპერწყლები.¹

ბუჭულა — კოდის წისქვილი; პატარა წისქვილი.

ბუჭუა — მაგარფრთიანი მწერია საზოგადოდ.²

ბლლაჟა — გაქცეულის ხმაურით სწრაფად შევარდნა, შექრომა.¹

ბ

გაბენტერებული — გამოჩერჩეტებული, გამოთაყვანებული, გამოშტერე-ბული.

გადამღრძვალა — ძალიან დაბერებული.

გაბოტიტნებული — განზე გაწეული ფეხებით მდგარი.¹

გაგლინდა — ნელა, შეუშინველად გაცოცდა, წავიდა.¹

გაზიდულობა — გაწეე-გამოწევა, წეწვა-გლეჯა.

გაიშელუწნებოდა — გაინაბებოდა, გაიტრუნებოდა.

გაშილილი — გაღეული, დაწერილებული.²

გამოქშუვლება — ქშუვილით, ხმაურით გამოქროლება.¹

გაოგნებული — გონდაკარგული, გაბრუებული, გაშტერებული.

გარესამხარი — თავის სახლ-კარსა და სოფელს მოშორებული; სხვა მხა-რეს, სხვა ადგილას.

გარიცდა — ერთგვარი ფრინველი ბატების ოჯახისა. „ფრინველის სახე-ლია“ (თ. რ.).

გატყვრება — გაეარდება (თოფი... მები) გასკდება (კვერცხი, წაბლი).

გაულესაე-გაუქლეშავი — დაუფხეკელი, გაუსიპავი.

გაუტრიზავა — აიგდო, არაფრად ჩააგდო.

გაუქლეშავი — იხ. გაულესაე-გაუქლეშავი.

გაფიხება — გაყინვა, გათოშვა.

გაფხრეწა — ძლიერი, ისტერიული სიცილისაგან დაღლი.¹

გაშლიავდა — გაირბინა.²

გაჩუჩუნება — გაფაჩუნება, ჩუჩუნით ამოძრავება.

გახიდვა — გარდიგარდმო დგომა, განერება.¹

- გერმა — ფრინველის ტანზე ახლად ამოსული ბემბული. გინგლი.¹
 გესულნება — სული გძლესო (თ. რ.).
 გეჭა — შორი, რომელსაც გული ამოთლილი აქვს და იხმარება სხოვე-
 ლების სასმელი წყლის (საქმლის) ჩასასხმელად.
 გიზერქნი — გიტკენი, ზე რ გ ნ ა ტეჰნა, ქელეა ფეხით ან საზეპელით.²
 გნიახი — დიდი ხმაური, ყვარალი. აურზაური, ყაყანი.
 გორველა — სარველა მცენარის მრგვალი და მუქი ფერის მარცვლები,
 რომლებიც ურევია ხოლმე ხორბლის, ქერის და სხვათა მარცვლე-
 ულში.
 გოროხი — გამავრებული მიწა, ბელტი.
 გრძელი ვახშმოზა — შეზინდებარ შემდეგ საკმაოდ დიდი დრო რომ გაიე-
 ლის, მასზე იტყვიან.¹
 გუთანა — გადატ. სიარულის ან ფრენის დროს ფრინველების (წეროების)
 შწყვივი.¹
 გულგადაღული — გაბედული, პირდაპირი.²
 გურგური — გიზგიზი, აალებული ცეცხლის ხმა.¹

დ

- დაადრძობს — დაახრძობს, მოკლავს.
 დაბუხული — დამზრალი, გაყინულა.
 დაებლიტა თვალეზი — უნებლოდ დაეხუჭა თვალეზი.
 დაეწვერა — დაიხარა, დაეშუა (მზე ჩასასეულად).
 დახევეზა — რეს ან წისქვილის წყლის გადაგდება, გადაშეზა.
 დაკოპიტება — გახმობა.¹
 დამახხი — ქლიავის ჭიში: ჰანქერის მსგავსი, ოღონდ მასზე უფრო წვრი-
 ლი, მუქი ლურჯი ფერისა.
 დამალი — რაიმე კარგის (საქმლის და მისთ.) დიდი ნდომისაგან საღერ-
 ლელის აშლა.
 დამკრახული — კარგად დამწიფებული.
 დამრჩალიყო — დამდგარიყო (თ. რ.).
 დამცროზა — დამციროზა.
 დამწვარი — გადატ. საბრალო, საცოდავი.¹
 დაოსებული — ძლიერ დაღაღული, დაქანცული, მისუტებული.
 დარანი — თავშესაფარი, სამალავი.¹
 დასოსრილი — წაგრძელებულად დამრგვალებული.
 დატუნტლავება — შემოსული ხილის სიმწიფისაგან დარბილება.¹
 დატყვრება — გავარდება (ბევრი თოფი...)
 დატყვერცა — დაქყეტა.¹
 დაუკოპიტდა. — იხ. დაკოპიტება.
 დაუხულუზნა — დაუქროლა. ფრთების შეკუმშვით სწრაფად დაეშუა და
 დაეტანა (მოსატაცებლად): „დაუქროლა“ (თ. რ.).
 დაუმენდილი — დამშუული.
 დაუნტება — უკანა ფეხებზე დაჭდომა (ძაღლსა და მისთ.), დაუწყება.

დაყურსებული — განუშებული, დადუმებული.

დაჩიორაებული — ჩიორასოდენად გამხდარი, ჩიორად ქცეული, — წამოზრდილი, წამოჩიტული.

დაჩალავება — ფასის დაკარგვა, დამცირება¹.

დაკიენულან — გავსებულან, გატენილან.²

დაკრებილი — ნაპირებშემომტვრეული, უსწორ-მასწორო.¹

დაძურაშფრაშებდა — ხმაურით ფრინავდა.

დგნალი — ხე წნორის ქიშისა (თ. რ.).

დინდგელი — სკის შავი ცელი.

ღო — შედღეებილი მანწენისაგან კარაქის მოხდის შემდეგ დარჩენილი მომკეყო სათხე.

ღორი — ზურგის მისაყუდებელი ან საჯდომი ბალიში.

ღოსტოღრივ — პირდაპირ, გაბედულად (და სწრაფად), შეუპოვრად.²

ღუნია — ქვეყანა, გადატ. ძალიან ბევრი, უამრავი.

ღუშმანი — მტერი (ჩვეულებრივია გამოთქმაში: მტერი და ღუშმანი).

ღღარძი — მაგარი, ძარღვიანი, ძნელად მოსახარშავი (ხორცი).

ე

ელაქემად — შორი-ახლოს, ნელ-ნელა, გაუბედავად (თ. რ.).

ელდა — შიშისხარი, თავზარი, შეკრთომა; ე ლ დ ა დ ა ც ე მ უ ლ ი — ძალიან შეწინებული, თავზარდაცემული, ელდანაკრავი.

ეყუნტა — ჩაუტკეულა, ჩამყდარა, წამოსკეუპულა.

ეშმაკ-ცხენა — ბუზანკალი¹.

ეხი — ბუნებრივი გამოქეაბული, ნაპრალი.¹

ეხირა — ე ხ ი რ ე ბ ა, გახირული იქნება, ერქობა.

ვ

ვეტრუკო — იხ. ტრუქვა.

ვეხირო — იხ. ხირება.

ვაჟვინავთ — იხ. ქვევენვა.

ზ

ზავთი — კაცის სახის გამომეტყველებას ჰქვია, რომლისგანაც მნახველო შიშსაცა გრძნობს და კაცისადმი ძალა-უნებურ პატივისცემასაც (თ. რ.); მრისხანე, შემსარავა შესახედაობა.

ზედადგარი — რკინის სამფხვა: ქვაბისა და მისთანათა ცეცხლზე შესადგმელად.

ზედაზე — საუკეთესო ხარისხის ღვინო.

ზერქნა — იხ. გიზერქნი.

ზეხმელი — მოუქრელად, ზეზეულად გამხმარი ხე.

ზევარეს წიფელა — პირიმწითში მდგარი წიფელი.¹

ზინათი — სიმდიდრე, ძვირფასი ნავთები, განძეულობა.

ზღვე — ბოსლის იატაკად დაგებული ხეები ან ფიცრები.

თავგზა — გონება, გზა-კვალი.

თახთახი — თრთოლა, ცახცახი, კანკალი.

თერო — ერთნაირი მცენარეა, კარტოფილივით ძირი აქვს, ტყბილი გემოსია. (თ. რ.).

თოხლი — ცხვარი ექვსი თვის ასაკიდან ერთ წლამდე (პირველი აპარსვიდან მეორე გაპარსვამდე).

0

იაშმის, აიაშმის წყალი — ნაყურთხი წყალი.

იბლიტიბოდა — აცეცებდა თვალბს.²

იელიანი — იელის ტყე (თ. რ.).

იშლელეოდნენ — ჩამოიქცეოდნენ, ჩამოწვებოდნენ.

იოსნული — ღარიბი, უქონელი.

იურვა — მზრუნველობა გამოიჩინა, იზრუნვა, მიხედა.

იწილება — წილებს იხილავს, იქექება.

იპროლება — ეჩუოლა შოდის, თრთის (იზმორება).

3

კალმახა სოკო — ხმელი ხის მიერ (უფრო წითლის ხის მიერ) გვიან შემოდგომამზე ან აღრე გაზაფხულზე გამოსხმული სოკო.¹

კანთელი — გარკვევით, აშკარად, ცხადად.

კაპარჭი — ფუტყარს რომ უკანა თეხებით საშოვარი მოაქვს, იმ საშოვარს ასე ეძახიან (თ. რ.).

კარუშები — მამალი ფუტყრები (თ. რ.).

კაუნა — ვაზის ბწყარი რითაც იგი ჰიგოს ან მავთულს ეხვევა.¹

კაფთა — ხელდახელ ნათქვამი ლექსი (თ. რ.).

კაჭრუმელა — ძუძუთა ბატენის სააღერსო სახელი.¹

კაჩა — მუხლის ძირის საღრევი კვირისთავს ქვეშ.³

კესანე — მცენარე, რომელსაც აქვს წვრილი კისფერი ყვავილები.

კეტრიანი — ხილის კანგაფუქებული, დამავეებული, უხარისხო ნაყოფი.¹

კვრინჩხები — დაბალი ტანის გაფარჩხულ-განშტოებული ეკლიანი ბუჩქები.

კიკლოზინობა — ტყბილეულის ჰამა, პირის ჩატკბარუნება.¹

კილოყავად — არაზუსტად, გადაყვრით, ორკოფულად.

კინჭუხი — კლდეში, კლდიან ჟერდობში გამოშვერილი დიდი ქვები, ლოდები.¹

კნაჭება — მ ე კ ა ქ ე ბ ა -- შეპრიანება მეპიტნაევება.¹

კომიკები — გამხმარი მიწის მომცრო გორბები (ბელტები).

კოპიკნარი — ადგილი, სადაც ბევრი მოყინული ან შემხმარი მიწაა, —

გაღობილ ნიადაგზე ადამიანის, ცხოველის, ურმის და სხვა ნაწილი რომ შეხმება ან გაიუინება.

კორძი — კვანძით მაგარი, გამაგრებული.

კოფხროლიაში — თავში (თ. რ.).

კრუშ-კრუში — კრუხის ხმიანობა — კრუხუნი.

კუდფოლა — რასაც ვრძელბეწვიანი კუდი აქვს.!

კუკური — მსხვილი წვეთი.

კუნელი — მორჩილი ტანის ხე ან ბუჩქი, ეკლიანი ტოტები და მეტწილად შავი ნაყოფი აქვს.

კუნეუხო — კუნეუხო — თემოს ძელების თავი. კუნეუხოზე იჭდა, ჩაუტკული იჭდა.²

კურხა — ყველი (თ. რ.).

კუტი — დასუსტებული, დაუარდნილი.

კუჭალი — პატარა ქადის კვერია (თ. რ.).

ლ

ლაუნი — რყევით მოსიარულე, მოხეტიალე.!

ლახიანი — ფეხებს რომ ძლივს დაათრევს, ისეთი კაცი (ი. ჭყონია).

ლეგა — ლეგო — მუქი ნაცრისფერი.

ლელქაში — გამხმარი ნარის ან ლელის გაპენტილი ბამბისებური ნაყოფი. ქარის დაბერვაზე ჰაერში იშლება და მის ღინებას მიჰყვება.

ლეკვა — უზომოდ კაშა, გაძლომა.!

ლია — გუბე.

ლიბო — საძირკელის ზემო ნაწილი.

ლიბო — თეთრი ლაქა თვალის გუგაზე. რომელიც რისამე ნახვის, გაგების უნარს უკარგავს.

ლილიფარა — მზესუმზირა.

ლიცლიცი — სითხით პირამდე სავსე (კურქელი).

ლიკუიანი — წვიმისაგან ან ნახევრად გამდნარი თოვლისაგან ატალახებული მიწა.!

ლოშვა, ლოშნა — სველი, დორბლიანი ტუჩებითა და ენით ლოკვა.!

ლუსუმა — ფურისულა, ადრეული გაზაფხულის ყვავილი.!

მ

მაზა — სანატრელი, სასურველი საკმელი. ტკბილეული.!

მაუარი — თოფია ერთგვარი.

მარგილი — თავწითილი სარი.

მართე — ფრინველთა და მწერთა ნაშიერი.

მატიანე — ისტორიული მოვლენების ყოველწლიური ქრონოლოგიური ჩანაწერი (მელიქაძის მატიანე — იგულისხმება მელიქაძის თავდასაულის ამბებზე შემცველი წიგნი).

მატური — საფლაზე დადგმული ქანდაკება, ივგლი.

მაიჩა — ბალახოვანი მცენარე. მის ფესვს აქვს სტაფილოსებური ფორმა. ფესვს ფტკენიან და კამენ.!

მეკნებე — იხ. კნებეა.

მენაც — მეც.

მეოტი — გაქეული, ღბოლილი.

მეჩიტია — ფრინველია, ჩიტებს კამს.

მზეწვია — პატარა ფრინველი წყალწყალების ოჯახისა, ცხოვრობს წყალ-სატეეების მიდამოებში.

მზვარე — მზიანი, უჩრდილო ადგილი.

მიბინარებული — გაფოთილი, მუდრო, დღუმებული ტყე.¹

მიზურგულე — ზურგზე შემსვი.

მისამარა — გამობატავს მუქარას: გიჯობს, გირჩენია.

მისლიკინებდნენ — მიცურავდნენ, მისრიალებდნენ, ცურვით მილიოდნენ.

მომწონეს — შემბედეს (თ. რ.): მოწონავს — მობედავს.

მოკალული — რკალივით მოღუნული.

მოკრუტვა — მოხუქვა.¹

მოტირალ-ჩაშეებული — გადატ. წვიმიანი, დაღრუბლული, ბურუსიანი დღე.¹

მოჩრიხული — მოჩიტული, მოზრდილი, წამოზრდილი.

მოჩხლართვა — ცუდად, დაუღვერად ან სახელდახელოდ გაკეთებული (მოქსოვილი, მოწნული, შეკერილი...).

მოჯალაბე — ძვ. ბატონის ოჯახში მყოფი შინამოსამსახურე.

მრავალი — შეიდი ვარსკვლავი.¹

მუუუი — ძმარში ჩადებული ხორცი.²

მურყანი — საშუალო ან მაღალი ტანის ხე არყისებრთა ოჯახისა, აქვს მომრგვალო ფოთლები, რბილი და მჩატე პერქანი.

მულარალი — თავსაყრელი (თ. რ.).

მუში — ცაცხვის ქერქი, მუშისას თოქსა გრეხენ.²

მცვრევა — მცვრევას ეძახიან რთველის შემდეგ რომ ვენახში აქა-იქ ვაზებზე ყურძენი საღმე შეჩრება, ან დაიბნევა, იმის ძებნას (თ. რ.).

მჭადა — ყვავილი თხილისა (თ. რ.).

მჭრინავი — ბულბული (თ. რ.).

მხარე — ქვეყანა (თ. რ.).

5

ნაბადის გაშლა — ერთი საყენია (თ. რ.).

(ნავი — საწნახელი).

ნაკოდლები — ღერები, შეშის ნაპობები.³

ნაოში — ხელმეორედ გადახნული, გაფხვიერებული მიწა¹

ნარი — ეკლიანი ბალახი.

ნარისჩიტა — ნარჩიტა, პატარა კრელი ჩიტია, შემოღვრობით და ზამ-თრობით ხმელ ნარზე ქდება და მისი თესლით იყვებება.¹

ნახხები — წერილად და გრძლად დაქრილი ხორცის ნაქერი.¹

ნაყვერი — გახმობის მიზნით შემოკოდილი ხე.¹

ნაური — მცირეოდენი საქმელი; ლუკმა.

ნახადი — ვისაც ან რასაც რაიმე გადახდა.

ნახორხალი — საქმლის (პურის, შკადის) ნამტვრეუები, ნატეხო.

ნოტო და ნატო — ჩვეუ-ჩვეუვად, გუნდ-გუნდად.

ნოყლა — ბალახოვანი მცენარის ნორჩი ღერო.!

ო

ონავარი — მოუსვენარი, ცელქი.

ორხაო — ორმხრივ ხაოიანი (საფენი, ნოხი).

ოჩოფება — გრძელი ქოხი, რომელსაც ფეხის დასადგმელი კაუჭი აქვს; ხედ შედგებიან და ისე დადიან.

ჟ

ჟიო — ბალახის თესლიდან ან ფესვიდან ახლად აღმოცენებული ან აღმოცენების პროცესში მყოფი ნორჩი ღერო.!

ჟოლა — ჟოლო დაბალი, წერილღეროიანი მრავალწლიანი მცენარე, ისხამს წითელი ფერის სურნელოვან გემრიელ ნაყოფს. *Малина*. (თ. რ.).

რ

რეტი — საქონლის ბნედა (თ. რ.).

როში — საქონლისათვის მსხვილად დაჟქული მარცვლეული.

როკო — მოზრდილი ფრინველი ქათმისნაირთა რიგისა.

ს

საბლოტი — ბლოტვით, ბობლვით ასასვლელი.

სადილობა — დილის პურის ქაშა (თ. რ.).

სალაობა — ერთგვარი საბავშვო თამაშობა: ბავშვები ცდილობენ წინასწარ განსაზღვრული მანძილიდან სალა (ბრტყელი ქვა) მოარტყან კოქურს და გადააგორონ იგი. თითოეული მიითვლის იმდენ ქულას, რამდენი ფეხის გალაღვმაზედაც გადააგორებს კოქურს. დამარცხებული გამარჯვებულს ზურგით ატარებს.

სალეველი — ზამთრისათვის შენახული სურსათი.

სამცვრევი — იხ. მცერევა.

სამხარი — სადილი (თ. რ.).

საოთები — საუთი, ინდაურის მსგავსი მინდვრის ფრინველი.²

სახვარი — წყალში გახსნილი ქატოს, ფქვილისა და მისთანათაგან მოღულეული ფაფისებური საკმელი შინაური პირუტყვისათვის.

სახწორი — ზოდიაქოს ერთ-ერთი თანავარსკვლავედი.

სირი — ჩიტი.

სიჩხინტე — წვენის ცოტაოდენი სისუქნე.²

სიერტვა — ნისკარტით ცემა ფრინველებისა.²

სეაობა — ხტუნვა-ხტუნვით, სკუპით სვლა.!

სრა — სასახლე, მეფის სადგომი.

სკულ-ტუავის განაბვა — სუნთქვისა და მოძრაობის შეწყვეტა¹.

ხულს იღებდნენ — ჰაერსა სუნაედნენ (თ. რ.).

ხუნგალოს გაწყვეტა — სულის განაბვა, სუნთქვის შეყვრა¹.

სხეტი — თოელის ანახვეტი².

ტ

ტაბლა — ტაბაკზე, ხონჩაზე... დაწობილი მისაკვლეველი, რომელიც მეველეს ახალწლის დილას ოჯახში მიჰქონდა.

ტატანი — ჰორიზონტი¹.

ტელი — მშიშარა (თ. რ.)

ტიტა — ლამაზყვავილიანი ბოლქვიანი მცენარე შროშანისებრთა ოჯახისა, ყვავილი მეტწილად წითელი აქვს.

ტრუჰვა — მარტოდმარტო დგომა, ყოფნა.

უ

უბუხავს — უზრობს, უყინავს.

უგლიდა — გულს უკლავდა, ბრაზით ავსებდა¹.

უგრეხიდა — ერთწლოვანი მცენარე პარკოსანთა ოჯახისა, დაბალი, რთულფოთლიანი, წაყვანულსა და ქართლში ითესება ხარ-ძროხის საკვებად.

უერთოდ — რაიმე ხიფათის გარეშე, უნებლად, უზარალოდ, უშედეგოდ.

უზუნდარა — ძველებური აღმოსავლური ქალთა ცეკვა.

უნიშანგეშოდ — უკვალოდ, უგზო-უყვლოდ.

უსაურო — რასაც საური (ბალიშისპირი) არა აქვს¹.

ულელი აკვნისა — აკვნის თავისა და ბოლო რკალების შემაერთებელი ხე, რომელზეც არტახებს ამაგრებენ.

ულურს არ იტახს. გულს არ იტეხს, იმედს არ კარგავს, უხერხულ მდგომარეობას არ იმჩნევს.

უყელა — იხ. ყელვა.

უწადილო — უხალისო.

უხევს — შეძახილით უკან ახეუინებს.

ფ

ფალიამ აიარა — თოფის საპირწამლე აინთო, აიწვია².

ფარატინი — ნაგლეჯი, ნაფლეთი (ძველი ქსოვილისა, ქაღალდისა...).

ფარეზი — მოვლა, ხელის შეწყობა, სათუთი მოპყრობა, გაფრთხილება.

ფაფუკი — ძალიან რბილი, ნაზი.

ფახალი, ფ ა ხ ა ნ ი — შიში.

- ფშხვი — ბერხემაღზე სიგრძივ გაკვეთილი საკლავის ნახეარი.
- ფოლი — დაჩეილი, ფთილებად დაუყოფელი მატყლი.!
- ფოშიმანი — საგონებელი.
- ფრაშ-ფრაში — დიდ ფრინველთა ფრთების ქნევა და მით გამოწვეული ხმაური.

გ

- გათიბი — ქალის ზედა ტანსაცმელი, ბეწვმოვლებული.
- გარის ამოღება — მცირე ხანს შესვენება.!
- გარჩი — ცალპირი წერაქვი, ბრტყელი პირი აქვს (თ. რ.).
- გაფარი — აშარი (თ. რ.).
- გეხვა — მღიღარი (თ. რ.).
- გერქეპელა — ქერცლი.
- გეჟულაობენ — იქეჟებიან.
- გოთობა — ხმაური.
- გოშიმანი — უოყმანი, მოუსვენრობა.!
- გურცინა -- თრითინა, ცყვი.
- გურწითელი — ლოყაწითელი, გვერდებწითელი (ვაშლი და მისთ.).
- გუჩი — მთის წერილღეროიანი წმინდა ბალახი. ქუჩის ეძახიან აგრეთვე თაემეხვეული კომბოსტოს ფოთლებს შორის დარჩენილ ღია ადგილს.!

დ

- დაზლი — მატყლის მსხვილი ძაფი.
- დარადე — მძივისებურად ძაფზე, ბაწარზე ასხმული ხილეული ან სამკაული.!
- დელატუნა — მწერია ერთგვარი.
- დერღვა — დაკბენა.!
- დირღტი — გულმოდგინე შინჯვა, ჩხრეკა.!
- დიჭიანი — ეკლით შემოსილი მაღალი მცოცავი ბუჩქით დაფარული ადგილი.
- დვინჭილა — მძივისებურად ძაფზე აცმული ნიჟარა, ფოლაქი, რომელსაც ცრურწმენის მიზეზით, ადამიანი, პირუტყვი უნდა დაეცვა ავი თვალისაგან.!
- დლანჭი — კლანჭი.
- დოლო — ახლად გაღიებული მცენარის თესლი.!
- დოჟი — მიწის ზეით გამოტანილი ფესვები (სიშინდისა და მისთ.).

ე

- ეადრი — ფასი, ღირებულება, დაფასება, მნიშვნელობა.
- ეანაჭრია — კალია.

ყანდი — სიღამაღე, დამპალი ადგილი.
 ყარტან-ყურტანი — უხეირო, ნაყარ-ნეყარი, ცუდ-შადი.
 ყაუვა — ტანის, სხეულის უღამაზოდ მალა აზიდვა, აწევა, გაზნეჟა.¹
 იხ. წამოყაყეება.
 ყაჩირი — მტაცებელი ფრინველია ერთგვარი.
 ყეყარი — ორი უღელი ხარ-კამეჩი.
 ყელვა — გზის გადაქრა, წინ დახვედრა.¹
 ყველიერი — ერთგვარი მტაცებელი ფრინველი.
 ყვინტყვინტი — იხ. ყრუნტ-ყრუნტი.
 ყინტორა — თეროსა ჰგავს, მხოლოდ უფრო ტუბილია (თ. რ.).
 ყოუვი — ჩიყვი.
 ყლუნტი — ყლუპი, ყლაპი.
 ყომრალი — მუქი, ნაცრისფერი.
 ყრანჟა — ყანყარტო.
 ყრუნტ-ყრუნტი — ყვაეთა, წეროთა და მისთანათა ხშიანობა.
 ყურშელა — ყ უ რ ბ ე ლ — ერთგვარი მრავალფეხა მოწაბლისფრო კია,—
 ფლატი, მგლის საყარცხელა.

შ

შაზიკული — მორთული.
 შალშვი — დешоика, შთის მცენარეა, სულ ერთი მტკაველი იზრდება
 და ტუბილ ნაყოფს ისხამს. მწიფე კერინჩხსა ჰგავს ფერით, მა-
 რიაშობის (ავგისტოს) თეეში მწიფდება. მარცვალი ხუნწის მარც-
 ლის ტოლა აქვს (თ. რ.).
 შაქსდამდგარი ყურებით — აცქვეტილი ყურებით, საჩხუბრად მომარ-
 თული ყურებით
 შეკვეთილი-შემკვიდრებული — ძალიან შეჩვეული, დაახლოებული.¹
 შიმელა — ანალი მოზარდი ხე (თ. რ.).
 შეპაჟიკება — შეხეევა, შეკერა.¹
 შოლტა — ბანალგაცილი, მელოტი გულა (თ. რ.).
 შუნი — ღელალი ჭიხვი.
 შურთხი — შთის ინდაურია (თ. რ.).

ჩ

ჩადუნა — გვიმრის ერთ-ერთი სახეობა.
 ჩაიყვა — დახუკვა, მოკუტევა (თვალისა).
 ჩალუკლუკება — ხმატკბილად ბასი, ჟღერტული.¹
 ჩამოკანტურება — უშნოდ ჩამოკიდება.¹
 ჩამუჟუჟება — იხ. მუჟუჟი.
 ჩაძირდება — ჩაივლის (თ. რ.).

ჩაბრიალა — პატარა ჩანჩქერი.

ჩიკორი — ბზრიალა — ბავშვების სათამაშო, ძაბრის მოყვანილობისა, რომელიც ვერტიკალურ მდგომარეობაში მყოფი სწრაფად ბრუნავს, ტრიალებს.

ჩირთი — ახლად რომ ფოთოლი იშლება, ტყე რომ მწვანედ შებზინდება. (თ. რ.).

ჩიხმეიდან — გამოდით მოედანზე.²

ჩილუტე — არამკერავე, მოშვებულო, ღუნე.

ჩოდარი — პირუტყვით მოვაკრე.

ჩორბი — სირბილით ჩადის, სწრაფად მიედინება ქვევითყენ.

ჩული — თოფის ბუღე.

ჩხვერვა — ჩხვლეტა, რქენა, რჩოლა.¹

ც

ცასწავალა — ტოროლა.

ცერცველა — ბალახოვანი მცენარე პარკოსანთა ოჯახისა, იზრდება პურის ნათესებში, სათიბებში, ღობის ძირებში და ა. შ.

ცირცველი — циркуль (თ. რ.). საშუალო სიმაღლის ხე ვარდისებრთა ოჯახისა, აქვს კენტი. ფრთისებრი რთული ფოთლები, ქალვის მსგავსად შეკრებილი თეთრი ყვავილები, კაშკაშა წითელი, მწკლარტე ნაყოფი (ყინვანაკარე — იჭმება), გავრცელებულია მთის ტყეებში.

ციცაგი — მოწმენდილი, უღრუბლო.¹

ძ

ძირხენა — ფართეფოთლიანი ბალახოვანი მცენარე. აქვს წითელი ძურწაყვავილი. მისი ფესვი, ნორჩი ღერო და ფოთლები პირუტყვი-სათვის ყუთთან საკვებს წარმოადგენს.¹

ძურწა — ძირხენის ყვავილი.¹

წ

წალო — კედელში დატანებული უჯარო განჯინა ლოგინის შესანახად.

წამოიყაყვება — წამოიწევა, წამოიზიდება. იხ. ყაყვა.

წამოყუნჭალავენა — წამოყირავენა (თ. რ.).

წბილა — წვრილი და გრძელი ღერო უპირატესად მარცვლოვანთა და ისლისებრთა ოჯახის წარმომადგენლებისა.

წენგო — კაკლის ხის ნაყოფის გარეთა გარსი მომწვანო ფერისა, მის ნაყენს ყავისფერ საღებავად იყენებენ.

წივა — მსხვილფეხა რქოსანი პირუტყვის ნეხვი, კვერებად ან ბირკეტებად გამხმარი (უტყუო მხარეებში საწვავად იხმარება).

წილება — იხ. იწილება.

წიფლიანი — წიფლნარი (თ. რ.).

წიწანი — პატარა ხის ქამი, ბაღია (თ. რ.).

წნორი — ტირიფის ერთ-ერთი გავრცელებული სახეობა, — დაბალი ან

საშუალო სიმაღლის ხე. იზრდება მდინარეების, არხებისა და რუების ნაპირებზე.

წოპი — წვეტიანი, წოწოლა, წოპ-წოპა.

წუხა — პატარა ჩიტი, ბუდობს ქაობიან ადგილას.

წყანწყარა — გრძელბოლოიანი მონაცრისფრო ჩიტი: ხეებზე, რუებზე იცის: დახტის და ბოლოს აქანქარებს, ატოკებს.

ჟ

ჯარი — განაძრობი კანი (გველისა, აგრეთვე ფრინველის ფეხისა).

ჯდული — კლდით (ფიცარზე ამოტეფრებით, ფიგურებით) აშენებული ხის სახლი.

ქილი — ტენიან (ქაობიან) ადგილებში გაერცლებული მრავალწლოვანი ბალახოვანი მცენარე, ხმარობენ ქილობების, ქედებისა და სხვათა მოსაქსოვად.

ქიუხი — შიშველი, წვეტებიანი კლდე.

ქირხლი — მცენარეებსა და სხვა საგნებზე წიწყივით შეყინული ორთქლი.

ქოგრიტი — ღურბინდი. „შორსმკერეტელი მინის იარაღი“ (თ. რ.).

ქროლება — იხ. იჭროლება.

ქვეენვა — გულდასმით დათვალიერება, დასწერვა.

ხ

ხაეიწი — გამდნარ ერბოში ახელილი ფქვილი. იყენებენ ძირითადად ქაღის გულად.

ხათხათი — ხმაური.

ხაშუშ-ხაშუშ — ხანგამოშვებით, დროდადრო, ნაწყვეტ-ნაწყვეტ.

ხაფვრა — დაკაეება, დაქერა (გზისა), დაბანდება (ქურკლისა).

ხაჩანა — ცუდად ნაქსოვი უხეში შალი.

ხილარი — ახალი ფიკები თაფლით სავსე (თ. რ.).

ხირება — ყოუნა, დგომა.

ხირიმი — (ყირიმე) საუკეთესო თოფად ითვლება ქართულ თოფებში, ყელი ოქროთი აქვს მოზარნაშული (თ. რ.).

ხლაქანა — გრეხა, კლაქანა.

ხოკერა, — ხოკერი — კარის მავარი პატარა ქურკელი ხის ქერქისა.

ხრაშა-ხრუში — ხრეშზე ან გაყინულ ფხვიერ თოვლზე სიარულით გამოწვეული ხმიანობა.

ხრუნწუნი — ყურე-კუნჭული (სახლისა, ეზოსი...) სამყოფი.

ბუნბუნი — ახლად ფეხადგმულის რბენა.

ბუშური — მომსხო.

ზ

ჯიქანი — ცური.

ჯინჯილა — ქერის პური.

ჯოყარი — გამხმარი ღერო მაღალი, მსხვილღეროიანი ბალახისა, მზესუმ-
ზირასი და მისთ.

ჯულღრა — ვისაც სახე დამახინჯებული (დაკრილი, ნაყვავილარი...) აქვს.

აქულურეზი — აფუქეზი, ამახინჯეზი.

ბ

ბლოშავი — იხ. ლოშვა.

ბხაფრაეხ — იხ. ხაფრა.

ს ა რ რ ე ვ ი

ავტობიოგრაფია	5
მონადირე	13
წყალი მოვიპარეთ	23
ხავსი	28
ნაკადული	32
რა მოუვიდა სიმსუნავით ბაცკა ბატკანს	36
გაზაფხულის სენი	42
როგორ გაჩნდნენ ხობბები	47
ბუს ფეხი	54
მომგებოანი საქმე	67
ცასწავლამ როგორ მოიხვეკა სახელი	72
მიხო და შწანე კალა	79
სანთელი	89
ქრიქინა	98
მუხა გაზაფხულზე	105
მკეეხარა პაელია	111
მოელენ! მოელენ!	120
გულადი შამლაყინწას ამბავი	129
მოარული ქუდი	139
შერიგდნენ	145
პირველი საშოკარი	150
რძლებს თინას და ფეტეს დილის ძილი უყვარდათ	158
ზღაპარი ღორისა, მისი ხუთი გოქისა და მგლისა	165
ბეკეკასი და მელიას ამბავი	170
ერთი ციყვის თავგადასავალი	194
„მეც გავძებ და ჩემი სტუმარიცაო“	188
ძაღლის კეჟა	192
სამქედლოში	196
ქორის ბახალა	203
ერთი თავხედი თავეის ამბავი	210
როგორ მოიშორა ხველა-სურდო ბიძინამ	214
გულკეთილი ლოკოკინა	218
შენიშვნები	224
ლექსიკონი	228

БИБЛИОТЕКА ГРУЗИНСКОМ
ДЕТСКОЙ ЛИТЕРАТУРЫ

Тедо Разикашвили
СОБРАНИЕ СОЧИНЕНИЙ

Т О М II
Р а с с к а з ы

(На грузинском языке)
Детиздат Грузинской ССР
«Накадули»
Тбилиси
1972

რედაქტორი ლ. გოგონია, მხატვარი
ი. დენოგორცევა-გრიგოლია, მხატვრული
რედაქტორი შ. დოლიძე, ტექნიკური რე-
დაქტორი ბ. ასათიანი, კონტროლიორ-
კორექტორი ლ. სულთანიშვილი, კორექ-
ტორი თ. ენდელაძე, გამომშვები ც. ზაზა-
შვილი

ხელმოწერილია დასაბეჭდად 27/XI-71 წ.
ქალაქის ზომა 60×84¹/₁₆, ნაბეჭდი თა-
ბახი 14,18, სააღრიცხვო-საგამომცემლო
თაბახი 10, 56 ტირ. 20 000, შეკე. 6366
ფასი მაგარ გარეკანში 86 კაპ.,
რბილში — 65 კაპ.

გამომცემლობა „ნაკადული“, თბილისი,
მარჯანიშვილის ქ. № 5

Издательство «Накадули», Тбилиси,
ул. Марджанишвили № 5

საქართველოს სსრ მინისტრთა საბჭოს
ბეჭდვითი სიტყვის სახელმწიფო კომიტე-
ტის მთავარპოლიგრაფიკულ-საბეჭდო-
ბის სტამბა № 2, „ნაკადული“, ფურცელაძის ქ., 5
Типография № 2, «Накадули», Глав-
полиграфпрома Государственного Ко-
митета Совета Министров Грузин-
ской ССР по печати, Тбилиси,
ул. Пурцеладзе № 5